

182° ৬৬ ৪৭১° ২ V. 9

~~182. ৬৬. ৪৭১. ৬~~

# জন্মভূমি।

নবম ভাগ—নবম বর্ষ।

( ১৩০৭ সালের শ্রাবণ হইতে ১৩০৮ সালের আষাঢ় মাস  
পর্যন্ত দ্বাদশ সংখ্যা সম্পূর্ণ। )

*Sample*

কলিকাতা,—৩৯ নং মাণিকবস্তুর ঘাট ষ্ট্রীট,

“জন্মভূমি কার্যালয়” হইতে

শ্রীনরেন্দ্রনাথ দত্ত কর্তৃক প্রকাশিত।



(5)

কলিকাতা ;

৩৩৬ নং অপার চিৎপুর রোড, ‘চৈতন্যপ্রেসে’

শ্রীনীলমণি ধর দ্বারা মুদ্রিত।

সন ১৩০৮ সাল।

বার্ষিক মূল্য ১।।০ দেড় টাকা। ]

[ ডাকমাণ্ডল ১০ ছয় আনা। ]





## সূচীপত্র ।

সংখ্যা	বিষয়	লেখক	পত্রাঙ্ক ।
১।	অতৃপ্তি ( কবিতা )	শ্রীযুক্ত হরিশ্চন্দ্র নিয়োগী কবিরত্ন	১৮৭
২।	অনুপমা ( গল্প )	" পাঁচকড়ি বন্দ্যোপাধ্যায় বি-এ, ১৩৭	
৩।	অঁধার মাণিক ( কবিতা )	" শ্রীশচন্দ্র দে	১৫৯
৪।	আর্য্য-জাতির পশু চিকিৎসা	ব্রজবল্লভ কাব্য তীর্থ কাব্যকণ্ঠ বিশারদ	২১৭
৫।	আরতি ( কবিতা )		২৮৭
৬।	আয়ুর্বেদে দোষত্রয়	" অঘোরনাথ শাস্ত্রী	২৯১
৭।	উমা ( সমালোচনা )	" যত্ননাথ চক্রবর্তী বি-এ, ৩৪৫, ৩৬৬	
৮।	এ নহেঁ সাধনা ( কবিতা )	" বিহারীলাল রায় বি, এ,	১৫১
৯।	কবিকেশরী	" দ্বিজেন্দ্রনাথ বসু ১৩৩, ১৮৪, ২৭৫, ৩৩৪, ৩৭৩	
১০।	কালোয় মণি ( কবিতা )	" চারুচন্দ্র বন্দ্যোপাধ্যায়	৩২৮
১১।	কাদম্বিনী ( গল্প )	" ভুবনচন্দ্র মুখোপাধ্যায়	৩৫৬
১২।	কাল ও আজ ( কবিতা )	" কালিদাস চক্রবর্তী	১৫০
১৩।	কালিন্দী ( গল্প )	" পাঁচকড়ি বন্দ্যোপাধ্যায় বি-এ, ৭০	
১৪।	কিন্তুত-কিমাংকার ( নক্সা )	" লক্ষ্মীনারায়ণ চক্রবর্তী ৫৩, ২৫০	
১৫।	কোন কাজ নাই ( কবিতা )	" দ্বিজেন্দ্রনাথ নিয়োগী বি-এ, ১২৩	
১৬।	গীত	" সুরেশচন্দ্র সরকার এম-এ, ১২৩	
১৭।	গীত	" শরচ্চন্দ্র চক্রবর্তী বি-এ, ৩৫১	
১৮।	গোকুলে শ্রীকৃষ্ণ	" ভুবনচন্দ্র মুখোপাধ্যায় ১১২, ১৪৪	
১৯।	গোবিন্দচন্দ্র চক্রবর্তী	" মহেন্দ্রনাথ বিজ্ঞানিধি ২০২, ২৬০, ২৯৬,	
২০।	চিতোর	" রাজকৃষ্ণ পাল	১১৫
২১।	চিন্তা ( কবিতা )	" ভুবনকৃষ্ণ মিত্র	১২৫
২২।	ছায়াসতী ( উপন্যাস )	" মহেন্দ্রনাথ দত্ত বি, এ, ৩৯, ১২১, ১৪৮, ২১৫, ২৮৩, ৩২৬	

সংখ্যা	বিষয়	লেখক	পত্রাঙ্ক ।
২৩।	জননী	শ্রীযুক্ত সম্পাদক	৩১
২৪।	টাকা ( কবিতা )	ভুবনকৃষ্ণ মিত্র	২২০
২৫।	ত্রিভু—দেবত্বে ও কবিত্বে	মহেন্দ্রনাথ বিজ্ঞানিধি	৪২
২৬।	তুমি ( কবিতা )	কালিদাস চক্রবর্তী	২২৩
২৭।	তুমি কি ?	দ্বিজেন্দ্রনাথ নিয়োগী বি-এ,	৩২
২৮।	তোতাপাখি ( গল্প )	ভুবনচন্দ্র মুখোপাধ্যায়	২৬৭
২৯।	দীনের ছর্গোৎসব	জয়চন্দ্র সিদ্ধান্তভূষণ	৯০
৩০।	ছঃখ	পাঁচকড়ি বন্দোপাধ্যায়বি-এ,	২৬
৩১।	দোপাটী ( গল্প )	ঐ	৩১০, ৩২৩
৩২।	নভেলের নারিক	ভুবনচন্দ্র মুখোপাধ্যায়	৩৪২
৩৩।	নরকদর্শন ( গল্প )	যতীন্দ্রনাথ দত্ত	২৪৩
৩৪।	নিধিরামের ছর্গোৎসব ✓	ভুবনচন্দ্র মুখোপাধ্যায়	৮১
৩৫।	পার্কতাপদাবলী	কালিদাস নাথ	৭৭
৩৬।	প্রস্তাবনা	সম্পাদক	১
৩৭।	ফুলকুমারী ( গল্প )	পাঁচকড়ি বন্দো বি-এ,	১০০
৩৮।	বর্ষা ( কবিতা )	কালিদাস চক্রবর্তী	১১
৩৯।	বসন্ত এবং প্লেগের গো বসন্ত- বীজের টীকার উপকারীতা } বীজের টীকার উপকারীতা	হেমচন্দ্র সেন এম, ডি,	২৪৬
৪০।	বসন্ত-বাহার ( কবিতা )	কালীপদ মুখো বি, এ,	৩০২
৪১।	ব্রহ্মোপাসনা কি ?	জয়চন্দ্রসিদ্ধান্ত ভূষণ	২২
৪২।	বাঙ্গালাভাষার লেখক	হারাগচন্দ্র রক্ষিত ৬০, ৮৮, ১১৯, ১৮১, ১৯১২, ১৯৮১, ৩৩৫, ৩৭৬	
৪৩।	বাঙ্গালা সংবাদ-পত্রের ইতিহাস	মহেন্দ্রনাথ বিজ্ঞানিধি ৬৫, ১০৭	
৪৪।	বিক্রম কাহাকে বলে ?	সম্পাদক	২৮৯
৪৫।	বিজয়া	কৈলাসচন্দ্র বিজ্ঞানভূষণ এম, এ, ৯	
৪৬।	বেলুনে যুদ্ধ	জলধর সেন	১৭, ৩৩৯
৪৭।	ভক্তি	ক্ষীরোদকুমার দত্তএম-বি, ২৫৭	
৪৮।	ভট্ট মোক্ষমুলর	অঘোরনাথ শাস্ত্রী	১৫২
৪৯।	ভারত সারস্বত	জয়চন্দ্রসিদ্ধান্ত ভূষণ	৩২১

সংখ্যা	বিষয়	লেখক	পত্রাঙ্ক ।
৫০।	ভাল কিলো বাসিতে জাননা ?	শ্রীযুক্ত কালীপদ মুখো বি-এ,	৮
৫১।	ভিক্টোরিয়া জীবনী-প্রসঙ্গ	” যত্নাথ চক্রবর্তী বি, এ,	২২৫
৫২।	মধুকান	” কালীপদ মুখো বি-এ,	১৬৬
৫৩।	মনোরমা ( গল্প )	” পাঁচকড়ি বন্দ্যো বি, এ,	১৭২
৫৪।	মহানন্দ গজনবী	” মহেন্দ্রনাথ বিদ্যানিধি	১৬১
৫৫।	মুক্তি	” নীলকান্ত গোস্বামী ১২৯, ১৯৮	
৫৬।	মৃত্যু ( কবিতা )	” শরচ্চন্দ্র চক্রবর্তী বি, এ,	২৬৫
৫৭।	মেডিকেল কলেজ	” অঘোরনাথ শাস্ত্রী	৩৩১
৫৮।	৩রজনীকান্ত গুপ্ত	” যোগেন্দ্রনাথ চট্টোপাধ্যায়	১২
৫৯।	শকুন্তলা	” দেবেশ্বর মুখোপাধ্যায় ২০৯,	
			৩২৯, ৩৬২,
৬০।	শরৎ ( কবিতা )	” কালিদাস চক্রবর্তী	১২৭
৬১।	সমালোচনা	সম্পাদক ১২৭, ১৬০, ১৯২,	
			২৮৭, ৩৫৩,
৬২।	“সরস্বতী” স্রোতস্বতী	” মহেন্দ্রনাথ বিদ্যানিধি	৩৫৩
৬৩।	সংঘম	” ঐ ঐ	২
৬৪।	সুর ( কবিতা )	শ্রীমতী নগেন্দ্রবালা সরস্বতী	১৮৩
৬৫।	হায় মা ভিক্টোরিয়া	শ্রীযুক্ত ভুবনচন্দ্র মুখোপাধ্যায়	১৯৩
৬৬।	হিন্দু বিবাহ পদ্ধতি	” পাঁচকড়ি বন্দ্যো বি, এ,	১৩৩
৬৭।	হৃদরোচ্ছ্বাস—শোক	” কৃষ্ণগোপাল ভট্ট	৩৭২
৬৮।	হোলী ( কবিতা )	” ভুবনচন্দ্র মুখোপাধ্যায়	১১৬

সূচীপত্র সমাপ্ত ।



182° ৭৬ ৪৭১° ২ V. 9

~~182. ৭৬. ৪৭১. ৬~~

# জন্মভূমি।

নবম ভাগ—নবম বর্ষ।

( ১৩০৭ সালের শ্রাবণ হইতে ১৩০৮ সালের আষাঢ় মাস  
পর্যন্ত দ্বাদশ সংখ্যা সম্পূর্ণ। )

*Sample*

কলিকাতা,—৩৯ নং মাণিকবস্তুর ঘাট ষ্ট্রীট,

“জন্মভূমি কার্যালয়” হইতে

শ্রীনরেন্দ্রনাথ দত্ত কর্তৃক প্রকাশিত।



(5)

কলিকাতা ;

৩৩৬ নং অপার চিৎপুর রোড, ‘চৈতন্যপ্রেসে’

শ্রীনীলমণি ধর দ্বারা মুদ্রিত।

সন ১৩০৮ সাল।

বার্ষিক মূল্য ১।।০ দেড় টাকা। ]

[ ডাকমাণ্ডল ১০ ছয় আনা। ]









## সূচীপত্র ।

সংখ্যা	বিষয়	লেখক	পত্রাঙ্ক ।
১।	অতৃপ্তি ( কবিতা )	শ্রীযুক্ত হরিশচন্দ্র নিয়োগী কবিরত্ন	১৮৭
২।	অনুপমা ( গল্প )	" পাঁচকড়ি বন্দ্যোপাধ্যায় বি-এ, ১৩৭	
৩।	অঁধার মাণিক ( কবিতা )	" শ্রীশচন্দ্র দে	১৫৯
৪।	আর্য্য-জাতির পশু চিকিৎসা	{ ব্রজবল্লভ কাব্য তীর্থ কাব্যকণ্ঠ বিশারদ	২১৭
৫।	আরতি ( কবিতা )	" চারুচন্দ্র বন্দ্যোপাধ্যায়	২৮৭
৬।	আয়ুর্বেদে দোষত্রয়	" অঘোরনাথ শাস্ত্রী	২৯১
৭।	উমা ( সমালোচনা )	" যত্ননাথ চক্রবর্তী বি-এ, ৩৪৫, ৩৬৬	
৮।	এ নহেঁ সাধনা ( কবিতা )	" বিহারীলাল রায় বি, এ,	১৫১
৯।	কবিকেশরী	" দ্বিজেন্দ্রনাথ বসু ১৩৩, ১৮৪, ২৭৫, ৩৩৪, ৩৭৩	
১০।	কালোয় মণি ( কবিতা )	" চারুচন্দ্র বন্দ্যোপাধ্যায়	৩২৮
১১।	কাদম্বিনী ( গল্প )	" ভুবনচন্দ্র মুখোপাধ্যায়	৩৫৬
১২।	কাল ও আজ ( কবিতা )	" কালিদাস চক্রবর্তী	১৫০
১৩।	কালিন্দী ( গল্প )	" পাঁচকড়ি বন্দ্যোপাধ্যায় বি-এ, ৭০	
১৪।	কিন্তুত-কিমাংকার ( নক্সা )	" লক্ষ্মীনারায়ণ চক্রবর্তী ৫৩, ২৫০	
১৫।	কোন কাজ নাই ( কবিতা )	" দ্বিজেন্দ্রনাথ নিয়োগী বি-এ, ১২৩	
১৬।	গীত	" সুরেশচন্দ্র সরকার এম-এ, ১২৩	
১৭।	গীত	" শরচ্চন্দ্র চক্রবর্তী বি-এ, ৩৫১	
১৮।	গোকুলে শ্রীকৃষ্ণ	" ভুবনচন্দ্র মুখোপাধ্যায় ১১২, ১৪৪	
১৯।	গোবিন্দচন্দ্র চক্রবর্তী	" মহেন্দ্রনাথ বিজ্ঞানিধি ২০২, ২৬০, ২৯৬,	
২০।	চিতোর	" রাজকৃষ্ণ পাল	১১৫
২১।	চিন্তা ( কবিতা )	" ভুবনকৃষ্ণ মিত্র	১২৫
২২।	ছায়াসতী ( উপন্যাস )	" মহেন্দ্রনাথ দত্ত বি, এ, ৩৯, ১২১, ১৪৮, ২১৫, ২৮৩, ৩২৬	

সংখ্যা	বিষয়	লেখক	পত্রাঙ্ক ।
২৩।	জননী	শ্রীযুক্ত সম্পাদক	৩১
২৪।	টাকা ( কবিতা )	ভুবনকৃষ্ণ মিত্র	২২০
২৫।	ত্রিভু—দেবত্বে ও কবিত্বে	মহেন্দ্রনাথ বিজ্ঞানিধি	৪২
২৬।	তুমি ( কবিতা )	কালিদাস চক্রবর্তী	২২৩
২৭।	তুমি কি ?	দ্বিজেন্দ্রনাথ নিয়োগী বি-এ,	৩২
২৮।	তোতাপাখি ( গল্প )	ভুবনচন্দ্র মুখোপাধ্যায়	২৬৭
২৯।	দীনের ছর্গোৎসব	জয়চন্দ্র সিদ্ধান্তভূষণ	৯০
৩০।	ছঃখ	পাঁচকড়ি বন্দোপাধ্যায়বি-এ,	২৬
৩১।	দোপাটী ( গল্প )	ঐ	৩১০, ৩২৩
৩২।	নভেলের নারিক	ভুবনচন্দ্র মুখোপাধ্যায়	৩৪২
৩৩।	নরকদর্শন ( গল্প )	যতীন্দ্রনাথ দত্ত	২৪৩
৩৪।	নিধিরামের ছর্গোৎসব ✓	ভুবনচন্দ্র মুখোপাধ্যায়	৮১
৩৫।	পার্কতাপদাবলী	কালিদাস নাথ	৭৭
৩৬।	প্রস্তাবনা	সম্পাদক	১
৩৭।	ফুলকুমারী ( গল্প )	পাঁচকড়ি বন্দো বি-এ,	১০০
৩৮।	বর্ষা ( কবিতা )	কালিদাস চক্রবর্তী	১১
৩৯।	বসন্ত এবং প্লেগের গো বসন্ত- বীজের টীকার উপকারীতা } বীজের টীকার উপকারীতা	হেমচন্দ্র সেন এম, ডি,	২৪৬
৪০।	বসন্ত-বাহার ( কবিতা )	কালীপদ মুখো বি, এ,	৩০২
৪১।	ব্রহ্মোপাসনা কি ?	জয়চন্দ্রসিদ্ধান্ত ভূষণ	২২
৪২।	বাঙ্গালাভাষার লেখক	হারাগচন্দ্র রক্ষিত ৬০, ৮৮, ১১৯, ১৮১, ১৯১২, ১৯৮১, ৩৩৫, ৩৭৬	
৪৩।	বাঙ্গালা সংবাদ-পত্রের ইতিহাস	মহেন্দ্রনাথ বিজ্ঞানিধি ৬৫, ১০৭	
৪৪।	বিক্রম কাহাকে বলে ?	সম্পাদক	২৮৯
৪৫।	বিজয়া	কৈলাসচন্দ্র বিজ্ঞানভূষণ এম, এ, ৯	
৪৬।	বেলুনে যুদ্ধ	জলধর সেন	১৭, ৩৩৯
৪৭।	ভক্তি	ক্ষীরোদকুমার দত্তএম-বি, ২৫৭	
৪৮।	ভট্ট মোক্ষমুলর	অঘোরনাথ শাস্ত্রী	১৫২
৪৯।	ভারত সারস্বত	জয়চন্দ্রসিদ্ধান্ত ভূষণ	৩২১



সংখ্যা	বিষয়	লেখক	পত্রাঙ্ক ।
৫০।	ভাল কিলো বাসিতে জাননা ?	শ্রীযুক্ত কালীপদ মুখো বি-এ,	৮
৫১।	ভিক্টোরিয়া জীবনী-প্রসঙ্গ	” যত্নাথ চক্রবর্তী বি, এ,	২২৫
৫২।	মধুকান	” কালীপদ মুখো বি-এ,	১৬৬
৫৩।	মনোরমা ( গল্প )	” পাঁচকড়ি বন্দ্যো বি, এ,	১৭২
৫৪।	মহানন্দ গজনবী	” মহেন্দ্রনাথ বিদ্যানিধি	১৬১
৫৫।	মুক্তি	” নীলকান্ত গোস্বামী ১২৯, ১৯৮	
৫৬।	মৃত্যু ( কবিতা )	” শরচ্চন্দ্র চক্রবর্তী বি, এ,	২৬৫
৫৭।	মেডিকেল কলেজ	” অঘোরনাথ শাস্ত্রী	৩৩১
৫৮।	৩রজনীকান্ত গুপ্ত	” যোগেন্দ্রনাথ চট্টোপাধ্যায়	১২
৫৯।	শকুন্তলা	” দেবেশ্বর মুখোপাধ্যায় ২০৯,	
			৩২৯, ৩৬২,
৬০।	শরৎ ( কবিতা )	” কালিদাস চক্রবর্তী	১২৭
৬১।	সমালোচনা	সম্পাদক ১২৭, ১৬০, ১৯২,	
			২৮৭, ৩৫৩,
৬২।	“সরস্বতী” স্রোতস্বতী	” মহেন্দ্রনাথ বিদ্যানিধি	৩৫৩
৬৩।	সংঘম	” ঐ ঐ	২
৬৪।	সুর ( কবিতা )	শ্রীমতী নগেন্দ্রবালা সরস্বতী	১৮৩
৬৫।	হায় মা ভিক্টোরিয়া	শ্রীযুক্ত ভুবনচন্দ্র মুখোপাধ্যায়	১৯৩
৬৬।	হিন্দু বিবাহ পদ্ধতি	” পাঁচকড়ি বন্দ্যো বি, এ,	১৩৩
৬৭।	হৃদরোচ্ছ্বাস—শোক	” কৃষ্ণগোপাল ভট্ট	৩৭২
৬৮।	হোলী ( কবিতা )	” ভুবনচন্দ্র মুখোপাধ্যায়	১১৬

সূচীপত্র সমাপ্ত ।





182. 96 891. 2

v. 9.

১/২ 230.

১৯২০

১২/১



# জন্মভূমি।

(সচিত্র মাসিক পত্রিকা।)

নবম বর্ষ।

}

শ্রাবণ, ১৩০৭ সাল।

}

প্রথম সংখ্যা।

## প্রস্তাবনা।

“মুকং করোতি বাচালং, পশুং লজ্জয়তে গিরিং।

যৎকৃপা স্বমহং বন্দে, পরমানন্দ মাধব ॥”

যাহার কৃপায় অন্ধের চক্ষুঃ ফোটে—মুক, বাচাল হয়,—পশু, গিরি  
লজ্জয়ন করে,—সেই অপার করুণাময় পরমেশ্বরের শ্রীচরণ স্মরণ করিয়া  
আমরা “জননী-জন্মভূমির” সেবায় নিযুক্ত হইতেছি। সর্বমঙ্গলা, আমা-  
দিগের মঙ্গল করুন।

“জন্মভূমির” নূতন পরিচয় দেওয়া আর দীপালোকে সূর্যদর্শন করা,  
একই কথা। সেই কারণে “জন্মভূমির” সম্বন্ধে কোন নূতন কথা বলা  
নিশ্চয়োজন, বলিয়া মনে করি। যে উদ্দেশ্যে ও কার্যসাধনে প্রণোদিত  
হইয়া “জন্মভূমি” বিগত ১২৯৭ সালে প্রথম প্রকাশিত হইয়াছিল, সেই  
উদ্দেশ্যেই কার্যক্ষেত্রে এই সুদীর্ঘ ৮ (আট) বৎসরকাল অক্ষুণ্ণ রাখিতে  
সমর্থ হইয়াছে,—এ গৌরব ব্যক্তিগত নহে, এ গৌরব, সমগ্র বাঙ্গালীর  
স্বজাতীয় গৌরব। বিশেষতঃ জাতীয় সাহিত্য-ভাণ্ডারে বিবিধ রত্ন সঞ্চয়  
করিয়া “জন্মভূমি” আরও বঙ্গসাহিত্যের গৌরব বৃদ্ধি করিয়াছে। এই  
সুদীর্ঘকালের মধ্যে “জন্মভূমি” কাহার বিরাগভাজন হয় নাই! “জন্মভূমি”  
কাহারও প্রতিদ্বন্দ্বিণী নহে। তথাপি বাঙ্গালীর চিরদিনের নিমিত্ত অপরা  
জাতি সাধারণের নিকট এই একটা কলঙ্ক আছে যে, যাহা আমরা আরম্ভ  
করি, তাহা আর শেষ করিতে পারি না। এই কলঙ্ক অপনোদনের জন্তই

আমরা নবানুরাগে নূতন উৎসাহে, “জননী জন্মভূমিঃ স্বর্গাদপি গরীয়সী”, সতত এই মহানীতির অনুসরণ করিয়া ধর্মপথে বিচরণ করা “জন্মভূমির” জীবনের একমাত্র ব্রত, তাহা যাহাতে অবিকৃতরূপে রাখিতে পারি, সেই বিষয়ে দৃঢ়প্রতিজ্ঞ হইয়া জগজ্জননীর শ্রীচরণে ভক্তিপুষ্পাজলি প্রদানপূর্বক নব-বর্ষের কার্যে প্রবৃত্ত হইলাম ।

## সংযম ।

ধর্ম-সাধনই, “ভক্ত-জীবনের” প্রাণ । ধার্মিক হইতে হইলে—ভগবদ্ভক্তি-পরায়ণ হওয়ার আবশ্যিকতা হইলে—‘সংযম’ প্রয়োজনীয় । সেই “সংযম” যেমন সংখ্যায় সম্যক্ অধিক, তাহার অস্তিমণ্ড, তেমনই বা তদপেক্ষাও মনোরম । আহার, বিহার, ভ্রমণ, কথোপকথন, পান, ভোজন—সর্বত্রই “সংযমের” প্রয়োজন । ভক্ষ্য-পেয়-বিষয়ের সংযমে, খাড়াখাড়া-বিচারের বিশেষ দরকার । সেই কারণেই, এখানে উহার অবতারণা ।

বিশেষ বিশেষ তিথিতে, বিশেষ বিশেষ ঋতু, কেন নিষিদ্ধ, এইখানে তাহারই আলোচনা হইতেছে ।

যজমানকে এবং তাঁহার প্রতিনিধি-স্বরূপ কৌলিক-পুরোহিতকে\* জীবনের প্রথম ভাগে—অভাবতঃ, দ্বিতীয় ভাগেও—খাড়াখাড়ের প্রতি, প্রতি-পদ-ক্ষেপেই লক্ষ্য রাখিতে হইবে ।

“কুম্ভাণ্ড-বৃহতীকৈব পটোলং মূলকং তথা ।

শ্রীফলং নিম্বপত্রঞ্চ তালঞ্চাপি তথা শিবং ॥

অলাবু-নালিকাঞ্চৈব শিঙ্গিকাং পুতিকাং তথা ।

তিলান্ মাষঞ্চ মাংসঞ্চ প্রতিপদাদিষু বর্জয়েৎ ॥”

ইহার বিশদ ব্যাখ্যা, নিম্নে সহজ প্রণালীতে প্রদত্ত হইল । যথা,—

১। প্রতিপদে—‘কুম্ভাণ্ড’ ।

২। দ্বিতীয়ায়—‘বৃহতী’ ।

\* “অগ্নি” দেবতা, যেমন দেবগণের পুরোহিত এবং প্রতিনিধি-স্থানীয়—কুলপুরোহিতও, গৃহস্থের তদ্রূপ প্রতিনিধি-স্থানীয় ।



- ৩। তৃতীয়ায়—‘পটোল’ ।  
 ৪। চতুর্থীতে—‘মূলা’ ।  
 ৫। পঞ্চমীতে—‘শ্রীফল’ ।  
 ৬। ষষ্ঠীতে—‘নিম্ব’ ।  
 ৭। সপ্তমীতে—‘তাল’ ।  
 ৮। অষ্টমীতে—‘শিব’ ( নারিকেল ) ।  
 ৯। নবমীতে—‘অলাবু’ ( লাউ ) ।  
 ১০। দশমীতে—‘নালিকা’ ( কলঙ্গী শাক ) ।  
 ১১। একাদশীতে—‘শিঘী’ ( সিম ) ।  
 ১২। দ্বাদশীতে—‘পুতিকা’ ( পুঁই ) ।  
 ১৩। ত্রয়োদশীতে—‘বার্তাকু’ ।  
 ১৪। চতুর্দশীতে—‘মাষ-কলাই’ ।  
 ১৫। { পূর্ণিমায় } —‘মাংস’ এবং ‘তৈল’ ।  
 { অমাবস্য়ায় }

কয়েকটি প্রচলিত শব্দের অর্থ, পশ্চাৎ নিবন্ধ হইতেছে। যথা,—

ক। “বৃহতী”—অর্থে ‘ছোট বেগুন’ ।

খ। “তাল” শব্দে—‘শ্বেত তাল’ ।

গ। “নিম্ব” অর্থে—নিম্ব-পত্র ; কিন্তু উহার ত্বক্ বা মূল নয় ।

উল্লিখিত তিথিতে উল্লিখিত দ্রব্য-ভোজন কেন ঋষিরা, নিবারণ করিয়াছেন,—কেবল কথায় নিষেধ নয়,—উহা ব্যবহার করিলে, কি কি দোষ ঘটে, স্মার্ত্ত গ্রন্থে ও অগ্ন্যুপনিষদে শাস্ত্রীয় গ্রন্থে, তাহারও সবিশেষ নিষেধাদেশ, অবলোকিত হয় । যথা,—

“কুস্মাণ্ডে” চার্বহানিঃ শ্রাৎ, “বৃহত্যাং” ন স্মরেদ্ধরিং ।

বহুশক্রঃ “পটোলঃ” শ্রাৎ, ধনহানিস্ত “মূলকে” ॥ ১ ॥

কলঙ্গী জায়তে “বিম্বে”, তির্থাগ্ণ্যোনিশ্চ “নিম্বকে” ।

“তালে” শরীরনাশঃ শ্রাৎ, “নারিকেলো” চ মূর্থতা ॥ ২ ॥

“তুঙ্গী” গোমাংসতুল্যা শ্রাৎ, “কলঙ্গী” গোবধাস্তিকা ।

“শিঘী” পাপকরা প্রোক্তা, “পুতিকা” ব্রহ্মঘাতিকা ॥ ৩ ॥

“বার্তাকৌ” স্তূতহানিঃ শ্রাৎ, চিররোগী চ “মাসকে” ।

মহাপাপকরং “মাংসং” প্রতিপদাদিষু বর্জয়েৎ ॥ ৪ ॥”

ইহার অর্থ এই ;—

“প্রতিপদে অর্থহানি, কুম্ভাণ্ড-ভক্ষণে ।  
 দ্বিতীয়ায় বৃহতীতে বিহীন ভোজনে ॥  
 শক্রবৃদ্ধি পটোল খাইলে তৃতীয়ায় ।  
 মূলাহায়ে চতুর্থীতে ধনহানি পায় ॥  
 পঞ্চমীতে শ্রীফলে কলঙ্ক অতিশয় ।  
 ষষ্ঠীতে খাইলে নিম্ব, পশুবোহি হয় ॥  
 তালে শরীরের নাশ সপ্তমীর যোগে ।  
 অষ্টমীতে মূর্খ হয়, নারিকেল-ভোগে ॥  
 অলাবু, গোমাংস-তুলা নবমী-তিথিতে ।  
 দশমীতে গোমাংস-সদৃশ কুলম্বীতে ॥  
 সিম্মে মহাপাপ, একাদশীর নিয়ম ।  
 দ্বাদশীতে পুঁই-শাকে, ব্রহ্মহত্যা-সম ॥  
 ত্রয়োদশী-তিথিতে, বার্ভাকু যদি খায় ।  
 সন্তানের হানি হয়, বিধানে জানায় ॥  
 চতুর্দশী-তিথির দিবসে নরগণে ।  
 চিররোগী হয়, মাষ-কলাই ভক্ষণে ॥  
 অমাবস্যা-পূর্ণিমায়, যদি খায় মাংস ।  
 পূর্ণরূপে মহানামে প্রকাশে পাপাংশ ॥

পূর্বোক্ত-রূপ নিবেদনের তাৎপর্য কি ? নিষেধাজ্ঞা, প্রগাঢ় না হইলে, তাহা, ফলবতী হয় না বলিয়াই, ঐ ব্যবস্থা, ঋষিগণ কর্তৃক পরিকল্পিত ।

ফলতঃ, প্রতিপদে কুম্ভাণ্ডভোজন দোষাবহ ; দ্বিতীয়ায় বৃহতী ভক্ষণ করিতে নাই—ইত্যাদি-স্থলে নিষেধানুমতি, বৈজ্ঞানিক ও আধ্যাত্মিক মতের উপর নির্ভর করিতেছে । শ্রুতর্ষি চিকিৎসা-বিজ্ঞান-বিৎ চরক-মুনিও, ভক্ষ্য-পরি-বর্তন-কারিণী ব্যবস্থায় সায় দিয়াছেন । তিনি বলিয়াছেন,—অমুক অমুক দ্রব্য, সর্বদা খাণ্ডরূপে ব্যবহার করা অবিধেয় । যথা,—

“কৃচ্চিকাংশ্চ কিলটাংশ্চ, শোকরং গব্যমামিষং ।  
 মৎশ্রান্ দধি চ মাংসংশ্চ ববকাংশ্চ ন শীলয়েৎ ॥”

—চরক, সূত্রস্থানং, ৫ম অধ্যায় ।

ইহার বাঙ্গালায় অর্থ এইরূপ,—

ছানা, ঘনীভূত দুগ্ধ, শূকর মাংস, গো-মাংস, মৎস্য, দধি, মাষ-কলাই, কুলথ কলাই—এই সকল প্রতিনিয়ত ব্যবহার করা অ-বিধি ।

এতদ্ব্যতীত অন্তরূপ খাদ্যও, সদাই বর্জনীয় । চরক-মুনি, মাষ-কলাইকে অনিয়মিত ভক্ষ্যের অন্তর্গত করিয়াছেন । স্মৃতি-কর্তারাও, শুক্র ও কৃষ্ণ উভয়-পক্ষের চতুর্দশীতেও, উহার ব্যবহার নিবারণ করিয়াছেন । সুতরাং, তাঁহাদের মতে মাস-মধ্যে দ্বি-বার, উহা অব্যবহার্য্য হইতেছে । অতএব মাষ-কলাই যে, নিয়মিত খাদ্যের অন্তর্নিবিষ্ট হইতে পারে না, তাহা, চিকিৎসা-শাস্ত্রীয় ও স্মৃতিশাস্ত্রীয়—এই উভয় মতেই প্রতিপন্ন করিয়া দিয়াছে ।

হিন্দুর ধর্মতত্ত্বের মর্মে প্রবিষ্ট হইতে হইলে, বিধর্মীরা, তাহাতে কৃতাবসর হইতে পারেন না । কেবল আহার কেন?—পরিচ্ছদ, চিত্তবৃত্তি, প্রকৃতিও হিন্দুর মত না হইলে, হিন্দুধর্ম-মর্মের মনোমত ফল পাইবার আশা কোথায় ?

এখানে এই প্রশ্ন উত্থাপিত হওয়া অসম্ভব নয় যে, স্মৃতিকারগণের নিবেদিত খাদ্য-দ্রব্য-গুলির তালিকা ( মাষকলাই ভিন্ন ), তো চরকীয় ঐ বচনে ধৃত হয় নাই ! এই প্রশ্নের মীমাংসার গুরুতর মস্তিষ্ক-সঞ্চালনের আবশ্যকতা কি ? উভয় স্থলেই, একই যুক্তি, একই উদ্দেশ্যে কার্য্য করিতেছে । প্রত্যহ এক প্রকার আহাৰ্য্য গ্রহণে উপকার কোথায় ? তাহাতে বরং অপকারেরই সম্পূর্ণ অস্তিত্ব । উহাতে চিত্তবিকার সংঘটন হওয়া সম্ভব । যাহারা মনস্বত্ত্ব-বিজ্ঞাধ্যায়ী, তাঁহারা এই কথা বোঝেন । এস্থলে অনুধাবন করিলে প্রতীতি জন্মিবে, স্মৃতি-সংহিতার উদ্দেশ্যই এই যে, ভোজ্য-দ্রব্যের নিত্য-পরিবর্তন, একান্তই আবশ্যক ও কর্তব্য । যে মধু, এত স্মৃষ্টি ও মুখরোচক,—নিত্য-ব্যবহারে তাহারও যেন স্বাদুতা কমিয়া যায় । ক্রমে তাহাতেও, অরুচি ও অপ্রবৃত্তি জন্মে । কিছু দিন উপযু্যপরি ক্ষীর-ভোজন বা দুগ্ধপান বন্ধ হইবার পরে পুনরায় পরবর্তী কালে সেই দুগ্ধের কতই মিষ্টতা, কতই স্বাদুতা, কতই মনোহারিতা উপলব্ধি হয় ও তৎসঙ্গেই তাহাতে কি অপরূপ তৃপ্তি জন্মে ! যাহাতে দেহের স্ফূর্তি-বিধান না করে, তদ্যবহারে ফলোদয় তো নাই ; বরং আধি-সম্ভাবনা । না হয়, ব্যাধি-সংঘটনেরও কথা বটে । ‘ব্যাধি’ অর্থাৎ দৈহিক পীড়া । ‘আধি’ অর্থে মানসিক রোগ । ঐরূপ

আয়ুর্বেদাচার্য্য মহামুনি চরক, যে যে পদার্থ, নিত্য আহারীয় বলিয়া উল্লেখ করিয়াছেন, তাহার সহিত স্মার্তগণের নিষেধামুক্তায় মূলতঃ কোনই বৈলক্ষণ্য নাই ।

“ষষ্ঠিকান্ শালি-মুদগাংশ্চ সৈন্ধবামলকে যবান্ ।

আন্তরীক্ষং পয়ঃ সপির্জাঙ্গলং মধু চাভ্যসেৎ ॥”

—চরক, সূত্রস্থানং, ৫ম অধ্যায় ।

উহার তাৎপর্য্যার্থ এই,—

ষষ্ঠি-ধান্ত (ষেটি ধাত্ত), শালি-ধান্ত, মুগ-কলাই, সৈন্ধব-লবণ, আমলকী-ফল, যব, আকাশ-নিপতিত নীর, ঘৃত, বহু-মধু—এ গুলি নিয়ত ব্যবহার্য্য ।

স্মৃতিকারেয়া, সকল দিনেই একটা না একটা ধাত্তবস্ত্র নিষেধ করিয়াছেন, কিন্তু তথাপি দেখ, ঐ নিয়মের সহিত চরকমুনির ব্যবস্থাপিত বিধির কোন বিরোধ-ঘটনাই হইল না । অতএব দৃষ্ট হইল—আয়ুর্বেদে ও স্মৃতিতে নিষেধ-বিধি, পৃথক্ হইলেও, উহাদের মূলগত কোন পার্থক্যই নাই । উভয় শাস্ত্রমধ্যে কেমন সামঞ্জস্য ! তন্নিম্ন এ ক্ষেত্রে আরও এক কথা বিবেচ্য । সে কথাটা একবার ভাবিয়া দেখিতে হইবে । খাত্তের সঙ্গে ধর্ম্ম-সাধনার উত্তম সম্বন্ধ, ঘনিষ্ঠ সংশ্লিষ্ট । সেই জন্তই হিন্দু-বিধবার পক্ষে একাদেশীর উপবাস, নিরামিষাহার ও একসন্ধ্যা ভোজন ব্যবস্থা । আর, সধবা-বিধবারা বার-ব্রত-নিয়মের কঠোরতা-পালনে ব্যাকুল থাকেন । ইহাতে হিন্দুরমণীকে শনৈঃ শনৈঃ ধর্ম্মমার্গে প্রধাবিত করে ।

কেবল বিধবা-সধবাদের বিষয়ই বা বলি কেন ? কি পুরুষ, কি রমণী—সকলকেই শ্রাদ্ধাদির পূর্বে সংযম করিতে হয় । নৈষ্ঠিক ক্রিয়াকর্ম্মের পূর্ব্ববাসরে হবিষ্য করা আবশ্যিক । অভাবপক্ষে নিরামিষাহার, একাহার বা প্রাতঃস্নান করাও, একান্ত কর্তব্য বটে ।

স্মৃতির শাসনামুসারে প্রতিদিন এক একটা খাদ্য বর্জন করিতে করিতে, ক্রমে প্রিয়-বস্ত্রতে লোভাভাব ঘটে । রবিবারে মৎস্য-মাংসাহার নিষেধের মূলেও ঐ যুক্তি । রবিবারে কেবল মৎস্য-মাংসাহার পরিহার করা আবশ্যিক নয়,—আমিষ বলিয়া পরিগণিত মসুরকলাই প্রভৃতিও ত্যাজ্য । মনে করুন, এক ব্যক্তি অতিরিক্ত পটোলপ্রিয় । একজন বা অত্যন্ত মীনাসক্ত । কেহ কেহ হয় তো আলুর প্রতি দয়ালু । উক্ত শ্রেণীর লোকেরা প্রথম প্রথম পটোল,



আদিষ্ট হইলে, বাধ্য হইয়া, ছই চারি বারেই পটোলাদি-পরিহারে তিনি অভ্যস্ত হন। কেবল অভ্যাস নয়, কিন্তু তত্ত্বং দ্রব্যে লোভ খর্ব হইবে। অধিক কি, ক্রমে ক্রমে লোভজনক মৎশ্বে, মাংসে বা অপরাপর দ্রব্যেও, বিরতি হইয়া আসিলে, হিন্দুর আর কোন ক্লেশই বোধগম্য হয় না। ইহাতে অভ্যস্ত ও প্রস্তুত হইলেই, সাধনার পথ, পরিকৃত হইয়া আসিবে। ভক্ষ্য-পেষের সহিত পুণ্যানুষ্ঠানের সম্পর্ক কি, যাহারা বলিবেন, তাঁহারা, একবার চিন্তা করিয়া দেখিবেন, ধর্মশিক্ষায়—যোগাভ্যাসে—জগতের মধ্যে, ভারতই, চিরাগ্রসর কেন? হিন্দুজাতিই, অশ্রান্ত জাতি অপেক্ষা এত দূর ধর্মগত-জীবন কেন? অখাদ্য-ভক্ষণে এবং অপেষ-পানে বিরাগ হইলে, আর ধর্মের প্রতি অহুরাগ থাকিলে, ভারতেতর দেশের এতাদৃশ হৃদশা ঘটিল কি? চিরজীবন যে ব্যক্তি মাংসাহারী, সে কখনই যোগীর হ্রলভ পদলাভে অধিকারী হয় না। তিথি-বিশেষে একটা ছইটা খাদ্য-বস্তুর পরিবর্তনের প্রসঙ্গ কি বল? যিনি, ছই একটা করিয়া খাদ্য ত্যাগ করিয়া, প্রথমাবধি প্রস্তুত হইতে থাকেন, তিনিই ক্রমশঃ যোগী হইতে পারেন। অভ্যাসের গুণে যোগীকে যথাক্রমে সর্ববিধ খাদ্যেই জলাঞ্জলি দিতে হয়। ভাবিয়া দেখুন, পাঠক! এককালের মহাভোগী কৃত্যভ্যাস হইয়া, সর্বভোগী যোগী দাঁড়াইলেন। পরিশেষে সর্বভোগী যোগী বায়ুভোগীও হইলেন। এই কথা কে এখন আর আজগুবি গল্প বলিয়া, উড়াইয়া দিবার দিন নাই। সে কাল, অধুনা ভূতকালের গর্ভগত। ভূ-কৈলাসের যোগী, রঞ্জিৎ সিঙের দরবারে পরীক্ষিত সন্ন্যাসী হরিদাস সাধুর বর্ণনা, সাহেবেরাও নির্কিবাদে স্বীকার করিয়াছেন। অধিক আর কি কহিব? বেশী দিনের কথা নয়, সেদিন বর্ধমানের রাজা প্রতাপচাঁদও স্বয়ং যোগশাস্ত্রের অদ্ভুত মহিমা কীর্তন করিয়া ও যোগের ক্রিয়া প্রত্যক্ষ করাইয়া, তাঁহার উকীল সাঁ সাহেবকেও স্তম্ভিত ও মন্ত্রমুগ্ধ করিয়া দিয়াছিলেন। উক্ত ইংরেজ, যোগপ্রভাব অস্বীকার করিতে না পারিয়া, নিজে তাহার কার্যকারিতা স্পষ্টই লিপিবদ্ধ করিয়া গিয়াছেন।

ধর্মপ্রাণ হিন্দুগণ! খাদ্য-পরিবর্তন ও খাদ্য-পরিবর্তনের মহদতিপ্রায়ের গূঢ় উদ্দেশ্য বুঝিলেন কি? সম্মুখে কি নিগূঢ়তম অসাধারণ অভিসন্ধি রাখিয়া, আমাদের মহামহোপাধ্যায় প্রাচীন আর্ষ্য-পিতামহগণ, এই গুরুত্ব-কর উপদেশ বিধান করিয়া গিয়াছেন! ভাই বঙ্গবাসিগণ! আইস, এক একবার প্রগাঢ় মনোনিবেশ সহকারে, ভক্তিতাবে অনুধ্যান করিয়া দেখি

ও তাঁহাদের চরণাঙ্কুরেণু বক্ষে ধারণ করিয়া আপনাদিগকে কৃতকৃতার্থ জ্ঞান করি। তাঁহারা যাহা কিছু তাঁহাদের এই অকৃতী অধম সন্তানদের নিমিত্তে বিধান করিয়াছেন, ঐ সকলেরই মূলে জ্ঞান, যুক্তি, উপদেশ, সুশিক্ষা বর্তমান। একবার মাত্র তন্ময়চিত্তে যদি আমরা তাঁহাদের মন্ত্রে অনুপ্রাণিত হই, তাহা হইলেই আমরা চিরশান্তির অধিকারী হইতে পারিব। আর, তাহা হইলেই ভারতে হিন্দুকুলে আমাদের জন্মগ্রহণ সার্থক হইবে। পঞ্জিকার নিষেধ বচন, কোন্ যুক্তির অনুমোদন করিল, পাঠক! এখন তাহা বুঝিলেন কি? ঐ নিষেধটী, কেমন শাস্ত্রসম্মত, স্মৃতি গ্রন্থের অনুগত ও অনুমোদিত, তাহাই দেখান গেল।

শ্রীমহেন্দ্রনাথ বিদ্যানিধি ।

## ভাল কি লো বাসিতে জান না ?

( ১ )

এত ভালবাসি তোমা  
তুমি ত বাসিলে কই !  
মুহূর্তের অদর্শনে  
মরমে মরিয়া রই !  
না হেরিলে চাঁদমুখ  
তিলেক না পাই সুখ,  
এ সংসারে প্রিয়তমে !  
জানি না যে তোমা বই ।  
এত ভালবাসি তোমা,  
তুমি প্রিয়ে বাস কই ?  
তাইলো সুধাই তোমা বলনা বলনা,  
ভাল কিলো বাসিতে জান না ?

( ২ )

ঘুমায়ে স্বপন দেখি  
মুখানি তো হাসি হাসি,

কুমুদে পড়েছে যেন  
চাঁদিমা কিরণরাশি !  
কি সুন্দর মরি মরি  
সে রূপ হৃদয়ে ধরি,  
মনে হয় নিরঞ্জে  
দেখিগে দিবস নিশি ।  
তুমি প্রিয়ে বাস কই,  
আমি এত ভালবাসি,  
তাইলো সুধাই তোমা বলনা বলনা,  
ভাল কিলো বাসিতে জান না ?

( ৩ )

তুমি ত ঘুমায়ে থাক  
আমি ত জাগিয়ে রই ;  
সুঘুপ্ত সুসমা হেরি  
প্রাণে প্রাণহারা হই ।



স্তিমিত কমল শোভা

নীলনেত্রে মনোলোভা

দেখিয়ে জীবনে প্রিয়ে

বাসনা মিটল কই ?

এত ভালবাসি তোমা

তুমি প্রিয়ে বাস কই ?

তাই লো সুধাই তোমা বলনা বলনা,

ভাল কি লো বাসিতে জান না ?

( ৪ )

ঘামিলে রবির করে

বসনে মুছাই মুখ,

হাঁটিলে চরণে ব্যথা

পাবে বলে পাতি বুক,

বিমনা হেরিলে পরে

চিতবিনোদন তরে

কতই ভাবিয়ে মরি

কিসে তব হবে সুখ ।

এত ভালবাসি প্রিয়ে

তবু ত তুমি বিমুখ !

তাই লো সুধাই তোমা বলনা বলনা,

ভাল কি লো বাসিতে জান না ?

( ৫ )

শারদ-গগন-পটে

যবে লো পূর্ণিমা শশী

উদিয়ে কিরণ ধারে

সিক্ত করে দশদিশি ;

অমনি প্রেয়সি তোরে

ধরিয়ে হৃদয়'পরে,

অতুলিত সেই শোভা

হেরি গৃহতলে বসি ।

তুমি ত বাস না ভাল

আমি এত ভালবাসি ।

তাই লো সুধাই তোমা বলনা বলনা,

ভাল কি লো বাসিতে জান না ?

( ৬ )

ফুলের প্রতিমা তুমি

ভালবাস ফুল তাই,

ফুলেতে সাজিতে ইচ্ছা

দেখিতে লো মদা পাই ।

তাই ফুল তুলে এনে

গাঁথি মালা সযতনে,

গলায় দোলায়ে দিয়ে

অনিমিখে মুখ চাই ।

এত ভালবাসি আমি

তোমা কি বাসিতে নাই ?

তাই লো সুধাই তোমা বলনা বলনা,

ভাল কি লো বাসিতে জান না ?

( ৭ )

কত ভালবাসি প্রিয়ে

কত বা কথায় কই,

হাইচী তুলিলে পরে

তুড়িতে ধরিয়৷ লই ;

হাঁচিচী হাচিলে পর

ভীত ভীত এ অন্তর,

শতবার জীব বলি

তবুত শঙ্কিত রই ।

এত ভালবাসি আমি

তুমি ত বাসিলে কই ?

তাই লো সুধাই প্রিয়ে বলনা বলনা,

ভাল কি লো বাসিতে জান না ?



( ৮ )

নবনীত জিনি প্রিয়ে  
 স্কুমার তব কায়,  
 দুঃক্ষফেননিত শব্দ্য  
 শয়নে কঠোর হায় !  
 তাই নব কিশলয়  
 কুসুমকলিকাচয়  
 মিশায়ে বিছায়ে পাতি  
 হৃদয়ে রাখি তোমায় ।  
 আমি এত ভালবাসি  
 তুমি ত বাস না হায় !  
 তাই লো সুধাই প্রিয়ে বলনা বলনা,  
 ভাল কি লো বাসিতে জান না ?

( ৯ )

বহে সুধাধারা প্রিয়ে  
 অধরে তোমার, হেরি  
 পিপাসায় ফাটে বুক,  
 চুমি তাই ধীরি ধীরি,  
 একটা চুম্বন প্রিয়ে  
 আদরে ফিরিয়ে দিয়ে  
 কখন তুষেছ কি না  
 তোমারে জিজ্ঞাসা করি !  
 এত ভালবাসি আমি  
 তোমাতে কিছু না হেরি ;  
 তাই লো সুধাই প্রিয়ে বলনা বলনা,  
 ভাল কি লো বাসিতে জান না ?

( ১০ )

ধরিয়ে মুখানি তোর  
 রাখিয়ে হৃদয়'পরে,

মনে হয় সুধা-হৃদে  
 ডুবে থাকি চিরতরে ।  
 তোমারে স্মরিয়ে প্রিয়ে  
 এখনও রয়েছি জীয়ে  
 জানি না ও নামে বুঝি  
 সম্বীবনী গুণ ধরে ।  
 এত ভালবাসি তোমা  
 তুমি ত বাসনা মোরে ;  
 তাই লো সুধাই প্রিয়ে বলনা বলনা,  
 ভাল কি লো বাসিতে জান না ?

( ১১ )

দেখ প্রিয়ে চেয়ে দেখ  
 ভালবাসা বাসি কত,  
 প্রকৃতির পটে আঁকা  
 দেখিয়েও দেখনা ত ।  
 সরসে কুমুদী ভাসে  
 প্রমোদিনী প্রেমোল্লাসে,  
 হেরি স্বীয় প্রাণনাথে  
 স্ননীল গগনগত ।  
 এত ভালবাসি তোমা  
 তুমি ত শিথিলে না ত !  
 তাই লো সুধাই প্রিয়ে বলনা বলনা,  
 শিথিতেও চাহ না চাহ না ?

( ১২ )

অই দেখ তরু-গায়  
 কেমনে উঠেছে লতা,  
 কেমন কহিছে শুন  
 কাণে কাণে প্রেম-কথা !  
 ( অই ) দেখ পুন মেঘ-পাশে  
 কেমন বিজলী হাসে,



শিখাইছে লোক-মাঝে  
ভালবাসা যথা তথা ।  
অনাদরে কত কাঁদি  
তুমি কি বোঝ না ব্যথা ?  
তাই লো সুধাই প্রিয়ে বলনা বলনা,  
ভালবাসা তবে কি জান না ?

( ১৩ )

ভালবাস নাহি বাস  
সে আশা ত আর নাই,

দিন ত ফুরায়ে এল  
এবে এই ভিক্ষা চাই ;  
যবে দেহ তেয়াগিয়ে  
যাবে প্রাণ বাহিরিয়ে,  
একবিন্দু অশ্রুজল  
প্রেয়সি লো যেন পাই,  
জলন্ত অনল-রাশি  
বুকে বেঁধে চলে যাই ।  
অশ্রুবিন্দু শান্তিজল যাচিতেছি তাই,  
বঞ্চিত করোনা প্রিয়ে কাতরে জানাই ।  
শ্রীকালীপদ মুখোপাধ্যায় ।

## বর্ষা ।

সুশ্রানবরণী ধনী, বিজলী-তিলকা ভালে,  
গম্ভীরা মাধুরীময়ী, ঘন ঘোর শ্রামাঘরা,  
নাশিতে নিদাঘ-তাপ দাঁড়াইয়ে তাপহরা ;  
গম্ভীর ক্রভঙ্গি যেন অরি-হুদে ভীতি চালে !  
রথচক্রে ভীমনাদ, রথচূড়ে শঙ্খধ্বনি,  
মেঘমন্ত্ররূপে ওই রণের বারতা ঘোষে,  
আকাশ আবরি' পলে ধনু হ'তে তীর খসে,  
আলোক-আঁধারময়ী পলে তাই এ ধরণী ।  
তুষিতে বাসব তাই মত্ত সুর-বালিকায়,  
শ্রামদেহে শান্তিধারা বরষিছে ক্ষণে ক্ষণে,  
বালার অঞ্চল-বারি মিলিতেছে সমীরণে,  
প্রকৃতির মাঝে তাই-শান্তি-নীতলতা তায় ।  
লো সুন্দরি, লো বালিকে, লো ললনে বীরাসনা !  
মরণের পথে দিও ওই শান্তি অতুলনা !

শ্রীকালীদাস চক্রবর্তী ।





### ✂ রজনীকান্ত গুপ্ত।\*

এ নখর পৃথিবীর সব যায় ; থাকে স্মৃতি, থাকে কীর্তি। কিন্তু স্মৃতি—  
সেও কালস্রোতে ভাসিয়া যায় ; কীর্তি অমর—কীর্তি অবিনশ্বর। রজনী-  
কান্ত আজি এই নখর পৃথিবী হইতে বিদায় লইয়াছেন ; তাঁহার স্মৃতি,  
তাঁহার কীর্তি পশ্চাতে রাখিয়া গিয়াছেন। অকৃতজ্ঞ আমরা—কালে হয় ত  
তাঁহার স্মৃতিও বিস্মৃত হইতে পারি ; কিন্তু তাঁহার অমর কীর্তিই তাঁহাকে  
এ মরধামে চির-দেদীপ্যমান রাখিবে। মনুষ্যজীবন দুর্লভ, কীর্তি ততোধিক  
দুর্লভ। এ জীবন লাভ করিয়া যিনি কীর্তি রাখিয়া যাইতে পারেন,  
তাঁহারই জীবন সার্থক। রজনীকান্তের জীবন সার্থক হইয়াছে।

পূর্ববঙ্গের কোন অজ্ঞাত-পল্লীতে জন্মগ্রহণ করিয়া, রজনীকান্ত সর্বজন-  
পরিজ্ঞাত হইয়াছেন ; অনাদৃত-অনাথিনী বঙ্গভাষার সেবা করিয়া, রজনী-

\* “বঙ্গীয় সাহিত্য-পরিষদের বিশেষ অধিবেশনে এই প্রবন্ধটি পঠিত হয়।



কান্ত সর্বজন সমাদৃত কীর্তি রাখিয়া গিয়াছেন। ১২৫৬ সালের ২৯শে ভাদ্র মণিকগঞ্জ মহকুমার মন্তগ্রামে—মাতুলালয়ে রজনীকান্ত গুপ্ত জন্মগ্রহণ করেন। তাঁহার পিতার নাম ও কামলাকান্ত দাসগুপ্ত। তেওতা তাঁহার পিত্রালয়। বাল্যকালে গ্রামস্থ বাঙ্গালা স্কুলে অধ্যয়ন করিয়াছিলেন। সেখান হইতে ছাত্রবৃত্তি লাভ করিয়া, কলিকাতাস্থিত সংস্কৃত-কলেজে প্রবেশ করেন। তাঁহার অভিভাবকগণ আবুর্কেদ-শিক্ষার উদ্দেশ্যে তাঁহাকে সংস্কৃত কলেজে প্রেরণ করেন। কিন্তু অভিভাবকগণের সে উদ্দেশ্য সাধিত হয় নাই; ভগবান তাঁহার দ্বারা আরও অধিকতর উচ্চ উদ্দেশ্যসাধন করিবেন বলিয়াই, অভিভাবকদিগের উদ্দেশ্য ব্যর্থ করিলেন। দীনা বঙ্গভাষার উন্নতিসাধনই তাঁহার সংস্কৃত-চর্চার ভিত্তিক্রমে পরিগণিত হইল। পাঠ্য-বহুর বাঙ্গালা-সাহিত্যে রজনীকান্তের প্রগাঢ় অনুরাগ জন্মিল। তাঁহার ‘জয়দেব-চরিত’ ও ‘পাণিনী-বিচার’ জলন্ত অক্ষরে সে অনুরাগের সাক্ষ্য প্রদান করিল। প্রথম হইতেই বাঙ্গালা ভাষার বিশুদ্ধি রক্ষা এবং ওজস্বিতা সাধনকল্পে রজনীকান্তের বিশেষ দৃষ্টি ছিল। স্বর্গীয় মহাত্মা ভূদেব মুখোপাধ্যায় মহাশয় রজনীকান্তের এই অভিনব লিপিচার্য্যে মুগ্ধ হইয়া ‘এডুকেশন গেজেটে’ তাঁহাকে প্রবন্ধ লিখিতে অনুরোধ করেন। এই সূত্রে রজনীকান্তের হৃদয়ে বাঙ্গালা রচনায় উৎসাহবারি সিঞ্চিত হইতে লাগিল। সেই বারিসিঞ্জে যে বীজ অঙ্কুরিত হইল, বাঙ্গালা-সাহিত্য-উদ্যানে তাহাই ফলপুষ্পশোভিত মহান্ মহীকূহে পরিণত হইয়াছে। সেই মহীকূহের প্রধান কাণ্ড—তাঁহার ‘সিপাহী যুদ্ধের ইতিহাস’। ‘আর্য্যকীর্তি’, ‘ভারত-কাহিনী’, ‘নব্যভারত’ প্রভৃতি তাহার শাখা-প্রশাখা। ‘প্রবন্ধমালা’, ‘ভীষ্ম-চরিত’ ও ‘বোধবিকাশ’ প্রভৃতি বিদ্যালয় পাঠ্যপুস্তকসমূহ এই মহীকূহের ফলস্বরূপ।

এই ক্ষুদ্র প্রবন্ধে তাঁহার সকল গ্রন্থের বিশ্লেষণ-সমালোচনা সম্ভবপর নহে। একখানি গ্রন্থেরও যথাযোগ্য আলোচনা অসম্ভব। এস্থলে কেবল তাঁহার ‘সিপাহী যুদ্ধের ইতিহাস’ সম্বন্ধে ছই এক কথা বলিব। রজনীকান্তের হৃদয়ে কিরূপ স্বদেশানুরাগ দেদীপ্যমান ছিল, এই ‘সিপাহী যুদ্ধের ইতিহাস’ তাহার জীবন্ত প্রমাণ। প্রথম—নামকরণ। যে সকল আদর্শ অবলম্বন করিয়া তিনি এই পুস্তক প্রণয়ন করিয়াছেন, তাহাদের অধিকাংশেরই নাম Sepoy Mutiny অর্থাৎ সিপাহী বিদ্রোহের ইতিহাস; কিন্তু তাঁহার



গ্রন্থের নামকরণ করিয়াছেন,—‘সিপাহী যুদ্ধের ইতিহাস’। ভ্রমবশতঃই হউক, কিম্বা অজ্ঞানতাজনিতই হউক, স্বদেশের জন্ত, স্বদেশের জন্ত, স্বজাতির জন্ত, যাহারা অকাতরে জীবন বিসর্জন দিতে অগ্রসর হইয়াছিল, তাহাদের সম্বন্ধে তিনি বিদ্রোহ কথা ব্যবহার করিতে আদৌ সঙ্কুচিত হইয়াছেন। কেবল পুস্তকের নামকরণে কেন—আমাদের যতদূর স্মরণ হয়, গ্রন্থমধ্যে কোন স্থলে রণোন্নত সিপাহীদিগকে তিনি বিদ্রোহী আখ্যাও প্রদান করেন নাই।

বাঙ্গালায় প্রকৃত ইতিহাস নাই; প্রকৃত ইতিহাস-চর্চায় বাঙ্গালী বড়ই বীতশক্তি। কিন্তু রজনীকান্ত বাঙ্গালীর এই কলঙ্ক মোচন করিয়াছেন। তাঁহার ‘সিপাহী যুদ্ধের ইতিহাস’—বাঙ্গালায় একখানি সর্বোৎকৃষ্ট ঐতিহাসিক গ্রন্থ। এই গ্রন্থ রচনার জন্ত, তাঁহার অধ্যবসায়, পরিশ্রম এবং অর্থব্যয়ের কথা শুনিলে বিস্মিত হইতে হয়। ‘সিপাহী যুদ্ধের ইতিহাস’ সম্বন্ধে এমন কোনও পুস্তক বা রাজকীয় শাসন পত্র নাই, যাহা তিনি সংগ্রহ করেন নাই। এতদ্ব্যতীত সিপাহী-যুদ্ধ-সংক্রান্ত লৌকিক-বার্তা সংগ্রহেও তিনি অসাধারণ যত্ন ও অনুসন্ধিৎসার প্রমাণ প্রদর্শন করিয়াছেন। ফলতঃ ‘সিপাহী যুদ্ধের ইতিহাস’ কোনও পুস্তক বিশেষের অনুবাদ নহে; উহাকে একখানি নিরপেক্ষ মৌলিক গ্রন্থ বলিলেও বলা যাইতে পারে। আঞ্জি ২২ বৎসরের কথা—তিনি ‘সিপাহী যুদ্ধের ইতিহাস’ লিখিতে প্রথম আরম্ভ করেন, আর মৃত্যুর অব্যবহিত পূর্বে বিগত বৈশাখ মাসে পাঁচ ভাগে তিনি এই গ্রন্থ শেষ করিয়া গিয়াছেন। এই ‘সিপাহী যুদ্ধের ইতিহাস’ প্রণয়নই তাঁহার ভারত-ইতিহাস-চর্চার মূলীভূত কারণ। এই উপলক্ষে তিনি ভারত-ইতিহাস সম্বন্ধে যে অসংখ্য পুস্তক সংগ্রহ করিয়াছেন, তাহা বাঙ্গালী গ্রন্থকারের গৌরবের কথা। আমরা দেখিয়াছি, তাঁহার লাইব্রেরীর মধ্যস্থিত ১০টা প্রকাণ্ড আলমারী, কেবল ভারত-ইতিহাস-সংক্রান্ত গ্রন্থে পরিপূর্ণ। অথচ কোনও গ্রন্থ তাঁহার লাইব্রেরীতে স্থান পায় নাই। কেবল ভারত-ইতিহাস-চর্চাই যে তাঁহার জীবনের একমাত্র ব্রত, ইহাই তাহার উজ্জ্বল দৃষ্টান্ত। তিনি অনগ্রমনা, অনগ্রকর্মা হইয়া, আজীবন কেবল ভারত-ইতিহাসের আলোচনা করিয়াছেন, ভারত-ইতিহাসেই তাঁহার কৃতিত্ব। বিশাল জ্ঞানতরুর একটা ক্ষুদ্র শাখা অবলম্বন

পুস্তক প্রণয়ন করিতে হইলে—গ্রন্থকার হইতে হইলে যে অনেক অধ্যয়ন, অনেক অনুসন্ধান, অনেক ত্যাগ-স্বীকার, অনেক মস্তিষ্কচালনা, অনেক সাধনা আবশ্যক করে, রজনীকান্তের জীবনই তাহার প্রধান নিদর্শন। ‘সিপাহী যুদ্ধের ইতিহাস’ অসম্পূর্ণ রাখিয়া, রজনীকান্ত বহু বিদ্যালয় পাঠ্যপুস্তক প্রণয়নে মনোনিবেশ করিতেন। এই ক্ষুদ্র প্রবন্ধ-লেখকের তাহা অসম্ভব হইত। প্রসঙ্গক্রমে সময়ে সময়ে ইহার জন্ত তাঁহাকে আমি তীক্ষ্ণবাক্যবাণে বিদ্ধ করিতাম। তখন তিনি ঈষৎ হাসিয়া বলিতেন,— “আমি ইচ্ছা করিয়া ‘সিপাহী যুদ্ধের ইতিহাস’ রচনায় উপেক্ষা করি নাই। এ গ্রন্থ রচনায় অনেক অধ্যয়ন, অনেক চিন্তা এবং অনেক সংগ্রহের আবশ্যক। কাজেই সময় সাপেক্ষ।” ‘সিপাহী যুদ্ধের ইতিহাস’ প্রণয়নে আশানুরূপ অর্থ সমাগম হইবে না বলিয়াই, যে উহার প্রকাশ পক্ষে বিলম্ব ঘটয়াছিল, তাহা নহে; ঈদৃশ গ্রন্থ প্রণয়নে বিশেষ শ্রম, অধ্যয়ন, অনুসন্ধিৎসা আবশ্যক, সেই জন্তই এই বিলম্ব।

সাহিত্যের সহিত মনুষ্যত্বের যে ঘনিষ্ঠ সম্বন্ধ, রজনীকান্তের জীবনে তাহারও নিদর্শন পাওয়া যায়। এ সম্বন্ধে আমার এই ক্ষুদ্র জীবনের এক দিনের একটি ঘটনার উল্লেখ করিলেই, আপনারা বুঝিতে পারিবেন। বুঝিতে পারিবেন—তাঁহার সাহিত্যিক-হৃদয়ে কত উচ্চ মনুষ্যত্বের সমাবেশ ছিল। সন ১২৯৮ সাল, ১৮ই আষাঢ়, শনিবার আমার কণ্ঠার বিবাহ। বিবাহের সমস্ত আয়োজন প্রস্তুত। কেবল পাত্রকে দেয় নগদ ৫০১ টাকার মধ্যে ৩০০ টাকার অভাব। যে আত্মীয়ের নিকট ঐ টাকা পাইবার নির্দ্ধারিত কথা ছিল, তিনি হঠাৎ ঐ টাকা প্রদানের অক্ষমতা প্রকাশ করিয়া গেলেন। সহসা আমার মাথায় যেন বজ্রাঘাত পড়িল! আমি আমার বাটীর বহির্দ্বারে আসিয়া, মাথায় হাত দিয়া ভাবিতেছি। বেলা প্রায় প্রহরাভীত। এমন সময় রজনীকান্ত আমার সম্মুখে আসিয়া আমার সঙ্ঘোধন করিয়া কহিলেন,—“এত বিষণ্ণমনে কি ভাবিতেছেন?” আমি চমকিয়া তাঁহার প্রতি চাহিয়া দেখিলাম। ক্রমশঃ তিনি অধিকতর ব্যগ্রভাবে প্রকাশ করায়, আমার বিষণ্ণতার কারণ, তাঁহার নিকট আনু-পূর্বিক প্রকাশ করিলাম। একজন বন্ধুর এরূপ বিপন্ন অবস্থার কথা শুনিয়া, তাঁহার মনুষ্যত্ব উথলিয়া উঠিল। তিনি তৎক্ষণাৎ ঐ ৩০০ শত টাকা প্রদানের জন্য শীঘ্রক্ৰমে তার গুরুদাস হাটোপাধ্যায় মহাশয়ের নামে



আমাকে একখানি বরাতি চিঠি প্রদান করিলেন। সে টাকার কোনও রসিদও গ্রহণ করেন নাই; এবং এক বৎসর পরে সে টাকা পরিশোধ করিলেও, তাহার কোন স্মৃদ লন নাই। জীবনের সেই চিরস্মরণীয় ঘটনা, এ জীবনে কি কখনও ভুলিতে পারিব ?

বঙ্গালা ভাষার বিশুদ্ধি রক্ষার বিষয়ে, তাঁহার প্রগাঢ় অনুরাগ ছিল। বন্ধু-বান্ধবগণের রচনায় ভাষার বিশুদ্ধি রক্ষিত না হইলেও, তাঁহার প্রাণে বড় আঘাত লাগিত। সে সম্বন্ধেও এ প্রবন্ধ-লেখক তাঁহার নিকট অনেক ঋণী। মৎপ্রণীত পুস্তক 'কনে বউ' নামক উপন্যাস যখন এক মাসের মধ্যে প্রথম সংস্করণ সমস্ত বিক্রয় হইয়া গেল, এই নগণ্য লেখকের একখানি উপন্যাসের এরূপ সৌভাগ্য দেখিয়া, দ্বিতীয় সংস্করণের সময় তিনি স্বতঃপ্রবৃত্ত হইয়া, পুস্তকখানির ভাষা সম্বন্ধে আমূল সংস্কার করিয়া দিয়াছিলেন। এ ঋণও আমি জীবনে কখনও ভুলিতে পারিব না।

খাঁটি সাহিত্যের সহিত, গণিতের যেন চির বৈরীতাব। ইংলণ্ডীয় বহু সাহিত্যবীরের জীবনচরিত আলোচনা করিয়া দেখিয়াছি, বঙ্গালীরও বহু প্রতিভাশালী গণিতের নিত্য জীবনে প্রত্যক্ষ করিয়াছি, যিনিই সাহিত্যের উচ্চ আদর্শ প্রদর্শন করিয়াছেন, গণিতবিষয়ে তাঁহার অপারি-দর্শিতা লক্ষিত হইয়া থাকে। বিদ্যালয়ের ছাত্র জীবনে সে দৃষ্টান্ত প্রতি নিয়তই দেখিতে পাওয়া যায়।

রজনীকান্তের জীবনে সে দৃষ্টান্ত পূর্ণমাত্রায় বিরাজিত। রজনীকান্তকে কখনও কোনও হিসাব পত্র রাখিতে দেখি নাই। কোনরূপ হিসাব রাখিতে হইলেই, যেন তাঁহার বিশেষ কষ্টবোধ হইত। কি পুস্তক মুদ্রাঙ্কণ ও বিক্রয়ের হিসাব, কি সাংসারিক হিসাব, তিনি নিজে কোনও হিসাবই রাখিতে পারিতেন না। তাঁহার বিশ্বস্ত গ্রন্থপ্রকাশক আমাদের শ্রদ্ধাস্পদ গুরুদাস বাবুর উপর সমস্ত ভার দিয়া নিশ্চিত থাকিতেন।

দরিদ্র বঙ্গালা সাহিত্যের সেবা করিয়া গ্রন্থকারগণ জীবনযাত্রা স্মৃথে নির্বাহ করিতে পারেন না বলিয়া, বঙ্গালা সাহিত্যের একটা কলঙ্ক আছে,—প্রতিভাশালী রজনীকান্তের দ্বারা সেই ছরপনের কলঙ্কের মোচন হইয়াছে। রজনীকান্তের পুস্তকের আয়, বঙ্গালী গ্রন্থকারের পক্ষে গৌরবের বিষয়। গড়পড়তা তাঁহার মাসিক আয় চারিশত হইতে পাঁচশত টাকার ন্যূন নহে। এই আয় হইতে তিনি মাসিক ছইশত টাকা



সাংসারিক ব্যয় করিতেন। উদ্ভূত আয়ে এই কলিকাতা মহা নগরীতে ১০১৫ হাজার টাকার মূল্যের একখানি বাসগৃহ ক্রয় করিয়া গিয়াছেন। মৃত্যুকালে ১০১৫ হাজার টাকার কোম্পানীর কাগজ রাখিয়া গিয়াছেন, এবং হিন্দু-মেসিন-প্রেসের অর্দ্ধেক মত্বও তাঁহারই উত্তরাধিকারী পাইবেন। ইহা ব্যতীত তাঁহার ভারত ইতিহাসের পুস্তকালয়ের মূল্য ৫১৬ হাজার টাকার নূন হইবে না। বাঙ্গালা সাহিত্যসেবীর পক্ষে, ইহা বড় গৌরবের কথা বলিয়া আমরা অহঙ্কার করিতে পারি।

বে রজনীকান্তের এত গুণ,—যে রজনীকান্ত বাঙ্গালা সাহিত্যের গৌরব, সে রজনীকান্ত আজ কোথায়? প্রতিধ্বনি বলিতেছে—কোথায়? হায়! আজ সেই গৌরব রবি চির অন্ত গমন করিয়াছেন। যে সাহিত্য-পরিষদ রজনীকান্তের প্রাণ, সেই সাহিত্য পরিষদে সমবেত হইয়া, আমরা আজ রজনীকান্তকে দেখিতে পাইতেছি না। রজনীকান্ত চলিয়া গিয়াছেন, কিন্তু বাঙ্গালা সাহিত্য-গগন আজি রজনীর গাঢ় তমসচ্ছন্ন হইয়া পড়িয়াছে। অক্ষয়-কীর্ত্তমান অক্ষয় কুমার নাই! সাহিত্য-গগনের প্রদীপ্তভাস্কর বিজ্ঞানাগর নাই! সাহিত্যকুঞ্জের কলকণ্ঠকোকিল লক্ষিমচন্দ্র নাই! বলিতে প্রাণ ফাটিয়া যায়—সে তমসচ্ছন্ন সাহিত্য-গগনের রজনীকান্তও আজ নাই! কে বলে, রজনীকান্ত নাই? যতদিন ‘সিপাহী যুদ্ধের ইতিহাস’ থাকিবে—ততদিন রজনীকান্তের অস্তিত্ব লোপ হইবে না। আমরা হৃদয়ে—এই সমবেত শোকসন্তপ্ত বন্ধু-বান্ধব আপনাদের হৃদয়ে—সমগ্র বঙ্গবাসীর হৃদয়ে রজনীকান্ত চির জাগরুক থাকিবেন।

শ্রীযোগেন্দ্রনাথ চট্টোপাধ্যায়।

## বেলুনে যুদ্ধ ।

পিটার লংম্যান একজন ফরাসী মার্কাসওয়াল, শরীরে অমৃতের মত সামর্থ্য। সিংহ, ব্যাঘ্র, নানাপ্রকার কুস্তীওয়াল জোয়ান, বিবিধ কৌশল-প্রদর্শিকা রমণী সঙ্গে লইয়া ফরাসীদেশের সহরে সহরে তিনি মার্কাস দেখাইয়া বেড়ান।

একদিন সকাল বেলা সামো সহরে তিনি তাঁহার তাম্বুর সম্মুখে বসিয়া আছেন, মুখখানি কিছু বিমর্ষ, পূর্কদিন মরুতাকালে মার্কাসে তেমন



লোক হয় নাই, সামো ছাড়িয়া এবার কোথায় যাইবেন, তাহাই চিন্তা করিতেছেন। এমন সময় দুইটা আঠারো উনিশ বৎসরের যুবক আসিয়া তাঁহাকে অভিবাদন করিল। বলিয়াছি, তাঁহার মনের অবস্থা ভাল ছিল না, তিনি কিছু অপ্রসন্নভাবে বলিলেন,—“তোমরা কি চাও ?”

যুবকদ্বয় সম্বরে লংম্যানকে বলিল, “আমরা আপনার সার্কাসের দলে ভর্তি হইতে চাই।”

লংম্যান ক্র কপালে তুলিয়া বলিলেন, “বটে !” যুবকদ্বয়ের স্পর্ধার কথা শুনিয়া তাঁহার কিছু বিষয় জন্মিয়া থাকিবে, উপেক্ষা ভরে জিজ্ঞাসা করিলেন, “তোমরা কোন্ কন্মের উপযুক্ত ?”

যুবকদ্বয় অবলীলাক্রমে বলিল, “যে কন্মে লাগাইবেন, সকল কাজই পারিব।”

“তোমাদের সাহস ত খুব দেখা যাচ্ছে ! সার্কাসে কাজ কত কঠিন জানিলে এত সাহস করিতে না।” লংম্যান এই উত্তর করিলেন।

যুবকদ্বয় দমিল না। বলিল, “আমাদের একবার পরীক্ষা করিয়া দেখুন না। আমরা উপস্থিতই আছি।”

“পরীক্ষা ! আচ্ছা, ঐ দেখ, একটা নর্দমার মধ্যে একখান পাথর বোঝাই গাড়ী পড়ে আছে। সকালে গাড়ীখান পড়েছে, দুটো ঘোড়া, আর জন পনের লোক হিমশিম খেয়ে গেছে, গাড়ী তুলতে পারে না। ঐ গাড়ীখান পথের উপর তুলবার ক্ষমতা রাখ ?”

লংম্যানের কথা শুনিয়া যুবকদ্বয় হাঁ বা না কিছুই বলিল না, ডিক নীচের চাকায় গিয়া কাঁধ বাধাইয়া দিল, ডাক গাড়ীর জোয়ালটা তাহার অঙ্গরের মত সবল দুই হস্তে চাপিয়া ধরিল, তাহার পর উভয়ে যুগপৎ এমন একটা ধাক্কা দিল যে, পঞ্চাশ মন পাথর সমেত গাড়ীখান চকুর নিমিষে পথের উপর উঠিয়া পড়িল।

ক্রমাৎ হাত মুছিয়া ডাক ও ডিক লংম্যানের সম্মুখে আসিল, এই শ্রমসাধ্য কার্যে একবারও তাহাদের ঘনশ্বাস পড়িল না। লংম্যান বিস্ফারিত চক্ষে তাহাদের মুখের দিকে চাহিয়া রহিলেন, তাহার পর বলিলেন, “হাঁ, দেহে বল আছে, শরীর খেলে কেমন ?”

এক মুহূর্তের মধ্যে ডিক ও ডাক ডিগ্বাজী দিয়া লংম্যানের মাথার উপর লাফাইয়া উঠিল, এবং তাহার মস্তক স্পর্শ না করিয়াই শূন্যে আর

এক ডিগবাজী দিয়া তাঁহার পশ্চাতে দশহাত তফাতে পড়িল। একসঙ্গে উঠা, একসঙ্গে পড়া—সমস্ত কাজটা যেন কলে হইয়া গেল। লংম্যান স্তম্ভিতভাবে বসিয়া রহিলেন, পাখী ভিন্ন আর কাহারও শরীর এমন করিয়া শূন্যদেশে আশ্রয়হীনভাবে খেলিতে পারে না।

লংম্যান সাব্যস্ত হইয়া বলিলেন, “তোমাদের বিজ্ঞা আছে বটে, কি বেতন চাও?” লংম্যান নিষ্পন্দহৃদয়ে তাহাদের উত্তরের প্রতীক্ষা করিতে লাগিলেন।

“খোরাক পোষাক, টাকাকড়ি সম্বন্ধে আপনার বাহা বিবেচনা হয়, করিবেন, আমাদের আপত্তি হইবে না।” উভয়েরই এক উত্তর।

এবার লংম্যানের বৃকের মধ্যে ধপ্ ধপ্ করিয়া উঠিল! এত সামান্য বেতনে এমন খেলোয়াড় লাভ করা কম সৌভাগ্যের কথা নহে। যুবকদ্বয় সেই দিন হইতেই সার্কাসের দলে ভর্তি হইল, লংম্যানকে আর সামো ত্যাগ করিতে হইল না। যুবকগণের খ্যাতির কথা কয়েক ঘণ্টার মধ্যেই সহরে ছড়াইয়া পড়িয়াছিল, দলে দলে দর্শক আসিয়া সার্কাসের বস্তাবাস পূর্ণ করিতে লাগিল, ক্রমাগত পনের দিন ধরিয়া দর্শকের বিরাম বিশ্রাম ছিল না, হাজার হাজার দর্শক আসিয়া সার্কাস দেখিতে লাগিল, পনের দিনে সহস্র সহস্র স্বর্ণমুদ্রায় লংম্যানের লোহার সিন্দুক ভরিয়া উঠিল।

ডিক ও ডাকের চেহারা অনিন্দ্যসুন্দর। গোঁপের রেখা উঠিয়াছে মাত্র, তাহার উপর পোষাকের শ্রী, ঠিক দেবসন্তান বলিয়া বোধ হয়। দর্শকগণ রঙ্গভূমে বসিয়া চিত্রার্পিতের স্থায় তাহাদের ক্রীড়াকৌশল নিরীক্ষণ করেন, একটা সূক্ষ্ম সূত্র ছুইটী উচ্চ লৌহদণ্ডে আটকাইয়া তাহারা উভয়ে তাহার উপর ডিগবাজী দিয়া খেলা করে। বহু উচ্চ হইতে একটা তার ঝুলাইয়া দাঁতে মাত্র ভর করিয়া উভয়ে অবলীলাক্রমে শূন্যে উঠিয়া যায় এবং প্রায় পঞ্চাশ ফিট উচ্চ হইতে উভয়ে পরস্পরের দেহের উপর নানাপ্রকার ব্যায়াম কৌশল দেখাইতে দেখাইতে ধীরে ধীরে নামিয়া আসে। দর্শকগণের করতালিতে শ্রবণ বধির হইয়া যায়, দর্শকগণের আনন্দধ্বনিতে দশদিক পূর্ণ হইয়া উঠে।

সার্কাসের দলের সমস্ত লোক, দর্শকগণের সকলে এই রূপবান গুণবান যুবকদ্বয়ের প্রতি নিতান্ত অনুরক্ত হইয়া পড়িয়াছিল; সকলেই তাহাদের



কেবল, একজনের হৃদয় তাহার হৃদয় আকর্ষণ করিতে পারে নাই, সে একটা বালিকা, বয়স পঞ্চদশ বৎসর, নাম নেটা । নেটা সার্কাসের অধ্যক্ষ মিঃ লংম্যানের একমাত্র প্রিয়তমা ছুহিতা । মাতৃহীনা বালিয়া লংম্যান নেটাকে অধিক পরিমাণে আদর দিতেন ।

নেটা সুন্দরী, এমন সৌন্দর্য্য সচরাচর চক্ষে পড়ে না । মুখখানি গোলাপ ফুলের মত, সংসার-সূর্য্যের খরতর উদ্ভাপ তাহা একটুও ম্লান করিতে পারে নাই; চলচল সুনীলনয়ন, প্রশান্ত তড়াপে যেন নীলপদ্ম ফুটিয়া আছে, সেই সুপ্রশস্ত সুনীল, সুগঠিত নয়নদ্বয় সামান্য ভাব স্পর্শে বিক্ষারিত হইয়া হাসিয়া উঠে, যেমন করিয়া উষাগমে অরুণের প্রথম কিরণধারা সম্পাতে অর্ধক্ষুট যুথিকাকুম্ব অরুণের অন্তরালে বিকাশিত হয় । তরুণী যখন সুদৃশ্য বেশভূষায় সজ্জিত হইয়া হাসিতে হাসিতে নাচিতে নাচিতে মেঘনিম্বুক্ত চঞ্চলা বিদ্রাতের গায় বস্ত্রাবাসের অভ্যস্তর হইতে সহসা দর্শকগণের সম্মুখে বাহির হইয়া আসে, এবং বিচিত্র অঙ্গভঙ্গী সহকারে তাহার অভূতপূর্ব সুন্দর ক্রীড়াকৌশল প্রদর্শন করিতে আরম্ভ করে, তখন বিশ্বয়াবিষ্ট দর্শকগণের চকুর সম্মুখে সহসা অঙ্গর লোকের এক মোহকর বিচিত্র দৃশ্য উন্মুক্ত হইয়া যায়, সকলে নির্নিমেঘলোচনে সেই রূপমাধুরী পান করিতে থাকে, কাহারও ধন্যবাদ প্রদানের পর্য্যন্ত অবসর হয় না ।

নেটা প্রথম হইতেই ডিক ও ডাককে বিরক্ত করিতে আরম্ভ করে; তাহার গায় চঞ্চলা প্রগল্ভা বালিকার পক্ষে ইহা কিছু অস্বাভাবিক নহে, কিন্তু ইহার কারণ কেহ আবিষ্কার করিতে পারিত না, কাহারো কাহারো মনে হইত, হয়ত ইহা ঈর্ষামূলক, কিন্তু নেটা কখন তাহাদের অসাক্ষাতে তাহাদের নিন্দা করিত না, তাহার প্রতিদ্বন্দ্বিতার মধ্যে কোন প্রকার হীনতার ভাব ছিল না, সে সর্বদা তাহাদিগের দূরে বাস করিত, তাহার উপেক্ষাপূর্ণ হস্ত্য কিরূপ মর্মান্তিক ছিল, তাহা বন্ধুদ্বয় বুঝিতে পারিত, কিন্তু সেজন্ত তাহাদিগকে কেহ কখন ক্ষোভ প্রকাশ করিতে দেখে নাই । নেটা সর্বদা একরূপ ভাব প্রকাশ করিত যে, সে সার্কাসের অধ্যক্ষের ছুহিতা আর ডিক এবং ডাক তাহার পিতার ভৃত্য মাত্র ।

কিন্তু ব্যবসায়ের খাতিরে সময়ে সময়ে ডাক বা ডিককে নেটার সহিত

বীণার ভারের ছায় তাহারা কম্পিত হইত, তাহাদের ওষ্ঠ বিবর্ণ হইয়া উঠিত, কষ্টে তাহারা আত্মসম্বরণ করিতে পারিত ; কিন্তু তাহাদের এই বিহ্বলতা দর্শকগণ অমুভব করিতে পারিত না ।

এদিকে লিটার লংম্যান অল্পদিনের মধ্যে অগাধ সম্পত্তির অধিকারী হইলেন । তিনি জানিতেন, তাহার এই ভাগ্যপরিবর্তনের একমাত্র কারণ ডাক ও ডিক । ডাক ও ডিক কোন দিন লংম্যানকে অর্গের জন্ত পীড়াপীড়ি করে নাই, ছুইটি গুণশালী যুবক, যাহারা যে কোন সার্কাসের অধ্যক্ষকে ভাগ্যবান্ করিয়া তুলিতে পারে, কেন যে এত অল্প অর্থে সস্তুষ্ট থাকে, তাহা লংম্যান কিছুতে বুঝিয়া উঠিতে পারিতেন না ; বুঝিতে না পারিলেও তাঁহার মনে অশান্তির অভাব ছিল না । তিনি তাঁহার তাম্বু প্রায় তিন গুণ বাড়াইয়া ফেলিয়াছিলেন, ক্রীড়া প্রদর্শনের জন্ত তিনি বহুসংখ্যক আরণ্য জন্তু আমদানী করিলেন, ব্যায়াম প্রদর্শকের সংখ্যাও অনেক বৃদ্ধি হইল । খরচ পত্র অনেক বাড়িয়া গেল, কিন্তু আশ্চর্য্য ! ডাক ও ডিক কোন দিন তাঁহার নিকট ছটাকা বেতন বৃদ্ধির জন্তও প্রার্থনা করিল না । তাহারা একরূপ করিত না বলিয়াই তাহার মনে এত অশান্তি ও ভয়, যদি তাহারা তাঁহার নিকট উপযুক্ত বেতনের দাবী করিত, তিনি আহ্লাদের সহিত তাহাদের প্রার্থনা পূরণ করিতেন ।

অবশেষে লংম্যান এক মতলব আঁটিলেন । স্থির করিলেন, তাঁহার সার্কাসে তিনি ডাক ও ডিককে অংশীদার করিয়া লইবেন, তাহা হইলে আর সহসা তাহারা তাঁহাকে ছাড়িয়া যাইবে না । তিনি একদিন কথা প্রসঙ্গে তাহাদিগের নিকট এই প্রস্তাব উত্থাপন করিলেন । আশ্চর্য্যের বিষয়, ডাক ও ডিক উভয়েই ইহাতে কোন উত্তর করিল না, আহ্লাদিত হওয়া দূরের কথা, তাহাদের সম্মতিমাত্র জ্ঞাপন করিল না । মিঃ লংম্যান তাহাদের এই উপেক্ষা দেখিয়া হতবুদ্ধি হইয়া গেলেন, তাহাদের ব্যবহার তাঁহার নিকট রহস্যময় বলিয়া প্রতীয়মান হইতে লাগিল । চিন্তার সমুদ্রে পড়িয়া তিনি ভাসিতে লাগিলেন, কোথাও কুল দেখিলেন না । ইহারা কি উন্মাদ, অর্থে এমন অবজ্ঞা কেন ? অথবা ইহারা কোন ছদ্মবেশী দেবতা তাঁহার শুভগ্রহরূপে তাঁহার স্বক্ক আশ্রয় করিয়া তাঁহাকে প্রতিদিন অধিক ধনবান্ করিয়া তুলিতেছে ।

সহসা লংম্যানের মনে হইল, হয়ত কিছ সন্ধ্যায় আর্চন করিয়া ইহারা



এক নূতন সার্কাসের দল খুলিবে। সর্সনাশ! তাহা হইলে ত তাঁহার পসার প্রতিপত্তি সমস্তই নষ্ট হইবে, কেমন করিয়া তাহাদের এই ভয়ানক সংকল্প লোপ করা যায়। তাহাদের এই অভিসন্ধিতে বাধা দেওয়া যায়। কোনই উপায় নাই, লংম্যান চারিদিক অন্ধকার দেখিলেন। চিন্তার অকুল সমুদ্রে পড়িয়া তিনি একগাছি সূক্ষ্ম তৃণও অবলম্বন করিতে পারিলেন না, তাঁহার মনের অবস্থা অত্যন্ত শোচনীয় হইয়া উঠিল, সুখ শান্তি সমস্ত অস্তর্ধান করিল। হায় অর্গ!

( ক্রমশঃ )

শ্রীজলধর সেন।

## ব্রহ্মোপাসনা কি ?

এখনও এমন গৌড়া হিন্দু বহুকরাতিলক বিরাজমান দেখা যায়,— যাহারা “ব্রহ্ম” নাম ঋতিবিবরে প্রবিষ্ট হইলেই সূচীবেধ ভাবিয়া চমকিয়া উঠেন, আর ভাবেন, যাহারা ব্রহ্ম ব্রহ্ম বলেন, তাঁহারা যেন ঘৃণাই অহিন্দু; তাঁহারা যেন শিবভূগা কালী প্রভৃতিকে উৎখাত করিয়া দিতে চাহেন।

আবার অনেক ব্রাহ্মও আছেন, দেববাদী হিন্দুদিগকে “অব্রাহ্ম” এবং অজ্ঞানতমসাচ্ছন্ন এবং কুসংস্কারাপন্ন মনে করেন, ঘৃণাই মনে করেন। এই দুই দলের দলাদলি মিটাইবার জন্তই ভগবান্ বিষ্ণু “বিষ্ণুসংহিতায়” মত্বপদেশ প্রদানে দুই দলেরই মীমাংসা করিয়া দিয়াছেন; ইহাই এই প্রবন্ধে প্রদর্শিত হইতেছে।—

যাহার সকল প্রকার মোহ বিদূরিত হইয়াছে, যাহার বর্ণাশ্রমোক্ত ধর্ম্মাশুষ্ঠানে অন্তরের মালিণ্য অপনীত হইয়াছে, যিনি এ জগতে নিত্য বস্তু কি? অনিত্য বস্তুই বা কি? ইহা নিশ্চয়রূপে বুঝিয়াছেন, যিনি ইহলোকে স্কুমার মল্লিকামালার পরিমলে, কুলুমাক্ত চন্দনগন্ধে বা কোমলাঙ্গী কমলায়তাক্ষী অবলার লাবণ্য বিলোকনে বীভৎস-দর্শন বমি মূত্র বিষ্ঠা বা শ্লেষ্মভক্ষণের গ্ৰায় বিরক্ত হইয়াছেন, এবং পরলোকে স্বর্গলোকবর্ত্তি নন্দন-কাননভ্রমণে বা উর্ধ্বশী রত্না মেনকার সহবাসে বমি-মূত্র-বিষ্ঠা বা শ্লেষ্মভক্ষণের গ্ৰায় বিরক্ত হইয়াছেন, এবং পরলোকে স্বর্গ-

উপরতি, তিতিক্ষা, সমাধান এবং শ্রদ্ধাবিশিষ্ট হইতে পারিয়াছেন, \* এবং মুক্ত হইবার জন্ত যিনি নিতান্ত ব্যাকুল হইয়াছেন, ঈশ্বর যাহাকে কৃপা কটাক্ষে অবলোকন করিয়াছেন, একমাত্র সেই সুধন্য পুরুষই চির সুখ-নিকেতন নিকৃপদ্রব, শাস্ত, শিব, চিদানন্দ, কেবলানন্দ, অখণ্ডানন্দ, অমিতানন্দ, আনন্দানন্দ, নেত্রের অন্তরে অবস্থিত হইয়াও দর্শন পথের অতীত, করভল-স্পৃষ্ট হইয়াও পরাধিক পথের অতিক্রান্ত, হৃলক্ষ্য, হৃদয়ের হৃদয়, নয়নের নয়ন, শ্রবণের শ্রবণ, ঘ্রাণের ঘ্রাণ, প্রাণের প্রাণ, রসনার রসন, স্বকের স্বক, বুদ্ধির বুদ্ধি, মনের মন, জগতের পিতা, জগতের মাতা, ভ্রাতা, সখা, ও তৎসং সেই পরব্রহ্মের উপসনা করিতে সমর্থ।

সেই ধন্য উপাসক প্রবরকে ব্রহ্মোপসনার প্রকার ভগবান্ বিষ্ণু উপদেশ প্রদান করিতেছেন,—

যথা বিষ্ণুসংহিতা ৯৭ অধ্যায় ।—

“উক্ৰশোভানচরণঃ সব্যে করে করমিতরং গুশ্চ তালুস্থানজিহ্বো  
দর্শৈর্দন্তানসংস্পৃশন্ স্বং নাসিকাগ্রং পশুন্ দিশ্চানবলোকয়ন্ বিভীঃ প্রশান্তাস্মা  
চতুর্বিংশত্যা তদ্বৈব্যতীতং চিন্তায়ৎ ॥ ১ ॥”

অর্থ—ব্রহ্মোপসাক দুই উক্ৰতে উত্তানভাবে উভয় চরণ বিগুস্ত করিয়া বামহস্তের উপরে দক্ষিণহস্ত স্থাপিত করিয়া, তালুতে জিহ্বা মিশ্রলভাবে রাখিয়া, উভয় দন্তপঙ্ক্তি পরস্পর স্পর্শ না করিয়া, স্বকীয় নাসাগ্রমাত্র অবলোকন করিবে, ইতস্ততঃ অবলোকন করিবে না, চিন্তে কোনও ভয় রাখিবে না, † প্রশান্ত চিন্তে চতুর্বিংশতি তদ্বৈর অতিরিক্ত সেই পরব্রহ্মকে

\* শম—অন্তরিত্তিয় নিগ্রহ, দম—বহিরিত্তিয় নিগ্রহ, উপরতি—উপরোক্ত শাস্ত্রোক্ত বৈধকর্মের শাস্ত্রানুসারে পরিত্যাগ, তিতিক্ষা—দেহ বিষটিত না হয় এরূপ প্রকারে শীতোষ্ণাদি যুগল পদার্থ সহ করা, সমাধান—ঈশ্বর চিন্তায় নিবিষ্টমন অভ্যাস বশে আবার যদি বিষয়ের প্রতিধাবিত হয়, তখন দোষ বুদ্ধিতে পুনর্বার বিষয় হইতে ফিরাইয়া আনা, শ্রদ্ধা—গুরুবাক্য ও শাস্ত্র বাক্যে দৃঢ়বিশ্বাস। (আত্মানন্দ বিবেক)

† ভগবান্ ব্যাসদেব গীতাতে বিষ্ণু সংহিতারই অনুরূপ শ্লোক বলিয়াছেন—যথা—৬। ১৩—১৪।



চিন্তা করিবে অর্থাৎ—পরব্রহ্ম প্রকৃতি, বুদ্ধি, অহঙ্কার, শব্দতন্মাত্র, স্পর্শ তন্মাত্র, রূপতন্মাত্র, রসতন্মাত্র ও গন্ধতন্মাত্র নহেন, পরব্রহ্ম মন শ্রবণ শ্রুতি, চক্ষু, রসনা, ঘ্রাণ বাক্‌পাণি পদে পাশু ও উপস্থ এই একাদশ ইন্দ্রিয় নহেন, পরব্রহ্ম ক্ষিতি অপ্‌ তেজ মরুৎ ও ব্যোম নহেন—পরব্রহ্ম তাহার অতিরিক্ত ॥ ১ ॥

“নিত্য মতীন্দ্রিয় মগুণং শব্দস্পর্শ রূপরস গন্ধাতীতং সর্বজ্ঞ মতি সূক্ষ্মং ॥ ২ ॥

অর্থ—পরব্রহ্ম নিত্য—তাঁহার ধ্বংস ও প্রাদুর্ভাব নাই, মনঃ প্রভৃতি ইন্দ্রিয়, তাঁহাকে জানে না, কেননা তিনি শব্দ স্পর্শ রূপরস বা গন্ধ নহেন, কিন্তু সকলকেই তিনি জানেন, যে হেতু তিনি মহান্ সকলেতেই ব্যাপক রূপে আছেন ॥ ২ ॥

“সর্বগ মতি সূক্ষ্মং” ॥ ৩ ॥

অর্থ—তিনি সকল বস্তুই অন্তরে বাহিরে অমুখ্যত, কেন না তিনি অতি সূক্ষ্ম ॥ ৩ ॥

“সর্বতঃ পানি পাদং সর্বতোহক্ষি শিরোমুখং সর্বতঃ সর্বশক্তি ॥ ৪ ॥ (\* )

অর্থ—তাঁহার সকল দিগে সহস্র সহস্র পানি, সহস্র সহস্র পাদ, সহস্র সহস্র শির, সহস্র সহস্র চক্ষু ও সহস্র সহস্র মুখ বিস্তারিত রহিয়াছে; সকল দিগেই তাঁহার শক্তি প্রসারিত ॥ ৪ ॥

“এবং ধ্যায়েৎ” ॥ ৫ ॥

অর্থ—এই প্রকারে পরব্রহ্মের ধ্যান করিবে ॥ ৫ ॥

“ধ্যান নিরতস্ত সংবৎসরেণ যোগাধির্ভাবো ভবতি” ॥ ৬ ॥

অর্থ—উক্তরূপে ধ্যানে নিরত থাকিলে এক বৎসর কালেই সেই সাধকের যোগ উপস্থিত হয় ।

“অথ নিরাকারে লক্ষ্যবদ্ধং কর্তুং ন শক্নোতি তদা পৃথিব্যাশ্বেজো বাহ্যাকাশ মনোবুদ্ধ্যাব্যক্ত পুরুষাণাং পূর্বং পূর্বং ধ্যায়া তত্র লক্ষ্যলক্ষ্য স্তত্তৎ পরিত্যজ্যাপর মপরং ধ্যায়েৎ ॥ ৭ ॥

অর্থ—যদি নিরাকারে লক্ষ্য স্থির করিতে সমর্থ না হও তবে পৃথিবী জল, তেজ, বায়ু, আকাশ, মন, বুদ্ধি, প্রকৃতি এবং পুরুষের মধ্যে পূর্ব পূর্ব পদার্থগুলিকে ধ্যান করিবে, তাহাতে লক্ষ্য স্থির হইলে সেই সেই

\* সর্বতঃ পানিপাদস্তং সর্বতোহক্ষি শিরোমুখং  
সর্বতঃ শক্তি মল্লোতে সর্বমাবৃত্য তিষ্ঠতি ॥

যেয় পদার্থগুলি ছাড়িয়া পরের পরের ধ্যেয় পদার্থের ধ্যান করিতে আরম্ভ করিবে, অর্থাৎ স্থূল পৃথিবীর ধ্যান করিতে করিতে ভালরূপে আয়ত্ত হইলে অর্থাৎ সেই নেত্র আনীলন করিলে অগ্নি পৃথিবীর সম্যক রূপ আসিয়া হৃদয়ে প্রতিভাত হইল, এইরূপ পৃথিবীর ধ্যান সড় গড় হইলে, তখন পৃথিবীর ধ্যান ছাড়িয়া জলের ধ্যান করিতে প্রবর্ত্ত হইবে, এইরূপে ক্রমশঃ স্থূল ধ্যান ছাড়িয়া সূক্ষ্মের দিগে অগ্রসর হইবে, এবং ক্রমে প্রকৃতি পর্যন্ত ছাড়িয়া পুরুষের ধ্যানে প্রবর্ত্ত হইবে ॥ ৭ ॥

“এবং পুরুষ ধ্যানমারভেৎ” ॥ ৮ ॥

অর্থ—এইরূপে পুরুষের ধ্যান আরম্ভ করিবে ॥ ৮ ॥

“তত্রাপ্যসমর্ধঃ স্বহৃদয় পদ্মশাবান্ধুখশ্চ মধ্যো দীপবৎ পুরুষং ধ্যয়েৎ” ॥ ৯ ॥

অর্থ—উক্তরূপে আত্মার ধ্যান করিতে অসমর্থ হইলে অধোমুখে অবস্থিত হৃদয় কমলমধ্যে প্রদীপবৎ পুরুষের ধ্যান করিবে ।

“তত্রাপ্যসমর্থোভগবন্তঃ বাসুদেবং কিরীটিনং কুণ্ডলিনমঙ্গদিনং শ্রীবৎসাক্ষ বনমালাবিভূষিতোরঙ্কং সৌম্যরূপং চতুর্ভুজং শঙ্খচক্র গদাপদ্মধরং চরণমধ্য গতভুব্যং ধ্যয়েৎ” ॥ ১০ ॥

অর্থ—পূর্বেক্ত প্রণালীতে যদি পুরুষের ধ্যান করা হৃক্ষর মতে হয়, তবে যাঁহার চরণযুগলে ভগবতী বসুন্ধরা মূর্ত্তিমতী হইয়া প্রণতা, যিনি চারিহস্তে শঙ্খ চক্র গদা ও পদ্ম ধারণ করিয়াছেন, অতিশয় সৌম্যমূর্ত্তি, যাঁহার প্রশস্ত বক্ষঃস্থলে বনমালা দোলায়মান, এবং কুটিল কোমরেখা জলাবর্ত্তের মত শোভমান, মুখমণ্ডল কিরীট কুণ্ডলে উদ্ভাসিত, সেই ভগবান্ বাসুদেবের মনোমোহনমূর্ত্তি চিন্তা করিবে । ( ১ )

“যক্ষ্যায়তি তদাপ্নোতি ধ্যানগুহং” ॥ ১১ ॥

অর্থ—এ প্রকারে যাঁহাকে ধ্যান করা হয়, ধ্যান গম্য সেই পদার্থ লাভ করিতে পারে ॥ ১১ ॥

( ১ ) এ স্থানে বাসুদেব কেবল উপলক্ষণমাত্র, কিন্তু বুদ্ধিতে হইবে, আপন আপন অভিমত দেবতা, কোনও একটী দেবতাকে লক্ষ্য করিয়া ধ্যানের দ্বারা চিত্তের একাগ্রতা সাধনাই উদ্দেশ্য, অতী কিছু নহে, একজন্মই মহর্ষি পতঞ্জলি যোগসূত্রে কহিয়াছেন, “যথাভিমতধ্যানাৎ” । ১।৪৫ ।

অর্থ—যে কিছু অভিমত বস্তুর ধ্যানের দ্বারাই চিত্তের একাগ্রতা



“তস্মাৎ সৰ্বমেব ক্ষরংত্যক্ত্বা অক্ষরমেব ধ্যায়েৎ ॥ ১২ ॥

উক্ত প্রকারে স্থল মূর্তিতে লক্ষ্য স্থির হইলে তৎপরে স্থল পরিত্যাগ করিয়া একমাত্র অক্ষর পরব্রহ্মকেই ধ্যান করিবে ॥ ১২ ॥

“ন চ পুরুষংবিনা কিঞ্চিদস্বস্তি” ॥ ১৩ ॥

অর্থ—এ জগতে সেই পরব্রহ্ম ব্যতীত আর কিছুই অক্ষর অচ্যুত পদার্থ নাই ॥ ১৩ ॥

“তংপ্রাপ্য মুক্তো ভবতি” ॥ ১৪ ॥

অর্থ—ঐহাকে লাভ করিতে পারিলেই সংসারের জ্বালা যন্ত্রণা হইতে মুক্তিলাভ করিতে পারিবে, অত্যাচার আর কিছুতেই নিগূর নাই ॥ ১৪ ॥

ইহাই আৰ্য্য শাস্ত্রানুমোদিত ব্রহ্মোপাসনা, ইহারই জন্ত আৰ্য্যগণ স্থলোপাসনার পথ উদ্ভাবিত করিয়াছেন, এরূপ স্থলে অভ্যাস লাভ করিয়া শত জন্মান্তেও যদি অখণ্ডানন্দস্বরূপ সেই পরম পুরুষকে লাভ করা যায়, আৰ্য্যসাধক তাহাতেও কৃতার্থতা লাভ করিবে ।

শ্রীজয়চন্দ্র সিদ্ধান্তভূষণ ।

## দুঃখ ।

দুঃখই সংসারের একমাত্র বিভীষিকা । যত কিছু উদ্বোধ, চেষ্ঠা, ভাবনা, উদ্বোধ এবং পরিশ্রম সকলই দুঃখ হইতে পরিত্রাণ পাইবার জন্ত । মনুষ্য অসাধ্যসাধন করিতেছেন, গিরি তুলিতেছেন, সাগরের তলস্পর্শ করিতেছেন, কেবল দুঃখকে দূরে রাখিবার জন্ত । “চিরদুঃখী হও” ইহার জ্বায় মর্শভেদী অভিসম্পাত মনুষ্য সমাজে আর নাই; মহা শত্রু না হইলে এমন গালি দেয় না । মৃত্যু এত আশঙ্কার ব্যাপার হইত না, যদি উহাকে আমরা মহাদুঃখ—মহাভয় বলিয়া না জানিতাম । কিন্তু দুঃখ কি, কাহাকে দুঃখী বলিতে পারি ? কি জানি কি ? তুমি, আমি দেশশুদ্ধ লোক এক সময়ে না এক সময়ে দুঃখের আশ্বাদ পাইয়াছি, দুঃখী হইয়াছি; পরন্তু সাধারণতঃ দুঃখ পদার্থ কি, তাহা বলা অতি কঠিন । যে দেশে দুঃখ নাই, যে রাজ্যের প্রজা দুঃখ কাহাকে বলে জানে না, কখনও কোন দুঃখী হতভাগাকেও দেখে নাই, তাহাদের কেমন করিয়া বসাইবে দুঃখ

কি ! যাহা হইলে তুমি নিজকে দুঃখী মনে কর, হয়ত আমি তেমনটি হইলে মহাসুখী হই, আবার তোমার সুখের উপাদানকে অণ্ডে গুকারজনক বলিয়া ত্যাগ করিতে পারে। ধনী শীতকালকে সুখের—বিলাসের সময় বলিয়া মনে করে, দুঃখী দরিদ্র গ্রীষ্মসমাগমে নিশ্চিন্ত হয়, তখন আর বজ্রাচ্ছাদনের জন্ত উদ্বিগ্ন হইতে হয় না। চাষা বুক্‌ড়ী চালের ভাত খাইয়া, গুড়ুক টানিয়া আমগাছের তলায় মহাসুখে নিদ্রা যায়, আর লক্ষপতি দুঃখফেননিভ কার্পাস-শয্যায় শয়ন করিয়া অনিদ্রায় উষ্ণমস্তিষ্ক হইয়া শিরঃ-পীড়ায় ব্যথিত হয়েন। কিন্তু লক্ষপতি ধনীকে যদি বলা যায় যে, আপনি প্রগাঢ় নিদ্রার প্রার্থনা করেন, আপনি চাষার গায় লুণ মাখিয়া বুক্‌ড়ী চালের ভাত খাইয়া, গুড়ুক টানিয়া এই বৈশাখ মাসের রৌদ্রে আমার শীতলছায়ায় গিয়া শয়ন করুন, আপনার দুঃখ দূর হইবে, আপনি নিদ্রিত হইবেন। তাহা হইলে হয়ত তিনি আত্মহত্যা করা সহজ মনে করেন, এবং এমন ভীষণ চিকিৎসা দূরে নিক্ষেপ করেন। যাহা চাষার পক্ষে সুখ অথবা সুখের কারণ, তাহা ধনীর ভীষণ দুঃখ। তবে কি বলিব, যাহাতে লোকে অসুখী হয়, তাহাই দুঃখ। গৌতমের স্তায় সুখে আছে ! যে, “বধিনা লক্ষণং দুঃখমিতি” [ ১ম অ, ১ আ ২১স্থ ] দুঃখের লক্ষণই বাধা। গতি এবং প্রবৃত্তি এবং অন্তর্বিধ শারীরিক ও মানসিক চেষ্টা বাধিত অথবা রুদ্ধ হইলে দুঃখ হয়। আমি যাহা চাই, তাহা যদি না পাই, অথবা ইচ্ছিত বস্তুর প্রাপ্তির পথে যদি কিছু বাধা কিম্বা বিপদ ঘটে, তবেই আমি দুঃখিত হই, মর্ন্নাহত হই। শিশু জল কাদা লইয়া খেলিতে চায়, প্রাপ্তিমাত্রেই সকল পদার্থই বদনে দেয়, বর্ণপরিচয় প্রথম ভাগের ছই একখানি পাতা চিবাইয়া ভোজন করিবারও এক একবার চেষ্টা করে ; কিন্তু তুমি তাহার পিতা, বালকের ভবিষ্যৎ ভাবিয়া তাহাকে এই সকল কার্য হইতে প্রতিনিবৃত্ত কর ; কিন্তু সে তাহা বুঝে না, মনে মনে অতিশয় দুঃখিত হয়। শেষে মনের বেগ না সামলাইতে পারিয়া কাঁদিয়া ফেলে। ভিতরে যখন কোন একটা চেষ্টা হয়, যখন আত্মার শক্তি সকল বহিস্থুখী হয়, প্রত্যেক স্নায়ুতে একটা যেন তড়িৎবেগ প্রবাহিত হইতে থাকে, আবেগ এবং উদ্বেগজনিত উৎকর্ষায় মন সদাই চঞ্চল থাকে, আশার সামগ্ৰী পাইবার জন্ত আত্মজ্ঞানশূন্য হইয়া আমরা কার্য করিতে থাকি। মন বদ্ধি প্রবৃত্তি যেন তদাকাবাকারিত হইয়া যায়, তখন যদি কোন

অনন্তরূত অজ্ঞের ব্যাপার সংঘটিত হইয়া আমাদের আশাপথে কণ্টক হইয়া দাঁড়াইল, আর যদি বুঝিতে পারি যে, শতচেষ্টা করিলেও কার্যসিদ্ধি হইবে না, তাহা হইলেই যে সকল আত্মশক্তি আমাদের স্নায়ুগুণকে প্রকল্পিত করিয়াছিল, যে চেষ্টার জন্য আমরা উৎকর্ষার ঘোরে আত্মহারা হইয়াছিলাম, তাহারা যেন স্তম্ভিত হইয়া যায়। বাহারা বাহিরের কার্যে শতমুখী হইয়া প্রধাবিত হইয়াছিল, তাহারা হঠাৎ প্রতিকূল হওয়াতে শরীরেতেই পর্যাবসিত হইয়া থাকে। শরীর এবং মন, কিন্তু এই সংপ্রবাহিত বেগকে মধ্যপথে সম্বরণ করিতে পারে না। স্বাভাবিক নিয়ম এই যে, শক্তি শক্তিদ্বারাই স্তম্ভিত এবং পরাভূত হইয়া থাকে। সুতরাং এই কার্যশক্তিকে আয়ত্ন করিতে হইলে, আত্মার আর এক স্বতন্ত্র শক্তি প্রকৃত করিতে হইবে। প্রথম চেষ্টার এবং উত্তমে শরীরের অল্প শক্তি শ্লথ এবং হীন হইয়াছিল, হঠাৎ এক নূতন এবং বিপরীত শক্তির উদ্ভাবনার যে আয়াসটুকু করিতে হয়, তাহাতে আরও যেন মন ও স্নায়ুগুণী এলাইয়া পড়ে। এই বাধাগ্রস্ত এবং শক্তিহীন অবস্থাই দুঃখ। প্রবাসী বাঙ্গালী বাবু ছুটী লইয়া বাঙ্গালা আসিবেন। অনেক দিনের পরে দেশে ফিরিতেছেন, তাই তথাকার নানাবিধ নূতন সামগ্রী সকল ক্রয় করিতেছেন, সুবর্ণ গহনাও হুই একখানা প্রস্তুত করিতে দিয়াছেন, স্বর্ণকাপের কাটাতে প্রতিদিন যাতায়াত করিতেছেন, এবং একখানি ছুটির দরখাস্ত করিয়াছেন, বড়বাবু সুপারিস করিয়া বড় সাহেবের নিকট উহা পাঠাইয়া দিয়াছেন, সাহেবও প্রার্থনা মঞ্জুর করিয়াছেন। যাহা কিছু আবশ্যিক, তাহা সকলি সংগ্রহ করা হইয়াছে, উৎকর্ষায় আবেগে বাবু এখন যাইবার দিন গণিতেছেন, ক্রমে অবসরের দিনও নিকট হইল, বাবু বন্ধুবান্ধবের সহিত সাক্ষাৎ করিয়াও বিদায় লইয়া আসিলেন। এমন সময়ে যদি তাঁহার জর হয় এবং ডাক্তারে বলে যে, তিনি কোন ক্রমেই দেশে যাইতে পারিবেন না, তাহা হইলে বোধ হয়, যেন তাঁহার হৃদয় ভাঙ্গিয়া যায়, দুঃখে হতাশে শরীরে যেন অসাড় নিষ্পন্দ হইয়া পড়ে, চক্ষু ফাটিয়া অশ্রুবিন্দু পড়িতে থাকে। এই বাধিত অবস্থাই দুঃখ। স্বেচ্ছা এবং প্রবৃত্তির বিপরীত যাহা, তাহাই দুঃখ। অর্থাৎ স্বেচ্ছা এবং প্রবৃত্তির বেগ অপ্রতিহত থাকিলে লোকে সুখী হয়। সুখ জীবনের সহজাবস্থা, দুঃখ বাধিত এবং বিরুদ্ধাবস্থা। তাই বলিয়া-



জিজ্ঞাসা করি, যদি প্রবাহিনী সমতল ক্ষেত্রমধ্য দিয়া, সহজে বিনা বাধায় বহিয়া সাগরে গিয়া পড়িত, তাহা হইলে উহা বেগবতী হইত কি না? তাহা হইলে উহা গভীর খাদ বাহিয়া গ্রাম, নগর পল্লী সকলকে সঞ্জীবন প্রদান করিয়া, মেহমিথ্র করিয়া উত্তাল তরঙ্গে ছুটিতে পারিত কি না? মনে হয়, পারিত না। শক্তি বাধা না পাইলে সঞ্চিত হয় না, আবার সঞ্চিত শক্তি ব্যতীত বেগবান অন্য কিছুই নাই। সুতরাং গতি, বাধিত শক্তিতেই জন্মিয়া থাকে। অর্থাৎ যে শক্তি সংবদ্ধ, রুদ্ধ, সংপিষ্ট অথবা দুঃখিত তাহাই প্রবল প্রকাশশালিনী, এবং প্রবলতা না থাকিলে শক্তি কার্যহীন স্থায়ী। তবেই বলি না কেন, দুঃখ না পাইলে শক্তি প্রকাশিতা হয়েন না। বিন্দু বিন্দু জল পর্বতপঙ্করে সঞ্চিত হইয়া ধীরে ধীরে পাথর-চাপা বন্ধ বিদীর্ণ করিয়া রক্ত স্রবধারে গলিয়া পড়িতে লাগিল, তাহার উপলব্ধির উপর পড়িয়া উলটি পালটি খাইতে লাগিল, দুঃখে যেন শুকাইয়া যাইতে লাগিল; শেষে পরামর্শ করিয়া দশজনে এক হইয়া প্রস্তর রাশির উপর আছাড় খাইয়া পড়িল। কত বাধা বিপত্তি উত্তীর্ণ একটু সমতলক্ষেত্রে অনায়াসে বহিয়া যাইতে পাইল, আবার বাধা, আবার বন্ধুর ভূমি, কত স্থানে বিশ্রাম হ্রদ নিৰ্ম্মাণ করিয়া স্থির হইয়া ব্যয়িত শক্তি পুনঃ সঞ্চয় করিল, এত পরিশ্রম চেষ্টা, উত্তম, চিন্তা, ব্যথা, উৎকর্ষা কাটাইয়া, তোমার আমার স্বাধ তৃপ্তি কাঙ্ক্ষালগণকে স্নিগ্ধতা বিলাইয়া, নিৰ্ম্মল পানীয় দান করিয়া, সঞ্জীবিত করিয়া দুঃখে কষ্টে তরঙ্গিনী তবে মহতের—বিশালের সঙ্গে মিশাইয়া যায়। তবে কি দুঃখই নদী সকলের উপাদেয়তার আদি কারণ?

তোমার আমার ক্ষুদ্র ক্ষুদ্র জীবনেও কি এই মহাভয়ের উপকারিতা দেখা দেয় না? দেয় বৈ কি! নে জীবন জীবনই নহে, যাহা দুঃখের—দারিদ্র্যের অগ্নি পরীক্ষায় নিৰ্ম্মলীকৃত না হইয়াছে। সে মনুষ্য মনুষ্যই নহে, যে সদা স্বথের ক্রোড়ে নিশ্চিন্ত নিদ্রিত থাকে। সে বুদ্ধি বুদ্ধিই নহে, যাহা অভাবের পেষণে সূশাগিত না হইয়াছে। যেমন নদীজল বাধা পাইয়া, প্রণালীবদ্ধ হইয়া গভীরতা প্রাপ্ত হয়, তেমনি মনুষ্য-প্রকৃতি দুঃখ দৈন্য দরিদ্রতার বিষম বাধা পাইয়া, প্রণালীবদ্ধ হইয়া গভীরতা প্রাপ্ত হয়। গভীর নদী পূতসলিলা, গভীর প্রকৃতি পুণ্য পরিমলযুক্ত। মনুষ্য

ছড়াইয়া পড়ে, স্থানে অস্থানে চলিয়া যায়, গোপদ-গভীর হয় মাত্র ।  
 যেখানে গভীরতা নাই, প্রণালীবদ্ধ কার্য্য নাই, বেগ নাই, অধ্যবসায় নাই,  
 সেখানে উদ্দেশ্য সাধন হয় না, সেখানে বাস করিলে মনুষ্য হারাইতে  
 হয়, সে দেশ যখন দেশ, নরকজ্ঞানে উহা সর্ব্বথা পরিত্যাগ করিবে ।  
 হুঃখ আমাদের উদ্দেশ্য বুঝাইয়া দেয়, সংসারের অসারতা অলীকতা দেখাইয়া  
 মহান্ বিশাল প্রকাণ্ড অনন্তের মধ্যে ডুবিতে ইঙ্গিত করে । সংসারে কত  
 বাধা পাও, কত ব্যথা পাও, যাতনায় মুখে রক্ত উঠিতে থাকে, দশদিক্  
 শূন্য দেখ, তবুও যেন মনে হয়, কে বুঝি কানের কাছে চুপি চুপি  
 বলিতেছে, যাহা খুঁজিতেছ, তাহা এই অনতিদূরেই অবস্থিত । হুঃখের  
 বিরাট জালায় যখন প্রবৃত্তি ও বাসনাবিলাস পুড়িয়া থাক্ হইয়া যায়, তখন  
 কে যেন স্বপ্নের ঘোরে বুঝাইয়া দেয় যে, আমার শীতল সাগর-সঙ্গম  
 এই দৃষ্টির তিতরে আসিয়াছে । বীরত্ব, মহত্ব, আত্মত্যাগ, বৈরাগ্য, সাহস,  
 উত্তম এবং ভরসা কোথায় পাইতাম, যদি সংসারের হুঃখ না থাকিত,  
 যদি লোকে হুঃখের বজ্রসূচী বিক্রমে উন্নত উদ্ভ্রান্ত না হইত । যদি বুঝি  
 আমরা হুঃখী, তবেই স্থির জানিও, সুখের উষা ফুট ফুট হইয়াছে ।  
 আমাদের হুঃখের উপদানের অভাব নাই । যাতনাদায়ক অনুপান সংগ্রহ  
 হইয়াছে, এখন বুঝিতে হইবে, প্রাণে প্রাণে ব্যথিত হইয়া, মর্মে মর্মে  
 আঘাত পাইয়া অনুভব করিতে হইবে আমরা হুঃখী, চিরহুঃখী মহাহুঃখী ।  
 তীর অনুভূতি হইলেই প্রবাহ আসিবে । সে কোটাল বাণে সব ভাসিয়া  
 যাইবে, জীবনদী উজান বহিবে, মহাসাগরের শীতল জলে হুঃখদাবদণ্ড  
 হিন্দুহৃদয় কৃতার্থ হইবে । তবে কেন হুঃখকে ভয় করি, কেন হুঃখী দেখিলে  
 সরিয়া দাঁড়াই । এস হুঃখ ! ভারতের আপদমস্তক তোমার বিষম বিষ-  
 বেদনায় ব্যথিত করিয়া দেও, তোমার তাড়নায় লোকে যেন অস্থির উন্নত  
 হইয়া উঠে । এস তুমি সর্ব্বমঙ্গলবিধাতা, সর্ব্বসম্পাদাতা ! ভারতের গৃহে  
 গৃহে আসিয়া দেখা দেও । রাজা, মহারাজা, নবাব, উজীর, ছোট, বড়,  
 ধনী, নির্ধন সকলকে তোমার তড়িৎশক্তি দ্বারা বিকম্পিত করিয়া দেও ।  
 এ অসাড় নিষ্পন্ন জাতিকে উত্তম দেও, উত্তেজনা দেও, উন্নততা দেও ।

শ্রীপাঁচকড়ি বন্দ্যোপাধ্যায় ।

## জননী ।

পাঠক ! পীড়ায় জর্জরিত হইয়া অনেক ঔষধ সেবন করিয়াছ, কিন্তু মাতার সেবাশ্রমের মত শান্তি ঔষধ পাইয়াছ কি ? অসহ যন্ত্রণা পাইয়া, উন্মাদের স্থায় রোদন করিতে করিতে “মা” বলিয়া ডাকিলে, যেমন মন প্রাণ শীতল হয়, সেরূপ আর কিছুতেই হয় না। কারণ, মাতার নিমিত্ত আমরা সেরূপ ব্যাকুল, মাতা সন্তানের জন্ত ততোধিক কষ্টেরা। জননীর গর্ভ হইতে এই মরণশীল জগতে ভূমিষ্ঠ হওয়ার পর, আমাদের নয়ন ধীকিলেও কিছুই চিনিতে পারিতাম না। কণ থাকিলেও শব্দের ঘাত-প্রতিঘাত গ্রাহ্যের মধ্যে আসিত না। নাসিকা থাকিলেও কোন দ্রব্যের সুগন্ধ বা দুর্গন্ধ কিছুই অনুভব করিতে পারিতাম না। কিছুদিন পরেই আর আমাদের সে অবস্থা থাকে না। এক দুই করিয়া দিনের পর দিন, মাসের পর মাস, বৎসরের পর বৎসর, স্রোতস্বতীর জলপ্রবাহের মত গত হইতে থাকে, আর প্রাণীমাত্রেরই পরিবর্তনশীল জগতে ক্রমে ক্রমে এক অভিনব রাজ্যে পদার্পণ করিতে থাকে ; তখন আমরা যাহার উদরে দশ মাস দশ দিন বাস করিয়াছিলাম, যিনি শরীরের রক্তধারা পীযুষরূপে দান করিয়া আমাদের এই অমূল্য জীবন রক্ষা করিয়াছিলেন ; যিনি রজনীতে অনিদ্রায় ও সন্তানের অবস্থা বিশেষে অনাহারে থাকিয়া সন্তানের মঙ্গল-কামনা করিতেন, এবং যিনি অসহ কষ্টে পতিত হইয়াও সন্তানের মুখকমল দর্শন করিয়া সমুদয় ক্লেশ ভুলিয়া যাইতেন ; যিনি সন্তানের পীড়া হইলে এই নিখিল ব্রহ্মাণ্ড অন্ধকার দেখিতেন এবং সন্তানের সুখে যিনি স্বর্গ-সুখ লাভ করিতেন ; সেই স্নেহময়ী প্রেমময়ী জননীকেই আমরা প্রথমে “মা” বলিয়া ডাকিতে শিখি। সৃষ্টিকর্তা বিধাতার একরূপ সৃষ্টিকৌশল ভেদ করিতে কেহই সক্ষম নহেন।

সকলে স্পষ্টই দেখিতেছেন যে, মাতা সন্তানের নিমিত্ত স্বীয় জীবন পর্যন্ত উৎসর্গ করিতে প্রস্তুত ; মাতার অপত্যস্নেহের সদৃশ স্বর্গীয় সুখের সামগ্রী এ জগতে আর দ্বিতীয় নাই। মাতা অপেক্ষা পরম পূজনীয় পবিত্র বস্তু পৃথিবীতে আর কোথাও পাইবে না। স্বর্গ যে এত বড় উচ্চ স্থান, যাহার পবিত্রতার সীমা নির্দেশ করা যায় না, মাতা তদপেক্ষা উচ্চ ও



## তুমি কি ?

( কভু ) ছুটাছুটি কর হাসি কলরবে  
আঁচল উড়িয়ে পবনে,  
গোলাপ গুঁজিয়া সূঁচাম খোঁপায়,  
আগুতা পরিয়া চরণে ।

( ২ )

( কভু ) আলু'স্নিত কেশ নুঠিত আঁচল  
গভীর বদন নেহারি,  
মুখে কথা নাই চোখে হাসি নাই  
চরণ চলে না তোমারি ।

( ৩ )

তুমি কি বালিকা—কুমুম কলিকা  
ভাবনা যাতনা জান না ?  
সংসারের অলি'কতই গুঞ্জরে  
সে দিকেও কাণ পাত না ?

( ৪ )

কিবা চিন্তাশীলা স্রুগুরু হৃদয়া  
আশা নিরাশার কিঙ্করী,  
রাগ বিরাগের, সুখের দুখের  
এখনি গো তুমি সুন্দরি ?

( ৫ )

ভালবেসেছিলে ভালবাসে নাই  
ছখ দিয়া গেছে পরাণে,

তাই কি ভাব গো কখনো কখন  
বিবাদ-বিরস বদমে ?

( ৬ )

এ বিশ্বমণ্ডলে কে আছে অধম  
তোমাকে হেলে যে ললনে,  
আশীষের ফুল শিরে না পরিয়া  
দূরে কে ঠেলে গো চরণে ?

( ৭ )

নিরাশ প্রেমের অনল নিশ্বাস  
ও কোমল হৃদি দহে না,  
পারিজাত ভরা নন্দনকাননে  
শিরকোর কভু বহে না ।

( ৮ )

তবে যে কালিমা কভু দেখা যার  
ও মুখে তোমার প্রেমসি,  
(সে) কমলে শৈবালে বিধির বিধানে  
মাধুরী বাড়ে গো রূপসী ।

( ৯ )

(তুমি) বালিকা, প্রবীণা চপলা, সুধীরা,  
হাসিমুখী কভু মলিনা ;

(আমি) নানারূপে তোমা আরাধনাকরি  
প্রেমযোগে কভু টলি না ।

শ্রীদ্বিজেন্দ্রনাথ নিয়োগী ।



# জন্মভূমি

No 321

4th 1900

(সচিত্র মাসিক পত্র।)

নবম বর্ষ।

১৩০৭ সাল, আশ্বিন।

৩য় সংখ্যা।

বাঙ্গালা-সংবাদ-পত্রের ইতিহাস।\*

(পঞ্চদশ প্রস্তাব।)

৬৪। কৌস্তভকিরণ।

(১২৫৫ সাল—১৮৪৮ খৃষ্টাব্দ)

ঘোষ মহেশচন্দ্র, “কৌস্তভ” বন্ধে ধারণ করিয়া, দিন-কতকের তরেও মুখ-সৌভাগ্যের অধিকারী হইলেন। ভগবানের বন্ধঃস্থ কৌস্তভমণি, যেমন পবিত্র, তেমনই শোভাসম্পদেও, উহা, অতুল। স্বয়ং চিন্তামণি এবং ঋষি-মুনিগণই, উক্ত মণির গুণই অবগত। সপ্তাহান্তর “কৌস্তভের” কিরণ, বঙ্গের সর্বত্র বিকীরণ হইত।

৬৫। সত্য-ধর্ম-প্রকাশিকা।

(১২৫৬ সাল, ১৮৪৯ খৃষ্টাব্দ)।

“সত্যধর্ম-প্রকাশিকা” সত্য সত্যই কি, ষথার্থ-ধর্মমত-ঘোষণায় ত্রুতী হইয়াছিলেন, কিংবা তদ্বিপরীত রীতি-নীতিতে তাহার মতির গতি, প্রধাবিত হইয়াছিল, পশ্চাদ্বর্ণিত বৃত্তান্তে তাহা ব্যক্ত হইবে। “কর্তাভজা”-সম্প্রদায়ের

\* “বঙ্গবাসীর” সম্প্রদায়, যখন “জন্মভূমির” পরিচালন করিতেন, তখন পর্য্যন্ত এই সন্দর্ভের ১৪শ (চতুর্দশ), অংশ প্রকাশিত হয়। সুতরাং বর্তমান প্রস্তাবটী, ১৫শ প্রবন্ধ।

মতামত-সমর্থনই, ইহার লক্ষ্য ছিল। সম্পাদক মহাশয়ের উত্তম, অনলসতা বা প্রিয়তাম্য, তাদৃশ প্রশংসায়োগ্য ছিল না। কিসেই বা উত্তম উত্তম হইবে, বল! একটীমাত্র সংখ্যা-প্রচারের পরেই, উহা রহিত হইয়া যায়। এই বর্ষের অধিকার-সীমাতেই না কি—

—\*—

৬৬। “ভৈরব দণ্ড।”

৬৭। “সুজন-বন্ধু।”

৬৮। “জ্ঞানচন্দ্রোদয়।”

এই ৩ (তিন) জন, আবির্ভূত হইলেন? “ভৈরব দণ্ড” তো এক হরেরই জানি। এ আবার কাহার ভীষণ যষ্টি? প্রথম প্রথম, বিষয়টী, বিদিত হইবার পথে তীক্ষ্ণ কণ্টক-জাল নিক্ষিপ্ত ছিল। উমাকান্ত ভট্টাচার্য্য, কাশীধাম হইতে উহার প্রচারারম্ভ করেন। “রসমুদগরের” সঙ্গে ভীষণ রণের কারণেই উহার জীবন-হরণ হয়! “ভৈরব-দণ্ডের” পরেই “সুজন-বন্ধু”র আবির্ভাব, একান্তই স্বাভাবিক। সুজন-বন্ধু হইবার অবশ্যম্ভাবি-ফল—“জ্ঞানচন্দ্রোদয়” বটে।

ইহাদের সম্যক পরিচয়, অত্যন্ত অপরিচিত। এই অবস্থাতেই ১২৫৬ সালকে (১৮৪৯ খ্রীষ্টাব্দকে) বিদায় দিতে হইল! এটী তেমন সুখাকর সমাচার নয়।

—\*—

৬৯। সর্বশুভকরী।

(১২৫৭ সাল, ১৮৫০ খ্রীষ্টাব্দ।)

প্রত্যেক মাসে একটীমাত্র ‘সিকি’ দক্ষিণা দিলেই, “সর্বশুভকরী” প্রসন্ন-চিত্তে লোককে দর্শন না দিয়া, নিশ্চিন্ত থাকিতে পারিতেন না। প্রতি সংখ্যার অবয়ব, ১০ (দশ) পৃষ্ঠা।

- (ক) শৈশব বিবাহ,
- (খ) রামাগণের বিদ্যাশিক্ষা,
- (গ) মানবগণের সমত্ব,
- (ঘ) সুরা-সেবন-নিষেধ,
- (ঙ) গঙ্গাধাত্রা-মৃত্যু,
- (চ) চড়ক পূজা ও পার্কণ,

ইত্যাকার প্রবন্ধ-নিকরেই এই সাপ্তাহিক পত্রিকাখানির অঙ্গ, সুদৃশ্য ও



সুন্দর দেখাইত। কলিকাতাস্থিত ইংরাজী-শিক্ষিত দলের অগ্রণী ছিল,— এই “সর্বভূতকরী” পত্রিকা। অনন্ত ব্যোমে যেমন জ্যোতিঃ-পদার্থ, ক্ষণপ্রভাবৎ স্বল্পকাল কিরণ, বিকিরণ করে এবং যেমন অল্পক্ষণেই তাহা, বিনাশ প্রাপ্ত হয়, “সর্বভূতকরীরও” সেই দশা। মতিলাল চট্টোপাধ্যায়, ইহার পরিচালন-ভার গ্রহণ করেন। †

—\*—

### ৭০। ধর্ম-মর্ম-প্রকাশিকা।

( ১২৫৭ সাল, ১৮৫০ খৃষ্টাব্দ । )

এটা উপনগরীয় পত্রিকা। “কোন্নগর”-স্থিত সভা-বিশেষের মুখ-পত্র এটা। কিন্তু সংবাদ, ঐ পর্য্যন্তই। ইহার জীবন, অধিক দিন-স্থায়ী হয় নাই। সকলই মনস্তাপের বিষয়।

—\*—

### ৭১। সত্য-প্রদীপ।

( ১২৫৭ সাল, ১৮৫০ খৃষ্টাব্দ )।

“ফ্রেণ্ড অব্ ইণ্ডিয়া” ইত্যাদির সহায়তায় ও অনুকূলতায় “সত্য-প্রদীপের” দীপ্তি, আমাদের অনুভূত হইয়াছে। টাউন্সেণ্ড, এই “প্রদীপের” প্রভূত পরিচর্যায় ব্যাপৃত ছিলেন। ‘শ্রীরামপুর’ হইতেই, এই “প্রদীপ”, প্রজ্বলিত হইত। ৭ ( সাত ) দিনের মধ্যে কোন এক দিনে “প্রদীপ” প্রকাশ পাইত না। সপ্তাহে সপ্তাহে এই “প্রদীপ” জ্বলিত। ছাদশ মাস ব্যাপিয়া, এই “সত্য-প্রদীপ” অবিচ্ছেদে জ্বলিয়াছিল। তাহার পর “প্রদীপ” নির্বাণ হইয়া গিয়াছিল। স্নেহে ( যত্নে ) সকল পদার্থেরই সংবর্দ্ধনা হয়। আর, স্নেহেই ( তৈলেই এবং যত্নেই ) দীপও, উজ্জ্বল হইয়া থাকে। পাদরিদের স্নেহ-ভাবেই, এই “সত্য-প্রদীপ” প্রথমতঃ ক্ষীণজ্যোতিঃ হইয়া, বর্ষান্তে নির্বাপিত হইয়াছিল।

“প্রদীপের” আলোক-অবলোকনে অনেকেরই অতীব অনুরাগ জন্মিয়াছিল। “প্রদীপ”-সন্দর্শক-বৃন্দের সংখ্যা, বুধবার জন্ম পাঠকবর্গকে আমরা, পশ্চান্নিবন্ধ তালিকায় নেত্র-নিষ্ক্ষেপে অনুযোগ করি। যথা,—

† পশ্চাৎ যথাসময়ে দর্ষ্ট হইবে. “শুভকরী” নামে এক পত্রিকা ছিল।

ক। হিন্দু	...	১৭৬ ( একশ ছিয়াত্তর ) জন ।
খ। ইয়ুরোপীয়	...	৪৮ ( আটচল্লিশ ) জন ।
গ। মুসলমান	...	৪ ( চারি ) জন ।
ঘ। এ-দেশীয় খৃষ্টান	...	২ ( দুই ) জন ।

মোট সংখ্যা ... ২৩০ ( দুই শত ত্রিশ ) জন ।

“সত্য-প্রদীপ” প্রয়োজনীয় পদার্থসমূহে পরিপূর্ণ থাকিত । সংবাদ, প্রেরিতপত্র, প্রাকৃতিক বস্তু ও শিল্প জ্ঞানের বিবরণ ও তাহাদের চিত্রময় প্রতিক্রম—ইত্যাদিতে পত্রিকার কলেবর, সুসজ্জিত থাকিত । আকৃতি, কোয়ার্টো ( Quarto ) অর্থাৎ চারি-পৃষ্ঠা-পরিমিত । ৬ ( ছয়খানি ) কাগজে ৪ ( চারি পৃষ্ঠায় ) বিষয়গুলি, মুদ্রিত হইত । বার্ষিক দর্শনী ৬ ( ষট্ ) মুদ্রা ।

এই বৎসরের আরও ৩ ( তিন ) খানা সমাচার-পত্রিকার সমাচার না দিলে, পাঠক মহাশয়েরা, আমাদিগকে অব্যাহতি দিবেন না । সে গুলির নাম, যথাক্রমে বলিতে গেলে, অগ্রেই “সুধাংশু”-পত্রটি, স্মৃতি-পথে সমুদিত হয় । তৎপরেই “বর্দ্ধমান-চন্দ্রোদয়” এবং “বর্দ্ধমান-সংবাদ” মফস্বলের এই ২ ( দুই ) পত্রিকার নাম, উল্লেখ করিতে হয় । সুতরাং সংখ্যানুসারে—

(ক) । সুধাংশু ।

(খ) । বর্দ্ধমান-চন্দ্রোদয় ।

(গ) । বর্দ্ধমান-সংবাদ ।

ইহাদের সঙ্গেই, ১২৫৭ সালকেও ( ১৮৫০ খৃষ্টাব্দকেও ) বিষম বিপাকে পড়িয়াই, যেন বিদায় দিতে হইল । নিম্নে ঐ ৩ ( তিন ) বিবরণ দিলাম ।

—\*—

৭২ । সুধাংশু ।

( ১২৫৭ সাল—১৮৫০ খৃষ্টাব্দ ) ।

“সুধাংশুর” কিরণ, বর্ষণ হইয়াছিল—এক বর্ষ-ব্যাপক কাল । কৃষ্ণমোহন বসুজ, “সুধাংশুর” জনক । খৃষ্টানি মতের পরিপুষ্টির নিমিত্তেই ইহার উৎপত্তি । সাহিত্যে ও সমাচারে ইহার অঙ্গসৌষ্ঠব বর্দ্ধিত হইয়াছিল ।

### ৭৩। বর্দ্ধমান-চন্দ্রোদয়।

( ১২৫৭ সাল হইতে ১২৫৮ সাল পর্য্যন্ত

অর্থাৎ

১৮৫০ খৃষ্টাব্দ হইতে ১৮৫১ খৃষ্টাব্দ পর্য্যন্ত )।

রামতারণ ভট্টাচার্য্যের অধিনায়কত্বে “বর্দ্ধমান-চন্দ্রোদয়” অভ্যুদয় পায়। তিনি একাধিক বর্ষও, উহাকে সজীব রাখিতে সমর্থ হইলেন নাই। সুতরাং তদ্বারা অধিকতর কার্য্য-সম্পাদন, কিরূপেই বা সম্ভাবিত হইবে ?

—\*—

### ৭৪। বর্দ্ধমান-সংবাদ।

( ১২৫৭ সাল—১৮৫০ খৃষ্টাব্দ )।

যেমনই “বর্দ্ধমান-চন্দ্রোদয়” প্রকাশিত হইতে থাকিল, অমনই “বর্দ্ধমান-সংবাদ” আসরে নামিলেন। তদানীন্তন বর্দ্ধমান-মহারাজ, এই নবপ্রকাশিত শিশুর লালনাদির ভার লইয়াছিলেন। কিন্তু, বড় মানুষের খেয়াল, কত কাল চলে ? আমরাই বলিয়া দিতেছি, উহার জীবনের সত্তা, বহুদিন বর্ত্তমান ছিল না।

—\*—

এই আধার উত্তর-কালে ( পরবর্ত্তী সময়ে ) গিয়া উপস্থিত হইলাম।

### ৭৫। জ্ঞানোদয়।

( ১২৫৮ সাল, ১৮৫১ খৃষ্টাব্দ )।

কোরগর-নিবাসী চন্দ্রশেখর কর্তৃক “জ্ঞানোদয়” চালিত হইত। “জ্ঞানোদয়”- অধ্যয়নে কত লোকের কত উপকার হইয়াছিল, কিছুই জানিবার উপায় নাই। পরমাযুর অল্পতা-হেতুই পত্রিকার ঐ দশা ঘটে। সম্পাদক এই “চন্দ্রশেখর” স্বনামখ্যাত “ব্রাহ্মধর্মাশ্রিত” ডেপুটী কালেক্টার বাবু “চন্দ্রশেখর দেব” বৈ, আর কেহই নহেন।

—\*—

### ৭৬। জ্ঞানদর্শন।

( ১২৫৮ সাল হইতে ১২৫৯ সাল পর্য্যন্ত

অর্থাৎ

১৮৫১ খৃষ্টাব্দ হইতে ১৮৫২ খৃষ্টাব্দ পর্য্যন্ত )।



“জ্ঞান-দর্শনের” উদ্ভবস্থল । মতান্তরে—পবিত্র বারাণসীর কোন “লিথোগ্রাফ প্রেসে” “জ্ঞান-দর্শনের” অঙ্গরাগ ঘটত । এই ঘটনা-স্থলের মধ্যে কোন মতটী যে, সমীচীন, তাহার স্থিরতা নাই । নিশ্চয় জানিয়াছি—শ্রীপতি মুখোপাধ্যায় মহাশয়, “জ্ঞানদর্শনের” পরিচালনে ব্রতী ছিলেন ।

শ্রীমহেন্দ্রনাথ বিষ্ণানিধি ।

## কালিন্দী ।

রূপ-কথা ।

( ১ )

“বাঙ্গালায় কি রূপসী নাই ? কিংবা বাঙ্গালার পুরুষগুণা, অবগুণ্ঠনবতী কামিনী দেখিলেই, রূপের কলসী অনুমান করে ; আমরা চিকের ভিতর হইতে, গাড়ীর খড়খড়ির মধ্য হইতে, থিয়েটারের শান্তিপূরে-জালের অন্তরাল হইতে, পুরুষসকলকে দেখি ;—ভাল করিয়াই দেখি,—নিভূতে মনে মনে একপ্রতিভে দেখি—দেখিয়া, তুলনায় সমালোচনা করি । আমরা জানি, বাঙ্গালায় কয়েকটা পুরুষ সুন্দর, ও কয়েকটা কুৎসিত । কিন্তু পুরুষেরা কেমন করিয়া জানিবে—আমাদের মধ্যে কে রূপসী, কেইবা কুৎসিতা ? গঙ্গা-স্নানের সময় তাহারা চপলা-বিকাশের গায়, একবার এক নজর আমাদের কাছে দেখিয়া লইতে চেষ্টা করে, কিন্তু দেখার মত দেখা হয় না । তাহারা—

কি জানি কি ঘুম ঘোরে

কি চোখে দেখেছি তোরে,—

এই ভাবে আমাদের কাছে, আর কেবল সুন্দরী দেখে । এক একটা পুরুষ আবার এমন সৌন্দর্য-পাগলা যে, পুরুষমানুষকেই সুন্দরী সাজাইয়া তাহার সৌন্দর্যে বিভোর হইয়া পড়ে । বঙ্কিমচন্দ্র, দেবেন্দ্রনাথকে হরিদাসী বৈষ্ণবী সাজাইয়া, তাহার রূপে পাগল হইয়াছিলেন ;—সে রূপ বর্ণনা করিতে করিতে বঙ্কিমচন্দ্রের দেড়সের লাল-পড়িয়াছিল । গলায় দড়ি ! বাঙ্গালাদেশে কি আর মেয়েমানুষ ছিলনা গা !

আবার এক রকমের পুরুষ আছে, যাহারা ঘোমটার উপর চটিয়া, অব-  
বোধে পোষাক উপর আঁচিয়া, কিনিয়া লয়, যে কিনিয়া লয়, তাহা হইলে

স্ত্রীলোকের একচেটিয়া নহে, রূপবান পুরুষই । এই দলের মধ্যে শ্রীযুক্ত অক্ষয়চন্দ্র সরকার চাঁই । তিনি বলেন, পুরুষের দাড়ি আছে, গোঁপ আছে, পুরুষ সিংহের কেশর আছে, পুরুষ ময়ূরের নানা বর্ণের পাখা আছে, পুরুষ কোকিলের স্বর আছে, পুরুষ বুলবুলীর ঝুঁটি আছে, পুরুষ বৃষের ককুৎ আছে, পুরুষ হস্তির দাঁত আছে, স্তত্রাং পুরুষ সুন্দর, পুরুষ রূপবান । এ সকল কথা নিরাস-প্রাণের কথা । দেখনা, দেখিতে পাওনা, দেখিতে জাননা ;—তাই বুঝনা, আমরা কেমন, কত সুন্দর ! আমাদের মন হরণ করিবার জন্ত, আমাদের সেবা করিবার জন্তই তোমাদের রূপ, তোমাদের ঐশ্বর্য্য ! আমরা যাহাই হই না কেন, আমাদের পায়ে তলায় পড়িয়া থাকিবার জন্ত তোমাদের জন্ম ।”

( ২ )

“এইবার আমার কথা বলিব । আমার নাম কালিন্দী ; আমার রূপ নাই, কেননা আমার আরঙ্গী আছে, সে মুকুরে নিজের প্রতিবিম্ব দেখিতে আমি জানি, তাই বলিতেছি, আমার রূপ নাই । আমার কপাল আছে, কপোল আছে, নাক আছে, কাণ আছে, ঠোঁট আছে, অধর আছে, চক্ষু আছে, চিবুক আছে, গণ্ড আছে, বক্ষ আছে, শ্রোণী আছে, জানু আছে, আছে সবই, কিন্তু রূপ নাই ; সপ্তদশ বর্ষে পদার্পণ করিলে কামিনীর যাহা যাহা থাকা আবশ্যিক, আমার সে সব আছে, কেবল নাই রূপ । তাই আমার নাম কালিন্দী ; এ বয়সে গর্দভীর রূপ থাকে, অশ্বীরও রূপ থাকে, মানুষীরত থাকিবারই কথা ; কিন্তু আমার নাই ।—নাই বলিয়া তোমরা পুরুষ-পাঠক আমার এই রূপ-কথা না পাঠ কর, তাহা হইলে আমি হুঃখিত হইব না ; এই ছুঁভিক্ষের দিনে, পূজার মরসুম্বে, বিসর্জনের আন্দোলনে তোমাদিগকে পাগল করিয়া তুলিবার আমার সাধ নাই । তাই আমার হুঃখও নাই ।”

“আমার রংটা কাল, জুতার বুরুষের মত কাল নহে, রাণীগঞ্জের কয়লার চাপের মত কাল নহে, বাবুর মাথার পোমেটম মাখা চুলের মত কাল নহে, বাঙ্গালার জনকয়েক নাম-জাদা সাহিত্য-সেবির গায়ের চামড়ার মত কাল নহে, আমার কাল রং আমারই মত কাল । যখন তোমাদের গৃহিণী পূজার সময় অলঙ্কারের ফরমাইস্ করিয়া রৌষবিকাশ করেন, তখন তোমরা যেমন কক্ষপূর্ণ অন্ধকার দেখ, আমার রংটাও তেমনি অন্ধকার মাখান ।”

“বলাবাহুল্য, আমার বিবাহ হইয়া গিয়াছে, আমার স্বামী আমাকে ভালবাসেন কি না ? সে সংবাদ লইবার আমার অবসর নাই ; তবে তিনি আমাকে প্রায়ই পাকানেবু রংঙ্গের বা জাফ্রাণের রংঙ্গের বোম্বাই সাড়ী এই পূজার সময় খরিদ করিয়া দেন ; কাজেই আমি ভাবি, আমি কাল । আর আদর সোহাগের কথা যদি বল, পুরুষ ত সে সব কারে পড়িয়াই করিয়া থাকে, স্ত্ররাং তাহার মূল্য নাই । আমার নাম কালিন্দী, আমার নিবাস কালীঘাটে, আমার পিতা কালী ঘোষ, আমার স্বামী কালাচাঁদ, আমি কাল নই ? বিশেষ ইংরেজের আমলে আমাদের দেশটা কাল আদমীর দেশ হইয়াছে । কাল-কুলীর ঘরণী, কালিন্দী হইবেই ত ! ভগিনি পাঠিকে ( চটিও না ভাই ) তোমরা পুরুষের মন-মজান কথায় আত্মহারা হইয়া আছ, আমার এ কাটা-কাটা বুলী তোমাদের ভাল না লাগিতে পারে, কিন্তু সময় বিশেষে সত্য কথা শুনিয়া রাখা ভাল । আমি কুরুপা ।”

( ৩ )

“স্বামী আমার উকীল । পূজার ছুটিতে তিনি বাড়ী আসিয়াছেন, আসিয়াই থিয়েটার দেখিবার ঝোক হইয়াছে, বিশেষতঃ শ্রালিকা, শ্রালকজায়া প্রভৃতির তাঁহার উপর একটা অধিকার আছে, সেই অধিকার জন্ত আব্দারও চলে, সেই আব্দার রক্ষা করিবার জন্ত, থিয়েটার দেখিবার কথা স্থির হইল । আমরা “কুপণের ধন” অভিনয় দেখিতে যাইব, ছুইখানি গাড়ীও ভাড়া করা হইল, একখানিতে বালক-বালিকা ও প্রবীনারা যাইবেন, অন্যখানিতে আমি ছোট-দিদি, মেজ বউ, এবং আমার স্বামী, এই কয়জন যাইব ; এই ব্যবস্থামত ছুইখানি গাড়ীও ছাড়িল, কালীঘাট হইতে হাতি-বাগান বহুদূর, ঘোড়ার গাড়িতে যাইলেও এক ঘণ্টা লাগে ; এই এক ঘণ্টার মধ্যে আমি বুঝিয়াছিলাম, যে আমি কুরুপা, কেননা আমার অবগুণ্ঠন ছিলনা, বিশেষ আমার অবগুণ্ঠন-অন্তরালস্থিত আমার যাবৎ বৈভবই স্বামির সুপরিচিত, আর মেজ-বউ, ঘোমটা টানিয়া মুচ্কি হাসির চন্দ্রিকা ছড়াইয়া নন্দাইএর সম্মুখে গাড়িতে বসিয়াছে, সেত কখন মুকুরে মুখ দেখে না, তাই তাহার লাবণ্য নবশিশির সিক্ত সেফালীর স্নায় ক্ষণে ক্ষণে চারিদিকে যেন ছড়িয়া পড়িতেছিল । আমার স্বামী বুঝিয়াছিলেন, সে সুন্দরী, তাই আমিও বুঝিয়াছিলাম, সে কুরুপণী লাবণ্যময়ী । বিশেষ আমি ভয় বিহ্বলা হইয়াছিলাম, আমার “কুপণের



সুন্দর দেখিরাছিলাম, সুতরাং আমি যে কুরূপা, তাহাতে আর কিছুমাত্র সন্দেহ নাই ।

“পরদিন প্রাতে আমার স্বামী ট্রঙ্ক খুলিয়া আমাকে একখানি বেনারশি কাপড় দিলেন, সে কাপড়ের রং বস্তু, একটি ভাল মখমলের সন্মার কাজ করা বডি দিলেন, মখমলের রং বেগুণে, আমি বুঝিলাম, আমি কাল ।”

( ৪ )

“দেবী পক্ষের পূর্বে অপর পক্ষ বা তর্পণ পক্ষ, কেন হয় জান ? আমি দাসী হইলেও দেবীর মর্ম্ম বুঝি, তাই সে কথাটা আগে বলি । এখন যে রকম ঘরে ঘরে দেবীর পূজা হয়, তাহাতে পিতৃপুরুষের গুণমুখে তিলাঞ্জলি দানটা পূর্বেই করিয়া রাখা ভাল । নইলে সে কাজটা সারা বছর আর হইবে না, দেশ-কাল-পাত্র বিবেচনা করিলে হওয়া সম্ভবও নয় । দেবীর আরাধনা গুরুপক্ষে হয়, তাই গৃহদেবী যাহাই হউন না কেন, তিনি চারুচন্দ্রিকা দীপ্তিময়ী, আর পিতৃকার্য্য কৃষ্ণপক্ষে হয়—কালী আদমীর কার্য্য কি না !”

“পূজা আসিয়াছে, স্বামীও নিকটে আসিয়াছেন, জেলা আদালতের ছুটিও একমাসব্যাপী, কিন্তু ঐ দেখনা, তিনি দারজিলিং যাইবেন বলিয়া গ্লাড-ষ্টোন ব্যাগে কাপড় গুছাইতেছেন । তবে কেন না বলি, আমি কুরূপা ! দারজিলিঙ্গে তুহিন বিমণ্ডিত চিরস্থায়ী কাঞ্চনজঙ্ঘা আছে, তুহিন-ধবল-কান্তি বিদেশিনী বিহার করিতেছে, সে দেশে পুরুষ যাইবে না কেন ? আবার এখনও কি বলিব, আমি কুরূপা !”

“কিন্তু আমার রূপ আছে, সে রূপ আমার রূপ কি আমার অবগুণ্ঠনের রূপ, জানিনা, কিন্তু পাড়ার অনেক মরকটই অবগুণ্ঠনবতী আমার প্রতি কি জানি কেমন ভাবে মাঝে মাঝে তাকাইয়া থাকে । যখন তাকায়, তখন আমাতে দেখিবার কিছু আছে । পুরুষের রূপ দেখিবারই আকাঙ্ক্ষা, যখন আমাকে দেখিয়া রূপের অন্বেষণ করে, তখন বোধ হয়, আমাতে রূপ আছে, কিন্তু সে রূপ সংসারে দৃষ্টিতে বি—রূপ, কাজেই ভয় হয়, আমার রূপ নাই !”

রূপের কথা এত বলিলাম কেন, জান ? পুরুষ-লিখিত নাটক নভেল প্রভৃতি সকল পুস্তকেই স্ত্রীলোকের রূপ-বর্ণনা বাহুল্য দেখা যায় । আর আমার এই কামিনী-কলম-কলঙ্কিত কালিন্দী-কথায় রূপের উল্লেখ কেননা থাকিবে ! পুরুষ নিজের রূপ বর্ণনা করে না, আমি কিন্তু আমার রূপের বর্ণনা করিলাম ।”

( ৫ )

“স্বামী দারজিলিং গিয়াছেন, আজ পূজার পঞ্চমী, পোটো মায়ের মুখে ঘাম তেল মাখাইতেছে, ফরাস পাল টাঙ্গাইতেছে, পূজার দালান পরিস্কৃত পরি-মার্জিত হইতেছে, বাড়ীতে সকলেই ব্যস্ত, কাজ নাই কেবল আমার। আমি পুত্রবতী নহি, আমার বড়দাদা বিপন্নীক, তাহার পুত্র নাই, মেজ বউ আমার মতন,—মেজদাদা এখনও বিদেশ হইতে বাড়ী ফিরেন নাই; সুতরাং আমাদের কাহারই কোন কাজ নাই। পূজার কার্যে জেঠাইমা খুড়ীমা মা,—বর্ষায়সী সকলেই ব্যস্ত আছেন, আর আমরা নিজেদের বয়স লইয়া বসিয়া আছি, কাজেই বলিতে হয়, আমি কুরূপা; মেজ বয়ের খবর কেন দিব, সে নিজের ভাবেই নিজে মগ্ন আছে, আর যদি মেজদাদা বাড়ী আসিয়াই দারজিলিং বেড়াইতে যাইত, তাহা হইলে বলিতাম, মেজবউও কুরূপা।”

“পঞ্চমীর সন্ধ্যার সময় মেজবয়ের নামে একখানি পত্র আসিল, লেফাফার উপর হস্তাক্ষর দেখিয়া আমি চমকিয়া উঠিলাম, কারণ সে হস্তাক্ষর আমার স্বামীর, পত্রখানি পাঠ করিয়া মেজ বউ আমাকে দেখাইল, আমি কুরূপা কালিন্দী বলিয়াই দেখাইল। পত্রে লেখা আছে, “মেজ বউ, আসিবার সময় তোমার মুখখানি দেখিয়া আসিতে পারি নাই, তোমায় কিছু দিয়া আসিতে পারি নাই, অপরাধ লইওনা, দারজিলিং হইতে কোন্ সামগ্রী লইয়া যাইলে ভূমি সুখী হও, পত্র পাঠ আমাকে লিখিয়া পাঠাইবে” ইত্যাদি ইত্যাদি। বল দেখি ভাই, এখনও কি আমি সুন্দরী!

“পরদিন যষ্টির প্রাতঃকালে নগেন্দ্র আমাদের বাড়ী আসিল, নগেন্দ্র আমার শ্বশুরের প্রতিপালিত দরিদ্র সন্তান; দূর সম্পর্কে শ্বশুরের ভাগীনেয়। নগু ঠাকুরপো আসিয়াই হাত মুখ না ধুইয়াই আমাকে বলিয়া পাঠাইলেন, “বউঠাকুরন, আপনাকে আজ আমার সঙ্গে স্কুচরে যাইতে হইবে, আমি টানা গাড়ীতে লইয়া যাইব।” এ কথা উপর উত্তর নাই, হিন্দু রমণীর শ্বশুর গৃহই সর্বস্ব, সুতরাং আমাকে সেই দিনেই যাইতে হইল।

“আবার সেই ঘোড়ার গাড়ী! একদিন সন্ধ্যার সময় এই ঘোড়ার গাড়ীতে চড়িয়া মেজবউকে বড় সুন্দরী দেখিয়াছিলাম, আর আজ অপরাহ্নে ঘোড়ার গাড়ীতে চড়িয়া নগেন্দ্রকে অতি সুন্দর দেখিতেছি, এক একবার মনে হইতেছে, যে আমার এই পঁাস ঢাকা কুরূপ কোথাকার মলয় পবনের ফুৎকারে

“কেন এমন হয় ;—অতি-পরিচয়ে রূপের অভাব-বোধ, অপরিচিতের কাছে রূপের এমন প্রভাব বোধ—কেন হয় ? পথে যাইতে যাইতে নগেন্দ্র একবার আমাকে বলিয়াছিল, “বউ, তোমার নাম কালিন্দী কেন হইল, তোমার ত বেশ রূপ, দাদাই বা দারজিলিং গেলেন কেন ?” এই কথাগুলি শুনিয়া শুক ভূমিতে জলবিন্দু পাতের মত কি যেন একটা স্নেহশিক্ত শীতল ভাব হৃদয়ের মধ্যে ডুবিয়া গেল । আমি মরিলাম—রূপে মরিলাম, মোহে মরিলাম, ক্ষোভেও মরিলাম ।”

“পূজার তিন দিন শ্বশুর-গৃহে অবগুষ্ঠনবতী হইয়া থাকিতে হইল ; আর বাড়ীর সকলে আমার রূপের ব্যাখ্যা করিতে লাগিল, আমার শাণ্ডী পাড়ার প্রতিবেশিনীগণের কাছে কেবলই বলেন, “বউমার আমার কেমন মাজা রং, কেমন মানান সই গড়ন, ধীর চলন, বড় বড় চোখ, পাতলা পাতলা ঠোঁট, আর অষ্ট প্রহরই ভয়ে যেন জড়সড় হইয়া আছে । না আমার সাক্ষাৎ লক্ষ্মী ।” আমি শাণ্ডীর মুখে এই কথা শুনিয়া পূর্বের মত আরসীতে মুখ দেখিতে ভুলিয়া গেলেম, শাণ্ডীর দেখান প্রতিবিশ্ব অহরহ আমার নয়ন-কোনে নাচিতে লাগিল । আর নগেন্দ্র, সে কেবলই আমার প্রতি চাহিয়া থাকে, এক গলা ঘোমটার মধ্য হইতে সে দৃষ্টির ভঙ্গি দেখিতে পাই না বটে, কিন্তু সকল সময় তাহা বুঝিতে পারি । তবে কি আমি রূপসী ।—না, না—আমি পোড়ার মুখী !”

“সকলের পকেটে ঘড়ী থাকে, কিন্তু সকলের ঘড়ি এক যায় না, একটু তফাৎ চলে । সকলের কপালের উপর এক জোড়া চক্ষু আছে, কিন্তু সকলের চক্ষুই এক সামগ্রী, এক সময়ে এক দেখে না, একটু তফাৎ দেখে । আমার রূপও—কাপড়-ঢাকা বলিয়া সকলে সমান দেখিত না ; আমার স্বামী যাহা দেখিতেন, নগেন্দ্র তাহা দেখিত না, আমার মা যাহা দেখিতেন, আমার শাণ্ডী তাহা দেখিতেন না । গোল ত এইখানেই ;—সর্বনাশ ত এই বৈষ্যমেই ঘটয়া থাকে । কিন্তু বৈষ্যমই মনুষ্য-সমাজের ব্যবস্থা । বৈষ্যম-বৈচিত্র লইয়াই মনুষ্য চরিত্রের পুষ্টি ; আমার পোড়া কপাল যে, আমি মানুষ, রক্তমাংস দিয়াই আমার দেহ গঠিত ।”

“আর আমার রক্তমাংসের দেবতা, আমার ভিক্ষার কুলি, দারিদ্র্যের ছিন্ন কন্যা, পিপাসিত পথিকের জলপাত্র, অন্ধের যষ্টি, ইহকালের ঐশ্বর্য্য, পরকালের স্রুথ—আমার স্বামী—এখন দাড়াইলিঙ্গ । আমার খেলা ঘরের পতলা



বাল্লের আভরের শিশি, চক্ষের অঞ্জন, সীমন্তের সিন্দূর, অঞ্চলের চাবি, হৃদয়ের নিধি, আমার স্বামী এখন দার্জিলিঙ্গে ! আর আমি বাপের আদরের মেয়ে, শাণ্ডীর সোহাগের বধু, প্রতিবেশিনীর গৌরবের ধন, নগেন্দ্রের ইঙ্গিত পারিজাত কুসুম—আমি সোহাগে গলিয়া নর্দামায় গড়াইয়া পড়িলাম । আকাশের শিশির বিন্দু হইয়া ক্লেদ-কর্দমে মিশিলাম ।”

( ৬ )

“যাহা আমার নয়, তাহাই কি মিষ্টি ? যাহা পূর্বে পাই নাই, তাহাই ত অপূর্ব । মেজবউ আমার স্বামীর দৃষ্টিতে অপূর্ব, আর আমি আমার দৃষ্টিতে অপূর্ব, তাই আমার সর্বস্ব, আমি ধূলি মুষ্টিময় বায়ুপ্রবাহ-মুখে উড়াইয়া দিয়াছি ।

যাহা ঘটবার তাহাই ঘটয়াছে, যাহা নিয়তিতে ছিল, তাহাই হইয়াছে ।

কিন্তু এমন কেন হয় ? তোমরা পুরুষ, তোমাদের জন্ম সংসার, তোমাদের জন্ম আমরা—তোমরা কেন এমন হইতে দাও ? নাটের গুরু নটবর, কখন ফুল মাথায় রাখে, কখন বা সেই ফুল ছিঁড়িয়া দেখে ; আমাকে এখন সংসার ছিঁড়িয়া দেখিতেছে । ছেঁড় তোমরা, দেখও তোমরা, শেষে নিন্দা করও তোমরা । আর সেই নিন্দার প্রতিশোধ-স্বরূপ প্রেতনীর আকার ধারণ করিয়া আমরা সমাজের স্কন্ধে অজমুণ্ড বসাইয়া দিই, এবং মনুষ্য মস্তকটি লইয়া চিবাইয়া খাই । দোষ কাহার ? দোষ ত আমার নয়, আমি সংসারে ছিলাম, এখনও আছি, আমাকে সংসার যেমন করিয়া গড়িয়াছে, আমি তেমনিই হইয়াছি । যে সংসারে আমার স্বামীর স্থান ছিল, সেই সংসারে নগেন্দ্রও ছিল ; যে সংসারে আমার মা ছিলেন, সেই সংসারে আমার স্বশ্রুও ছিলেন, আর সেই সংসারে আমিও আছি । তাই কি আমি এমন হইলাম ?”

“তোমরা সকলে হাততালি দিয়া আমাদের নাচাইও না—নাচিতে আরম্ভ করিলে আমরা সমাজ-হৃদয়কে মথিত করিয়া ফেলিব ।”

“আমাদের ভরসা শ্রীগৌরান্দ্র, কেননা পতিতের অবলম্বন শ্রীগৌরান্দ্র । যিনি পিশাচীকে নাম-সুধাপানে অধিকার দিয়াছেন, তিনিই আমাদের ত্রাণের পথ পরিষ্কার করিয়াছেন । তোমরাও পতিত—শিক্ষার দোষে সময়ের দোষে তোমরা পুরুষ-বেশ্যা । বারান্দা-বিলাস-বিভ্রম-বিমূঢ়তায় পুরুষ দিশে-হারা ;—আর পতিত পুরুষের কামকটাক্ষ কজ্জলে আমরা চির-কলঙ্কিনী ।”

আমাদের উভয়ের ভরসা করিব দেবতা শ্রীকৃষ্ণ চৈতন্য ।

## পার্বত্য-পদাবলী ।

অনেকের স্থূল সংস্কার এইরূপ, সমস্ত ছোটনাগপুর প্রদেশ ব্যাঘ্র ভল্লুকাদি পূর্ণ অরণ্যে ও পর্বতমালার সমাকীর্ণ। ঐ সকল অরণ্যে ও পার্বত্য প্রদেশে যে সকল লোক বাস করে, তাহারাও অরণ্যজন্তুবৎ অজ্ঞান ও অসভ্য ;— যৎসামন্ত কৃষি ও শিল্পের অনুষ্ঠান দ্বারা কথঞ্চিৎ জীবিকা নির্বাহ করে। ছোটনাগপুরের অন্তর্গত মানভূম, বরাভূম, পাতকুম প্রভৃতি স্থানে ক্ষুদ্র ক্ষুদ্র রাজ্যের অধিপতি অনেকগুলি রাজা আছেন বটে, কিন্তু তাহারাও শিক্ষা-দীক্ষা-ধর্ম-কর্মবিহীন পশুরাজবৎ অসভ্য জনগণের অধিপতি মাত্র। তবে কয়েক বৎসর হইতে সুসভ্য ইংরাজের কল্যাণে তথায় স্থূল-পাঠশালার সৃষ্টি হওয়ায় সাধারণ সুশিক্ষার বিস্তার হইতেছে, এবং বহুকাল হইতে অন্ধতমসাবৃত অরণ্য ও গিরিকন্দর মধ্যে পাশ্চাত্য সভ্যতার আলোক প্রবেশ করিতেছে, কিন্তু প্রকৃত ঘটনা এরূপ নহে। বিশ্বস্তসূত্রে জানা গিয়াছে যে, তত্রত্য নরপতিগণের রাজ্যাধিকার অন্নায়ত হইলেও তাহারা সকলেই ক্ষত্রিয় এবং তাহাদিগের আচার-ব্যবহার, ধর্ম-কর্ম, রাজনীতি সকলই পূর্বতন হিন্দুরাজ-গণের সদৃশ। সাধারণ প্রকৃতিপুঞ্জ দরিদ্র ও তাহাদিগের বর্তমান আচার-ব্যবহার কিয়ৎ পরিমাণে ভ্রষ্ট হইলেও তাহাদিগের মধ্যে এককালে সুশিক্ষা ও মঙ্গলধর্মের আলোচনা ছিল, তাহার ভূরি নিদর্শন অস্তঃসলিলা নদীর তীরে সেই প্রদেশের স্থানে স্থানে বিদ্যমান রহিয়াছে।

সম্প্রতি আমরা পুরুলিয়া জেলার নানাস্থান ভ্রমণ করিয়া ঐ নিদর্শন প্রত্যক্ষ করিয়াছি। অধিকন্তু এরূপ প্রমাণও পাওয়া গিয়াছে, যাহারা এখন অরণ্যবাসী অশিক্ষিত বলিয়া পরিচিত, এককালে তাহাদিগের পূর্বপুরুষেরা সংস্কৃত হিন্দী প্রভৃতি ভাষায় সুশিক্ষিত ছিলেন, এবং পবিত্র বৈষ্ণব ধর্মের উচ্চ সোপানে উপবিষ্ট হইয়া প্রেমধর্মের অনুশীলন করিতেন। ঐ জিলার অধিকাংশ লোকই আপনাদিগকে বৈষ্ণব এবং শ্রামানন্দের পরিবার বলিয়া স্বীকার করে। কিন্তু শ্রামানন্দ কে, তাহার কিছুই তাহারা অবগত নহে। ঐ প্রদেশের পূর্ব বৃত্তান্ত জানিতে পারা যায় এরূপ কোন পুস্তকাদি, কি কোন প্রকার নিশ্চিত নিদর্শন কিছুই তাহারা দিতে পারে না ; কেবল রাধাকৃষ্ণের লীলাবিষয়ক কতকগুলি পদ অশুদ্ধ ভাষায় মুখে মুখে আবৃত্তি করিতে পারে। ঐ সকল পদ আলোচনার জানা যায়, বর্জু বা ব্রজনাথ, দীন্নু বা দীননাথ,

নরু বা নরোত্তম, রঘুসিং, গোরসিং প্রভৃতি কয়েকটি পণ্ডিত ও কবি ঐ জিলায় বিদ্যমান ছিলেন, এবং তাঁহারা নিতান্ত প্রাচীন নহেন। পাঠকবর্গের অবগতির জন্য আমরা কয়েকটি পদ, পদকর্তাগণের জীবিতকাল নিরূপণের সহিত প্রকাশ করিলাম।

ঐ পর্ব্বতময় আরণ্য প্রদেশে কিরূপে উচ্চ অঙ্গের বৈষ্ণব-ধর্ম্মের প্রচার হইয়াছিল, বোধ হয়, তাহা জানিবার জন্য অনেকেরই কৌতুহল জন্মিতে পারে। সুপ্রসিদ্ধ পদকর্তা গোবিন্দ দাস স্বরচিত কোন পদের মধ্যে বলিয়াছেন,—

“—ভকত কল্পতরু, অন্তরে অন্তরু,  
রোপই ঠামহি ঠাম।—”

শ্রীমন্নহাশ্রু শ্রীকৃষ্ণচৈতন্যদেব কলিজীবের কুশলকামনায় ভক্তরূপ কল্পতরু সকল স্থানে স্থানে রোপণ করিয়াছিলেন। তাঁহারই প্রেরণায় অন্ততম ‘ভক্তকল্পতরু’ শ্রীশ্যামানন্দ শ্রী উড়িষ্যা ছোটনাগপুর প্রভৃতি দক্ষিণ পশ্চিম বিভাগে অবস্থান করিয়াছিলেন। শ্যামানন্দ এবং তাঁহার সাক্ষাৎ শিষ্য রসিকানন্দ প্রভৃতি দ্বারাই ছোটনাগপুর অঞ্চলের লোকেরা প্রেমময় বৈষ্ণবধর্ম্ম পাইয়া কৃতার্থ হইয়াছিলেন। ভক্তিরত্নাকর প্রভৃতি গ্রন্থ-পাঠে জানা যায়, শ্যামানন্দ শ্রী, শ্রীনিবাস আচার্য্য এবং নরোত্তম ঠাকুর এই তিনজনে এক সঙ্গে শ্রীবৃন্দাবনে শ্রীজীব গোস্বামীর নিকট ভক্তিশাস্ত্র অধ্যয়ন করেন এবং তিন জনেই একসঙ্গে দেশে আসিয়া, শ্রীনিবাস বাঁকুড়া অঞ্চলে, নরোত্তম মালদহ অঞ্চলে এবং শ্যামানন্দ উড়িষ্যা অঞ্চলে অবস্থান করেন। এই ঘটনা নানাধিক সাক্ষ্যতিনশত বর্ষ পূর্বে ঘটিয়াছিল।

নিম্নলিখিত পদটি রাজা রঘুনাথ সিংহ বিরচিত, ইনি পুরুলিয়ার অন্তর্গত জয়পুরের রাজা ছিলেন। রঘুনাথ সিংহ বর্ত্তমান উনিশ শত খৃষ্টাব্দের প্রথম ভাগে জন্মগ্রহণ করেন। এই সকল পদাবলী তত্তদ্বশে রুমুর নামে অভিহিত হইয়া থাকে।

### শ্রীরাধার বিরহ বর্ণন।

যবে হরি পুরী মথুরা গেল, দুখ দিয়ে তনু দিক ভেল,  
সব সুখ গেও দূরে।

এ নব ঘোবন বিফলে গেল, ভাবি গুণি তনু বুঝে গো

আজ মোর নাগর মনে পড়ে ॥ ধয়া ॥



আর কারি বামে দিয়ে গো ঠেশ, উরুতে বসিয়া বাঁধিব কেশ,  
অভাগিনী পাপিনীরে ।

আইস বিরহিনি, শ্যাম সোহাগিনি,  
আনিয়া বসাইত কোরে গো ।

করে (?) যখন হইত মান, কাতরে ধরনী লোটাইত শ্যাম,  
গোরবে না হেরি তারে ।

সেই অভিশাপ ফলল সজনি, পিয়া ছাড়ি গেল মোরে গো ।  
শুনলো সজনি বচন সার, ব্রজে কি নাগর আসিবে আর,  
মুখে তেজল নটবরে ।

গাওত রঘুনাথ নৃপতি সাজত হলধরে গো  
শ্যাম সাজত হলধরে ॥

নিম্নলিখিত পদটী গৌর সিংহের রচিত । এই গৌরসিংহ শিলির রাজবংশে  
জন্মগ্রহণ করেন । শিলিনগর পাতকুম হইতে বিশ ক্রোশ পশ্চিমে অবস্থিত ।  
অনুমান পঞ্চাশ বর্ষ পূর্বে ইনি বর্তমান ছিলেন ।

**কলহাস্তারিতা নায়িকার প্রতি সখীবাক্য ।**

মান গৌরবি দুর্জয় মানী মানেতে কি মন মজিল ।

সাধের মান কি করিলে গো মন-মোহিনি ।

( এখন ) দগধনে মনবেদনে প্রাণ যাইতে বসিল ॥ ধুয়া ॥

ত্রৈলোক জীবন, শ্যাম নবঘন, যখন চরণে পড়িল—

তখন ছনয়নে না হেরিলে গো ( মনমোহিনী ) ।

বিমুখ হ'য়ে, শ্যাম কান্দিরে, তোমার নিকট তেজিল ।

এখন বিরহ জলিল গো ( মনমোহিনি ) ।

তুমি বল শ্যাম আনিতে, মোদের সাধ্য না হৈল—

তখন গৌরাসিয়া কি বলিল গো ( মনমোহিনী ) ।

এই পদটী বর্জু বা ব্রজরামের রচিত, ইনি জাতিতে তন্তুবায়, ইহার  
প্রপৌত্রগণ এখন বর্তমান আছেন । ঐ দেশীয় তন্তুবায়গণ প্রকাশ্যরূপে কুকুট  
মাংস ও পলাণ্ডু ভোজন করিয়া থাকে । তন্তুবায়গণ অতিশয় নিম্নশ্রেণীর

## গৌর-সন্ন্যাস ।

পূর্ণিমার নিশি ছিল                      কৃষ্ণপক্ষ ক'রে গেল,  
 বিষ্ণুপ্রিয়া মা জননী কেন্দে কেন্দে আকুল হ'লো ।  
 সোণার বরণ গৌর চান্দ আমার কোথায় গেল ॥ ধূয়া ॥  
 গৌরকে দেখেছ যা'তে,                      পদচিহ্ন আছে পথে ?  
 কাল সকালে নিশিভোরে ও মা বোলে ডেকে ছিল ।  
 ভারতে কি জন্মে এল,                      কিবা মন্ত্র দিয়ে গেল,  
 রাধার ভাবে অমুরাগে চাঁচর কেশ মুড়াইল ॥  
 বলে ব্রজরাম বাণী,                      শুন মাতা ঠাকুরাণী,  
 তোর গৌরকে দেখে এলাম ন'দেয় দণ্ডধারী হ'ল ॥

পূর্বেক্ত ব্রজরামের পুত্র গোবিন্দরামের একটি পদ ।

মান ।

ললিতা বলিছে বাণী,                      শুন গো রাই কমলিনি,  
 আইল চিকণ কালা কমল নয়নে ।  
 মান কর কেনে, হের গো রাই শ্রীবংশী বদনে ॥ ধূয়া ॥  
 শিরে শিখিপুচ্ছ চূড়া,                      তায় বন-ফুল বেড়া,  
 শ্রীঅঙ্গে চন্দন পীতাম্বর পরিধানে ।  
 গলেতে বসন করি,                      দাড়া'য়ে রয়েছেন হরি,  
 বহিছে প্রেমের ধারা সেই কমল নয়নে ॥  
 কেনে গো করিলে মান, ( প্যারি ) যা বিনে না বাঁচে প্রাণ,  
 অধম গোবিন্দ বলে সেবি সে চরণে ॥

নরোত্তম, দীননাথ প্রভৃতির পদগুলি বারান্তরে প্রকাশ করিবার ইচ্ছা  
 রহিল ।

শ্রীকালিনাথ নাথ ।

## নিধিরামের দুর্গোৎসব ।

পঞ্জিকার এ বৎসর ভারি গোল । কয়েকখানি পঞ্জিকার মতে দুই দিন পূজা, নবমীতে বিসর্জন ; কোন কোন পণ্ডিতের মতে ব্যবহারসিদ্ধ তিন দিন পূজা, দশমীর প্রভাতে বিসর্জন । নিধিরাম এখন কি করিবেন ? বাড়ীতে প্রতিমা নির্মিত হইয়াছে, পূজা অবশ্যই করিতে হইবে, দুর্গাভক্ত সাহেববিধিগুলিকেও অবশ্য আমন্ত্রণ করিতে হইবে ; কিন্তু কোন্ মতে ?

নিধিরাম বাবু কোন প্রকার মতামতের ধার ধারেন না ; নিজের মতেই কার্য করিতে ভালবাসেন । এ বৎসর পঞ্জিকার মতে পূজা করিতে পারিবেন, কিন্তু বিজয়াতে যখন গোল, তখন তিনি কোন মতেই বিসর্জন করিতে পারিবেন না ;—বিসর্জন করিবেন না । তবে তিনি কি করিবেন ?

নূতন প্রকারে নিধিরাম ঠাকুর মহানবমীর দিন মা দুর্গার একটা স্তব করিবেন । দিন থাকিতে থাকিতে সেই স্তবটী তিনি রচনা করিয়া রাখিয়াছেন । ১৩০৭ সালের নূতন পঞ্জিকার গণনার ১৭ই আশ্বিন বুধবার নবমী ৫ দণ্ড ২৯ পল ১৮ বিপল । ঐ সময়ের মধ্যেই মহানবমী পূজা, বলিদান, এবং হোম সমাপন করিয়া নিধিরাম মহাশয় মা দুর্গার স্তব করিবেন ; বিসর্জন করিবেন না । নিধিরামের স্বরচিত স্তবটী নিম্নভাগে বর্ণবদ্ধ করা হইল ।

## নিধিরামের দুর্গাস্তোত্র ।

শারদে ! অভয়পদে নমি নভশিরে,  
হৈমবতি ! বিশালাক্ষি ! হরমনোহরা,  
ভবানি ! ভবেশজ্জায়া, মহিবমর্দিনি !  
কুপাময়ি ! কুপাদৃষ্টি কর দীনদাসে ।  
মা তোমার আশীর্ব্বাদে করি সমাপন—  
শারদীয়া মহাপূজা, স্তবদ শরতে,  
ভক্তিভাবে ভবরাপি ! শঙ্করমহিষি !  
নবমী আজি মা দুর্গে ! মহাপূণ্য-তিথি !  
পঞ্জিকার পণ্ডিতেরা শাস্ত্রসিদ্ধ মণি,  
বিধি দিয়াছেন দেবি ! এ নব বৎসরে—



নবমীতে বিসর্জন হবে মা তোমার !  
এ কি বিড়ম্বনা মাগো, হুর্গতিনাশিনি ?

একি মা আনন্দময়ি ! আনন্দপ্রসূতি  
ভবে তুমি, ভবাজনা, দেবী মহামায়া,  
নিরানন্দ আনিবে কি নবমী বিকালে ?  
মহোৎসবে মহালক্ষ্মি ! হবে কি বিজয়া ?  
হয় হোক, ইচ্ছা তব, ইচ্ছাময়ী তুমি ;  
কে লজ্জিবে তব ইচ্ছা, এ ভবসংসারে ?  
যে পারিবে সে করিবে বিজয়া-নবমী,  
বিজয়া দশমী বাক্য ভুলিবে যাহারা,  
নিষ্ঠুর তাহারা তারা, ইহ বঙ্গভূমে !  
আমি কিন্তু পারিব না ( ক্ষম ক্ষেমকরি ! )  
আচরিতে নিষ্ঠুরতা কভু পারিব না  
নবমীতে মা তোমারে দিতে বিসর্জন !  
বিসর্জন করিব না, রাখিব মন্দিরে ।  
দ্বিতীয় বরষে দেবি, পূজিব আবার,  
ভবের ভকতবাঞ্ছা রাঙা পা হুথানি !

থাকো মা কৈলাসেশ্বরি ! দাসের ভবনে,  
ষেওনা কৈলাসে দেবি, এ মম মিনতি !  
অসভ্য এ বঙ্গদেশ, গণেশ কার্তিক  
অসভ্য রূপেতে দেখা দেন চিরদিন ;  
মৃষিকবাহনে চড়ি ফুলাইয়া ভুঁড়ী,  
গুঁড় নেড়ে খেতে যান কদলীর পাতা,  
( কলাবউ লজ্জা পান ঘোমটা টানিয়া, )  
এই কাজে পটু মাগো, তব গজানন !  
পক্ষীপৃষ্ঠে আরোহিয়া উড়িয়া উড়িয়া,  
বেড়ান কার্তিক বীর, ধমুঃশর করে !

অসভ্য পাহাড়ী বন্য, কার্তিক গণেশে  
 বিলাতে পাঠাব আমি সভ্য করিবারে !  
 ভাল ভাল স্বর্ণকেশী সুন্দরী সুন্দরী—  
 বিবি বিয়ে করাইব, পরাইব হ্যাট ।  
 পালাবে পিকক্ পাখী, লুকাইবে র্যাট ।

কলামুখী কলাবউ, সাজিবেন বিবি ।  
 খুলিবেন গণপতি, বিবিদের গিবি ।  
 যড়ানন ইন্দ্রভূমে তুষ্টি ইন্দ্রগণে,  
 অবশ্য দিবেন তথা ব্যারিষ্ঠারী পাশ !  
 অধর্ষ গণেশ, দাদা, সাদাদের দলে,  
 লভিবেন ইহবঙ্গে সিবিল সার্ভিস ।  
 কত সুখী হবে তুমি হিমাজি-নন্দিনি !  
 হেরিয়া তনয় ছুটী বৎসরের পরে !  
 তোমারেও মহাদেবি ! সুবেশে সাজাব ।  
 ছি ছি মাগো একি সজ্জা ! ও বরাদ্দ তুমি,  
 চাকিতেছ বকে এসে ডাকের কুৎসে !  
 কি সজ্জা ! গিরীন্দ্রবালা ! নিধিরাম! আমি,  
 মহানিধি দিয়ে আমি সাজাব তোমারে,  
 দূর করি ফেলে দিব ডাকের গহনা ;  
 গাউনে চাকিব বপু, কষিত কাঞ্চন,  
 বনেটে সাজাব ছুর্গা মস্তক তোমার ;  
 কত ফুল, কত পাখী, শোভিবে বনেটে,  
 কত শোভা বিকাসিবে তব চন্দ্রানন ।

যেওনা মা হরধামে, করি নিবারণ,  
 থাকো মা আমার ঘরে বৎসরের তরে,  
 বাসনা পূরাও মাগো, এই আকিঞ্চনে—  
 কাতরে মিনতি করে ভক্ত নিধিরাম ।

নিধিরাম আমি দেবি ! সিদ্ধিবিধায়িনি,  
 সিদ্ধ কর সিদ্ধেশ্বরি ! মনের বাসনা ।  
 অহরহ পূজির মা ত্রীপদ তোমার,  
 বিজয়া আমার নাই বিজয়া পিপাসী—  
 নহি আমি সুরেশ্বরি ! বিজয়া উৎসব  
 করেছিল। রামচন্দ্র ত্রেতা অবতारे,  
 বধিবারে লঙ্কেশ্বরে সমুদ্রপুলিনে,  
 পূজে ছিল। যবে দুর্গা ; অকালে বোধন  
 সঙ্কল্পিয়া ষষ্ঠীদিনে ভক্তি উপচারে,  
 দশভূজা দেবীমূর্তি মঙ্গলরূপিণী ;  
 দশমীতে করেছিল। বিজয়া তোমার,  
 বিসর্জিয়া সিদ্ধজলে সোণার প্রতিমা !  
 পুণ্যবান পুণ্যভূমে দাশরথী রাম,  
 নিধিরাম যে রামের দাসযোগ্য নয় !  
 রামদাস ছিল যত ভল্লুক বানর ।  
 নিধিরাম রামদাস হইতে কলিতে,  
 করিতেছে বড় সাধ ; কিন্তু মা বিজয়ে !  
 বিজয়াটী করিবে না তৃতীয় দিবসে ।

রাখিব প্রতিমা তব পূর্ণ সঙ্কৎসুর,  
 হনুমান সম রব ভূমে লুটাইয়া,  
 পুষ্পাঞ্জলি দিব পদে মাথায় চন্দন,  
 থাকে মা সদয়া হয়ে দাসের কুটীরে ।  
 ভাগ্যবতী কলাবউ এ নব বৎসরে  
 প্রসবিলে মোচা ফল ফলিবে কদলী,  
 টপাটপ খাব কলা লুফিয়া লুফিয়া,  
 বড় রঙা বড়ই থাইতে ভালবাসি ।  
 পঞ্জিকা ভাসায় দিব সাগরের জলে,  
 নবমীতে বিসর্জন হবে না ধরায়,  
 যেওনা কৈলাসাচলে কৈলাসবাসিনি !



তব সহ থাকিবেন দেব শূলপাণি  
 মহেশ্বর ; কৃপা করি নিধিরাম ধামে ।  
 বিহর মহেশরানি ! আশ্রমে আমার,  
 হৃদয় পাতিয়া দিব কোকনদ পদে,  
 আরাধিব মহাভূগা এই আকিঞ্চন ।  
 থাকিবেন বীণাপাণি, জলধি ছহিতা  
 লক্ষ্মী ; মহাবিশালাক্ষি চঞ্চলা কমলা ;  
 থাকিবে মহিষাসুর, থাকিবে কেশরী,  
 থাকিবে শ্রীপদপ্রান্তে ইন্দুর ময়ুর ;  
 সবারে করিব পূজা মনের উল্লাসে,  
 কৃতার্থ হইয়া যাব প্রসাদে তোমার ।

বিলাত হইতে ফিরি আসিবেন যবে,  
 কালাপাণি পার হয়ে জাহাজে চড়িয়া,  
 বিলাতি পোষাক পরি গুহ গজানন,  
 হাটে বিভূষণ-শুভ, কোটে লক্ষি কুঁড়ি,  
 কিবা শোভা ধরিবেন ঠাকুর গণেশ ;  
 হাট কোটে শোভিবেন কুমার কার্তিক,  
 ব্যারিষ্টারি পাশ দিয়া ঝুলায়ে গাউন,  
 ধনুঃশর তেয়াগিরে ধরিবেন ত্রিফ,  
 তোমার চরণে আসি করিবেন স্তুতি ।  
 লবেন আমার পূজা প্রকল্পবদনে,  
 সর্বরূপ হেরিব মা সর্ব সুখময়,  
 সম্মুখে নাচিব আমি ফুলায়ে লাক্সুল ।  
 লাক্সুল ভরসা মম লাক্সুলী উপাধি  
 পাইয়াছে কবি করে বীর হনুমান,  
 আমিও তাহাই ছর্গে, তব শ্রীচরণে  
 রামদাস রূপীদাস, কুদ্র হনুমান ।  
 নাম শুধু নিধিরাম, দেহ মানবের  
 এই মাত্র ভেদ ভিন্ন ভাবাস্তর নাই ।

তাই বলিতেছি মাগো, দাসে কৃপা করি  
থাকো মা ভবানীপুরে, শঙ্করী ভবানি !

চতুর্ভুজ ফল ফলে শ্রীচূর্ণা পূজায়,  
আমার কেবল লাভ পাকা রসতা ফল ।  
রসতাপ্রাপ্ত নিধিরাম, বলিবে সবাই,  
বর দেহ, নিত্য নিত্য রসতা যেন পাই ।  
বিজয়া ভুলিয়ে গিয়ে, সপ্তমী অষ্টমী  
নবমীর পুণ্যতিথি, নিত্য যেন শিবে,  
বিরাজে দাসের গৃহে ; পূর্ণানন্দে যেন  
নিত্য নিত্য পূর্ণ হয় মহা মহোৎসব ।  
নিত্য নিত্য নব নব কুসুম সৌরভে,  
সুवासিত থাকে যেন দাসের ভবন ;  
সুवासিত ধূপ ধূনা সুবাস বিতরি,  
নিত্য নিত্য শোভে যেন তোমার সম্মুখে ।  
শ্রেয়পদ্ম নীলপদ্ম পূর্ণ বিকাশিয়া,  
অঙ্কুর চন্দন মাধি শত শত দলে,  
পাদপদ্মে নিত্য যেন করে নমস্কার ।  
শঙ্খ ঘণ্টা জগবম্প বীণা সপ্তস্বরী,  
নিত্য নিত্য বাজে যেন তব শ্রীমন্দিরে,  
নিত্য যেন শোনা যায় মহোৎসব রব ।  
রাক্ষা পদে এই বর মাগে নিধিরাম,  
এই মহোৎসব যাচে কৃতাজলিপুটে ।

—\*—

নিদয়া হয়োনা দেবি ! দয়াময়ী তুমি,  
ছোলা কলা পানিফল আতপ তণ্ডুল,  
দিবনা তোমারে শিবে, দিতে পারিব না,  
তোমার বিশ্বের বস্তু কি দিব তোমায় ?  
ছাগশিশু বলিদান হবেনা এখানে,  
সে বিধিটি নিধিরাম রাখেনা পূজায় ।

তোষামোদে ঘুস খেয়ে তুষ্ট মহামায়া,  
 অজ্ঞানেই ভাবে ইহা ; ভক্তের ভাবনা  
 সে রকম কভু নয়, কভু নয় নয় ।  
 আমিও অজ্ঞান মুঢ়, তবু শিবেখরি !  
 তত হীন মতি মম কদাচ হবে না ।  
 সচন্দন বিল্বদল পুষ্প গঙ্গাজল,  
 তাহাও তোমার বস্তু ; কি আছে আমার ?  
 কি দিয়া পূজিব তবে শ্রীহুর্গা চরণ ?  
 বস্তু আছে ব্রহ্মময়ি ! তাহাই অর্পিব ।  
 ভক্তি বিব, ভক্তি গঙ্গা, শ্রদ্ধার চন্দন ।  
 মনফুলে মিশাইয়া অর্পিব চরণে,  
 নিয়ত ইহাই বাঞ্ছা, বাঞ্ছাপ্রদায়িনি !  
 বাহিরে উৎসব থাকে, থেকে থেকে তাহা,  
 আনন্দে আনন্দময়ী তুষ্ট চিরদিন ।  
 বাহানন্দে ভক্ত যদি ভক্তি নাহি ভুলে,  
 পূজা করে মা তোমারে, তুষ্ট তুমি তাহে ।

—\*—

নিধিরাম বোঝেনা মা অন্তর বাহির,  
 দয়া করি দয়াময়ি, দিও বুঝাইয়া,  
 যেওনা কৈলাসাচলে মিনতি আবার,  
 থাকো মা দীনের বাসে, দীনহুঃখহরা,  
 বৎসরেক থাকো পুনঃ দ্বিতীয় বৎসরে  
 পূজিব শ্রীপাদপদ্ম মানসোপচারে ।  
 যেওনা থাকো মা হুর্গে, হুর্গতিবারিনি !  
 পুনঃ পুনঃ এই বর যাচে নিধিরাম ।

সমাপ্ত ।



## বাঙ্গালা ভাষার লেখক ।

( পূর্ব প্রকাশিতের পর )

বিহারিলাল যখন সেকেণ্ড ইয়ারে পড়েন, তখন ২৪ পরগণার অন্তর্গত বারুইপুরে তত্রত্য জমিদার চৌধুরী মহাশয়েরও ঐরূপ একটা হিন্দুমেলা হইত। বিহারী বাবু জনৈক বন্ধুর আগ্রহে ঐ মেলাতেও একটি কবিতা পাঠ করেন। সেখানেও তাঁহার যথেষ্ট প্রশংসা হয় এবং পুরস্কারস্বরূপ সেখানে তিনি একখণ্ড “মেঘনাদবধকাব্য” উপহার পান। এই সূত্রে বিহারী বাবু যে আর একটি অমূল্যনিধি লাভ করেন, কথাপ্রসঙ্গে এখানে সে কথাটি বলিতেও ইচ্ছা হইতেছে। বারুইপুরের মেলায় কবিতা পড়িতে গিয়া বিহারী বাবু এক কন্ঠারত্ন দেখিয়া আসেন। সেই কন্ঠারত্নকে দেখিতে যান, অল্প কোন পাত্রের জন্ত; কিন্তু প্রজাপতির নির্বন্ধে, যথা-দিনে নিজেই সেই কুমারী কন্ঠাকে লাভ করেন। সেই গুণবতী রমণীরত্ন এখন সম্মানবতী হইয়া স্বামীর গৃহ উজ্জ্বল করিয়া আছেন। উপস্থিত বিহারী বাবুর দুই পুত্র ও এক কন্ঠা।

পঠদশার পরেই বিহারী বাবু বিষয়কর্মে নিযুক্ত হন। কলিকাতা আহিরীটোলা-নিবাসী ৬রাজমোহন মুখোপাধ্যায়ের কলিকাতা প্রেসের ম্যানেজারীপদ তিনি পান। দিবাভাগে ঐ কাজ করিয়া রাত্রে বিহারী বাবু সংস্কৃত পড়িতে আরম্ভ করেন। তাঁহার সংস্কৃত-সাহিত্যের গুরু,—কলিকাতা হাতিবাগান-নিবাসী,—সুপ্রসিদ্ধ কবিরাজ কালিদাস দাস রায় মহাশয়ের সুযোগ্যপুত্র পণ্ডিত শ্রীযুক্ত নৃত্যগোপাল কবিরত্ন মহাশয়। এই সময় বিহারী বাবু মধ্যে মধ্যে মিরর ও স্ট্রেটসম্যান পত্রে পত্রাদি লিখিতেন।

“প্রভাতী” নামে একখানি প্রাত্যহিক পত্রের সেই সময় জন্ম হয়। বিহারী বাবু কলিকাতা প্রেসের ম্যানেজার হইলে,—প্রেসের সর্বাধিকারী রাজকুমার মুখোপাধ্যায় মহাশয় উক্ত “প্রভাতী” পত্রিকার সর্বাগ্রহণ করেন। সে সময় প্রভাতীর সম্পাদক ছিলেন,—৬পশুপতি মুখোপাধ্যায়। ইনি,—পাউয়ার গার্ডজনের শ্রীযুক্ত শশিভূষণ মুখোপাধ্যায়ের অগ্রজ। এক বৎসর পরে, বাঙ্গালা সংবাদপত্র-সম্পাদকের একজন মহারথ উক্ত প্রভাতীর সম্পাদক নিযুক্ত হন। তিনি আমাদের বিজ্ঞ, বহুজ্ঞ, সুপণ্ডিত, লেখকশ্রেষ্ঠ শ্রীযুক্ত ক্ষেত্রমোহন সেন গুপ্ত মহাশয়। সেন গুপ্ত মহাশয় অনেককে মানুষ

করিয়াছেন এবং এখনও করিতেছেন। তাঁহার বহু শিষ্যশাখা আছে। আমাদের বিহারী বাবুও তাঁহার একজন শিষ্য। ক্ষেত্র বাবুর আমলে বিহারী বাবু “কণ্ঠাদায়” সম্বন্ধে প্রভাতীতে এক পত্র লিখেন। প্রভাতীতে বিহারী-লালের এই প্রথম রচনা প্রকাশিত হয়। সেই হইতেই বিহারী বাবু “প্রভাতীর” নিয়মিত লেখক হইলেন। ক্ষেত্র বাবুর পর শ্রীযুক্ত তিনকড়ি মুখোপাধ্যায় মহাশয় প্রভাতীর সম্পাদকীয় ভার গ্রহণ করেন। তিনি সম্পাদক হইলেন বটে, কিন্তু প্রভাতীর প্রায় যাবতীয় কার্য বিহারী বাবুই সম্পন্ন করিতে লাগিলেন। প্রভাতীতে তাঁহার বহু প্রবন্ধ প্রকটিত হইতে লাগিল। প্রভাতী আপিস পূর্বে রাধাবাজারে ছিল; কিছু দিন পরে উহা রাধাবাজার হইতে উঠিয়া রাজমোহন বাবুর নিজ নিমতলার বাটীতে আসে। এইখানে ঘটনাক্রমে এক সময় কম্পোজিটরগণ অনুপস্থিত হয়। কার্যকুশল বিহারীলাল মুখে মুখে রচনা করিয়া, নিজহস্তে সেই রচনা কম্পোজ করিয়া “প্রভাতী” প্রকাশ করেন। সুতরাং সে সময় কম্পোজিটরীও বিহারীলাল কিছু কিছু শিখিয়াছিলেন। একাধারে এত শক্তি বড় সহজ নয়।

ইহার চারি পাঁচ বৎসর পর প্রভাতী উঠিয়া গেল।

এই সময় “বঙ্গবাসী” প্রকাশিত হইয়াছে। বঙ্গবাসীর একমাত্র স্বাধিকারী,—গুণী ও গুণগ্রাহী শ্রীযুক্ত যোগেন্দ্রচন্দ্র বসু মহাশয়,—বহু গীতিনাট্য-প্রণেতা শ্রীযুক্ত রাধানাথ-মিত্রের নিকট বিহারী বাবুর গুণের পরিচয় পাইয়া, বঙ্গবাসী আপিসের প্রেস-বিভাগে বিহারী বাবুকে নিযুক্ত করিলেন। তখন বঙ্গবাসী ছাপাখানা-বিভাগের বড়ই বে-বন্দোবস্ত ছিল। তখন দৈনিক প্রকাশিত হইয়াছে, সুতরাং কার্যের বড়ই ঝঞ্জাট। স্বাধিকারী মহাশয় বিহারী বাবুর উপর প্রেসের যাবতীয় ভার গুস্ত করিলেন। কার্যকুশল,—প্রেসের অধ্যক্ষতায় দক্ষ বিহারীলাল অল্পদিনের মধ্যে প্রেসের সূক্ষ্মালা সম্পাদন করিলেন; অযথা ব্যয় কমাইয়া আয় বাড়াইলেন; আরও অনেকরূপ উন্নতি করিলেন।

প্রেসের অধ্যক্ষতার কাজ করিতে করিতেও বিহারী বাবু মধ্যো মধ্যো দৈনিকে লিখিতেন। এক বৎসর পরে বঙ্গবাসীতেও লিখিতে আরম্ভ করিলেন। দৈনিক জন্মগ্রহণের তিন বৎসর পরে স্ককবি স্বর্গীয় ষামদেব দত্ত মহাশয় দৈনিকের সম্পাদক নিযুক্ত হন; সেই সময় বিহারী বাবু তাঁহার সহকারী হইলেন। ক্ষেত্রবাবু তখন দৈনিকের লেখক ছিলেন,—সম্পাদক নন। কিন্তু দৈনিকের শেষ দশবর্ষ কাল, ক্ষেত্রবাবুই একমাত্র সম্পাদক ছিলেন।

অতঃপর যখন শ্রীযুক্ত কৃষ্ণচন্দ্র বন্দ্যোপাধ্যায় মহাশয় বঙ্গবাসীর সম্পাদক হইলেন, রামবাবু তখন দৈনিক হইতে বঙ্গবাসীতে আসিলেন এবং ক্ষেত্র বাবুই তখন দৈনিকের ভার লইলেন। এই সময় বিহারী বাবু বঙ্গবাসীর “শাস্ত্র-প্রকাশ” বিভাগে নিযুক্ত হইলেন। বিহারী বাবুর সে সময়কার অগাধ পরিশ্রম ও অসাধারণ অধ্যবসায়ের কথা স্মরণ করিলে মুগ্ধ হইতে হয়। শাস্ত্রপ্রকাশের গ্রাহক সংগ্রহের জন্ত তিনি যেকোন উৎকট পরিশ্রম করিয়াছিলেন, তাহাতে আজ অবধিও সকলেই তাঁহার কার্যকুশলতার প্রশংসা করিয়া থাকেন। বামদেব বাবুর সহিত বঙ্গবাসীর সংস্ক বিচ্ছিন্ন হইলে, বিহারী বাবু বঙ্গবাসীর সহকারী সম্পাদকের পদে নিযুক্ত হন এবং ঈশ্বরেচ্ছায় আজিও সেই পদে প্রশংসার সহিত কার্য্য করিতেছেন।

বঙ্গবাসীতে বিহারী বাবুর প্রথম প্রবন্ধ প্রকাশিত হয়, “নেপাল”; এবং জন্মভূমিতে প্রথম প্রকাশিত হয়,—“পঙ্গপাল।” এই দুই প্রবন্ধেই বিহারী বাবু স্বধী-সমাজের মনোযোগ আকর্ষণ করিয়াছিলেন। সেই মনোযোগ এখন সহস্র সহস্র পাঠককে আকর্ষিত করিতেছে।

বিহারী বাবু সুস্থ শরীরে থাকিয়া দীর্ঘজীবী হউন,—ইহাই আমাদের আন্তরিক কামনা।

(ক্রমশঃ)

শ্রীহারানন্দ রক্ষিত।

## দীনের দুর্গোসব।

মা দুর্গে! এই জগতে হীন দীন কৃপণ কৃৎসন মানব, আর অমর নরপতি যোগী বা ভোগী, সকলেরই একমাত্র সুখই মুখ্য লক্ষ্য, মানবের মন! সদা সুখের জন্তই লালসায়িত, কিসে সুখী হইবে, এই আশায়ই প্রাণিদিগের মন ছুটাছুটি করিতে থাকে। যাহা কিছু দৈনিক আহার বিহারাদি মানব করিয়া থাকে, তৎসমুদয়ই কেবল আপন সুখের জন্তই।

ধন রাজ্য ঐশ্বর্য্য পুত্র ক্ষেত্র কলত্র মিত্রাদি লাভ করিয়াও, ক্রমশ পর্ণকুটীর হইতে একতল দ্বিতল ত্রিতল প্রাসাদ, বসন ভূষণ যান আসন, অধিক কি বলিব, দেবত্ব লাভ করিয়াও মানবের মন শান্ত বা তৃপ্ত হইতেছে না।

যেন ইহার পরেও আরও কি জানি একটা সুখ আছে, সেই সুখের জন্ত মানব মন অহর্নিশ পরিলম্বণ করিতেছে।



ধনাদি দ্বারা নিত্য নিরতিশয় সুখের সম্ভাবনা নাই, ফলতঃ, সেই সকল ধন ঐশ্বর্য্য প্রভৃতি বিষয় কৃত্রিম ছুঃখানুবিদ্ধ সুখেরই হেতু পরিলক্ষিত হয়। মানবের মন ছুঃখসংসৃষ্ট অনিত্য সুখের স্পৃহা করে না, ক্ষণ বিনশ্বর সুখ লাভে মানবহৃদয় কৃতার্থ হয় না, শান্ত হয় না, এই নিমিত্তই ধনৈশ্বর্য্যাদির দ্বারা শান্তি লাভে অকৃতার্থ হইয়া মানব মন বিস্রস্ত হইয়া পড়ে।

জগজ্জননি ! সেই দিন সেই মুহূর্ত্তেই মানবাত্মা কৃতার্থমগ্ন হইবে, বীত-লিপ্স হইবে, প্রশান্ত হইবে, যে দিন যে মুহূর্ত্তে অখণ্ডানন্দ নিত্য নিরতিশয়ানন্দ লাভ করিবে, সে দিন স্ত্রী পুত্র গৃহ ক্ষেত্র রাজ্যৈশ্বর্য্য সুখ সেই মহা সুখের এক কণিকামাত্রও মনে করিবে না।

মা আনন্দময়ি ! সেই অনির্বচনীয় মহামন্দ লাভে কেবল তোমার চরণার-বিন্দু সাক্ষাৎকারই মুখ্য কারণ বেদাদি শাস্ত্রে নির্ণীত হইয়াছে। তা ছাড়া যুগ সহস্রের চেষ্টায়ও সেই অখণ্ডানন্দ লাভ আকাশকুসুমবৎ সম্পন্ন হইবে।

মা পূর্ণানন্দময়ি ! আমাদের সকল সুখের আকর তোমার সাক্ষাৎ-কার অনায়াসলভ্য নহে। কেননা, মা ! তুমি এই দৃশ্য ক্ষিতি জলঅনল অনিল বা আকাশ নহ, তুমি গন্ধ রস রূপ স্পর্শ বা শব্দ নহ, তুমি তাহার অতিরিক্ত, সূতরাং তোমায় নাসা আঘ্রাণ করিতে পায় না, রসনা স্বাদ করিতে অপটু, নয়ন দর্শনে শক্তিহীন, ত্বক্ স্পর্শ করিতে পারে না, শ্রুতি শুনিতে অসমর্থ, মা তুমি অগ্নু হইতে অগ্নুতর, মহৎ হইতে মহত্তর, কাজেই মনও তোমায় ধরিতে পায় না।

মা ব্রহ্মময়ি ! তুমি অবাঙ্মনস গোচর, মা ! তোমায় মন জানেনা, মনকে তুমি জান, শ্রবণ তোমায় শুনেনা, শ্রবণকে তুমি শুন, বাক্য তোমায় কহিতে পারে না, বাক্যকে তুমি কহিতে পার, চক্ষু তোমায় দেখেনা, তুমি চক্ষুকে দেখিয়া থাক, মা ! তুমি প্রাণিমাত্রেরই হৃদয়ের অধিষ্ঠাত্রী দেবী, মা ! তোমার কোন ক্রিয়া নাই, অখচ সৃষ্টি স্থিতি প্রলয় তুমিই করিতেছ, মা ! তুমি অতি দূরে আছ, অখচ অতি নিকটে নয়ন-পুতুলির মধ্যেও আছ, মা ! তুমি সকলের বাহিরে আছ, সকলের অন্তরে আছ।

মা ! তোমায় আস্তিক মাত্রই “সর্ককর্ত্রী” বলে, ইহাতে কাহারও বিমতি দেখা যায় না।

অথ “সর্ককর্ত্রী” এই শব্দটির তাৎপর্য্য বিচার পূর্বক তোমার সাক্ষাৎকার ছর্গভ নহে ইহাই বুঝিতেছি, “সর্ককর্ত্রী” এই শব্দের অন্তর্গত সর্ক শব্দের অর্থ

কল্পনা কি ? না, এক বস্তুতে অপর বস্তুর আরোপ কল্পনা, যেমন ঘটে বা গটে দেবতা বুদ্ধি, মা ! উক্ত কল্পনাও সর্বকর্তা তোমারই সৃষ্ট পদার্থ, যদি তোমা ব্যতীত অপর কেহ কল্পনা সৃষ্টি করিয়া থাকে, তবে তোমার সর্বকর্তৃত্ব বিনষ্ট হইয়া যায় ।

জগজ্জননি ! ইহাও বলা উচিত হয় না, যে তুমি নিষ্প্রেয়োজনে কল্পনা পদার্থের সৃষ্টি করিয়াছ, যদি তাহাই হয়, তবে নিষ্ফল সৃষ্টি করিয়াছ বিধায় তোমাকে দোষগ্রস্ত হইতে হয়, অতএব কল্পনার একটা ফল আছে, ইহা অবশ্যই স্বীকার করিতে হইবে ।

মা ! তোমার সৃষ্ট “শব্দ,” কৈ, শব্দের ত কোনও আকার নাই, ত্রিকোণ বর্তুল চতুষ্কোণ বা নীল পীত লোহিত বা কপিশ, ইত্যাদি কিছুই দেখিতে পাই না ।

ফলতঃ, বর্ণায়ক শব্দের কোন আকৃতি না থাকিলেও “ক” “খ” “গ” “ঘ” ইত্যাদি ত্রিকোণ কুণ্ডলীবিশিষ্ট “ক” বকতুপ্তবৎ “খ” এইরূপে কল্পিত আকার পত্রে আকৃত করিয়া দেশান্তর স্থিত বন্ধুদিগের বার্তা নিশ্চয়-রূপে জ্ঞাত হইতেছে, সুতরাং “কল্পনা” নিষ্ফলা, ইহা কখনই বলা যায় না ।

অতএব আবহমান কাল হইতে প্রচলিত নিরাকার তোমার কল্পিত ঐ দশভুজা সিংহারূঢ়া মহিষমর্দিনী রূপের দ্বারা নিরাকার শব্দের কল্পিত ক কারাদি রূপের গ্ৰায় যথাবিধি পূজা করিয়া নিশ্চয়ই আমরা অভীষ্ট লাভ করিতে পারিব ।

মা ! যাহার কোনও নাম নাই, তাঁহাকে সকল নামই দেওয়া যায়, যাহার কোনও রূপ নাই, তাঁহাকে সকল রূপেই ডাকা যায় ।

মা ! তোমার স্বরূপ যে কি ? তাহা ব্রহ্মা বিষ্ণু মহেশ্বর ইন্দ্র বায়ু বরুণ প্রভৃতিও জানে না, আমরা ত কীটগু ।

মা ! আরও বলি, তুমি ত নিরাকার, ইহা সর্ববেদাগমের সিদ্ধান্তিত কথা, আবার এ কথাও শাস্ত্রে পাওয়া যায়, যে তুমিও আমাদের মত শ্রদ্ধা ভক্তি স্নেহ প্রেম শ্রবণ মনন ধ্যানের দ্বারা সাক্ষাৎ হইয়া থাক, এবং আমরাও তোমা হইতে জল অনল ও দিন রাত্রির মত অত্যন্ত ভিন্ন নহি, কিন্তু আমরাও চৈতন্যময়ী তোমারই একটা কণা, অজ্ঞানানুবিন্দু চৈতন্যের প্রতিবিম্ব, বা ক্লেশ কর্ম বিপাকও আশয়ে সংসৃষ্ট চিত্তশক্তি তুমিই আমরা হইয়াছি, সেই অজ্ঞানের আবরণ শক্তির সাহায্যেই আমরা নিত্য সুখ হইতে বঞ্চিত হইয়াছি ।

আমরা ত এই প্রকারই বলিতে পারি যে আমরা জন্ম হইতে অত্যাচার

সংস্কারভাবে কোন কার্যইত এ জগতে নিষ্পন্ন হইতেছে না, বা হইতে পারে না।

যেমন, আমরা জন্মিয়াই জীবনের ঔষধরূপ মাতৃস্তুত্বেই স্নেহধারা শিক্ষা করিয়াছি, তখন ত আর কিছুই ভালবাসিতাম না, মাত্র মাতৃস্তুত্ব, পরন্তু তাহারও একটা আকার আছে, স্তন্য গুরুবর্ণ মধুর রসবিশিষ্ট, ও কবোষণ, এজন্তই স্তন্য ইন্দ্রিয় গ্রাহ এবং প্রত্যক্ষিত।

তৎপরে বাল্যদশাপন্ন আমরা দেখিলাম, এ জগতে মা ভিন্ন আর আমাদের কেহ নাই, আমরা ক্ষুধার্ত হইয়া রোদন করি, স্নেহময়ী মা অমনি বন্ধে ধারণ করিয়া অমৃতায়মান স্তন্য দান করেন, বিবিধ ক্লেশ বিবিধ ভয় হইতে ত্রাণ করেন, তাই মায়ের উপরেই আমাদের উল্লরোত্তর শ্রদ্ধা ভক্তি স্নেহের উৎস খুলিয়া পড়ে! সেই মা, আমাদের মূর্ত্তিময়ী, তবেই ত এমন ভালবাসিতে পারিয়াছি।

তৎপরে সংস্কার এবং সংসর্গবশে সর্বদা আহাৰ বিহারজনিত যে প্রেম করা, তাহাও সাংকার বস্তুর সহিতই হইয়াছে, নিরাকার বস্তু কখনো ইন্দ্রিয়গোচর নয় বলিয়াই তাহা আমরা ভালবাসিতে শিখি নাই, সুতরাং নিরাকার বস্তু আমাদের প্রেমভাজন হইতে পারে না।

মা! নিরাকারা, তোমার দ্বারা আমাদের সুখের আশা সুদূরপর্যন্ত, ইহা নিশ্চয়। মা! তোমার নিরাকার নিয়া তুমি থাক, আমাদের তাহাতে কোন প্রয়োজন নাই।

বিশ্বজননি! যেমন ভূগর্ভে নিহিত কত স্থানে কত কত মণিরত্ন প্রৌথিত রহিয়াছে, কিন্তু তাহা আমাদের ইন্দ্রিয়গ্রাহ্য নহে গতিকেই তদ্বারা আমরা সুখী হইতে পারিতেছি না, তেমন মা! তুমি সূক্ষ্মরূপে সদা সন্নিহিত থাকিলেও স্কুলদর্শী আমাদের ইন্দ্রিয়গোচর হওনা বলিয়াই মন প্রীত হইতেছে না।

আমরা ইহাই বুঝি, শ্রদ্ধা স্নেহ ভক্তির দ্বারা লব্ধব্য বস্তু, অন্তোপায় দ্বারা লাভ করিতে শক্য হয় না, গন্ধ গ্রহণে নাসাই পটীয়সী, কিন্তু সহস্র পদ্য চক্ষু নহে, পাতাল মূলে স্থিত বস্তু গিরি শিখরে কখনও পাওয়া যায় না, দক্ষিণ সাগরে প্রাপ্য বস্তু, ক্রমাগত যুগসহস্র বৎসর উত্তর দিগে অনুসন্ধান করিলে কখনই পাইবার নহে। জলের কন্ম্ব অনলে, ও অনলের কার্য্য জলে, কখনই নির্কাহিত হইতে পারে না।

বিশেষতঃ, যে বস্তু লাভে যেমন প্রক্রিয়া, যেমন স্থান, যেমন সময়ের



শাস্ত্রে আছে, “গবাং সর্কত্রগং ক্ষীরং অবৎ স্তনমুখাদ্ যথা ।” গাভীর সর্ক শরীরেই দুগ্ধের সঞ্চারণ আছে, কিন্তু হস্তদ্বারা আপীনা আকর্ষণ করিলেই দুগ্ধ নির্গত হয়, ছেদনে রুধির বহির্গত হয়, কেন? না, দুগ্ধ বহিষ্করণে আপীনাকর্ষণই সম্যগুপায়, ছেদন নহে, আবার আপীনাকর্ষণেই দুগ্ধ বাহির হইয়া থাকে, জিহ্বাদোহনে কেবল ক্লেদই বাহির হয়, কেন? না, জিহ্বা দুগ্ধ বাহিরের স্থান নহে, যথা নির্দিষ্ট সময়েই দুগ্ধের প্রবাহ হয়, সময় উত্তীর্ণ হইলে আর দুগ্ধ তেমন হয় না। সেরূপ ভক্তি বিশ্বাস স্নেহ শ্রদ্ধার দ্বারা এবং শাস্ত্রোক্ত পূজার দ্বারাই মা! তোমাকে আমরা পাইব, তাছাড়া! যুগসহস্রের চেষ্টায়ও কখনও পাইব না।

এজগুই মা! নিরাকার শব্দের কল্পিত আকারের ন্যায়, এই শরৎকালে মনোহর মণ্ডপে ভক্তিশ্রদ্ধা ও বিবিধোপহারে শাস্ত্রোক্ত মার্গে তোমার দশভূজা মূর্ত্তি সাক্ষাৎ করিব।

অস্তুর্যামিনি! মা! তুমি আমাদের মন জান, আমরা কি করি, না করি সব জান, মা! তুমি যে সর্কজ্জা, ধূর্তভক্ত আমরা কেবল মুখে ছুর্গা বলিয়া চীৎকার করিলে, স্তোত্র পাঠ করিলে, ললাটে ভস্ম ত্রিপুণ্ড্র, তদুপরি রক্তচন্দন তিলক ধারণ করিলে, সর্কাস্ত্রে রুদ্রাক্ষমালা জড়াইলে, প্রভূত নৈবেদ্য সাজাইলে, অসংখ্য ছাগ শাবকের প্রাণ সংহার করিলে, এবং দীর্ঘ শিখা দোলাইলে কখনই তোমায় ভুলাইয়া প্রসন্ন করিতে বা সাক্ষাৎ করিতে পারিব না।

সপ্তাহে এক দিন কেশ শ্মশ্রু বিগ্রাস করিয়া বিলাসিবশে আপনাকে কন্দর্পরূপে পরিণত করিয়া, পট্ কিড়্ মিড়্ শব্দরহ চর্ম্ম পাছকা ধারণ করিয়া, উচ্চাসনে আসন্দীতে দীর্ঘ বর্তুল কাষ্ঠাসনে মন্দুরাস্তৃত কুট্টিম উপাসনা গৃহে প্রবেশ করিয়াই চক্ষু মুদ্রিত করিয়াই অমনি হে নাথ! হে জগৎ পিতঃ! হা দীনবন্ধো! তুমি নির্ধিকার নিরঞ্জন, তুমি প্রতিক্ষণে সহস্র সূর্য্যের ন্যায় আমাদের পুরো বিরাজিত রহিয়াছ, কিন্তু হে বিভো! হে ভূমন্! অজ্ঞানান্ধ আমরা তোমায় দেখিতে পাইতেছি না, ইত্যাদি জল্পনা বাক্যে মা তোমাকে আমরা কখনই ভাঁড়াইতে পারিব না।

পরন্তু, মা! সেই মুহূর্ত্তেই তুমি অভিলষিত দশভূজা মূর্ত্তিতে আমাদের সাক্ষাৎ উপস্থিত হইবে। যখন আমরা দরবিগলিত নেত্রে ভক্তি শ্রদ্ধা স্নেহের উৎস খুলিয়া শাস্ত্রোক্ত নিয়মে—

মা আনন্দময়ি! মা চৈতন্যরূপিণি! মা! তোমা বিনা ক্ষণকালও

বিনর্জন করিলাম, ইত্যাদি আভ্যন্তরীণ ভাব বিশ্বস্তৃত্রে তোমায় জানাইতে পারিব । তখন মা ! বালকের আর্তনাদে কখনই নিশ্চিত থাকিতে পারিবে না ।

জগন্ময়ি ! যে তুমি নিজের শক্তিতে উত্তুঙ্গশৃঙ্গ শৈল হইতে পারিয়াছ, যে তুমি অপার পারাবার হইতে পারিয়াছ, যে তুমি “অণোরণীয়ান্ মহতো-মহীয়ান্” হইতে পারিয়াছ, সেই তুমিই আমাদের অকৃত্রিম ভক্তি দ্বারা আরাধ্যা হইয়া এই মহিষমর্দিনীরূপে সাক্ষাৎ উপস্থিত হইতে পারিবে না ? ইহা অশক্য কথ্য, যদি না পার, তবে তোমায় সর্বকর্ত্রী সর্বজ্ঞা সর্বান্ত-ধামিনী বলিয়া কিরূপে মনে করিব ? কেনই বা তুমি ভক্তানুগ্রহ কাতরা এই বুঝিয়া পূজা করিব ?

মা ! তুমিই ত আমাদের ইন্দ্রিয়বর্গের এমনি স্বভাব দিয়া সৃষ্টি করিয়াছ যে, স্থূললঘন ব্যতীত সূক্ষ্ম প্রত্যক্ষ করিতে পারে না, যেমন অনাকৃতি শব্দ স্থূল কণ্ঠ তালু দন্ত ওষ্ঠাদি অবলম্বন বিনা প্রত্যক্ষ পথে আসিতে পারে না । তেমন রূপও পৃথকরূপে আমাদের নয়নগোচর হয় না, কিন্তু ঘট পটাদি স্থূল বস্তুকে অবলম্বন করিয়াই শুক্ল পীত নীল লোহিতাদি রূপ নেত্রগোচর হইয়া থাকে ।

মা ! যদি আমরা জনীয়কীটাণু দেখিতে ইচ্ছা করি, তবে তা কি চক্ষু চক্ষুতে পারি ? কিন্তু অণুবীক্ষণ যন্ত্রের সাহায্যেই তাহার প্রত্যক্ষ করিতে সমর্থ হই । সেই প্রকার আলোক সাধারণ মনোনয়নকমনীয় তোমার এই দশভূজা মূর্তি পুরোভাগে স্থাপন করিয়া শাস্ত্রানুসারে পবিত্র ভাবে একাগ্রচিত্তে আমীলিতনেত্রে প্রথমে তোমার বাহিরের এই দশভূজা মূর্তি চিত্তক্ষেত্রে দৃঢ় অঙ্কিত করিব,—তোমায় হৃৎপদ্মে বসাইব, বিনয়কাতরে জিজ্ঞাসা করিব—মা ! এখায় আসিতে তোমার কোন কষ্ট হয় নাই ? সুখে আসিয়াছ ত ? পরে সহস্রারচ্যুত অমৃত সলিলে পাছখানি ধোয়াইয়া দিব, চঞ্চল মন শিরো-ভূষা পরাইয়া দিব, মন্দ মন্দ সমীরে তাহা ছলিতে থাকিবে, সেই অমৃত সলিলে মুখ ধোয়াইয়া দিব, স্নান করাইয়া দিব, এই নক্ষত্রখচিত আকাশ বস্ত্র প্রদান করিব, আমার গন্ধ তত্ত্ব কুঙ্কুমচন্দনে তোমায় অনুলিপ্ত করিব, চিত্ত কুঙ্কুমমালা গলায় দোলাইব, পঞ্চ প্রাণ পঞ্চাঙ্গ ধূপ দিব, তেজস্বল্প প্রদীপ জালিব, সুধাসমুদ্রতীর প্রকৃত কল্প পাদপ হইতে নানাবিধ সুস্বাদু খাদ্য প্রদান করিব, অনাহত ঘণ্টা বাদন করিব, সহস্রার ছত্র ধরিব, আর শব্দ তত্ত্ব গান ধরিব—

“দাড়া গো কুল কুণ্ডলিনি ! মা আমার অন্তরে ।

তোমার অন্তরেতে রাখি, নিয়ত নিরখি, অন্তর না করি দিবা রজনী ?

ভক্তি পুষ্প করি, শ্রদ্ধা সূচন্দন, তদঞ্জলি করি চরণে অর্পণ,

নেত্রমুদে মন সাধে তোমার রূপ করি নিরীক্ষণ

কামাদি ছয় বলি, দিবগো করালি ।

বিবেক অসি করে ধারণ করি,

আর আশ্রয় নিবেদন করিব —

মা ! করুণাময়ি ! মা ! তোমার জন্ম তোমায় পূজা করিতেছি না, এ আমার আনন্দের জন্ম, সুখের জন্ম, শান্তির জন্ম, মা ! তুমি অন্নপূর্ণা, অন্ন প্রদানে ত্রিলোক পালন করিতেছ, আমি অকিঞ্চন, তোমায় কি অন্ন দিব ? মা ! তুমি জগদ্ব্যাপিনী, তোমায় বিতস্তি পরিমিত বস্ত্র দানে তোমার অঙ্গাবরণ কিরূপে করিব ? মা ! কিন্তু সকলই হইতে পারে, যদি মা ! তুমি আমার মনের মতন হও, আমরা মন, প্রাণ, বুদ্ধি তোমায় সমর্পণ করিয়া ব্যাকুলচিত্তে মা ! মা ! বলিয়া কাঁদিব, অশ্রুজলে বক্ষঃস্থল প্লাবিত করিব, আর গদগদ রবে বলিব,— মা ! এই পবিত্র শরৎকালে, এই দুঃখপূর্ণ ধরাতলে, তুমি পদার্পণ করিবে বলিয়া চিত্তহীন জড়বর্গও তোমায় পূজা করিতেছে—সুধাকর অমৃতময় কিরণ বিকীর্ণ করিতেছে, সরোবর নির্মল জলে, নভোমণ্ডল নক্ষত্রমালায়, প্রভাকর প্রফুল্ল পঙ্কজ ব্রজে তোমার পূজা করিতেছে, আর আমরা হতভাগ্য মানবকুল চূপ করিয়া বসিয়া থাকিব ? কখনই না, তাই ডাকিতেছি, মা ! দুর্গে !

“শরণাগতদীনার্ভু পরিভ্রাণপরায়ণে ! মা ! প্রেদীদ, আর সহ হইতেছে না, দুঃখের চরমসীমায় আসিয়াছি, মা ! দেখা দেও, মা ! আমি এইত দেখিতেছি,

“যা দেবী সর্বভূতেষু বিষ্ণুমায়ৈতি শক্তিভা ।”

আর দেখিতেছি,—“যা দেবী সর্বভূতেষু চেতনে ত্যভিধীয়তে ।”

আর দেখিতেছি,—“যা দেবী সর্বভূতেষু বুদ্ধিরূপেণ সংস্থিতা ।”

আর দেখিতেছি,—“যা দেবী সর্বভূতেষু নিদ্রারূপেণ সংস্থিতা ।”

আর দেখিতেছি,—“যা দেবী সর্বভূতেষু ক্ষুধারূপেণ সংস্থিতা ।”

আর দেখিতেছি,—“যা দেবী সর্বভূতেষু শক্তিরূপেণ সংস্থিতা ।”

আর দেখিতেছি,—“যা দেবী সর্বভূতেষু তৃষ্ণারূপেণ সংস্থিতা ।”

আর দেখিতেছি,—“যা দেবী সর্বভূতেষু ক্ষান্তিরূপেণ সংস্থিতা ।”

আর দেখিতেছি,—“যা দেবী সর্বভূতেষু জাতিরূপেণ সংস্থিতা ।”

আর দেখিতেছি,—“যা দেবী সর্বভূতেষু লজ্জারূপেণ সংস্থিতা ।”

আর দেখিতেছি,—“যা দেবী সর্বভূতেষু শান্তিরূপেণ সংস্থিতা ।”

আর দেখিতেছি,—“যা দেবী সর্বভূতেষু শ্রদ্ধারূপেণ সংস্থিতা ।”

আর দেখিতেছি,—“যা দেবী সর্বভূতেষু কান্তিরূপেণ সংস্থিতা ।”

আর দেখিতেছি,—“যা দেবী সর্বভূতেষু বৃত্তিরূপেণ সংস্থিতা ।”

আর দেখিতেছি,—“যা দেবী সর্বভূতেষু স্মৃতিরূপেণ সংস্থিতা ।”

আর দেখিতেছি,—“যা দেবী সর্বভূতেষু দয়ারূপেণ সংস্থিতা ।”

আর দেখিতেছি,—“যা দেবী সর্বভূতেষু তুষ্টিরূপেণ সংস্থিতা ।”

আর দেখিতেছি,—“যা দেবী সর্বভূতেষু মাতৃরূপেণ সংস্থিতা ।”

আর দেখিতেছি,—“যা দেবী সর্বভূতেষু ভ্রাতৃরূপেণ সংস্থিতা ।”

শ্রীজয়চন্দ্র সিদ্ধান্তভূষণঃ ।

7/5 1897

83 398  
12/17/97.

# জন্মভূমি

(সচিত্র মাসিক পত্র।)



নবম বর্ষ। } কার্তিক, ১৩০৭ সাল। } ৪র্থ সংখ্যা।

## বিজয়া।

মহামায়ার এমনি ছুশ্ছেগ্ন মায়াজাল যে, উহাতে জড়িত হইয়া জীব একেরারে আত্মহারা হইয়া পড়ে। ভারত এখন অতি শোচনীয় অবস্থায় পতিত। ভারতবাসিগণ অন্নাভাবে জীর্ণ শীর্ণ, তাহার উপর আবার এ বৎসরের অতিবৃষ্টি, বন্যা, শস্তহানি প্রভৃতিতে সকলেই কণ্ঠাগতজীবন হইয়াছেন। এত ঘোর কষ্টভোগ করিতে করিতেও ক্ষণকালের জন্য ভারতবাসী সুখ-মাগরে ভাসিতেছিল। মহামায়ার মোহিনী শক্তিতে জীব সাংসারিক ক্লেশাদি বিস্মৃত হইয়া দিনত্রয় আনন্দময়ীর আনন্দময়ী ছবি মানসপটে অঙ্কিত করিয়া অলৌকিক আনন্দ অনুভব করিতেছিল, কিন্তু দেখিতে দেখিতে নিমেষ মধ্যে আনন্দময়ী অন্তর্হিত। সুখের দিন কখনই দীর্ঘস্থায়ি হয় না; তাহাতে আবার দুর্ভাগ্য ভারতীয়গণের অদৃষ্ট, সুতরাং সুখের দিন আসিতে না আসিতেই অতীত হইল। আনন্দময়ী নিরানন্দ ভারতবাসিগণের হৃদয়ে তিন দিবস অলৌকিক বিমল আনন্দের উৎস প্রবর্তিত করিয়া অন্তর্হিত হইলেন। জীবগণ আজ মহামায়ার অদর্শনে বিষাদ মাগরে নিমগ্ন। আবার সপ্তৎসর অতীত হইলে, ভক্তগণ ভবভয়-হারিণী, ত্রিতাপনাশিনীর অভয় পাদপদ্ম দর্শন করিবার আশায় কালাতিপাত করিতে লাগিলেন। আশাই জীবের প্রধান অবলম্বন।

তিথিনক্ষত্রাদিযোগে দিনবিশেষের বিজয়া সংজ্ঞা শাস্ত্রকারগণ প্রদান করিয়াছেন, গুরুপক্ষীয় সপ্তমী তিথিতে রবিবার যোগ হইলে তাহাকে বিজয়া নামে অভিহিত করা যায়। যথা—



“শুক্লপক্ষস্ত সপ্তম্যাং সূর্য্যবারো যদা ভবেৎ ।

সপ্তমী বিজয়া নাম তত্র দত্তং মহাফলং ॥” তিথ্যাদিতবে ।

অর্থাৎ শুক্লপক্ষের সপ্তমী তিথিতে যদি রবিবার হয়, তাহা হইলে সে সপ্তমীকে বিজয়া নামে অভিহিত করা হয়, সে দিন দানাদি করিলে মহাফল হয়। এইরূপে দেখা যাইতেছে যে, তিথিবিশেষের সংজ্ঞা বিজয়া হইয়া থাকে। কিন্তু অগ্ৰ আমরা যে বিজয়ার উল্লেখ করিতেছি, তাহা বিজয়াদশমী। বিজয়া বলিলেই সাধারণে যাহা বুঝিয়া থাকে, অগ্ৰ সে সম্বন্ধে আমরা কিছু বলিব। বিজয়া বলিলেই প্রায় সকলেই বুঝিয়া থাকেন যে, দুর্গাপূজার পর যে দশমী, তাহাই কথিত হইতেছে। এই দশমীকে শাস্ত্রকারগণ বিজয়া বলিয়া অভিহিত করিয়াছেন। যথা—

“উদয়ে দশমী কিঞ্চিৎ সম্পূর্ণৈকাদশী যদি ।

শ্রবণক্ষঃ যদা কালে সা তিথির্বিজয়াভিধা ॥”

হেমাদ্রৌ কশ্বপঃ ।

অর্থাৎ উদয়কালে যদি কিছু দশমী থাকে, তাহার পর সমস্ত একাদশী হয়, তাহা হইলে সেই তিথিকে বিজয়া দশমী বলিতে হইবে। যদি শ্রবণা-নক্ষত্র লাভ না হয়, তাহা হইলে কেবল দশমীকেও বিজয়া আখ্যা দেওয়া হইবে। নক্ষত্রযোগ হইলে ফলাধিক্য হয়, ইহাই শাস্ত্রকারগণের তাৎপর্য্য বুঝিতে হইবে।

এই তিথিতে রাজগণ পূর্বে যুদ্ধযাত্রা করিতেন, ইহাতে যুদ্ধযাত্রা করিলে জয়লাভ নিশ্চিত। পূর্ণব্রহ্ম সনাতন শ্রীরামচন্দ্র রাবণবধের নিমিত্ত মহা-মায়ার অকাল পূজা সমাপন করিয়া এই বিজয়া দশমীতে যুদ্ধযাত্রা করিয়া-ছিলেন, এই কারণেই সমস্ত হিন্দুরাজগণ সেই প্রথা অবলম্বন করিয়া বিজয়া দশমীতে যুদ্ধযাত্রা করিয়া থাকেন।

হেমাদ্রিধৃত কশ্বপবচনে লিখিত হইয়াছে :—

“শ্রবণক্ষে তু পূর্ণায়াং কাকুৎস্থঃ প্রস্থিতো যতঃ ।

উল্লঙ্ঘয়েয়ুঃ সীমানং তদ্দিনক্ষে ততো নরাঃ ॥”

অর্থাৎ আশ্বিন শুক্লদশমীতে শ্রবণানক্ষত্রযোগে শ্রীরামচন্দ্র যেহেতু যুদ্ধযাত্রা করিয়াছিলেন, সেই নিমিত্ত জনগণ সেই দিনে এবং সেই নক্ষত্রে যুদ্ধযাত্রা নিমিত্ত দেশের সীমাতিক্রম করিবেন ; রাজগণের বিজয়দান করেন বলিয়া, এই তিথিকে বিজয়া নামে অভিহিত করা হইয়াছে। সেই জন্তই

শাস্ত্রকারগণ বিশেষ করিয়া উপদেশ দিয়া গিয়াছেন যে, এই দিবসেই রাজগণ যুদ্ধযাত্রা করিবেন। এই দিনে যুদ্ধযাত্রা না করিলে সম্বৎসর কোথাও বিজয়লাভ হইবে না। যথা—

“দশমীং যঃ সমুল্লজ্ব্য প্রস্থানং কুরুতে নৃপঃ ।

তশ্চ সম্বৎসরং রাজ্যে ন কাপি বিজয়ো ভবেৎ” ॥

অর্থাৎ যে রাজা বিজয়া দশমী অতিক্রম করিয়া যুদ্ধযাত্রা করেন, তাঁহার রাজ্যে সম্বৎসর মধ্যে কোথাও বিজয় লাভ হয় না।

এক্ষণে জিজ্ঞাস্য হইতে পারে যে, যদি রাজা কোনও প্রতিবন্ধকবশতঃ বিজয়া দশমীতে যুদ্ধার্থ নির্গত হইতে না পারেন, তাহা হইলে সম্বৎসর তাঁহার কি কোথাও জয়লাভ হইবে না? শাস্ত্রের অতি কঠোর ব্যবস্থা। শাস্ত্র বলিতেছেন, এই দিন ভিন্ন অন্য দিন যুদ্ধযাত্রা করিলে সমস্তই নিষ্ফল হইবে। তজ্জন্তু সেই শাস্ত্রই আবার ব্যবস্থা করিয়াছেন যে, ঐ দিনেই যুদ্ধযাত্রা করিতে হইবে; তবে রাজা যদি কোন বিঘ্নাদিবশতঃ স্বয়ং যুদ্ধার্থ নির্গত হইতে না পারেন, তাহা হইলে ছত্রখড়্গাদি কোন একটা রাজোপকরণকেও অন্ততঃ সেই দিন যুদ্ধার্থ নির্গমিত করিতে হইবে। রাজমার্গেও লিখিত হইয়াছে :—

“কার্যাবশাৎ স্বয়মগমে ভূতৰ্তুঃ কেচিদাহরাচার্য্যাঃ ।

ছত্রায়ুধাণুমিষ্টং বৈজয়িকং নির্গমে কুর্যাৎ ॥”

অর্থাৎ কোনও কার্যাবশতঃ রাজা যদি স্বয়ং যুদ্ধযাত্রা করিতে না পারেন, তাহা হইলে খড়্গা কিম্বা ছত্রাদি কোনও ইষ্ট বস্তুকে যুদ্ধার্থ নির্গমিত করিবে।

এই বিজয়া দশমী রাজাদিগেরই বিশেষ উপযোগিনী। জয়লাভের উদ্দেশ্যে শাস্ত্রকারগণ এই দিবসে নানারূপ অনুষ্ঠানের ব্যবস্থা করিয়াছেন। এই দিবস অপরাজিতা দেবীর পূজা করিতে হয়। ইহার উদ্দেশ্যও বিজয়াদি লাভ। স্কন্দপুরাণে কথিত হইয়াছে :—

“দশম্যাং তু নরৈঃ সম্যক্ পূজনীয়াপরাজিতা ।

ঐশানীং দিশমাশ্রিত্য অপরাহ্নে প্রষত্ততঃ ॥

নবমীশেষযুক্তায়াং দশম্যামপরাজিতা ।

দদাতি বিজয়ং দেবী পূজিতা জয়বর্দ্ধিনী ॥

অর্থাৎ বিজয়া দশমীতে ঐশান কোণে অপরাহ্নকালে অতি যত্নসহকারে

স্বয়ং সম্যক্ পূজারূপে অপরাজিতা পূজা করিবে।

নবমীর শেষভাগযুক্ত দশমীতে জয়বিবর্ধিনী অপরাজিতা দেবী পূজিতা হইলে বিজয় প্রদান করেন ।

এই সমস্ত বচন হইতে স্পষ্টই প্রতীত হইতেছে যে, বিজয়াদশমী রাজাদিগের বিশেষ মঙ্গলদায়িনী । রাজার মঙ্গলেই প্রজার মঙ্গল, এজন্য আমরা সতত রাজার মঙ্গল প্রার্থনা করিয়া, বিজয়া দশমীর অনুষ্ঠান করিয়া থাকি । রাজার বিজয়দায়িনী বলিয়া আমরা সকলেই এই বিজয়া দশমীতে শুভক্ষণে সকলেই স্ব স্ব কার্যের সূত্রপাত করিয়া থাকি । হিন্দুগণের কথা আর কি বলিব, আমাদিগের দেশে যে সমস্ত বৈদেশিক অন্তর্ধানাবলম্বী ব্যবসায়ি বণিকগণ আছেন, তাঁহারাও এই শুভ বিজয়া দশমীতে কোন না কোন রূপ কার্যের সূত্রপাত করিয়া থাকেন । তাঁহাদিগেরও দৃঢ় বিশ্বাস যে, এই শুভ বিজয়া দশমীতে কার্যের সূত্রপাত করিলে সর্বসময় কাল স্থায় কার্যে বিশেষ সমৃদ্ধি লাভ হইবে । নতুবা তাঁহারা একরূপ অনুষ্ঠান করিবেন কেন ?

শ্রীকৈলাসচন্দ্র শর্মা।

## ফুল-কুমারী ।

### রূপ-কথা ।

“আমি রূপসী ;—এত রূপ, এতই লাবণ্যপ্রভা যে, আমার জন্ত আমার স্বপ্নের শাশুড়ী ননন্দা প্রভৃতি আত্মীয়স্বজনগণ সদাই ব্যস্ত ও চিন্তিত থাকেন । আমি খিড়কির পুকুর ঘাটে কাপড় কাচিতে যাইলে শাশুড়ী সঙ্গে যান, আমি সন্ধ্যার পূর্বে ছাতের উপর উঠিলে, ননন্দ তীব্র ব্যঙ্গ বিদ্রুপস্বরে আমাকে বারণ করেন । সার্কাস দেখিতে যাইবার আমার অনুমতি নাই ; আজন্ম কলিকাতায় রহিলাম, কখন থিয়েটার দেখিলাম না ।

আর আমার স্বামী,—তিনি ত কেবল অনিমিষ নয়নে আমার প্রতি তাকাইয়া আছেন, আমার চুল দেখিতেছেন, চোখ দেখিতেছেন, আর আমার হাতের আঙ্গুলগুলি লইয়া নিশিদিন খেলা করিতেছেন । আমার রূপের জ্বালায় তাঁহার লেখা পড়া বন্ধ হইয়াছে ; তিনি চাকরির চেষ্টা করেন না, বন্ধু বান্ধবের সহিত সন্ধ্যাকালে বেড়াইতেও যান না । মন্ত্রমুগ্ধ

ফণীর মত নির্নিমেষ নয়নে কেবল আমার প্রতি তাকাইয়া আছেন, আমার রূপ তাঁহার পক্ষে কাল হইয়াছে ।

২

আমার রূপ আমার পক্ষেও কাল হইয়াছে । ঘেরাটোপ ঢাকা পিঞ্জরা-বদ্ধ বুলবুলীর মত মানুষ কি চিরকাল থাকিতে পারে ? রাগা ঘরে যাইবার আমার অনুমতি নাই ;—পাছে বামুন ঠাকুর আমায় দেখিয়া ফেলেন । সংসারে এটা-ওটা-সেটা বাজে কাজ করিবার আমার অধিকার নাই ;—পাছে খানসামারা আমাকে দেখিয়া থমকিয়া দাঁড়ায় ।

স্বামিসেবাও আমি করিতে পারি না, কারণ বসিতে লজ্জা করে, স্বামীই আমার সেবা করেন, সে সেবার পরিচয় কি দিব ?—কৃতদাসীও যে সেবা করিতে পারে না, আমার ইহকাল ও পরকালের দেবতা হইয়া আমার স্বামী সানন্দচিত্তে সেই প্রকার সেবা করিয়া থাকেন ; খণ্ডরের চরণসেবা করিবার আমার অবসর হয় না, স্বামী আমার কখনই কাছ ছাড়া হন না ; শাণ্ডীও খণ্ডরের কাছে যাইতে দেন না । আর শাণ্ডীর সেবা—সেত হইবারই যো নাই, তাঁহার ছুই কন্ডা অনবরত তাঁহার সেবা করিতেছেন ; আমি কাছে গিয়া বসিলে তিনি আমার চিবুক ধরিয়া বলেন, “মা আমার ভুবন মোহিনী, দেহটা যেন ননী দিয়ে গড়ান, তুমি মা আমার কি সেবা করিবে ? তোমার সেবা করিবার বয়স হউক, তখন করিও, এখন ঘরে গিয়ে বস, আমার ঘর আলো করে থাক, নহিলে পরেশ রাগ করিবে, তুমি মা পরেশেরই সেবা কর ।” শাণ্ডীর এই সকল কথা শুনিলে আমার হাসি পাইত, তাঁহার পরেশের সেবা করা ত দূরে থাকুক, পরেশই আমার সেবা করিয়া আমাকে ব্যতিব্যস্ত করিয়া তুলিত ।

৩

ছাই রূপ ! এ রূপ আমার কেন হইল ? আমার খাইতে সোয়াস্তি নাই, বসিতে সোয়াস্তি নাই, সাধ-সখ মিটাইবার উপায় নাই ; দশটা স্থানে যাইয়া দশ রকম সামগ্রী দেখিবারও অনুমতি নাই । ছুই বেলা ছুই পাথর ভাত খাই, তাহা হজম করিবার জন্ত সংসারে দশটা পরিশ্রমের কাজ করিবারও অবসর নাই । এমন ভাবে কি মানুষ বাঁচিতে পারে ? আর স্বামী ! তিনিত স্বামীই নন,—স্বামী সঙ্গে স্ত্রীলোকের যে সকল বাসনা পূর্ণ হয়, স্বামীর সহিত কুলাঙ্গনা যে সকল আমোদ-আহ্লাদ করিয়া সুখী হয়,



আমার তাহার কিছুই হয় নাই। স্বামী কেবলই আমায় দেখিতেছেন, চাঁদের আলোর দেখিতেছেন, বাতির আলোর দেখিতেছেন, বিদ্যাতের আলোর দেখিতেছেন, প্রথম প্রভাত-আলোর দেখিতেছেন, প্রদোষকালেও দেখিতেছেন ; আর নানা রঙ্গের নানা রকমের কাপড় পরাইয়া, আমার রূপের প্রভা দেখিতেছেন। এত দেখা কি আমার সহ হয় ? আমি দেখিতে পাই কই ? আমার সুকান্ত স্বর্ণবর্ণ, সুগঠিত স্বামিমুখ আমি দেখিতে পাই কই ? কেবলই যদি দেখাইব, কেবলই যদি নিজের রূপের দোকান খুলিয়া বসিয়া থাকিব, তবে আমার দেখার সাধ মিটিবে কেমন করিয়া ?

হায় ! হায় ! এ পোড়া রূপের জালায় আমার জীবন-বোঁবন সবই বৃথা হইল !

৪

কতবার আমি আরসীতে মুখ দেখিয়াছি ! আমার কক্ষ-প্রাচীরের উপর একটা প্রকাণ্ড আরসী টাঙ্গান আছে, আমি নিশিদিন বসিয়া বসিয়া সেই আরসীতে আমার দেহের প্রতিবিম্ব দেখিয়া থাকি। আমার যেমন নাক কান চোখ আছে, কপোল কপাল গণ্ড আছে, উরু ভুরু বক্ষ আছে, অস্ত্র সকল স্ত্রীলোকেরইত তেমনি আছে। গৌরবর্ণটা, কিছু আমার এক চোঁটয়া নহে, আমিই বে পল্লীর মধ্যে সুগঠিতা, তাহাও নহে। আমার মত যুবতী বাঙ্গালা দেশে অনেক আছে, অনেক ছিল, অনেক হইবেও ; তবে কোন্ পাপে আমি এমন ভাবে মোহপাশবদ্ধ হরিণীর স্থায় দুঃখ পাইতেছি ? আমার স্বামী বলেন, তাঁহার চক্ষু লইয়া দেখিলে আমি নিজেকে অসামান্য রূপসী দেখিব ; তাহাতে আমার লাভ কি ? আর তাহাই কি রূপ ? ইহার জন্মই আমার স্বামী পাপল ! আমার 'শাণ্ডী সদাই ত্রস্ত ! নিশ্চয় বলিতে পারি, প্রকৃত রূপ আমার দেহে নাই, তাঁহাদের নয়নে আছে। রূপট কেবল দৈহিক সামগ্রী হইলে আমি সে রূপ দেখিয়া আমার স্বামীর মতন বিমূঢ় হইয়া থাকিতাম। কিন্তু রূপ যে নয়নের সামগ্রী ! সকলকে দেখিয়া সকলের নয়নে একরকম রূপের জ্যোতিঃ ফুটিয়া উঠে না। মেজ ঠাকুরপোর বৌ কাল, তিনি সেই কাল বৌ লইয়া বেশ সুখে আছেন, আমোদ-আহ্লাদি করিতেছেন ; মেজবউকেও ভাল বাসেন। মেজঠাকুর-পো ত আমাকে দেখিয়া আমার স্বামীর মত বিহ্বল বিমূঢ় হইয়া থাকেন না ; কেবল এক একবার হৃৎপিণ্ড বলেন, "বহু বই বৌবন দেখিয়া নাই, তাহা

রঙের গোলাপী আভাটুকু শুকাইয়া যাইবে।” পুরুষের মুখে এ সকল কথা, আমরা যুবতী বেশ বুঝিতে পারি ; কিন্তু আমার স্বামীর ভঙ্গিটা বুঝা যায় না, বুঝিয়াও লাভ নাই ।

ফলে, ধীরে ধীরে আমার মনে একটা বিরক্তির ভাব জাগিয়া উঠিল । এ মোহবন্ধন ছিন্ন করিবার জন্ত মনে মনে একটা সংকল্পও হইল ।

৫

আমার স্বপ্নের ডেপুটী কালেক্টার, গবর্ণমেন্টের হুকুমে তিনি আরায় বদলী হইলেন । আমরা সকলেই আরায় যাইলাম । চাটুখ্যো বাড়ীর একটি ছেলে শিশুদের পণ্ডিত হইয়া আমাদের সঙ্গে আরায় যাইল । কিছুকাল আরায় আমি বেশ সুখে ছিলাম । নূতন স্থান, নূতন ব্যবস্থা—নবীনত্বে আমি আমোদ পাইলাম, পরন্তু আমার স্বামীর সেই পুরাতন মোহ পূর্ববৎই প্রবল রহিল । আরায় আমি একটি কন্যা প্রসব করিলাম । কন্যার মা হইয়া আমার স্বাধীনতাও একটু লাভ হইয়াছিল ।

ছেলেদের পণ্ডিতটির নাম রাজকৃষ্ণ ; বর্ণ ঘোর কৃষ্ণ, ঠোঁট দুটা খুব মোটা, চক্ষু দুইটি গোল গোল, আর দেহ—সেত লোহের ভাঁটা—সুসংবদ্ধ কেবল মাংসপেসীজড়িত, একটুও কোমলত্ব নাই, যেন ঠিক চোয়াড়ে । রাজকৃষ্ণ আমার অনেক কাজ করিত, অনেক ফরমাইন্স খাটিত, আর মাঝে মাঝে আমাকে ধমকাইত ; আমি রাজকৃষ্ণকে ভয় করিতাম, একটু ভালও বাসিতাম ।

আমার এক ননদের স্বামী গয়ায় মুন্সেফ ছিলেন, আমরা আরায় আসিয়াছি শুনিয়া, বড়দিনের ছুটিতে তাঁহার স্বামী-স্ত্রী আমাদের দেখিতে আসিলেন । মুন্সেফ ঘরণী আমার এই ননদিনী, আরায় আসিয়া অবধি আমাকে দুই চক্ষের বিষ দেখিতে লাগিলেন ; তাঁহার নিন্দা-পরিবাদ—তিরস্কার-গঞ্জনা প্রথম প্রথম আমার ভাল লাগিত । কেননা বিবাহ হইয়া অবধি, আমি কেবল আদর খাইয়াছি—আদর পাইয়াছি, আদরে আমার বিতৃষ্ণা হইয়াছিল, তাই ননদের তিরস্কার প্রথম প্রথম ভাল লাগিয়াছিল ।

কিন্তু এই ননদিনী শেষে আমার কালস্বরূপিনী হইলেন ।

৬

আমি বে কক্ষে শয়ন করিতাম, সেই কক্ষের পার্শ্বে একটি বাথরুম ছিল । বাথরুমের পূর্বদিকেই রাজকৃষ্ণের শয়নকক্ষ ছিল । ১লা জানুয়ারী ইংরাজী নূতন বর্ষের নূতন দিন । আমার স্বামী বাঁকিপু্রে গিয়াছেন,

আমি এবং আমার প্রথরা ননদিনী, আমরা দুই জনেই কক্ষে শয়ন করিয়া আছি। স্নাত্তি বারটা বাজিয়া গিয়াছে, একটু ঝির ঝির করিয়া বৃষ্টি পড়িতেছে। পৌষ মাসের শেষ, পশ্চিম বেহারের ভীষণ শীতে আমরা কাঁপিতেছি। আমি একবার বাথরুমে যাইলাম, ফিরিয়া আসিয়া আঙনের আংটার কাছে আঙন তাপিতে বসিলাম। আমার ননদিনী উঠিলেন, তিনিও বাথরুমে প্রবেশ করিলেন, কিন্তু তৎক্ষণাৎ ফিরিয়া আসিয়া, আমার প্রতি ভীত দৃষ্টি করিয়া তীরস্কারের স্বরে বলিলেন, “বউ! নাইবার ঘরে এত রাত্রে রাজকুম্বকে দেখিলাম কেন? তুইত ওখানে গিয়েছিলি?” আমি উত্তর করিলাম, “তুমিও গিয়েছিলে ঠাকরণ? রাজকুম্ব কার জন্ত এসেছিল, কে জানে? আর যদিই আমার খোঁজে এসে থাকে, তাতে তোমার ক্ষতি কি? পাঁচ ভায়ের উপর না হয় তোমার আর একটি ভাই হইল।”

আমার ব্যঙ্গ বিক্রমের কথা শুনিয়া ননদিনী ব্যাতীর গায় জলিয়া উঠিলেন, ভীতবেগে মায়ের কক্ষের দিকে যাইলেন। উচ্চকণ্ঠে আমার কলঙ্কের কথা মাকে বলিলেন, বাবাকে বলিলেন, বাড়ীতে একটা হৈ চৈপড়িয়া গেল।

পরে আমার শাণ্ডী যখন জিজ্ঞাসা করিলেন, তখন আমি বলিলাম, “রাজকুম্বকে আমি দেখি নাই।” কিন্তু আমার কথা কেহ বিশ্বাস করিল না। পরদিন প্রত্যুষে রাজকুম্বের মৌজ হইল, তাহার কক্ষে তাহাকে কেহ পাইল না, সন্দেহের উপর সন্দেহ হইল। আমার প্রভুদিনের এত আদর, এত সোহাগ, সব এক কলঙ্কের বজায় ভাসিয়া গেল। বাঁকিপুর হইতে স্বামী আসিলেন, শ্বশুর মহাশয় তাঁহাকে বিলক্ষণ তিরস্কার করিলেন, শাণ্ডী ঠাকুরাণী তাঁহাকে স্পষ্ট ভাষায় বলিলেন, “দেখ পরেশ! তুই এমন স্ত্রীকে ত্যাগ কর, আমি অমন কালামুখীকে সংসারে রাখিব না।” শ্বশুর পুত্রকে লক্ষ্য করিয়া বলিলেন, “তোমার সুন্দরী স্ত্রী যদি ত্যাগ করা কষ্টকর বোধ হয়, তুমি স্ত্রী লইয়া অস্ত্র থাকিতে পার, কিন্তু আমার সংসারে তোমাদের উভয়ের স্থান হইবে না।” আমার ননদিনী বলিলেন, “তা কেন, ও অভাগী দূর হউক, আমি আমার ভায়ের বিবাহ দিব।”

আমার বড় যত্নের রূপের কুম্বমন্তর একেবারেই শুকাইয়া গিয়া পড়িল।

বাথরুমে দেখি নাই, তাহাকে ভাল বাসিতাম বটে, অনুগত চাকরকে যে ভাবে স্নেহ করে, আমি সেই ভাবে স্নেহ করিতাম । আমার মনে পাপ ছিলনা, কিন্তু আমার গলাটে পাপের কলঙ্ক লেখা আছে, আমি মনে যতই সতী হইনা কেন, আমার অসতীত্বের নিন্দা অচিরে চারিদিকে রটিয়া গেল ।

স্বামী আমার শয়ন কক্ষে আসিলেন, আসিয়াই গদ্গদকণ্ঠে বলিলেন, “ফুল ! আজ তোমাকে বাপের বাড়ী যাইতে হইবে, আমি ষ্টেশনে পৌঁছাইয়া দিব । তোমার ভাই আসিয়া তোমাকে লইয়া যাইবেন ।”

আমি।—আমার কি অপরাধ যে, আমাকে আমার এই আঠার বৎসর বয়সকালে তুমি ত্যাগ করিতেছ, তোমার কণ্ঠা স্নুবালার মুখের দিকে একবার তাকাও । আমি যাব না ।

স্বামী।—তোমাকে জোর করিয়া পাঠাইয়া দিবার কথা হইতেছে, আমার সঙ্গে যাইলে তোমার মান থাকিবে ! আর দরওয়ানের সঙ্গে তোমাকে তাড়াইয়া দিলে তোমার মান থাকিবে না । আমার কথা শোন, তোমার সামগ্রী পত্র সব গুছাইয়া লও ।

আমি।—যখন সংসারের সর্বস্ব ত্যাগ করিয়া যাইতে হইল, তখন আবার গুছাইব কি ? আমি এক বস্ত্রে যাইব ।

স্বামী।—স্নুবালাকে আমি যে সব জামা কাপড় খরিদ করিয়া দিয়াছি, তাহা লইয়া যাও ; আমাকে কষ্ট দিও না, আমি তোমাকে যে সকল সামগ্রী খরিদ করিয়া দিয়াছি, তুমি তাহাও লইয়া যাও ।

আমি।—বিবাহের পর ছয় বৎসর আমি তোমার চরণ ধরিবার অবসর পাই নাই, তুমিই দাও নাই । আজ সেই চরণ ধরিয়া জিজ্ঞাসা করিতেছি, বল, একবার বল, আমার মুখের দিকে তাকাইয়া একবার বল, আমার শিশুকণ্ঠার মুখের দিকে তাকাইয়া একবার বল, আমার মাথায় হাত দিয়া একবার বল,—আমি তোমার দৃষ্টিতে নিরপরাধিনী কিনা ? তুমি একবার বলিলে আমার সকল জ্বালা জুড়াইবে, আমি সকল দুঃখ পাসরিব । বল নাথ, একবার বল ।

স্বামীর চরণ ধরিয়া আমি উর্দ্ধমুখ হইয়া কাঁদিতে ছিলাম । আমার মুখের দিকে চাহিয়া স্বামী ধপ করিয়া বসিয়া পড়িলেন, দুই করে আমার দুই গণ্ড চাপিয়া ধরিয়া অধরের উপর একটা চুষন দিয়া, কোঁচার কাপড়ে



বলিলেন, “ফুল! অমন করিয়া কাঁদিও না, তোমার মুখ দেখিলে আমার বুক ফাটিয়া যায়, তোমার কথা শুনিলে আমি পাগল হইয়া উঠি; শেষে কি আফিং খাইয়া মরিব? ফুল! তুমি আমার সর্বস্ব; সুখ ঐশ্বর্য্য বিভব বিলাস জীবন যৌবন—আমার সর্বস্বই তুমি। তুমি সতী, তুমি সাধ্বী; আমার দৃষ্টিতে তুমি আমার ইষ্টদেবী, তোমাকে ছাড়িতে, তোমাকে ত্যাগ করিতে আমার যে কত কষ্ট হইতেছে, আমার হৃৎপিণ্ড কি ভাবে ছিঁড়িয়া পড়িতেছে, তাহা কেমন করিয়া তোমাকে বুঝাইব। আমার মুখের দিকে একবার তাকাইয়া দেখ, আমি একদিনেই পঞ্চাশ বৎসরের বুড়া হইয়া পড়িয়াছি।”

আমি।—তবে আমার পায়ে ঠেলিতেছ কেন? প্রভু, চল ছুজনে দেশান্তরে যাই, ভিক্ষা করিয়া খাইয়া দিন বাপন করি।

স্বামী।—ছি! ওকথা বলিতে নাই; ঈশ্বর নিরাকার অজ্ঞেয় পুরুষ; কিন্তু এ জগতে পিতা-মাতা সজীব ও সাকার দেবতা। আমার সেই দেবতাই তোমাকে ত্যাগ করিতে বলিতেছেন; তুমি যাহাই হও না কেন, সতী হও, সাধ্বী হও, পতিব্রতা হও,—তুমি আমার পিতা-মাতার পরিত্যক্তা, তোমাকে লইয়া আমি আর মংলার স্তম্বে স্থখী হইতে পারিব না। তুমি যাও, মনে রাখিও, তোমার পরেশ মরিয়াছে, তুমি বিধবা হইয়াছ। আমার এ দেহ আমার নহে, পিতা-মাতার, তাঁহাদের যাহা ইচ্ছা তাহাই করিবেন। আমাকে হরতঃ আবার বিবাহ করিতে হইবে; ক্ষত স্থানকে আবার ছেদ করিয়া লবণ প্রলেপ দিতে হইবে।

এই কথা বলিয়া স্বামী কক্ষ হইতে নিজক্রান্ত হইলেন, আমি ছিন্ন মূল ব্রততীর ন্যায় ধূলায় লুটাইয়া পড়িলাম।

৮

আমি এখন পিত্রালয়ে। আমার স্বামী আবার বিবাহ করিয়াছেন, তাঁহার ছুটি পুত্রসন্তান হইয়াছে, তিনি এখন চাকরি করিতেছেন।

আর আমি সধবা হইয়াও বিধবা হইয়া আছি; আমার সে রূপ নাই, সে লাবণ্য নাই, সে আদর নাই, সে সোহাগ নাই। জীবনের অবলম্বনের মধ্যে আমার কন্তা, সে আমার কাছে আছে;—আর পূর্বেকার সে সুখ-স্বপ্নের সুখ-স্মৃতি আমাকে সজীব করিয়া রাখিয়াছে। অতীত জগতে আমার অধিষ্ঠান, আমার পক্ষে বর্তমানও নাই আর ভবিষ্যতও নাই।

ছাই রূপ ! রূপের জন্তই ত এত হইল ! সর্বমতাস্ত গর্হিতম্ । আমার রূপের অত্যন্ত আদর হইয়াছিল ; তাই সে পোড়া রূপের জন্ত আমি এখন ধূলীর লুটাইতেছি । স্বর্গের দেবতা আমার চরণতলে বসিয়া আমার মুখের প্রভা দেখিতেন, আর এখন আমি, স্বর্গের দ্বার কবে খুলিবে, তাহারই অপেক্ষায় দিন গণিতেছি ।

ছাই রূপ । রূপ না থাকিলে হয়ত এতটা হইত না । আমার স্বামী পূর্বে আমার রূপপূজা করিতেন, আর আমি তাহার দিবানিশি রূপ পূজার ধূম দেখিয়া মনে মনে কেবল বিরক্তি প্রকাশ করিতাম ; এখন তাহারই প্রায়শ্চিত্ত করিতেছি ।

রূপের এ তুষানল, রাবণের চিতার ছায়, আমার দেহের উপর আমরণ জলিবে । আমি মরিব না,—কিন্তু বাঁচিতে পারি কৈ ?

শ্রীপাঁচকড়ি বন্দ্যোপাধ্যায় ।

## বাকাল্য সংবাদপত্রের ইতিহাস ।

( ষোড়শ প্রস্তাব ) ।

৭৭ । সংবাদ-লঙ্কর ।

( ১২৫৮ সাল—১৮৫১ খৃষ্টাব্দ ) ।

নীলকমল দাস, “সংবাদ-লঙ্কর”-নামক একব্যক্তি, সমাচার-পত্র-পারাবারের কাণ্ডারী ছিলেন । এটি, একটা সাপ্তাহিক বার্তাবহ । ইহার স্থায়িত্ব, মূল্যের পরিমাণ, প্রাতিপাত্ত বিষয়-সমুদয়—ইত্যাদি সমস্ত ব্যাপারই, এত কালের ব্যবধানের পর আমাদের সম্যক্ অগোচর ।

৭৮ । বঙ্গ-বার্তাবহ ।

( ১২৫৯ সাল—১৮৫২ খৃষ্টাব্দ ) ।

ইহাই, পাক্ষিক পত্রিকা-সমূহের অগ্রণী । ইংরাজী-ভাষায় সুশিক্ষিত কতিপয় যুবক, “বঙ্গ-বার্তাবহের” প্রবর্তক । পঞ্চদশ দিবস ব্যবধানে

এই “বার্তাবহ” অকাতরে বহন করিতেন । সাময়িক ঘটনাবলীর উপর মতামত প্রকটিত ও অভিব্যক্ত করিতেই ইহার মুখ্য লক্ষ্য থাকিত ।

### ৭৯ । কাশীবার্তা-প্রকাশিকা ।

( ১২৬০ সাল—১৮৫৩ খৃষ্টাব্দ ) ।

নামেই প্রকাশ—পবিত্র বারোণসী-ধামের সংবাদ-প্রচারই, এতৎ-পত্রিকার প্রধান উদ্দেশ্য । উহাকে এক প্রকৃষ্ট লক্ষ্য বলিতে হইবে । বারোণসীর বার্তার কত মাহাত্ম্য, প্রকৃত ভক্ত ব্যতীত আর কে, তৎ-সমস্ত বিদিত হইতে শক্ত হইবে, বলি দেখি ? কিন্তু হুঃখ এই—অগ্ৰাবধি নির্দিষ্ট নিদর্শন কিছুই মিলিল না ।

### ৮০ । জ্ঞানারুণোদয় ।

( ১২৬০ সাল—১৮৫৩ খৃষ্টাব্দ ) ।

রবির আবির্ভাবে অন্ধকার, দূরীভূত হইয়া যায় । জ্ঞান-রূপ অরুণের উদয়ে অজ্ঞানান্ধকার বিদূরিত হয় । কৰ্ম্মকার কেশব, ইহার কর্ণধার । “জ্ঞানারুণোদয়ের” সন্দর্শন জন্ম প্রত্যেক মাসে ১০ ( চারি ) আনা মাত্র পয়সার প্রয়োজন হইত । সুতরাং বৎসরে বৎসরে মুদ্রাজয় ( তিনটি টাকা ) কেবল দিলেই, “জ্ঞানারুণোদয়ের” সঙ্গে লোকের দেখা সাফাৎ ঘটিত । কিন্তু এক অকণ্ড, নিঃশব্দে বা সশব্দে, “জ্ঞানারুণোদয়ের” প্রকাশ হইয়াছিল, অথবা উহার কোন বিশেষ বিপদ ঘটিয়াছিল কি না, সংশয় হয় । তাহার কারণ, উক্ত বৃত্তান্তের সম্যক্ বিবরণের একান্ত অসম্ভাব ।

অতঃপর পরবর্তী বর্ষের অধিকারে গিয়া পড়িতে হইতেছে । পশ্চাৎ পাঠক-পুঞ্জের দৃষ্টিপথে ইহাই নিপতিত হইবে যে, তখন এক অভিনব যুগের প্রাদুর্ভাব হইয়াছে ।

### ৮১ । সুধাবর্ষণ ।

( ১২৬১ সাল—১৮৫৪ খৃষ্টাব্দ ) ।

এত ক্ষণের পর ১৮৫৪ খৃষ্টাব্দের বর্ণনায় ব্যাপ্ত হইতে হইবে । সংবাদ-পত্র-মহলে “সুধাবর্ষণ”কে সার্থক নাম লইয়া, স্বীয় অব্যর্থ সামর্থ্য

হয়, বলুন দেখি ? যে কারণত্রয়ে “সুধাবর্ষণ” অস্বর্থতা প্রাপ্ত হইয়াছিল—এই স্থলই, তাহার বিবরণের অপ্রতিকূল। প্রথমতঃ, এটি একটা আঙ্গিক পত্রিকা। দ্বিতীয়তঃ, বাণিজ্য-ব্যাপার-মূলক বিষয়েই, এতৎ-পত্র, সম্পূর্ণ শক্ত ও সমর্থ। তৃতীয়তঃ, বাঙ্গালা ও হিন্দী ভাষায় যাহার পরিচালনা চলিয়াছিল, তাহাকে উপেক্ষার সামগ্রী মনে করা অসাধু। মাসে মাসে ১ ( এক মুদ্রার ) সাহায্য দ্বারা লোকের ঘরে ঘরে প্রতি দিবস ইহা কর্তৃক অমৃত বৃষ্টি হইত।

## ৮২ । বঙ্গবিজ্ঞা-প্রকাশিকা ।

( ১২৬১ সাল—১৮৫৪ খৃষ্টাব্দ ) ।

ইহার বিস্তারিত বৃত্তান্ত, একান্তই অপরিজ্ঞাত। এতাবৎ-কাল পর্য্যন্ত যাবৎ পত্র, জ্ঞাত ও মৃত হইয়াছিল, তাহাদের ব্যাপার, সর্বসাধারণের অগোচর রাখি নাই। “বঙ্গবিজ্ঞাপ্রকাশিকা” পত্রিকা, ভূতলে অবতীর্ণ হইয়া, কি কি সুকার্য বা কুকার্যের অনুষ্ঠান করিয়াছিলেন, ততাবৎ ব্যাপার, নর-লোকের জ্ঞানগোচর হইতে পারি নাই—এইটাই, আমাদের নিতান্ত মনস্তাপের নিদান। তবে নাম দেখিয়া, মনে হয়—বঙ্গের জ্ঞান-রত্নের কতকটা প্রচার, ইহার চেষ্টায় হইয়াছিল।

## ৮৩ । সংবাদ-চারু-চন্দ্রোদয় ।

( ১২৬৩ সাল, অগ্রহায়ণ—১৮৫৬ খ্রীষ্টাব্দ নবেম্বরের শেষার্দ্ধ ও ডিসেম্বরের প্রথমার্দ্ধ )

যে যে বিষয়, জ্ঞাত হওয়া গিয়াছে, তাহা এই,—

ক। সম্পাদক—বাবু নিমাইচাঁদ মুখোপাধ্যায় ।

খ। মাসিক মূল্য—১০ ( চারি ) আনা ।

গ। বাৎসরিক মূল্য—২৥০ ( আড়াই ) টাকা ।

ইহার অনুষ্ঠান-পত্র-সম্বন্ধে “সংবাদ-প্রভাকরে” নিম্নলিখিত কয়েক পঙ্ক্তি লিখিত হইয়াছিল,—

“কতিপয় বিজ্ঞানুরাগী যুবক, আগামী অগ্রহায়ণ মাসের প্রথমাবধি “সংবাদ-চারুচন্দ্রোদয়” নামে একখানি নূতন সাপ্তাহিকপত্র প্রকাশকরণে



স্থিরসংকল্প হইয়া, তাহার অনুষ্ঠানপত্র প্রকাশ পূর্বক গ্রহণেচ্ছ মহাশয়-দিগের স্বাক্ষর গ্রহণ করিতেছেন।” (১)

উল্লিখিত লিপির প্রচারের অষ্টাদশ দিবস পরে “প্রভাকর”-সম্পাদক কবিপ্রবর ঈশ্বরচন্দ্র গুপ্ত মহাশয়, পুনরায় লিখিয়াছিলেন,—

“আমরা পূর্বে লিখিয়াছিলাম যে, “সংবাদ-চারু-চন্দ্রোদয়” নামে এক-খানি সাপ্তাহিক সংবাদ-পত্র, এতন্নগরে কোন বিদ্যানুরাগী যুবক কর্তৃক প্রকটিত হইবেক। অধুনা আমরা, তাহার অনুষ্ঠানপত্র প্রাপ্ত হইয়া, নিয়মভাগে প্রকাশ করিলাম। কোন্ দিবসাবধি ঐ পত্র, প্রকাশ্য হইবেক, তাহা এ পর্য্যন্ত নির্দ্ধারিত হয় নাই। বোধ হয়, শতাধিক লোকের স্বাক্ষর না হইলে, প্রকাশক, পত্র-প্রকাশে সাহসিক হইবেন না।” (২)

“অনুষ্ঠানপত্র ।

“জ্ঞান-ইন্দীবর আছে হৃদি-সরোবর ।

অজ্ঞান-ভাস্করে তারে জর জর করে ॥

মুকুণ্ডিত ছিল যাহা বিকুণ্ডিত হয় ।

অঘন গগনে হেরি ‘চারুচন্দ্রোদয়’ ॥”

“পূর্বাপেক্ষা বর্তমান সময় এই বঙ্গদেশবাসী ব্যক্তিবৃন্দ, বঙ্গভাষানু-শীলন-বিষয়ে বিলক্ষণরূপে যত্নবান্ হইয়াছেন। অতএব আমরা বর্তমান সময়কে জ্ঞান-সময় বিবেচনা করিয়া “সংবাদ-চারু-চন্দ্রোদয়” নামে এক-খানি অভিনব সংবাদ-পত্র-প্রকাশকরণে স্থিরসংকল্প হইয়াছি। ঐ পত্র, “সংবাদ-প্রভাকরের” স্থায় নানা দিগ্দেশীয় সমাচার ও গল্প-পত্র পরি-পূরিত বিবিধ দেশহিতজনক প্রবন্ধ ও ইংরাজী গ্রন্থ হইতে নানাপ্রকার উত্তম বিষয়ের অনুবাদ প্রকাশ করিবেন। আমরা, এই অনুষ্ঠান-পত্রে অল্প কোন প্রকার প্রতিজ্ঞা করিতে ইচ্ছা করি নাই। কার্যের দ্বারাই সকলে, আমাদিগের অভিপ্রায় ও পরিশ্রমের প্রচুর প্রমাণ প্রাপ্ত হইবেন। পরন্তু সাধারণ বিদ্যানুরাগী মহোদয়গণের বিহিত সাহায্য ব্যতীত এত-আঙ্গলিক বিষয়, কোনরূপেই সুসম্পন্ন হইবার সম্ভাবনা নাই। এ কারণে

(১) সংবাদ প্রভাকর, ১২৬৩ সাল, ৫ই কার্তিক ।

(২) সংবাদ-প্রভাকর, ১২৬৩ সাল, ২৪শে কার্তিক ।

বিনীত ভাবে নিবেদন করিতেছি যে, তাঁহারা, আমার নবীনোৎসাহ বর্ধনার্থ এই অনুষ্ঠানপত্রে আপন আপন নাম স্বাক্ষর করিবেন। আমরা সাধারণের পাঠ-স্বলভ নিমিত্ত “সংবাদ-চারু-চন্দ্রোদয়ের” মাসিক মূল্য ১০ (চারি) আনা অথবা বার্ষিক অগ্রিম ২১০ টাকা নির্দ্ধারণ করিয়াছি।”

শ্রীনিমাইচাঁদ মুখোপাধ্যায় সম্পাদক।

মধ্যে এক বৎসরের ব্যবধান। ১২৬২ সাল, ( ১৮৫৫ খ্রীষ্টাব্দ ) বিনা কার্যেই অতীত হইয়া গিয়াছিল। তাহার পর “জ্ঞানদর্পণ” দশজনকে দর্শন দিয়াছিলেন।

### ৮৪। জ্ঞানদর্পণ।

( ১২৬৩ সাল, ৯ই পৌষের অর্থাৎ ১৮৫৬ খ্রীষ্টাব্দের

২৩শে ডিসেম্বরের পূর্ববর্তী সময়। )

“সংবাদ-প্রভাকর” না কি আমাদের শুভাদৃষ্টক্রমে সুপ্রসন্ন ছিলেন, সুতরাং “জ্ঞানদর্পণের” বিবরণ, আমাদের সকলের সন্দর্শনযোগ্য হইল। প্রত্যক্ষ প্রমাণ ব্যতিরেকে কেইবা মৌখিক একটা উক্তিভক্তিমান হইয় ? আমরা প্রমাণবলে বলীয়ান হইয়াছি, সুতরাং নিম্নে তাহার নিদর্শন লিপিটী, নিবন্ধ করিয়া দিলাম,—

“আমাদিগের ( ৩ ) বন্ধুবর পূর্বতন “জ্ঞানদর্পণ”-সম্পাদক শ্রীযুক্ত উমাকান্ত ভট্টাচার্য মহাশয়, এই কর্মের ( ভদ্রলোকদিগকে বর্ধমান চেষ্টন হইতে ঠিক বর্ধমান সহরের ভিতর আনয়নের ) অধ্যক্ষ”। ( ৪ )

জানা গেল—সম্পাদকের নাম ছিল—বাবু “উমাকান্ত ভট্টাচার্য”। মতান্তরে ১৮৪৭ খ্রীষ্টাব্দে ( ১২৫৪ সালে ) ইহার প্রথম প্রকাশ। বার্ষিক মূল্য ৪।০ ( চারি টাকা চারি আনা ) বৈ নয়। পত্রিকাটী সাপ্তাহিক।

আগামী বারে “সোমপ্রকাশ”, “এডুকেশন গেজেট” প্রভৃতি অগ্রান্ত সংবাদ-পত্রের বিষয় আলোচিত হইবে।

শ্রীমহেন্দ্রনাথ বিদ্যানিধি।

( ৩ ) ঈশ্বরচন্দ্র গুপ্তের। কেন না, উক্ত উদ্ধৃত অংশ, উক্ত কবি-পুস্তক গুপ্ত মহোদয়ের ‘ভ্রমণবিবরণ’ সন্দর্ভের সারাংশ।

( ৪ ) সংবাদ প্রভাকর, ১২৬৩ সাল, ৯ই পৌষ।

## গোকুলে-শ্রীকৃষ্ণ ।

ভক্তবৃন্দের মধ্যে যাহারা অভিনিবেশ পূর্বক বিবিধ পুরাণ শাস্ত্রে কৃষ্ণলীলা পাঠ করিয়াছেন, কবি কল্পনার যথেষ্ট মর্যাদা রক্ষা করিয়াও তাহারা শ্রীকৃষ্ণচরিত্রের সারসংগ্রহ করিতে বোধ হয় সম্পূর্ণরূপেই সমর্থ হইয়াছেন ।

কৃষ্ণলীলা অনেক প্রকার।—ঋষিপ্রণীত কৃষ্ণলীলা, গোস্বামী প্রণীত কৃষ্ণলীলা, বৈষ্ণবপ্রণীত কৃষ্ণলীলা, গৌড়াপ্রণীত কৃষ্ণলীলা, ইত্যাকার নানা শ্রেণীর নানা জনপ্রণীত কৃষ্ণলীলার পুস্তক আমাদের দেশে অনেক আছে। এতদ্ব্যতীত এতদেশীয় ওস্তাদী কবিতে এক এক প্রকার কৃষ্ণলীলা গীত হয় ;—এতদেশীয় যাত্রাতে, আধুনিক থিয়েটারগুলিতে এক এক প্রকার কৃষ্ণলীলার সুন্দর সুন্দর চিত্র প্রদর্শন করা হয় ;—আমাদের প্রেমাম্পদ আদরনীয় অকালমৃত সাহিত্য-বন্ধু বাবু বঙ্কিমচন্দ্র চট্টোপাধ্যায় কৃষ্ণসাগর মন্থন করিয়া একখানী কৃষ্ণ চরিতামৃত তুলিয়া রাখিয়া গিয়াছেন ; এই সকল ভিন্ন ভিন্ন গ্রন্থে এবং যাত্রাদির অভিনয়ে পরস্পর কতদূর প্রভেদ, আবিষ্টচিত্ত পাঠক ও দর্শক মহাশয়েরা তাহা অবশ্যই বুঝিয়া লইয়াছেন ।

এদেশে কৃষ্ণলীলার পাঠক অনেক, অভিনয়-ক্ষেত্রে দর্শকও অনেক ; কিন্তু কৃষ্ণ বাস্তবিক কি, দেশের সকলে তাহা বুঝিতে পারিয়াছেন, ছঃসাহসে তেমন মিথ্যা কথা আমরা বলিতে পারিব না। শ্রীকৃষ্ণের রূপ কি, প্রকৃতপক্ষে অবশ্যই তাহা পরিজ্ঞাত হইবার উপায় নাই। কৃষ্ণ অবতারের পূর্বে কৃষ্ণের কি প্রকার রূপ ছিল, ভারতের সাময়িক কবিকুল তাহা এক এক প্রকারে নির্দেশ করিয়া গিয়াছেন, কিন্তু কজন লোক, ভিন্ন ভিন্ন রূপ দেখিয়া সহসা সেই সকল রূপকে কৃষ্ণ বলিয়া চিনিতে পারেন ? ময়ূরপুচ্ছশোভিত মোহনচূড়া, নানাবর্ণ রঞ্জিত পীতধড়া, গোপিকারঞ্জন মোহনমুরলী ঠাম ত্রিভঙ্গ, বক্ষে ললাটে সুগন্ধ শুভ্রচন্দন, এই গুলির একত্র মিলন না হইলে, এখনকার কৃষ্ণভক্তেরা এখন কৃষ্ণকে কৃষ্ণ বলিয়া চিনিতে পারেন না। কৃষ্ণ যখন ব্রজধামে, চূড়াধড়া পরিয়া গোচারণ করিতে প্রবৃত্ত হন নাই, তাহার বহু পূর্বে ঋব, প্রহ্লাদের সিদ্ধিলাভ। প্রচলিত প্রমাণানুসারে ভক্তশ্রেষ্ঠ ঋব প্রহ্লাদও সেই সত্য-

যুগেও ব্রহ্মরাজরূপী ত্রিভঙ্গিমঠাম কৃষ্ণরূপ দর্শন করিয়াছিলেন, ইহাই স্বীকার করিতে হয়। কৃষ্ণকে ভগবানের অবতার বলিয়া স্বীকার করিলে, বাস্তবিক তাহার প্রকৃত রূপ নির্ণয় করা অসাধ্য। যিনি হরি, যিনি নারায়ণ, যিনি নৃসিংহ, যিনি অসীম, অনন্তনামধারী, তিনিই কৃষ্ণ; ভক্তের মনে এইরূপ বিশ্বাস; ধ্যান করিবার সময় কিন্তু তাঁহারা গোপিনীরঞ্জন, কৃষ্ণ-রূপ ভিন্ন আর অপরূপ ভাবিতে পারেন না।

কৃষ্ণ বাস্তবিক কি?—রূপে যেমন মানুষের ভ্রম হইতেছে, শ্রীকৃষ্ণের চরিত্রেও সেইরূপ প্রবল ভ্রম থাকা বিচিত্র নহে। এখনকার সাধারণ সংস্কার, প্রায় এইরূপ দাঁড়াইয়াছে যে, কৃষ্ণ একটি গোপালপালিত, মাখনচোরা, বসনহারা, লম্পট বালক ছিল। ব্রাহ্মণ কায়স্থের—অপর জাতীয় নিম্ন শ্রেণীর লোকেরা বিশেষতঃ স্ত্রীলোকেরা কৃষ্ণকে, সত্য সত্যই, গোপালবালক বলিয়া জানে; শৈশব চরিত্রেও কলঙ্কিত মনে করে। ভক্তের পক্ষে এ প্রকার গুরুতর ভ্রম থাকা কদাচ মঙ্গলমুচক নহে; অতএব অতি সংক্ষেপে এইখানে আমরা অগ্নি কৃষ্ণের শৈশব লীলাটি দর্শন করিবার চেষ্টা পাইব।

একাদশ বর্ষকাল গোকুলে আর বৃন্দাবনে শ্রীকৃষ্ণের অবস্থান। তাহার অধিক নহে। দ্বাদশ বর্ষ বয়ঃক্রমকালে অক্রুরের রথে কৃষ্ণ বলরাম মথুরায় কংসযজ্ঞে নিমন্ত্রণে গিয়াছিলেন; তাহার পর আর গোকুলে অথবা বৃন্দাবনে ফিরিয়া যান নাই। একাদশ বর্ষ মাত্র ঐ দুই স্থানে অবস্থিতি। সেই একাদশ বৎসরের মধ্যে কদিন গোপের অন্ন শ্রীকৃষ্ণের উদরস্থ হইয়াছিল, সাধারণ অন্তরে সেই নিগূঢ় তত্ত্বটি নিরূপণ করিবার ইচ্ছার উদয় হয় না;—গোপালয়ে কৃষ্ণ ছিলেন, গোপের অন্ন ভক্ষণ করিয়াছেন, ইহাই সাধারণ লোকে আপন আপন মনে সিদ্ধান্ত করিয়া লয়। এ সিদ্ধান্তে ভ্রম কোথায়, তাহাও আমরা এই স্থলে দেখাইবার প্রয়াস পাইব।

শ্রীকৃষ্ণ গোপের অন্ন ভক্ষণ করেন নাই। একাদশ বৎসর কেবল ক্ষীর সর নবনী ভোজন করিয়াই পরিপুষ্ট হইয়াছিলেন। দুটি দিন মাত্র অন্ন ভোজনের প্রমাণ শ্রীমদ্ভাগবতে প্রাপ্ত হওয়া যায়। যে দিন মহর্ষি গর্গ নন্দালয়ে আগমন পূর্বক পায়সান্ন রন্ধন করিয়াছিলেন, সেইদিন এক আশ্চর্য্য দৃশ্য সংঘটিত হইয়াছিল। ঋষি যখন নারায়ণায় নমঃ বলিয়া পায়সান্ন উৎসর্গ করিয়া দেন, শিশু কৃষ্ণ তখন হামাগুড়ি দিয়া গিয়া সেই অন্ন ভক্ষণ




কৃষ্ণকে, নিকটে যাইতে দেন না। ঋষি পুনর্বার বন্ধন করেন, নিবেদন করিবামাত্র কৃষ্ণ আসিয়া অগ্রে আহার করিতে বসেন। তিন-বার এইরূপ হয়। চতুর্থবারে নন্দরাণি সক্রোধে কৃষ্ণকে একটা ঘরে আবদ্ধ করিয়া দ্বারে চাবি দেন। চতুর্থবার গর্গ ঋষি নূতন পায়সান্ন উৎসর্গ করিবামাত্র কৃষ্ণ আসিয়া ভোজনপাত্রের সম্মুখে উপবিষ্ট। অজ্ঞান শিশুর কার্য্য ভাবিয়া পূর্বে পূর্বে যাহারা পুনঃ পুনঃ ভীত হইয়াছিল, এবারে তাহাদের সকলেরই মহাশর্চ্য জ্ঞান হইল। একদারী গৃহ; চাবিবদ্ধ বালক; চাবি অভয়; বালক কি প্রকারে ঋষি সন্নিধানে উপস্থিত হইল?

বার বার আশ্চর্য্য ক্রিয়া সন্দর্শনে ঋষির মনে সংশয় জন্মিল; ঋষি তখন ধ্যানে বসিলেন। ধ্যানে জানিলেন, কৃষ্ণ কে?—তখন তিনি প্রেমানন্দপূর্ণ রোমাঙ্কিত কলেবরে অগ্রে স্বহস্তে কৃষ্ণকে, পায়সান্ন ভক্ষণ করাইয়া, তদনন্তর স্বয়ং ভক্তিভাবে সেই প্রসাদ ভোজন করিলেন। অপরাধ ক্ষমা পাইবার জন্ত ষশোদা আসিয়া ঋষিবরের পায়ে ধরিলেন; ঋষিবর তাঁহারে নিগূঢ় তত্ত্ব বলিলেন। মায়াবশে নন্দরাণী সে তত্ত্ব অতি নীঘ্র ভুলিয়াই অভ্যাসসিক্ত পুত্রদেহে শ্রীকৃষ্ণকে কোলে তুলিয়া লইলেন।

শ্রীকৃষ্ণের অন্ন ভোজনের এই একটি প্রমাণ। দ্বিতীয় প্রমাণ, বনমাঝে অন্নভিক্ষা। রাখালরাজ একদিন রাখালমণ্ডলীতে পরিবেষ্টিত হইয়া অন্ন ভোজনের ইচ্ছা প্রকাশ করেন; ঋষিকণ্ঠাগণের নিকট হইতে অন্ন ভিক্ষা করিয়া আনিবার নিমিত্ত শ্রীদাম সখা প্রেরিত হন; ঋষি কণ্ঠারা স্নেহানন্দে বিভোর হইয়া স্বয়ং স্বয়ং বন মধ্যে আগমন পূর্ব্বক কৃষ্ণকে কোলে লন, মনসাধে অন্ন ভোজন করান; কৃষ্ণের সহিত রাখালেরাও পরমপুলকে সেই অন্ন ভোজন করে।

এই দুই প্রমাণে বিলক্ষণ প্রতীতি জন্মিবে, ঐ দুই দিবস ব্যতীত কৃষ্ণ আর একদিনও গোপগৃহে অন্ন গ্রহণ করেন নাই। তাহা যদি করিতেন, নিত্য নিত্য অন্ন ভক্ষণ করা তাঁহার যদি অভ্যাস থাকিত, তাহা হইলে পুরাণে ঐ দুই দিবসের এত মাহাত্ম্যমূলক বিশেষ উল্লেখ থাকিত না। যাহারা নিত্য নিত্য অন্ন ভোজন করে, তাহাদের দুই একটা উপলক্ষের কথা কেহই ধরে না। নিত্য অন্নভোজী হইলে কৃষ্ণের ঐ দুই দিবসের কত বাণে কক্ষার আবির্ভাব হইত না। (কৃষ্ণঃ)





চিতোর ।

সূর্যবংশের কোশল রাজ্যে প্রধান অধিষ্ঠান ; এবং তাঁহাদিগের রাজধানী অযোধ্যা । তাই সূর্যবংশাবতংস রাজা রামচন্দ্রের রাজধানী



অবোধ্যানগরেই প্রতিষ্ঠিত ছিল। তিনি রাজকার্য্য পরিচালনে আদর্শ-পুরুষ ছিলেন। কুশ এবং লব নামক তাঁহার দুই পুত্র ছিল। তৎপরে রাজা রামচন্দ্রের বংশ-স্রোতের কথঞ্চিৎ পরিচয় পাওয়া গেলেও, পর্য্যায়ক্রমে তাহার ধারাবাহিক ইতিহাস সাধারণের সম্পূর্ণ বিদিত নহে; তবে মিবারের রাণাগণ আপনাকে সূর্য্যবংশীয় বলিয়া পরিচিত করায়, এই স্থানে অচু চিতোরের কথা কিছু বলা যাইতেছে।

রাজা রামচন্দ্রের জ্যেষ্ঠ পুত্র কুশের পবিত্র বংশে বাপ্পারাও নামক এক মহাপুরুষ জন্মগ্রহণ করেন; ইনিই ৭২৮ খৃষ্টাব্দে—“চিতোর-গড়” নির্মাণ করিয়া তথায় রাজধানী স্থাপন করেন। উপস্থিত এই দেশে যাইতে ইইলে, রাজপুতানার অন্তর্গত উদয়পুরে হোলকার সিঙ্কিয়া ষ্টেট রেলওয়ের একটা ষ্টেশন আছে।

পূর্বে এই দেশের নাম ছিল “চিত্রকূট”; ইহার উল্লেখ রামায়ণ-গ্রন্থেও দেখিতে পাওয়া যায়। সেই রামায়ণের “চিত্রকূট” পর্ব্বত কালে পরিবর্তন হইয়া চিতোর হইয়াছিল;—ইহাই অনেকের ধারণা। এই চিত্রকূট দিয়া রাক্ষসরাজ রাবণ সীতাহরণ করিয়া লইয়া যান, এবং এখানে জটায়ু পক্ষীর সঙ্গে রাবণের যুদ্ধ হয়। ইহা দ্বারা এই বুঝা যায় যে, সিংহলে যাইবার পথ চিত্রকূট দিয়া ছিল। এবং উক্ত পাহাড়ের উপর তখন কোন রাজার অধিকার ছিল না; কেবল অসভ্য পাহাড়ী-দিগের এবং পশু পক্ষিগণের বাস ছিল। বস্তুতঃ এই বন জঙ্গলময় পার্বত্য প্রদেশ কালে চিতোর নগরে পরিণত হইল। \*

চিতোর গড়টা দূর হইতে দেখিতে ইংলণ্ডের উইণ্ডসর প্রাসাদের মত। যাহারা এই নগর দেখিয়াছেন, তাঁহারা ভারতের অমরাবতী বা গোলকের চিত্র হৃদয়পটে অঙ্কিত করিয়াছেন! যাহারা দেখেন নাই, তাঁহাদের কল্পনাবলে দেখাইবার চেষ্টা করা বৃথা। তবে এই পর্য্যন্ত বলা যায় যে, একটা সূর্য্যক্রমোচ্চ পর্ব্বতের গাত্রে যেন, স্থানে স্থানে সূর্য্যক্রম জলাশয়, স্থানবিশেষে বনরাজি, কোথাও বা অট্টালিকাশ্রেণী। এই

\* অনেকেই আবার চিত্রকূট দাক্ষিণাত্যে বলিয়া, তাহার সংস্থানের বিপর্যায় ঘটাইয়া, ইহাকে চিত্রগূড় বা চিত্রগড়ের অপভ্রংশ নাম চিতোর

পাহাড়ের সর্বোচ্চ স্থানে যে সুবৃহৎ নয়নরমণ হর্ম্মা, তাহাই রাজপ্রাসাদ, এবং উহার অপর নাম চিতোর গড় ।

চিতোর গড়ের দীর্ঘ ৫৭৩৫ গজ এবং প্রস্থ ৮৩৬ গজ । ইহার ভিতর প্রকাণ্ড প্রকাণ্ড জলাশয় আছে, দুর্গ আছে, কতকগুলি কীর্তিস্তম্ভ আছে, শস্ত্র-ক্ষেত্র আছে, তথায় গোধূম এবং চণকের কৃষি ও উৎপত্তি বিশিষ্টরূপ ; এমন কি, অনেক খ্যাতনামা মুসলমানদিগকে পর্য্যন্ত রাখি দিয়া ধর্ম্মভ্রাতা পাতাইয়া রাখিতেন । যে সকল অপরিচিত পুরুষদিগকে স্ত্রীলোকেরা রাখি দিত, তাঁহারা অনেকে সে সকল কামিনীদিগের মুখ দর্শনও করেন নাই । পরন্তু এই সম্মান পাইয়া তাঁহারা বিপদের সময় ঐ সকল হইয়া থাকে, কিন্তু গবাদি পশুদিগের খাদ্য ভূণের বড়ই অভাব । পরন্তু গড়ের ভিতর অনেক দেব দেবীর মন্দির আছে । তন্মধ্যে “মোকল-জীর মন্দির” সুদীর্ঘ ।

মোকলজীর মন্দির ৭২ ফিট দীর্ঘ এবং উত্তর দক্ষিণ ৬০ ফিট । ইহাকে গিরিমন্দির বলা যাইতে পারে । পর্ব্বতের উপর নির্মিত ও প্রকৃতই যেন পর্ব্বতের গুহারূপে তাহার তোরণ রচিত করিয়া দিয়াছেন । এবংবিধ পার্ব্বত্য মন্দিরের নির্মাণ কৌশল প্রকাশ করিতে গেলে বলিতে হয়, পর্ব্বতের গাত্র কাটিয়া ক্রমে সহজভাবে যেন একটা রথ প্রস্তুত করা হইয়াছে ; সেই রথসদৃশ মন্দিরটী দেখিতে অতি সুন্দর ; সেই সৌন্দর্য্য আরও পরিস্ফুট হইয়াছে, প্রকৃতির গান্ধীর্ঘ্যময় অতি ভয়াবহ স্থানে বলিয়া । এই বৃহৎ মন্দিরের ভিতর দিবালোক প্রবেশ করে না । অন্ধকারময় স্থান । মন্দিরের গাত্রে নগরের অবস্থাজ্ঞাপক অনেক চিত্র আছে ।

চিতোর গড়ের স্তম্ভগুলির মধ্যে “জয়স্তম্ভ” বিশেষ উল্লেখযোগ্য ; এটা বিশেষ কারুকার্য্যযুক্ত অথচ কলিকাতার মনুমেন্টের মত উচ্চ । ১৪৫৮ খৃষ্টাব্দে ইহা প্রস্তুত হয় । ইহার গাত্রে বিবিধ শ্লোকে নগরের অবস্থা লিখিত আছে । এই প্রবন্ধের প্রারম্ভে “জয়স্তম্ভের” চিত্র দেওয়া হইয়াছে ।

চিতোর গড়ের কেলাস ভিতর শস্ত্র ক্ষেত্র আছে, জলাশয় আছে এবং কেলাস দক্ষিণ ভাগের প্রাচীর ১৮১৯ ফিট উচ্চ । উত্তর ভাগে



হোলকার মহারাজের অধিকার ভুক্ত । সময়ে, ইহা আকবরের অধিকার-ভুক্ত ছিল ।

এই সকল প্রকাণ্ড প্রকাণ্ড পল্লী লইয়া চিতোরের রাজধানী । এবং এই রাজপ্রাসাদ-বেষ্টন প্রাচীরে বহু তোরণ-দ্বার আছে । এখন যেমন লোহের রেলিং হইয়াছে, তখন তাহা ছিল না ; তখন প্রাচীর ছিল, এবং প্রাচীর-বেষ্টিত প্রাসাদকে “গড়বন্ধী” বা “গড়” বলিত ।

চিতোরগড় শৈলোপরি ৩৪ মাইল উর্দ্ধে শিখরদেশে বনের ভিতর । এই স্থান হইতে শৈলের নিম্নস্থ নগর ইত্যাদি কামানের দ্বারা অনায়াসে নষ্ট করা যায় । এই শৈলের ৩৪ মাইল নিম্নে “চিত্রকূট” দেশ । এখন এই দেশকে “তলহাটা” কহে । এই পর্বতের সমতল হইতে ৪৫০ ফিট উচ্চে চিতোর গড় ।

রাণা বাপ্পরাওয়ার বংশীয়গণ রাজপুত ক্ষত্রিয়গণের শিরোরত্ন । পূর্ব্য-কুলতিলক মহাবীর রামচন্দ্রের বংশধরগণ ক্রমবিক্রমে রাজপুতরূপে পর্যাবসিত । পরন্তু ইহারা বহুদিন পর্য্যন্ত চিতোরে রাজত্ব করিয়াছিলেন । ৭২৮ খৃষ্টাব্দ হইতে ১৫৬৮ খৃষ্টাব্দ পর্য্যন্ত রাণাগণ চিতোরে রাজত্ব করেন । এই কাল মধ্যে চিতোরে অনেক বীরপুরুষ জন্মগ্রহণ করিয়াছিলেন, তন্মধ্যে মহাবীর সমরসিংহ, প্রতাপসিংহ, বাদলসিংহ, কুন্ডরাণা এবং ভীমসিংহ প্রভৃতি বিশেষ উল্লেখযোগ্য । ১৫৬৮ খৃষ্টাব্দে দিল্লীর সম্রাট আকবর উদয়সিংহের নিকট হইতে এই নগর যুদ্ধে জয়লাভ করিয়া পাইয়াছিলেন ।

মিবারের রাজপুতগণের স্বাধীনতা রক্ষার চেষ্টা—তজ্জন্ত যুদ্ধে আত্মোৎসর্গ বিশেষ অতুলনীয় । এইরূপ আত্মরক্ষার্থক কোন একটা ভীষণ সংগ্রামে, এত রাজপুতের প্রাণ উৎসৃষ্ট হইয়াছিল যে, উহাদের উপবীত ওজন করিয়া ৭৪১০ মন হইয়াছিল । তাই অত্মপিও হিন্দুরা কোন গোপনীয় পত্রের পৃষ্ঠে ৭৪১০ দাগ দিয়া থাকে । ইহার তাৎপর্য এই যে, “অপর যিনি এই পত্র খুলিবেন, তিনি ৭৪১০ মন উপবীতধারী দ্বিজহত্যার পাপ গ্রহণ করিবেন ।”

সহজে চিতোর বশীভূত হয় নাই । যুদ্ধে পরাজিত হইয়াও, অনেক রাজপুত প্রধান গুপ্তভাবে পর্বত গহন কাননাদি আশ্রয় করিয়া, অবসর-ক্রমে মুসলমানদিগের অনেক ক্ষতি করিয়াছিলেন । এমন কি, ইহারা

ইহারা ধর্মাবলম্বনে মোগল বাদসাহের নিগ্রহ করিয়াছিলেন। যুদ্ধে অবতরণ করিয়া ইহারা উন্মাদবৎ হইয়া উঠেন, তাই বক্ষোবংশ ধ্বংসের জ্ঞায় যবনবিনাশেও ইহাদের দ্বারা অনেক অভিনীত হইয়াছিল। আজ কাল যেমন পল্লীগ্রামের ভিতর সাহেব দেখিলে, তথাকার লোকেরা অনেকটা ভয় পায়, তখন ইহাদের দেখিলে মুসলমানগণ বলিত, “রাজপুতকা তলবার, আউর রাজপুত সোয়ার। মাত ঠার হুঁসিয়ার !!” ইহা বড় ভয়ের কথা ছিল।

রাজপুত স্ত্রীলোকেরা পর্য্যন্ত অসময়ে অথবা প্রয়োজন হইলে যুদ্ধ করিতে বাহির হইতেন। পরন্তু আমাদের দেশে ভ্রাতৃত্বতীয়া এবং এই দেশের “রাখি বাঁধা” প্রথা অনেকটা উদ্দেশ্যে কারণগত ঐক্য দেখা যায়। এখনকার “রাখি বাঁধা” যেমন বৎসরের এক সময়ে হয়, তখন এ প্রথা ছিল না। রাজপুত কামিনীরা এবং অধ্যাপকেরা প্রয়োজন হইলে, অন্তের সঙ্গে “রাখি” সূত্র প্রদান করিয়া, তাঁহার সঙ্গে ধর্ম্য ভ্রাতা সম্পর্ক পাতাইয়া রাখিতেন, দেশের মঙ্গলের জন্ত এবং বিপদ আপদের জন্ত; কিন্তু এখনকার “রাখি সূত্র” যে সে যাহাকে তাহাকে দিয়া থাকে, বিশেষতঃ নিম্নশ্রেণীর হিন্দুস্থানীরা পার্শ্ববর্তী লোভে “রাখি” আনিয়া উপস্থিত হয়। কিন্তু রাখির এ নিয়ম নহে। তখনকার রাজপুত হিন্দু-রমণীরা অন্তঃপুর হইতে দেশের প্রসিদ্ধ যোদ্ধা বা ধনী মহাজনদিগকে ধর্ম্য ভগিনীদিগকে স্বীয় প্রাণ দিয়া রক্ষা করিতেন। এখনকার রাখি-সূত্র যেমন রেশম নির্মিত, তখনকার রাখি বলয় ছিল স্বর্ণ, রৌপ্য এবং হীরকে নির্মিত।

শ্রীরাজকৃষ্ণ পাল।

## বাঙ্গালা ভাষার লেখক ।

—বিষ্ণুচন্দ্র মৈত্র। বয়ঃক্রম ৪৮ বৎসর। বারেন্দ্রশ্রেণীর ব্রাহ্মণ,—  
আচ্যকাপ-সাতোটার মৈত্র। পূর্বপুরুষেরা ভট্টাচার্য্য উপাধিতে অভিহিত  
হইতেন। নিবাস,—বর্ধমানজেলার অন্তঃপাতী গঙ্গাতীরবর্তী মাজিদা-  
গ্রাম। পিতার নাম ৮রাজনারায়ণ ভট্টাচার্য্য। রাজনারায়ণ অতি কৃত-  
বিদ্য ও ধীমান্ ছিলেন। তাঁহার পিতা ৮হরচন্দ্র ভট্টাচার্য্য তেজস্বী ও  
ধর্ম্মশীল ব্যক্তি ছিলেন। তিনি অতি যত্নসহকারে পুত্র রাজনারায়ণকে

৮হরচন্দ্র ভট্টাচার্য্য শিক্ষা দিয়াছিলেন। বয়োবৃদ্ধি সহকারে অপ্রায়সং-

বলে, রাজনারায়ণ সংস্কৃত ভাষাতেও বিলক্ষণ ব্যুৎপত্তি লাভ করিয়াছিলেন । তিনি বাল্যকালে পিতা মাতার অজ্ঞাতসারে এক বন্ধুর সহিত দেশ-ভ্রমণে বহির্গত হন, এবং উত্তর পশ্চিম ও পঞ্জাবের নানা স্থানে ভ্রমণ করিয়া দেশে প্রত্যাগত হন, এই সময়ে ঐ বন্ধুর অনুরোধে তিনি “রসিকরঞ্জন” নামক কাব্যগ্রন্থ প্রণয়ন করেন । এই গ্রন্থ আদিরস-ঘটিত এবং পূর্বে ইহার বহুল প্রচার ছিল । কিছুদিন বাটীর নিকটবর্তী ছুই এক স্থানে বিষয়কর্ম করিয়া অবশেষে তিনি কলিকাতা নগরীতে আগমন করেন । সে সময়ে ৮ভবানীচরণ বন্দ্যোপাধ্যায়ের “সমাচার চন্দ্রিকা” প্রকাশিত হইয়াছে । রাজনারায়ণ, ভবানীচরণের জীবিতকালে ও মৃত্যুর পরে “চন্দ্রিকার” লেখক ও “রত্নাবলী” নামক সংবাদপত্রের সম্পাদক ছিলেন । ১২৫৪ সালে তাঁহার “পঞ্জাবেতিহাস, প্রকাশিত হয় । এই সময়ে কলিকাতায় ভূম্যধিকারীসভা বা “Land-holders” Association সংস্থাপিত হয় । ১২৫৬ সালে রাজনারায়ণ “ভূম্যধিকারী সভার” শাখা সংস্থাপনার্থ রঙ্গপুরে গমন করেন । কিছুদিন রঙ্গপুর ভূম্যধিকারী সভার সম্পাদকের কার্য্য সম্পাদনের পর ১২৫৭ সালের কাঠিক মাসে ৪৩ বর্ষ বয়সে তাঁহার মৃত্যু হয় ।

রাজনারায়ণের মৃত্যুকালে বিষ্ণুচন্দ্র জননীর্ ক্রোড়ে । পিতার যত্নে তাঁহার যেরূপ শিক্ষা ও মানসিক উন্নতি হওয়ার সম্ভাবনা ছিল, তাহা হয় নাই । তাঁহার শিক্ষার ভার তাঁহার পিতামহ হরচন্দ্র ও তাঁহার জ্যেষ্ঠ ভ্রাতা মধুসূদনের উপর হস্ত হয় । তাঁহার বাল্যকাল পিতামহের নিকট অতিবাহিত হয় । প্রাথমিক শিক্ষাও বিষ্ণুচন্দ্র পিতামহের নিকট প্রাপ্ত হন । পিতামহের চরিত্র প্রভাবে ভক্তি ও বিশ্বাসের বীজ তাঁহার হৃদয়ে নিহিত হয় । শিক্ষার্থ পিতামহ বিষ্ণুচন্দ্রকে কোন পণ্ডিতের টোলে প্রেরণ করিয়াছিলেন । এখানে বিষ্ণুচন্দ্র ব্যাকরণ পড়িতে আরম্ভ করেন । কিন্তু তাঁহার জ্যেষ্ঠ ভ্রাতা মধুসূদন তাঁহাকে টোল ছাড়াইয়া ইংরেজী শিক্ষা দিতে আরম্ভ করেন । এ সময়ে মধুসূদন কলিকাতায় “ভাস্কর” “প্রভাকর” প্রভৃতি সংবাদপত্রের সহকারী সম্পাদক নিযুক্ত ছিলেন । যে সময়ে “ভাস্কর”-সম্পাদক ৮গৌরীশঙ্কর ভট্টাচার্য্য কারারুদ্ধ হন, সে সময়ে “ভাস্কর” পত্রের সমস্ত ভার মধুসূদনের হস্তে হস্ত ছিল । [ ক্রমশঃ ]

## ছায়ামতী ।

( ২ )

রাজকুমার রমণীমোহন উদার ও সরলস্বভাব ছিলেন, তাঁহার কপটবন্ধু অতুল নিজ স্বার্থ-সিদ্ধির জন্ত তাঁহাকে কুপথে লইয়া যাইবার চেষ্টা করিতেছিল; সুতরাং মন্দবন্ধুর সংসর্গে ও পরামর্শে রাজকুমার বাল্যসীমা অতিক্রম করিতে না করিতে অমিতব্যয়িতায় ও লাম্পট্যদোষে দূষিত হইয়া স্বীয় পিতার বিরগভাজন হইয়াছিলেন; কেবল একমাত্র পুত্র বলিয়া অপরিত্যক্ত হইয়াছিলেন।

অতুল প্রস্থান করিলে কুমার উৎসাহিত ভাবে উড়ানে পাদচারণা করিতে করিতে বারংবার বাতায়নের দিকে চাহিতেছিলেন। বালিকা ইন্দুপ্রিয়াও অল্প বয়সেই সংসার-সমুদ্রে ঝাঁপ দিয়াছে, রাজকুমারের সর্বদা দর্শনে তাহার কোমল মন প্রণয়পরবশ হইয়াছিল, তাহার আর পুস্তকে যত্ন নাই, সূচীকর্মে অমনোযোগ, সর্বদা উদাসভাবে পূবাক্ষে বসিয়া থাকে; এবম্প্রকার রমণীমোহনের মোহন রূপ দর্শনে দিন দিন প্রণয়াকুর বর্দ্ধিত হইতেছিল। কুমার কথা কহিতে যদিও ইন্দুপ্রিয়া উঠিয়া গিয়াছিলেন, কিন্তু অধিকক্ষণ থাকিতে না পারিয়া পুনরায় তাঁহার দর্শনাকাঙ্ক্ষায় ধীরে ধীরে বাতায়ন সমীপে আসিয়া উপস্থিত হইলেন; কুমারের নয়নে নয়ন সঞ্জলন হইল, লজ্জায় নতমুখে বসিয়া পড়িলেন, হৃদয় ঘন ঘন কম্পিত হইতে লাগিল। রমণীমোহন অবসর বুঝিয়া সমস্ত্রমে কহিলেন;— “অমরমোহিনি, সামান্ত মানবজ্ঞানে যদি ঘৃণা না কর, তবে কিছু আবেদন করি;—ঐ স্বর্গীয়-রূপ-নগরীর দ্বারে এ অধীন ভিখারী বরমাল্যের ভিক্ষার্থী; এক্ষণে তোমার কৃপায় প্রার্থিতলাভে ধনী হইতে অভিলাষী।” লজ্জিতা ইন্দুপ্রিয়া তড়িতের ছায় তথা হইতে প্রস্থান করিলেন। কুমারের অতৃপ্ত রসনা নিরুপায় হইয়া নিস্তব্ধ হইল, কুমারও সুতরাং অতুলের আগমন প্রতীক্ষা করিতে লাগিলেন।

কিয়ৎক্ষণ পরে অতুল ও একটি বৃদ্ধা স্ত্রীলোক কুমারের নিকট আসিল। কুমার “এই কি সেই স্ত্রীলোক?” ইহা অতুলকে জিজ্ঞাসা করিতে অতুল মাথা নাড়িয়া কুমারের কথায় সায় দিল। কুমারও ক্রমে ক্রমে



কর—কাহার সঙ্গে এখানে আসিয়াছ ইত্যাদি” । পরিচারিকা উত্তর করিল, “আমার নাম যশোদা, আমি কোন্নগরের নীরেন্দ্রলাল বাবুর বাড়ী তাঁহার ভগিনী ইন্দুকে লালনপালন করিতাম ; এক্ষণে সে এখানে তাহার মাসীর বাড়ীতে লেখা পড়া করিতে আসিয়াছে ; আমিও তাই তার সঙ্গে এসেছি । কেন মশায় আমায় এ সকল কথা জিজ্ঞাসা করিতেছেন ?” রমণীমোহন ঈর্ষৎ হাসিয়া বলিলেন, “ইন্দুপ্রিয়াকে যদি আমায় দিতে পারিস্, তোকে হাজার টাকা বকসিস করিব ।” বৃদ্ধা হাজার কাহাকে বলে তাহা বুঝিত না, শিহরিয়া উত্তর করিল, “না বাবু, আমি তা পারবো না । বাপরে ! তা কি হয় ? ঐটি পেটে ওর মা বিধবা হয়েছিল । তাই তিনি মেয়েকে চক্ষে হারান্ ! তাহা হইলে মা মরে যাবেন ! বড় আদারের মেয়ে গো ! হাতে হাতে বেড়ায় ! কেবল মা বড় লেখা পড়া ভালবাসেন বলে, তাই শেখাতে এখানে পাঠাইয়াছেন !” রমণীমোহন ব্যগ্রভাবে বলিলেন, তোমায় পোনের শত টাকা দিব, তুমি ইন্দুপ্রিয়াকে বলিও যে, “রমণীমোহন রায় বলে এক জন তোমায় বিবাহ করিতে চাহে ; কিন্তু লুকিয়ে ।” কারণ আমার বাপ আছেন ; তিনি জানিতে পারিলে বিবাহ হইতে দিবেন না । তোমার ইন্দু আমাকে চেনে, বলিও, “যাকে তুমি তোমাদের বাটার পার্শ্বের বাগানে সর্বদা দেখিতে পাও, ও যে তোমাকে তোমার গোলা তুলিয়া দিয়াছিল । তিনি যদি রাজী হন, তাহা হইলে আমার একটি বন্ধু গড়পারে থাকেন, সেইখানেই আমাদের বিবাহ হইবে । “দেখ ঝি, এ কথা যেন ইন্দু-প্রিয়ার মাসীও না জান্তে পারেন । অতুল বৃদ্ধাকে উৎসাহ দিয়া বলিল, “দেখ ঝি, তুমি যদি ইন্দুপ্রিয়াকে বাবুকে দিতে পার, তা হইলে সেত রানী হবেই, আর তোমার যে যেখানে আছে, কাহাকেও কখন খেটে খেতে হবে না ।” বৃদ্ধা শত টাকা বুঝিত ; পোনের শ টাকা শুনিয়া তাহার মস্তক ঘুরিতে লাগিল ! কুমারকে সাষ্টাঙ্গে প্রণিপাত করিয়া টাকার স্বপন দেখিতে দেখিতে ও কুমারের প্রদত্ত ১০ টাকা অঞ্চলে বাঁধিতে বাঁধিতে উদ্ভান হইতে বহির্গত হইল । কুমারও অতুলের সহিত উদ্ভান হইতে গৃহ মধ্যে প্রবিষ্ট হইলেন ।

( ক্রমশঃ )

শ্রীমহাজেন্দ্র দত্ত ।



( ৩ )

তোমাতে আমাতে দূর—বড় দূর

কৃত বাধা আছে পথ মাঝারে—

( তুমি ) ধনীৰ বিয়ারী, আমি গো ভিখারী

তুমি বিছালোকে আমি আঁধারে ।

( ৪ )

তুমি গো রূপসী মধুরিমাময়ী

স্ববেশা, স্বভূষা তুমি গো বালে,

আমি কদাকার কঠোরতা সার

চীর বিমলিন আমার ভালে ।

( ৫ )

তুমি সুরসিকা, সুসভ্যা, তরুণী ;

আমি অমার্জিত বিগুফ প্রাণ ;

তুমি বাহনীয়, তুমি বরণীয়

আমি হেলনীয় সবারি স্থান ।

( ৬ )

যে তোমা' হেরেছে মানস-মোহিনি,

সেই পদতলে পড়েছে গো ;

( কত ) ধীমানে শ্রীমানে সজল বয়ানে

দাঁড় করে দ্বারে রেখেছ গো ।

( ৭ )

মানস সরসে সঁতরে মরাল

বলাকা লুটায়ৈ কাদায় কুলে ;

তুমি কি স্বভগে, মরালে ত্রেয়গি

বলাকাকে হৃদে লইবে তুলে ?

( ৮ )

কতু আখিকোণে হেরনি আমায়

কতু ভাব নাই দাসের কথা—

কখনো সাহসে বলিনি সুকাশে

( ৯ )

কি হবে বলিয়া ? কি আছে গো আশা—

কি ভরসা বল আমার আছে ?

( আমি ) নীরবে সহিব, নীরবে পূজিব,

বলি দিব হৃদি তোমার কাছে।

শ্রীদ্বিজেন্দ্রনাথ নিয়োগী।

## চিন্তা ।

হৃদিবিদারিণি চিন্তে ! নর হৃদিমঠে  
 চিরবাস তব । কহ বিশ্ব-বিমোহিণি,  
 যে জন তোমারি রক্ষক, ভক্ষক-তা'র  
 কি দোষে বা হও ? তক্ষক সদৃশ দংশ  
 হৃদিপিণ্ডে তা'র ; দিবানিশি জলে মরে  
 অভাগা সে জন, নিদারুণ চিন্তা-জ্বরে ।  
 তব জ্বর নহে সোজা কথা, মৃত্যুবাণ  
 সম মানবের পক্ষে । ভাব-দেখি চিন্তে,  
 যে জন যতনে হৃদে, করে সংরক্ষণ ;  
 যাহার আশ্রয়ে থাকি-দিবস রজনী  
 দিন দিন বৃদ্ধি হও, মানস-মন্দিরে ;  
 হায়রে ! নারীর রীতি এত কি কঠিন !  
 অবিশ্বাসী, আততায়ী, কুমিকীট সম,  
 দিন দিন হৃদিপিণ্ড, করি খণ্ড খণ্ড,  
 বাতনার মহাকূপে, কর গো নিক্ষেপ !  
 আহা ! যেবা রূপবান্ মদনমোহন,  
 কভু, রূপবতী, রতি জ্বিনি কান্তি যা'র ;  
 সেও হয় একদিন তোমার পরশে  
 কান্তিহীন তনু, নারকীয় জীব সম  
 কুৎসিত-আকার, চেনা ভার লোক মাঝে।



পদানত । রোগী, ভোগী, কভু বা সন্ন্যাসী,  
 রাজা হ'তে প্রজাপুঞ্জ, তব আজ্ঞাধীন ।  
 কহ লো সুন্দরি ! কেবা মুক্ত তব হ'তে ?  
 ভাব দেখি মনে, সেই কুরুক্ষেত্র রণে,  
 কৃষ্ণ, মিত্র পার্থ সহ, হায় ! কতদিন  
 স্মরে'ছে তোমায় ? হেন দৃষ্টান্ত অপার  
 রহে'ছে ভারতে গাঁথা, কিংবা রামায়ণে ।  
 শুন চিন্তে ! তুমি নও, সামান্য সে নারী ;  
 মূঢ় আমি, তব লীলা বৃষ্টিতে না পারি !  
 কোটী কোটী নতি তব পায়, এ ভুবন  
 চায়, ক্ষণমাত্র মুক্তি পেতে তব হ'তে ।  
 তুমি লোকে পার জানি, হাসাতে কাঁদাতে,  
 কভু পার কা'রে উঠা'তে স্বরগে ; কভু  
 ফেল কা'রে কুমিময় নরকের হৃদে ।  
 সাবাস ! সাবাস ! অচিন্ত্য মহিমা তব ।  
 শুন বিশ্বরাণি ! জানি আমি সবিশেষ,  
 শমনছহিতা তুমি—রোগ, মৃত্যু, জরা,  
 এ তিন সোদর তব । যেই মহাপাপী,  
 আর অনর্থের মূল অর্থ, এ'রা ছুই  
 সাধের কিঙ্কর তব, ষড়রিপুগণ  
 সখা লো তোমার, ঘুরে তব আশে পাশে ।  
 ক্ষম মম দোষ, যদি কর রোষ, ত্যজ মোরে  
 যত শীঘ্র পার, এই মম নিবেদন ।  
 কালভূজঙ্গিনি ! এ ভুবন তবাপ্রিত ;  
 তেঁই কহি শুন মন দিয়া, যতদিন  
 রহে এ জীবন, কোরো'না বঞ্চিত যেন,  
 বিভূ ধ্যান জ্ঞানে, কিংবা সাধু দরশনে ॥

## শরৎ ।

পূর্বে অরুণ-রেখা এমনি জাগিয়েছিল,  
 এমনি প্রভাত-রবি রাঙামুখে চেয়েছিল,  
 এমনি বিজলে উষা ঘোমটাটা খুলেছিল,  
 এমনি নলিনী তা'র মুখখানি তুলেছিল,  
 এমনি শরতে সেহ বরিষা-বারি-চুল  
 লুকাইয়েছিল পিছে ধরণী সরমাকুল ;  
 এমনি জগৎ-রূপ, রবি-করে ফুটেছিল,  
 হীরার অঁচলখানি নিশীথ গগনে ছিল ।  
 এমনি—এমনি ভোরে এই আমি এসেছিলাম,  
 অতীত শরতে কোল সমাদরে দিয়েছিলাম ।  
 আজো সেই দীপ্তিমাখা দেখিয়ে নীল আকাশ,  
 আজো সেই গুলমেঘে শরতের পূর্ণাভাস,  
 তাই এই আবাহনে আনিয়াছি ফুল-ডালি ;  
 যা'বে নাকি পূজা ?—দেবি ! যা'বে নাকি পুষ্পাঞ্জলি !  
 শ্রীকালিদাস চক্রবর্তী ।

## বঙ্গ সাহিত্যে-বঙ্কিম ।

## সমালোচনা ।


শ্রীযুক্ত হারাণচন্দ্র রক্ষিত প্রণীত । মূল্য ১।০ । কালিকা-যন্ত্রে মুদ্রিত,  
 বঙ্কিত আয়তনে দ্বিতীয় সংস্করণ, পরিবর্তিত, পরিবর্দ্ধিত ও পুনর্লিখিত,  
 পরিমাণ ২২৩ পৃষ্ঠা ।

বাঙ্গালার সাহিত্যগৌরব মহারণ, স্বর্গীয় বঙ্কিমচন্দ্র চট্টোপাধ্যায়ের  
 সংক্ষিপ্ত জীবনী, বংশ পরিচয়, বঙ্কিমচন্দ্রের জন্ম, শৈশব, কৈশোর, যৌবন,  
 বিদ্যাশিক্ষা, এবং প্রতিভাযুক্ত কৃতিত্বের বিবরণ বর্তমান বাঙ্গালা সাহিত্যের  
 স্মরণসিক্ত ঔপন্যাসিক,—বাবু হারাণচন্দ্র রক্ষিত, মহাশয়, এই পুস্তকে স্বগৌরবে  
 লিপিবদ্ধ করিয়া আমাদের বিশেষ কৃতজ্ঞতা-ভাজন হইয়াছেন ; ইতিপক্ষে

আমরা হারাণবাবুকে একজন উৎকৃষ্ট উপন্যাসিক, লেখক, ও কবি বলিয়া জানিতাম। “বঙ্গসাহিত্যে বঙ্কিমপাঠে” তাঁহার সমালোচনা, স্থল অমুসন্ধান, গভীর গবেষণা ও পাণ্ডিত্য যথেষ্ট প্রকাশ পাইয়াছে। যাহারা বাঙ্গালা সাহিত্যের সহিত, কিছুমাত্রও সঘন রাখেন, সাহিত্যের গৌরব জানেন, এই পুস্তক পাঠ করিয়া তাঁহার সকলেই বুঝিবেন, গ্রন্থকার বাঙ্গালা সাহিত্যের মহারণ বঙ্কিমচন্দ্রকে পদে পদে ;—ভেজোময়ী, অপূর্ণা প্রতিভাকে সুমধুর তালে নৃত্য করিয়া গিয়াছেন। একরূপ এক সম্প্রদায় আছেন, তাঁহার স্পর্ধা করিয়া বলেন, গল্প লিখিতে কবিত্বের সহায়তার প্রয়োজন কি? সেই সম্প্রদায় আমাদের বঙ্কিমচন্দ্রকে কবি বলিয়া সম্মান দিতে কখনই সম্মত নহেন। যিনি যাহাই বলুন, আমাদের বিশ্বাস, তাঁহাদের ইহা কতদূর ভ্রান্তি। তাহা তাঁহার বুঝিতে, একেবারেই অক্ষম। প্রকৃতই যাহারা সাহিত্যসেবক, তাঁহাদের পুস্তকাদিতে, গল্প রচনার বর্ণে বর্ণে কবিত্বের সৌরভ থাকে। আরব্য উপন্যাস, এবং বেতাল, পঞ্চবিংশতি, প্রভৃতি অদ্ভুত অদ্ভুত উপন্যাস পুস্তকেও উচ্চাঙ্গের কবিত্বের পরিচয় পাওয়া যায়। বঙ্কিমচন্দ্রের গ্রন্থাবলীতে স্তরে স্তরে, অমুপম কবিত্ব বিরাজমান। হারাণবাবু অতি সুন্দরভাবে পরিষ্কৃষ্টরূপে সাধারণ পাঠককে বুঝাইতে চেষ্টা করিয়া, তাহাতে সম্পূর্ণরূপেই কৃতকার্য হইয়াছেন।

বিশেষতঃ বঙ্কিমচন্দ্রের সুমধুর কবিতা, ও সঙ্গীত অনেক আছে, হুর্গেশ-নন্দিনী, কপালকুণ্ডলা, এবং মৃগালিনী, প্রভৃতি কয়েকখানি চিত্ররঞ্জন উপন্যাসের মধ্যে মধ্যে, নূতন নূতন, সঙ্গীতে এবং পদবন্ধ রচনাবলীতে, তাঁহার কবিত্বের বিলক্ষণ পরিচয় আছে। বাঙ্গালার প্রায় অধিকাংশ নর নারী তাঁহার বিরচিত সঙ্গীতে বিমুগ্ধ।

বাবু হারাণচন্দ্র রক্ষিত, বর্তমান সময়ে বঙ্কিমচন্দ্রের প্রতিভার অধিকারী হইয়া, প্রকৃষ্টরূপেই তাঁহার প্রতিভার সঙ্গীত চিত্র, প্রদর্শন করিয়াছেন। যদিও ইহা একখানি—মৌলিক গ্রন্থ নহে, তথাপি আমরা বলিতে বাধ্য, ভাষার লালিত্যে, “বঙ্গ সাহিত্যে বঙ্কিম” উপন্যাসের ন্যায় চিত্র আকর্ষক হইয়াছে। পুস্তকখানি আমরা মনোবোধের সুকারে পাঠ করিয়াছি। “বঙ্গসাহিত্যে বঙ্কিম” বাঙ্গালা সাহিত্যের পাদপত্রের গ্রন্থ। হারাণবাবুর পরিশ্রম সার্থক হইয়াছে।



২৫৬৭০

৩৯৭

১০/৭/১৭

# জন্মভূমি।


( সচিত্র মাসিক পত্র । )

নবম বর্ষ ।

১৩০৭ সাল, অগ্রহায়ণ ।

সংখ্যা ।

মুক্তি ।



যখন দুই, তিন, চারি বা ততোধিক বিরুদ্ধ মত প্রকাশিত  
করিতে হয়, তখন কোনও মত বিশেষের পক্ষপাতী হইলে প্রকৃত কার্যো  
কৃতকার্য হওয়া যায় না। পক্ষপাত শূন্য হইয়া প্রকৃত সত্যের অনুসন্ধান  
করাই সামঞ্জস্য-কারের কর্তব্য। আমরা সত্যের অনুসন্ধান বা আবিষ্কার  
করিতে সমর্থ হই বা নাই হই, সত্য নির্বাচন করিতে একবারেই অসমর্থ  
নহি। যদিও প্রাকৃত মনুষ্যে পূর্ণজ্ঞান সম্ভাবনা সুতরাং পারলৌকিক বিষয়ের  
সত্য নির্বাচন করাও প্রাকৃত মনুষ্যের পক্ষে নিতান্ত অসম্ভব, তথাপি যদি  
অসত্যকে প্রকৃতই সত্য বলিয়া বোধ হয়, তাহা হইলে সেই অসত্যের  
সত্যতা নিরূপণও তাদৃশ দোষাবহ হয় না। কিন্তু অসত্যকে অসত্য জানিয়া  
যদি তাহার সত্যতা সংস্থাপন পূর্বক জিগীষা বা বিপ্রলিপ্সার তৃপ্তিসাধন  
করা হয়, তবে ইহলোকে অকীর্তি ও পরলোকের জন্ত মহাপাতক সঞ্চয়  
করা মাত্র। লৌকিক বিরোধের সমাধান অতি সহজ কিন্তু অলৌকিক  
অতীন্দ্রিয় বিষয়ে বিরোধ উপস্থিত হইলে তাহার সমাধান করিয়া ঐকমত্য  
স্থাপন করা অত্যন্ত দুর্লভ ব্যাপার। যিনি তপঃপ্রভাবে অলৌকিক বিষয়  
অনুভব করিতে সমর্থ, তাঁহার কথা পৃথক্, কিন্তু যিনি সংসারের ক্রীতদাস  
ও ইন্দ্রিয়গণের আত্মবহ, এরূপ অযোগ্য বিষয়ে হস্তার্পণ করা তাঁহার  
সাহসমাত্র। যেমন সাংসারিক কোন বিষয়ে সন্দেহ উপস্থিত হইলে প্রাচীন  
পিতার অনুমতি লইয়া কার্য করিতে হয়, সেইরূপ অলৌকিক বিষয়ের  
সন্দেহ ভঞ্জনার্থ অপেক্ষাকৃত প্রাচীনতম আশু বাক্যের অনুসরণ করাই



১৩ কেউবা অসংখ্য আৰ্য্যশাস্ত্রের মধ্যে উপনিষৎ সৰ্বাপেক্ষা প্রাচীনতম, স্মরণ্য শাস্ত্র মাত্রেই পিতৃস্থানীয়। যেমন পুত্রের আপাদমস্তক সমস্ত অঙ্গ-প্রত্যঙ্গই পিতা হইতেই উদ্ভূত, সেইরূপ সমস্ত আৰ্য্যশাস্ত্রই একমাত্র উপনিষদের অঙ্গকরণমাত্র। যেমন মহাসাগরের সত্তা অবলম্বন করিয়াই পৃথিবীস্থ সমস্ত নদ নদী প্রভৃতি, জলাশয়ের সত্তা, সেইরূপ শাস্ত্র সাগর উপনিষদের অভিপ্রায় অবলম্বন করিয়াই দর্শনাদি সমস্ত আৰ্য্যশাস্ত্রের অস্তিত্ব। যেমন অনন্ত আকাশব্যাপী অনন্ত বায়ু পৃথিবীস্থ সমস্ত জীবের উপজীব্য, সেইরূপ একমাত্র উপনিষৎ সমীরণই অসংখ্য আৰ্য্যশাস্ত্রের জীবনস্বরূপ। যেমন কোন কোন বংশধর সন্তান বস্ত্রালঙ্কারের বাহু শোভায় স্ত্রশোভিত হইয়া মলিনবাসা বৃদ্ধ পিতাকে পিতা বলিয়া পরিচয় দিতে লজ্জা বোধ করেন, সেইরূপ যে সকল গ্রন্থ শকাঙ্কারের বাহুড়ম্বর দেখাইয়া উপনিষৎ অগ্রাহ করেন, ঐ সকল গ্রন্থকে অসদ্ গ্রন্থ না বলিয়া থাকিতে পারা যায় না। যেমন আপাতদর্শী অর্দ্ধ শিক্ষিত পুত্র সুশিক্ষিত প্রাচীন পিতার দীর্ঘদর্শিতার অভ্যন্তরে প্রবেশ করিতে না পারিয়া সুপণ্ডিত পিতাকে নির্বোধ বলিতেও কুণ্ঠিত মনেন, সেইরূপ কোন কোন পণ্ডিতাভিমानी মহাপুরুষ উপনিষদ্ বাক্যের অগাধ অন্তস্তল স্পর্শ করিতে না পারিয়া ঐ অপৌরুষের ঈশ্বর বাক্যের ভ্রান্তি প্রদর্শন করিতেও লজ্জা বোধ করেন না। যদি স্বতঃ প্রমাণ বেদবাক্যেও ভ্রান্তি থাকা সম্ভব হয়, তবে ভ্রান্তি প্রদর্শকদিগের ভ্রান্তি প্রদর্শন কি ভ্রান্তিমূলক হইতে পারে না? যে সকল অর্দ্ধ শিক্ষিত যুবক আপন আপন বৃদ্ধ পিতাকে ভ্রান্ত বলিয়া থাকেন, তাঁহাদের বার্কক্য হইলে তাঁহাদের পুত্রগণ তাঁহাদিগকে ভ্রান্ত বলিবে না এ কথা কে বলিতে পারে। কবির ভবভূতি মালতীমাধব নামক নাটকের প্রথমেই বলিয়াছেন—

“যে নাম কোচিদিহনঃ প্রথয়ন্ত্যবজ্ঞাং।

জানস্তিতে কিমপি তান্ প্রতি নৈষ যত্নঃ।”

উপনিষৎ সম্বন্ধে আমিও তাহাই বলি। অতএব উপনিষদের ভ্রান্তি প্রদর্শন না করিয়া আপন আপন সুদর্শিতার অভাব স্বীকার করাই বুদ্ধিমানের কর্তব্য।

এইরূপে উপনিষদের উৎকর্ষ স্বীকার করিয়া সকল শাস্ত্রের তদনুরূপ ব্যাখ্যা করাই প্রকৃত সামঞ্জস্য এবং ইহাই আমাদের সত্য নির্বাচনের একমাত্র উপায়। উপনিষদের মত যে সকল শাস্ত্রের আপাততঃ শকাঙ্কত বিরোধ

দেখিতে পাওয়া যায়, তাহার শকার্থমাত্র গ্রহণ না করিয়া তাৎপর্য গ্রহণ-পূর্বক উপনিষৎ বাক্যের সহিত ঐক্য সংস্থাপন করিলেই যথার্থ সমাধান হইয়া থাকে। উপনিষদের সপ্রামাণ্য রক্ষা করিবার জন্ত অল্প শাস্ত্রের অর্থান্তর স্বীকার করা যাইতে পারে। কিন্তু অল্প কোনও শাস্ত্রের সম্মান রক্ষার জন্ত উপনিষদের অর্থান্তর কল্পনা করা আমার বিবেচনায় নিতান্ত দোষাবহ। আমি সাংখ্যের পক্ষপাতী, অতএব উপনিষদের তদনুরূপ অর্থান্তর কল্পনা করিয়া সাংখ্যের সম্মান রক্ষা করিলাম, আবার এক ব্যক্তি বৈশেষিক দর্শনে অত্যন্ত অনুরক্ত, তিনিও উপনিষদের প্রকারান্তরে ব্যাখ্যা করিয়া বৈশেষিক দর্শনকে উচ্চ আসন প্রদান করিলেন। এইরূপ সকলেই যদি আপন আপন উপজীব্য শাস্ত্রের মর্যাদা রক্ষার জন্ত অসহায় উপনিষদকে নানাস্থানে আকর্ষণ পূর্বক নিজ নিজ অতীষ্ট সাধন করিয়া লইলেন, তবে আর উপনিষদের স্বতঃপ্রামাণ্য রহিল কোথায় ? এবং সামঞ্জস্যই বা হইল কি ? আদর্শ স্বরূপ একখণ্ড বিমল সূবর্ণ নিকষোপলে ঘর্ষণ করিলে যে স্বর্ণাভ রেখা উৎপন্ন হয়, সূবর্ণ বনিকেরা অশ্রান্ত স্বর্ণালঙ্কারের বিমলত্ব বুঝিবার জন্ত নিকষোপরি ঘর্ষণ করিয়া ঐ আদর্শ রেখার সহিত মিলাইয়া থাকেন। যে স্বর্ণালঙ্কারের রেখা আদর্শ রেখার সদৃশ হইল না, অগ্নি সংযোগে তাহার মালিন্য দূর করিয়া আদর্শ সদৃশ করিয়া লব্বেন। অলৌকিক বিষয়ের সিদ্ধান্ত করিবার সময় উপনিষদই আমাদের ঐরূপ আদর্শ অর্থাৎ উপনিষদের সহিত যে কোন গ্রন্থের আপাততঃ অনৈক্য দেখিতে পাওয়া যায়, ঐ সকল শকার্থগত অনৈক্য পরিত্যাগ পূর্বক তাৎপর্যার্থে উপনিষদের সহিত সমানার্থ করিলেই প্রকৃত সিদ্ধান্ত ও সামঞ্জস্য হইল। আমার একটা স্বর্ণালঙ্কার আছে, উহা বিমল সূবর্ণ বলিয়া আমার বিশ্বাস ; কিন্তু নিকষোপলে ঘর্ষণ করিয়া দেখিলাম, উহার রেখাগত বর্ণাভা আদর্শ সূবর্ণের রেখাগত বর্ণাভার সদৃশ হইল না, তখন আপন অলঙ্কারের মালিন্য অপাকরণ না করিয়া অগ্নি সাহায্যে আদর্শ স্বরূপ বিমল সূবর্ণে ধাতুস্তর মিশ্রিত করিয়া নিজালঙ্কারের গৌরব রক্ষা করা আর উপনিষদের অর্থান্তর কল্পনা করিয়া আপন উপজীব্য শাস্ত্রের সম্মান রক্ষা করিতে সমুচ্চত হওয়া সমান কথা। ভগবান্‌ মনু বলিয়াছেন :—

“আর্ষং ধর্মোপদেশঞ্চ বেদশাস্ত্রাবিরোধিনা ।

যিনি বেদ-শাস্ত্রের অমূল্য তর্কদ্বারা ঋষি-প্রণীত ধর্মোপদেশের সমাধান করেন, তিনিই ধর্মতত্ত্ব জানেন, অণ্ডে জানেন না ।

আমিও যে সমগ্র ধর্মতত্ত্ব অবগত হইয়াছি তাহা নহে, কেবল মন্যাদি মহাপুরুষগণের অমূল্য উপদেশের অনুসরণ করিয়াই বেদোপনিষদের উৎকর্ষ অনুবাদ করিতেছি । পরাশর বলিয়াছেন :—

অক্ষপাদ প্রণীতেচ কানাদে সাংখ্য যোগয়োঃ ।

ত্যাভ্যঃ শ্রুতিবিরুদ্ধোহংশঃ শ্রুত্যেকশরনৈনুভিঃ ॥

ন্যায়, বৈশেষিক, সাংখ্য ও যোগ দর্শনের মধ্যে যে সকল অংশ শ্রুতিবিরুদ্ধ ঐ সকল অংশ শ্রুতিপরায়ণ ব্যক্তিদিগের পরিত্যাজ্য ।

এইরূপ শত শত ঋষি-বাক্যের অনুসরণ পূর্বক উপনিষৎ ও তদনুগত শাস্ত্রের সিদ্ধান্তানুসারেই আমি মুক্তির আনন্দ রূপত্ব প্রতিপাদন করিলাম । অথবা ইহা আমার প্রতিপাদন করা নহে, কেবল অপৌরুষের উপনিষদের ও পবিত্র পরমর্ষিবাক্যের অনুবাদ মাত্র । ইহা ভিন্ন লৌকিক ব্যবহার দর্শনেও মুক্তির আনন্দময়ত্ব কথঞ্চিৎ অনুভব করা যায় । বিশেষ মনোনিবেশ পূর্বক চিন্তা করিয়া দেখিলে স্পষ্টই বুঝিতে পারা যায় যে, পিপীলিকা হইতে মনুষ্য পর্য্যন্ত সমস্ত জীবই প্রাতঃকাল হইতে প্রাতঃকাল পর্য্যন্ত কেবল আনন্দের অনুসন্ধানই উদ্বৃত্ত আছে । যেমন বাহু দেহের সহজ অবস্থার ব্যতিক্রম ঘটিলেই তাহা রোগ বলিয়া নির্ণীত হয়, এবং ঐ রোগ নিবারণের নানাপ্রকার প্রতিকারের প্রয়োজন হইয়া থাকে, সেইরূপ আনন্দ স্বরূপ জীবের স্বরূপাবস্থা আবৃত্ত হইলেই অন্তরে যন্ত্রণা উপস্থিত হয়, এবং ঐ দারুণ যন্ত্রণা নিবারণের জন্তই অর্থাৎ স্বাভাবিক আনন্দ স্বরূপে অবস্থান করিবার নিমিত্তই গ্রাসাচ্ছাদনাদি নানাপ্রকার বাহু প্রতিকারের প্রয়োজন হইয়া থাকে । অতএব ঐরূপ প্রতিকারের চেষ্টাকে দুঃখ নিবারণের অভিলাষ বলিয়া আপাততঃ প্রতীয়মান হইলেও নিবিষ্ট চিত্তে চিন্তা করিয়া দেখিলে উহা নিত্যসিদ্ধ স্বাভাবিক আনন্দ লাভের অভিলাষ বলিয়া বুঝিতে পারা যায় । যেমন স্থলদেহের অন্ততম উপাদান জলীয় পদার্থের অভাব হইলেই তাহাকে তৃষ্ণা বলিয়া নির্দেশ করা যায়, সেইরূপ জীবের অন্ততম উপাদান আনন্দ, সেই আনন্দের কোন প্রকার বিঘ্ন ঘটিলেই তাহা দুঃখ বলিয়া অনুভূত হইয়া থাকে, অতএব যাহা

স্বরূপানন্দের প্রকাশ হয় না, সেই জন্তে উহা অপনয়ন করিতে হয় এবং সেই জন্তই আপাততঃ দুঃখ নিবারণের চেষ্টা বলিয়া প্রতীয়মান, হইয়া থাকে । বাস্তবিক স্বরূপানন্দ লাভই ঐরূপ চেষ্টার মুখ্য উদ্দেশ্য । যদি দুঃখ নিবারণ মাত্রই অভিপ্রেত হইত, তাহা হইলে উত্তরোত্তর উৎকৃষ্টতর সামগ্রীর জন্তে অভিলাষ হইত না । ক্ষুধা হইলে যে দুঃখের অনুভব হয়, তাহা সুখলভ্য শাকেও উপশমিত হইতে পারে, তবে যত্নলভ্য ক্ষীর শরাদির জন্ত মনুষ্য এত যত্নবান কেন ? শীত জন্তে দুঃখ কষলেও উপশমিত হইয়া থাকে, তবে শাল, বনাত প্রভৃতি বহুমূল্য বস্ত্র আহরণ করিতে হয় কেন ? কেবল আনন্দের জন্ত ।

( ক্রমশঃ । )

শ্রীনীলকান্ত গোস্বামী ।

## কবিকেশরী

শ্রীযুক্ত রবীন্দ্রনাথ ঠাকুরের জীবনের এক পরিচ্ছেদ ।

( ১৩০৫ সাল । )

“It is a good sign when good deeds are honoured. Blood may be shed and great victories may be won by the selfish, the vain glories and the proud, but they only are truly great who delight in goodness and humanity.” P. C. SIRCAR.

ক্ষণজন্মা, স্বনামধন্য, বঙ্গের গৌরব, কবিকেশরী শ্রীযুক্ত রবীন্দ্রনাথ ঠাকুর, গত ২৫শে বৈশাখে ৩৯ উনচত্বারিংশ বর্ষে পদার্পণ করিয়াছেন । তিনি দীর্ঘজীবন ও সুস্থ শরীর লাভ করিয়া এই অধঃপতিত বঙ্গের জাতীয় সাহিত্য সিংহাসন চিরদিন সুশোভিত করুন, পরম কারুণিক পরমেশ্বরের নিকট ইহা একান্ত প্রার্থনীয় ।

বিভ্রম্যান কাল, কবিকেশরী রবীন্দ্রনাথের জীবনবৃত্তান্ত লিখিবার উপযোগী নয় । সুতরাং তাঁহার সর্বতোমুখী প্রতিভা, সর্বব্যাপিনী বিদ্যা, বীণা-বিনিন্দীত সুমধুর কণ্ঠস্বর—অথবা তাঁহার স্বভাবতঃ সরল হৃদয়, উদার চরিত্র, উন্নত চিত্ত, অকৃত্রিম স্বদেশানুরাগ, পরদুঃখ-কাতরতা, পরার্থপরতা



ব্যক্তক প্রিয়দর্শন সৌম্যমূর্তির কথা আমাদের ন্যায় হীন জনের ক্ষীণ-লেখনী দ্বারা ব্যাখ্যাত হওয়া অসম্ভব। কাজে কাজে সে সকল বিষয়, কিছুই বলা হইল না। তিনি অতুল ঐশ্বর্যের কোলে লালিত হইয়া—ভোগ বিলাস বাসনা ত্যাগ করিয়া—স্বদেশের জন্য—স্বদেশ-ভাষার উন্নতি-কল্পে আজন্ম পরিশ্রম করিয়া আসিতেছেন। তিনি বঙ্গভাষার এক অভিনব পরিবর্তন ঘটাইয়াছেন! তাঁহার লিখিত বঙ্গভাষাই যে, কালে বঙ্গ সাহিত্যের অনেকের আদর্শ হইবে, ইহারই মধ্যে তাঁহার প্রবর্তিত ভাষা এমনই অস্বাভাবিক-সারে বাঙ্গালা ভাষার মধ্যে অনুপ্রবিষ্ট হইয়াছে; আজকাল বিস্তর ভাল ভাল বাঙ্গালা প্রবন্ধে রবীন্দ্রনাথের ভাষার ছায়া দেখিতে পাই। শোভাবাজারের রাজবাটীতে সাহিত্য পরিষদের এক অধিবেশনে কবিকেশরী রবীন্দ্রনাথের একটি বাঙ্গালা প্রবন্ধ শ্রবণ করিয়া সাহিত্য-পরিষদ সভার তাৎকালিক সভাপতি ক্ষণজন্মা স্বনামধন্য ভারতের মুখোজ্জ্বল্যকারী সাহিত্য রথী শ্রীযুক্ত রমেশচন্দ্র দত্ত মহাশয়, মুক্তকণ্ঠে বলিয়াছিলেন—রবীন্দ্রনাথ বাবুর প্রবন্ধের ভাষার মত এমন শ্রুতিমধুর বাঙ্গালা আর কখন শুনি নাই। আমি অনেক বাঙ্গালা পুস্তক লিখিয়াছি বটে, কিন্তু বাঙ্গালা ভাষায় এমন করিয়া মনের ভাব প্রকাশ করা যায়, রবীন্দ্র বাবুর বাঙ্গালা প্রবন্ধ শ্রবণ করিবার পূর্বে তাহা জানিতাম না। বাস্তবিকই, রবীন্দ্রনাথের বাঙ্গালা, সতেজ অথচ সরল—অতরল সরবতের মত মুখপ্রিয় ও উপকারক, সুস্বাদু ও সুপেয়। পড়িতে পড়িতে আশ মেটে না। কিন্তু সে সব কথা যাক্। তাঁহার কলা-জ্ঞানের অনুশীলন, বর্তমান প্রবন্ধের উদ্দেশ্যের অন্তর্গত অথবা অনুকূল নহে। অপ্রাসঙ্গিক বোধে তৎসমস্ত পরিত্যক্ত হইল।

স্বদেশের হিতের জন্য, স্বদেশের শিল্প-বাণিজ্যের উন্নতি-কল্পে কবিকেশরী রবীন্দ্রনাথ, স্বয়ং লোক শিক্ষক-রূপে সংসার ক্ষেত্রে কেমন করিয়া দণ্ডায়মান হইয়াছেন, কৃষিকর্মে তিনি নিজ জীবনের বর্তমান কাল কিরূপে নিয়োজন করিয়াছেন, বক্ষ্যমাণ সংক্ষিপ্ত সন্দর্ভে তাহারই কিঞ্চিৎ পরিচয় দিব। সহৃদয় জমিদারবর্গের ও জনসাধারণের ইহাতে মনুষ্যচক্ষুঃ, কথঞ্চিৎ আকৃষ্ট হইলে, রাজাদের ও জমিদারগণের সমবেত চেষ্টার ফলে আমাদের দেশের ( ভারতের ) ভবিষ্যতে অনেক মঙ্গলই সাধিত হইবে।

সলিলা। তিনি স্বদেশের হিতসাধন-সংকল্পে গলাবাজী করিয়া বজ্জতা করিয়া বেড়ান নাই; অথবা গুছাইয়া গুছাইয়া শব্দ বিন্যাস করিয়া হৃদয়গ্রাহী কোন প্রবন্ধের রচনা নাই বটে, কিন্তু এমন দিন নাই, যে দিন তিনি স্বদেশের জন্য একবিন্দুও অশ্রুপাত করিয়া পৃথিবী সিক্ত না করেন। তাঁহার হৃদয়, স্বদেশ প্রেমময়। তাঁহার রচিত কয়েকটি ভারত-সংগীত শ্রবণ করিলে, প্রকৃত ভাবুকের প্রতি ধমনীতে এক মহাশক্তি সঞ্চারিত হয়। কবিকেশরী রবীন্দ্রনাথকে ভাবে বিমুগ্ধ হইয়া কেবল কবিতা লিখিয়াই নিশ্চিন্ত হইতে, শোনা বা দেখা যায় না। বাহাতে স্বদেশের আত্মীয় বা অনাত্মীয় দলের উপকার সাধিত হয়, বাহাতে স্বদেশের শিল্প-বাণিজ্যাদি কার্যের শ্রীবৃদ্ধি সংসাধিত ও বিশেষ উন্নতি হয়, বাহাতে এদেশে বাণিজ্য-ব্যবসায়-শিক্ষার পথ প্রশস্ত হয়, বাহাতে আমাদের দেশের বিজ্ঞানানুশীলন, সমধিক শ্রীবৃদ্ধিপ্রাপ্ত হয়, তজ্জন্য রবীন্দ্রনাথ, প্রাণপণে যত্ন ও চেষ্টা করিতেছেন। শিল্প ও বাণিজ্য-শিক্ষার্থীদিগকে অর্থ-সাহায্য করিতেছেন। বিজ্ঞানাগারের জন্য অর্থ সংগ্রহ করিতেছেন, এবং কৃষিকার্য ও বাণিজ্য বিস্তারের জন্য নিজেই, সমাজ-শিক্ষকরূপে কার্যক্ষেত্রে অবতীর্ণ হইয়াছেন! প্রতীচ্য শিক্ষায় অহঙ্কৃত ও বিভ্রাভিমান-দৃষ্ট উদ্ধৃত ও মদ-গর্কিত বিশ্ব-বিদ্যালয়ের চিহ্নিত যুবকগণকে অথবা ধনীর সম্মানদিগকে কৃষিকার্য অথবা ব্যবসায়-বাণিজ্যে কর-ক্ষেপ করিতে বলা দূরে থাকুক, সুখের কথাতে উৎসাহ দিতে বলিব না। তাঁহারা, হয়তো অপমান বোধে অগ্নিশর্মা হইয়া উঠিবেন—কত অকথ্য কথাই ব্যবহার করিবেন। এক-এ এবং বি-এ, পাশ করিয়াও সামান্ত অর্থের জন্য লোকের বাটীতেই শিক্ষকতা করিবেন। চাকরী ঘোড়ান তো দূরের কথা। ঘরের খাইয়া অপরের নিকট উমেদারী করিবেন, তাহাও তাঁহাদের স্বীকার! তথাপি আপন জন্মভূমিতে চাষ বাস করিয়া সুখে থাকিতে, তাঁহাদের মস্তকে অপমানের বোঝা যেন মাথায় আসিয়া চাপিয়া বসে। ধনীর পুত্রগণ, আলস্য-সলিলে ডুবিয়া ভোগবিলাসে পৈতৃক সম্পত্তি ক্ষয় করিতে তাঁহারা প্রস্তুত আছেন। তথাপি লাভকর ব্যাপারে মনঃসংযম করিয়া, ধনাগমের পথ পরিকৃত করিতে কিছুতেই তাঁহারা সম্মত হইবেন না। বঙ্গদেশে দুর্বিদ্রতা বৃদ্ধির ইহা এক প্রধান কারণ। এই সকল কুসংস্কার বা বৃথা আত্মাভিমান, বঙ্গদেশের দুঃখের কারণ। এই সকল কুসংস্কার বা বৃথা আত্মাভিমান, বঙ্গদেশের দুঃখের কারণ। এই সকল কুসংস্কার বা বৃথা আত্মাভিমান, বঙ্গদেশের দুঃখের কারণ।

চিন্তা করিয়া কবিকেশরী রবীন্দ্রনাথ, কৃষিকার্য ও শিল্প-বাণিজ্যে অগ্রসর হইয়াছেন। গত ১৩০৫ সালের কার্য-বিবরণী হইতে পাঠকদিগকে তাহারই কিঞ্চিৎ আভাস, আপাততঃ দিতে হইতেছে।

বৎসরের প্রথম দিবস অর্থাৎ ১লা বৈশাখে আদি ব্রাহ্মসমাজের একটা সাপ্তাহিক উৎসব হয়। কবিকেশরী রবীন্দ্রনাথের যোড়াসাঁকোর বাটীতে এই উৎসব সমারোহে সম্পন্ন হইয়া থাকে। উক্ত বর্ষের ১ম দিবসেই এই উৎসব সমাহিত হয়। কবিকেশরী রবীন্দ্রনাথের জনক পরম পূজনীয় শ্রীমহর্ষি দেবেন্দ্রনাথ ঠাকুর মহানুভবই, ইহার অনুষ্ঠাতা। মহর্ষি দেবেন্দ্রনাথের বহির্বাটীর প্রাঙ্গণে উৎসবস্থল নির্দিষ্ট ও সজ্জিত হয়। সেদিন কদলীবৃক্ষ বেষ্টিত, নানা জাতীয় লতা-পত্র মণ্ডিত, বেল, যুঁই, মল্লিকা, মালতী প্রভৃতি নানা সুসৌরভসম্পন্ন পুষ্পরাজি বিরাজিত মহর্ষি দেবের বসতি, যেমন সিদ্ধার্থের তপোবনোপম হইয়া উঠিল! নানা ফল ফুলে শোভিত ধূপ-ধূনা-চন্দন, দীপ, কুঙ্কুম-কস্তুরী প্রভৃতি সদৃগন্ধদ্রব্য দ্বারা সুবাসিত শঙ্খঘণ্টা নিনাদিত সেই তপোবননিভ নিবসতি-স্থলে সেই ভূত-ভবিষ্য বর্ষের সন্ধিস্থলে সেই অতীত মহাপুরুষদিগের কথিত ব্রাহ্ম মুহূর্ত্তে সেই আলোক-অন্ধকারের মধ্যে দেবাদিদেব মহাদেবের অর্চনা হয়। যথার্থই সেই সময়ে হৃদয়ের মধ্যে ভক্তি-প্রেমের শত-উৎস উৎসাসারিত হয়। ক্ষণকালের জন্ত—সমাগত উপাসনানিরত ব্যক্তি সমস্ত, স্ব স্ব অস্তিত্ববিশ্ব্তি-বারিধিতে নিমজ্জিত করিয়া দিয়া জগন্মাতায় আত্মসমর্পণ পূর্বক ভূমানন্দ লাভ করিয়া জীবন পবিত্র করেন। কবিকেশরী রবীন্দ্রনাথ, এই উৎসব উপাসনাস্ত্রে একটা ভাগবত-সংগীত গান করিয়া সমুপস্থিত সভাস্থ সমবেত ভদ্রমণ্ডলীকে যেন মস্তমুগ্ধ করিয়া দিয়াছিলেন। সেই সুমধুর কালের মধুর কণ্ঠনিঃসৃত সুমধুর সংগীত, অত্য়পি আমাদের কর্ণপ্রান্ত্রে বার বার প্রতিধ্বনিত হইতেছে, রবীন্দ্রনাথের এই বৎসরের কার্য-বিবরণ ধারাবাহিক-রূপে সমালোচন করিলে বোধ হয়, যেন তিনি এই পবিত্র স্থানে বসিয়া বৎসরের প্রথম দিনে পবিত্র হৃদয়ে প্রশান্তমনে ১৩০৫ সালের কর্তব্যকর্ম স্থির করিয়া লইয়াছিলেন। তাঁহার সংকল্পিত কর্ম সকল কেমন করিয়া সম্পূর্ণ হইল, কিরূপে তাহা সকলের গ্রহণীয় হইল, যথাযথভাবে তাহা ব্যক্ত করাই এ প্রবন্ধের উদ্দেশ্য।

## অনুপমা ।

—\*:\*—

## রূপ-কথা ।

( ১ )

“শ্রীচরণে—

“আমাদের বিবাহ হইবার পরে, আমি আপনাকে এই প্রথম পত্র লিখিতেছি। আপনি আমাকে দুই তিনখানি পত্র লিখিয়াছিলেন সত্য, কিন্তু সে সকল পত্রের উত্তরে এতদিন আমি কিছুই লিখি নাই। কেন লিখি নাই, আজ তাহাই স্পষ্ট করিয়া বলিব।

“আমরা উভয়ে শুভ পরিণয়বন্ধনে বন্ধ হইয়াছি বটে, কিন্তু আমাদের ইচ্ছা-অনিচ্ছার কথা, কুচি-প্রবৃত্তির কথা, আমরা পূর্বে কেহ কাহাকেও বলি নাই। আমাদের দেশের হিন্দু-সমাজের সে রীতি নহে, আমাদের উভয়ের অভিভাবকগণ একটা কিছু ঠাওরাইয়া আমাদের বিবাহ-কার্য সম্পূর্ণ করিয়াছেন। বর-কন্যার শুভদৃষ্টিও বিবাহের পূর্বে হয় না; কিন্তু আপনি একবার বন্ধুগণের সহিত লুকাইয়া আমাকে দেখিতে আসিয়াছিলেন। আমি যে রূপসী, সে কথা সে সময়ে পাকে-প্রকারে বন্ধুগণকে বলিয়াছিলেন। কিন্তু আমার পক্ষের কথা তখন বলা হয় নাই।

“আমার যখন বিবাহ হয়, আমার বয়স তখন ১৬ বৎসর হইয়াছিল। কিন্তু আপনাদিগকে মিথ্যা করিয়া বলা হয়, আমার তখন মোট ১৩ বৎসর বয়স। এ মিথ্যার জন্ত আমি দায়ী নহি। আপনি জানেন যে, আমাকে একটি মেম লেখাপড়া শিখাইয়াছেন, তিনি ইংরাজ রমণী হইলেও,—খৃষ্ট-ধর্মাবলম্বিনী হইলেও, তিনি আমার শিক্ষয়িত্রী, ইষ্টদেবী স্বরূপিনী। তাহারই আদেশক্রমে আমি আপনাকে এই পত্র লিখিতেছি। আমার প্রগল্ভতা আপনি ক্ষমা করিবেন। আপনি উচ্চ শিক্ষায় বিমণ্ডিত, উদার প্রকৃতিক সাধুপুরুষ। আপনার কাছে মনের কথা সরলভাবে বলিলে, অবশ্যই আপনি মন্দ ভাবিবেন না; আমার ছরবহার বিষয় বিবেচনা করিয়া আমাকে ক্ষমা করিবেন।

“আমাদের বিবাহের বহু পূর্বেই আমি শ্রীযুক্ত সিতেশচন্দ্র চট্টোপাধ্যায়



সহায় স্বয়ং ভগবান এবং আমার শিক্ষয়িত্রী । সিতেশ বাবু যে আমার মনোবাঞ্ছার কথা জানেন না, তাহাও নহে ; তিনি আমার নিকীচনে সুখী হইয়াছিলেন এবং আমাকে পত্নীরূপে গ্রহণ করিবার জন্ত শুভ অবসরের প্রতীক্ষা করিতেছিলেন । কিন্তু তিনি কোলিকটমধ্যাঙ্গা-শূন্য এবং দরিদ্রের সন্তান, আমার পিতা তাই আমাকে তাঁহার করে সম্প্রদান করিতে পারেন নাই । আপনি কুলীন, ধনী পুত্র এবং স্বয়ং শিক্ষিত ; তাই আমার পিতা দশ হাজার টাকা ব্যয় করিয়া, অনেক লাঞ্ছনা-গঞ্জনা সহ করিয়া আপনাকে জামাতার পদে বরণ করিয়াছেন । আপনাদের হিন্দুসমাজের দৃষ্টিতে আমি আপনার পত্নী, আপনি আমার স্বামী ; কিন্তু যিনি সকল সমাজের সারভূত—সকল জাতির ইষ্ট দেবতা—সেই দয়াময় পরমেশ্বরের সিংহাসনের সম্মুখে আমি সিতেশ বাবুর স্ত্রী । আপনার প্রণয়-লিপির উত্তর দিতে হইলে, আপনার প্রণয়-আলিঙ্গনের প্রতি-আলিঙ্গন দিতে হইলে আমাকে বিচারিণী সাজিতে হয়,—আমাকে সয়তানের সহায়ী সাজিতে হয় । রাজার আইন—সমাজের শাসন, সবই আপনার অধুকূল ; আপনি আমার দেহ লইয়া বাহা ইচ্ছা তাহাই করিতে পারেন । কিন্তু আমি ত ভিতরের সকল কথা আপনাকে বলিলাম ; যে দয়াময় আপনার আশ্রয় অবস্থিতি করিতেছেন, তিনিই আপনাকে সুবুদ্ধি দিবেন, তিনিই আপনাকে সৎপথ নির্দেশ করিয়া দিবেন, ইহাই আমার ভরসা ইতি ।”

“কুমারী অনুপমা ।”

(২)

তাই পাঠক ! হাসিও না ; কিন্তু ইহাই আমার প্রথম প্রণয়-লিপি । বড় সাধ করিয়া অনুপমাকে বিবাহ করিয়াছিলাম, তাহার অল্পম রূপ-মাধুরী দেখিয়া, তাহার হাতে পিয়ান বাজান শুনিয়া, তাহার কণ্ঠে অপূর্ব সঙ্গীত শুনিয়া, তাহার মুখে সেলি বাসরগ—বিদ্যাপতি চণ্ডীদাস প্রভৃতির কবিতা পাঠ শুনিয়া, আমি দিশাহারা—জ্ঞানহারা হইয়া, বড় সোহাগে অনুপমাকে বিবাহ করিয়াছিলাম । আমার হৃদয়-স্বর্গের নন্দন-বনের বন-দেবী করিবার জন্ত আমার নিষ্কলঙ্ক প্রীতি-পর্যায়কে অনুপমাকে বসাইয়া ছিলাম । কেমন করিয়া বলিব, অনুপমার কত রূপ ; সেই ভাসা ভাসা বড় বড় চোখ দুইটি—সেই চাঁদ নিঙ্ড়ান চাঁদমাখান স্বচ্ছ কপোলযুগল,

মরি ! কুঞ্চিত চুলগুলি গ্রীবার উপর পড়িয়া, খোঁপাট গ্রীবার উপর হেলিয়া থাকিয়া, রাহু-কবলিত অর্ধ-চক্রেয় স্থায় অপরূপ শোভা বিস্তার করিতেছিল। আর সেই দেহ-লতিকা !—সত্য সত্যই যেন স্বর্ণলতিকা। শালকাণ্ড বিলম্বিতা পুষ্পাভরণ-ভূষিতা বল্লরী যেমন ধীরপবনে ধীরে ধীরে কাঁপিতে থাকে, তেমনি অনুপমার দেহলতা লাবণ্য-কুসুমভরণা হইয়া সোহাগভরে ধীরে ধীরে যেন সদাই কাঁপিতেছে।

আমি কি পাগল হইব, আমার অনুপমা আমাকে কেন এমন পত্র লিখিল ? আমি কি করি !—আমি যে সে রূপের মোহ ছাড়িতে পারি না, আমি যে সে রূপের মোহ এড়াইতে পারি না, আমি যে সে রূপের জন্ত সর্বত্র জলাঞ্জলি দিয়াছি ! আমার ওকালতী গিয়াছে, উপার্জন বন্ধ হইয়াছে, বোক-বোকিকতা উঠিয়াছে, পিতৃমাতৃ-সেবা ঘুচিয়াছে,—আমার ইহকালও নাই, পরকালও নাই ! আমার রূপের কনক-কটরায় কে এমন হলাহল ঢালিল রে ? আমার সুখের কামিনীকুঞ্জে কে এমন কুরঙ্গ ব্যাল ঝাড়িয়া দিল রে ? আমার বিলাসের চন্দ্রমাক্রোড়ে কে এমন কলঙ্কের শশক বসাইয়া দিল রে ?

আমি কি পাগল হইব ! পাগল হইবার বাকিই বা কি ? পত্রপ্রাপ্তি পর্যন্ত আমার আহা-নিদ্রা নাই, সাজ-সজ্জা নাই, রহস্তালাপ নাই, কর্তব্যজ্ঞানও নাই ! ওহো ! এ কি রূপের জ্বালা ! এ কেমন প্রদাহ ! বজ্র সূচিবোধের স্থায় এ জ্বালা আমার ভিতর পুড়াইয়া থাক করিয়া দিতেছে, আমার সরস হৃদয়কে শুকাইয়া বালুকাপূর্ণ ভীষণ মরুতে পরিণত করিতেছে। সত্য সত্যই আমি পাগল হইলাম, সেই শিক্ষয়িত্রী ইংরাজ রমণী—সে কি ব্রাহ্মসী, সে কি পিসাচী ? কেন সে আমার সুখের পথে শব্দানের অতি উচ্চ চিতাভস্ম ঢালিয়া দিল ? আমি মরিলেই যে বাঁচিতাম।

(৩)

পাগলের স্থায় দিক্-বিদিক্ জ্ঞানশূন্য হইয়া, আমার শৈশব-সুহৃদ প্রিয়বাবুর নিকট ছুটিয়া বাইলাম ; তাঁহাকে পত্রখানি পড়িয়া শুনাইলাম, তিনি একটু মুচকি হাসিলেন। আমার বড় রাগ হইল। আমার মুখ দেখিয়া যনের ভাব বুঝিয়া, প্রিয়বাবু আর একটু হাসিয়া বলিলেন, “শরৎ ! অমন জ্ঞানহারা হইও না, পত্রে এমন মারাত্মক কিছুই নাই। তুমি অনুপমা-কে ত ত্যাগ করিতে পারিবে না। ত্যাগ করিবার কথা বলিলে ভ্রম

যে মরিয়া যাইবে! আর অনুপমাও ত্যাগের যোগ্য নহেন, তিনি অতি রূপসী এবং সুশিক্ষিতা, তাঁহার পত্র গুনিয়া বুঝিলাম, তোমার শ্রায় তিনিও রূপমুগ্ধা এবং ভাববিহ্বলা। সিতেশবাবু সুপুরুষ, সিতেশবাবুর চেহারায় এমন কিছু আছে, যাহা দেখিলে যুবতী কাণ্ডজ্ঞানশূন্য হয়।”

আমি কাতরভাবে বলিলাম—“উপায় ?”

প্রিয়।—উপায় আছে বই কি! তোমার বাবাকে বলিয়া অনুপমাকে তোমাদের নিজের বাটীতে আনাও; নিজের কাছে রাখিও না, দম্‌দমার বাগান-বাড়ীতে তাহাকে রাখিয়া দাও। তোমার বৃদ্ধা পিসিমাকে তাহার সঙ্গে থাকিতে বল, দাসদাসী থাকুক, দরবান বেহারা থাকুক। তিনমাস ফাল সে বাগানে তোমার ছোট ভাই ভগিনীপতি প্রভৃতি কোন যুবকই যেন না যাইতে পারে। তুমি প্রত্যহ একবার করিয়া যাইবে; আর দেখিও, অনুপমা যেন সিতেশকে কোন পত্র লিখিতে না পারে; আর জনানা মিশনের সেই শিক্ষয়িত্রী ইংরাজ রমণী কিছুতেই যেন অনুপমার সাক্ষাৎ না পায়।

আমি।—ইহাতে কি হইবে, জ্বরদন্তিতে কি কাহাকেও ভালবাসান যায়! ছোর করিলে অনুপমা একটা বিপদ ঘটাইতে পারে, আত্মহত্যা করিতে পারে।

প্রিয়।—তুমি পাগল হইয়াছ, তাই সকল কথা বুঝিতে পারিতেছ না। অনুপমা কেবল লেখা-পড়াই শিখিয়াছে, কেবল গান-বাজনা শিখিয়াছে, আর শিক্ষয়িত্রীর কাছে কেবল নাটক নভেল পড়িয়াছে; কাব্যগাথা পড়িয়া এবং বিলাতী ক্রি লভের মন্দ বুঝিয়াছে। অনুপমা ধর্ম-কর্ম শিখে নাই, সমাজ তত্ত্ব বুঝে নাই, কর্তব্যাবধারণ করিতেও পারে নাই; কিন্তু অনুপমা হিন্দু গৃহস্থের কন্যা, হিন্দুসংস্কারে প্রতিপালিতা। অনুপমার প্রকৃতি হিন্দুউপাদানে গঠিত, অনুপমার প্রাণ হিন্দুয়ানীতে পূর্ণ। এই পত্রখানি নূতন যৌবনের প্রথম জ্যেয়ারের—নূতন শিক্ষার প্রথম তাড়নায় রূপবিলাসের মোহে লিখিত। যদি তাহাকে কিছুদিনের জন্য স্বতন্ত্রভাবে রাখা যায়, যদি তাহার বিমূঢ় হিন্দু-প্রকৃতির উন্মেষের পক্ষে চেষ্টা করা যায়, তাহা হইলে সে আবার তোমারই হইবে। তোমার পিসিমা সে কালের পাকা গিন্নি, তিনি কাছে থাকিয়া তাহাকে সহপদেশ দিবেন, আর তুমি মাঝে মাঝে এক একবার দেখা দিয়া আসিও। অনুপমার নূতন যৌবনের প্রথর স্রোতের সরল পথে বিকৃত

ভাবের ঝালির বাধ পড়িয়াছে, তোমাকে মধ্যে মধ্যে দেখিতে দেখিতে  
বুঝতীর স্পৃহার প্রবাহ তোমার দিকেই ছুটিয়া আসিবে; তোমার অনুপমা  
তোমারই হইবে।

আমি।—এই উপারে কি ভালবাসা ফুটিতে পারে? আমি কেবল  
অনুপমাকেই চাই না, তাহার ভালবাসাকেও চাই।

প্রিয়।—ইংরাজী পড়িয়া তোমার ও মাথা বিগড়াইয়াছে। ইংরাজী নাটক  
নভেলে যে প্রকার অনুরাগের কথা আছে, সে প্রকারের তীব্র অনুরাগ  
আমাদের ভাতথেকে বাঙ্গালীসমাজে সম্ভবে না। বিশেষ, সিতেশের প্রতি  
অনুপমার যে অনুরাগ, তাহা অনুরাগই নহে। সামান্য একটা খেয়ালমাত্র;  
অহংরহ নাটক নভেল পড়িয়া বুঝতীর মনের একটা বিকার মাত্র। বিকারের  
ঔষধ আছে, কিন্তু প্রকৃতির বিকৃতির ঔষধ নাই। অনুপমার এই বিকারের  
যে চিকিৎসা কর্তব্য, তাহা আমি করিলাম। তুমি তিন মাসকাল ধৈর্য ধরিয়া  
থাকো। আমি ছরাশার ছুটখাস ফেলিয়া ধীরে ধীরে বাড়ী আসিলাম, এবং  
প্রিয়নাথের উপদেশ মত সকল ব্যবস্থাই করিলাম।

( ৪ )

ছই মাস কাটিয়া গিয়াছে, আজ আমার সূপ্রভাত, অনুপমা আজ এক-  
খানি পত্র লিখিয়াছে। পত্রখানি এই,—

“প্রিয়তম!

“ইহজীবনে আমার প্রায়শ্চিত্ত কি শেষ হইবে না। আমি বুঝিয়াছি,  
আম্রার প্রায়শ্চিত্ত তুষানল, সে তুষানলজ্বালা আমি ভোগ করিতেছি।  
জানিনা, কি কক্ষণে পিতা আমাকে লেখাপড়া শিখাইবার ব্যবস্থা করিয়া-  
ছিলেন,—কি কক্ষণেই আমি মিস ফক্সের ছায় শিক্ষয়িত্রীর হাতে পড়িয়া-  
ছিলাম! আমার সোনার সংসার—সুখের ঘর বাড়ী—রাজা স্বস্তর, অন্নপূর্ণা  
তুল্যা শাওড়ী, ইন্দ্রতুলা স্বামী, আমি পাইয়া হারাইলাম।

“আমির কি অপরাধ! আমার যেমন শিখাইয়াছিল, তেমন শিখিয়া-  
ছিলাম, যেমন বুঝাইয়াছিল, তেমন বুঝিয়াছিলাম, আর তাহাকে সামনে  
পাইয়াছিলাম, তাহাকে আপন বলিয়াই আদর করিয়াছিলাম। আমি মারী  
মাত্র,—অবলা চিরবিহ্বলা, আমার অপরাধের এমন বিষম প্রায়শ্চিত্ত কেন  
নাথ! আমি ত বুঝতীমূলভ কপট ব্যবহার করি নাই! পোড়া বুদ্ধিতে  
তখন যাহাল ভাবিয়াছিলাম, তোমাকে তাহাই লিখিয়া জানাইয়াছিলাম।



“তুমি স্বামী, আমার দেবতার দেবতা, আমার ইহকাল ও পরকালের সর্বস্ব। তুমি দয়া করিয়া তখন আমাকে ত্যাগ করো নাই, তাই আমি এখনও কুলান্দনার পবিত্র আসনের অধিকারিণী হইয়া আছি। যে দয়া প্রভাবে সে হুঃসময়ে তুমি আমার রক্ষা করিয়াছিলে, সেই করুণা-শুণে তোমার পদপ্রান্তে একটু স্থান কি দিবে না? আমি কান্দালিনী বনবাসিনী; সন্ধ্যার পূর্বে যখন আমি আমার বনবাটীকার বাতায়নপথে বসিয়া থাকি, তখন দেখিতে পাই, তুমি বাগানে পদচারণা করিতেছ, প্রাণে বড় সাধ হয়, একবার ছুটিয়া গিয়া তোমার পদপ্রান্তে পড়ি, আর ঐ চাকচর্য যুগল হৃদয় ধরিয়া, কাঁদিয়া কাঁদিয়া মনের সকল ব্যথার কথা তোমাকে বলি; কিন্তু আমি যে রমণী, আমার রমণীমূলভ লজ্জা আসিয়া আমার ইচ্ছাপথে বাধা দেয়। আমার হৃদয়ের বাসনা হৃদয়ে উন্মীলিত হইয়া হৃদয়েই বিলীন হয়।

“ছাই লেখা পড়া! আমি যদি লেখা পড়া না শিখিতাম; আমি যদি নাটক নভেল না পড়িতাম, তাহা হইলে সেই ফুলশয্যার রাজি হইতেই আমি তোমার সকল সোহাগের অধিকারিণী হইতে পারিতাম।

“রক্ষা কর প্রভু! আমার রক্ষা কর; তুমি না রাখিলে আমার কে রাখিবে? তুমি আমার লজ্জা-নিবারণ, বিপদভঞ্জন; তুমি আমার এই তুচ্ছ নারীজীবনের ত্রাণকর্তা; আমি তোমার দাসীর দাসী হইবার যোগ্য নহি, আমি তোমার সেবিকা হইবার উচ্চ-আশা রাখি না; কিন্তু তুমি দয়া করিলে আমার ইহকাল ও পরকাল দুই বজায় থাকিবে। ইতি—”

“তোমার দাসী

অম্বুপমা।”

পত্রখানি পাঠ করিলাম, পাঠ করিবার কালে চক্ষুকে বিশ্বাস করিতে পারিলাম না, বুদ্ধিকে বিশ্বাস করিতে পারিলাম না, হৃদয়কেও বিশ্বাস করিতে পারিলাম না। ভাবিলাম একি! আমি কি সত্য সত্যই জীবিত? ইহা কি প্লেস্তপুরির এক অলৌকিক কাণ্ড? আর প্রিয়নাথ! সে কি দেবতা না ভবিষ্যৎদর্শি ঋষি! ছুটিয়া গিয়া প্রিয়নাথের পদপ্রান্তে পত্রখানি ফেলিয়া দিলাম, সে কুড়াইয়া লইয়া পড়িল। আবার সেই হাসি,—নির্ঝিকার প্রশান্ত মুখে আবার সেই মুচ্চিকি হাসি! হাসি দেখিয়া আমি ত আর নাই। দুই মাস পরে সেই ভীষণ পত্রখানি পড়িয়া প্রিয়নাথ হাসিয়াছিল, আজ এই প্রাণ-মম

পাৰ্গল-করা পত্রখানি পড়িয়া প্রিয়নাথ আবার হাসিল। উদ্ভ্রান্ত উদ্ভ্রান্ত হইয়া আমি বলিলাম, “এমন করিয়া হাস কেন ভাই! বারে বারে এমন করিয়া আমার দেখিয়া এবং আমার পত্নীর পত্র পাঠ করিয়া হাস কেন ভাই? তোমার হাসি দেখিলে যে আমি আত্মহারা হই।”

প্রিয়।—অত চঞ্চল হইও না, ঔষধ ধরিয়াছে দেখিয়া আমি হাসিয়াছি। রোগী কেবল অনুপমা নহে; তুমিও রোগী। অনুপমার চিকিৎসার সঙ্গে তোমারও চিকিৎসা হইতেছে; তোমার পক্ষে স্বতন্ত্র পথ্যের ব্যবস্থা করি নাই।

আমি।—কিছুই বুঝিলাম না। তোমাকেও বুঝিতে পারিলাম না, তোমার ভাষাও বুঝিতে পারিলাম না।

প্রিয়।—না বুঝিবারই কথা। যে দিন মা তোমাকে বরণ করিয়া তোমার বিবাহ-যাত্রায় তোমাকে পাঠাইতে ছিলেন, সেই সময় মা জিজ্ঞাসা করিয়া-ছিলেন, বাবা, তুমি কাকে আনিতে যাইতেছ? অবনতহস্তকে তুমি বলিয়া-ছিলে, মা, তোমার দাসী আনিতে যাইতেছি। বলিতে হর বলিয়া, তুমি এমন কথা বলিয়াছিলে; নিজের মনের সহিত লুকাচুরী করিয়া মাতৃসন্নিধানে মিথ্যা কথা কহিয়াছিলে।

আমি।—কেন ভাই?

প্রিয়।—মায়ের দাসী আনিতে হইলে এত বিড়ম্বনা সঙ্গ করিতে হর না। অনুপমার রূপমোহে মুগ্ধ হইয়া রূপপূজা করিবার জন্ত ছুটিয়াছিলে, তাই তোমার এত বিড়ম্বনা। হিন্দুর সংসার—দেবতার সংসার; মাকার সজীব দেবদেবী পিতা ও মাতা এই সংসারে অধিষ্ঠান করিয়া থাকেন। এমন সংসারে বিলাস এবং রূপের সেবা স্থান পায় না। তুমি অঘটন ঘটাইতে চাহিয়া ছিলে, তাই তোমার নরক যন্ত্রণা ভোগ করিতে হইল। আর দিন কয়েক ষাটক, অনুপমা বখন শস্তর ও শস্তর সেবার জন্ত অস্থিরা হইবে, তখন তুমি তাহাকে পাইবে।

(৫)

আজ আমার সুপ্রভাত! এমন দিন বুঝি আমার ইহজীবনে আর হইবে না। মাতা ঠাকুরাণী দমদমার বাগান বাড়ীতে আসিয়াছেন। অনুপমা তাঁহার পদসেবা করিতেছে, মা আমার ডাকিলেন, আমি তাঁহার প্রকোষ্ঠে যাইলাম, দেখি অনুপমা মায়ের এক জানুর উপর বসিয়া আছে, মা আমার

দিয়া বলিলেন, “তোদের ছেলে মানসী ঝগড়া রাখ্ । আমার ঘরের লক্ষ্মী ঘরে নিরে ঘাই, আমার এ জীবনের সকল সাদ মিটুক ।”

হাসিতে হাসিতে আমরা সে দিন সন্ধ্যাবেলা বাড়ী আসিলাম । ছয় মাস পরে আমার শয়নকক্ষ আবার অধিকার করিলাম । আহাৰান্তে পানের ডিবা হাতে করিয়া কক্ষে আসিলাম এবং পর্য্যকোপরি বসিলাম । কিয়ৎক্ষণ পরে অনুপমাও আসিল, আগিয়াই সে আমার পা দুখানি জড়াইয়া ধরিল ; জীবনের ধারায় ছাই নয়ন দিয়া অক্ষধারা বহিতে লাগিল আর মাঝে মাঝে বাঙ্গদগদকণ্ঠে অধরযুগল ফুলাইয়া ফুলাইয়া, “আমায় ক্ষমা কর” এই কথাটি বলিতে লাগিল, আমি আর থাকিতে পারিলাম না । আমার যৌবন-সুখের অধিষ্ঠাত্রী দেবী ; আমার সোহাগ-স্বপ্নের হরিণী, এমন করিয়া আমার চরণতলে কেন পড়িয়া থাকিবে !

আমি দুই বাছ প্রসারিত করিয়া আমার কনক লতাকে উঠাইয়া লইলাম । আমার ইহকালের সুখ, আমার বাঙ্গালী জীবনের সংসার, আমার মনুষ্যত্ব, আমার পরকালের ভয়সা,—সবই বজায় রহিল, এতদিন পরে আমরা দুই জনে হংসদম্পতির স্তায় রূপসাগরে ভাসিয়া বেড়াইতেছি ।

শ্রীপাঁচকড়ি বল্লভ্যাপাধ্যায় ।

## গোকুলে-শ্রীকৃষ্ণ ।

( পূৰ্ব-প্রকাশিতের পর )

পূৰ্বে বলা হইয়াছে, গোপগৃহে অন্নগ্রহণের কথা । এখন হইতেছে গোপিনী বিহারের কথা । হেরম্ব-হিতবাদীর কলঙ্ক ঘোষক মকদ্দমার সময় এদেশের কতিপয় প্রসিদ্ধ পণ্ডিত আদালতে উপস্থিত হইয়া ঐ বিহার শব্দের যে প্রকার ব্যাখ্যা করিয়া ছিলেন, সে প্রকার অদ্ভুত ব্যাখ্যা হইলে আমরা এখানে নিশ্চয়ই পরাস্ত হইব কিন্তু বনবিহার, গগনবিহার, পাদবিহার প্রভৃতি নির্দোষ অর্থে বিচার করিলে কৃষ্ণচরিত্র কদাচ কলঙ্কিত ঘোষ হইবে না ।

ঘোষ করুন, যমুনা কুলে কদম্বমূলে বসিয়া কৃষ্ণ বাঁশী বাজাইলেন, গৃহস্থ গোপিনীরা গৃহকার্য্য ফেলিয়া কৃষ্ণদর্শনপিপাসায় অতি দ্রুত যমুনা

কুলে সমবেত হইল; ইহাতে কি কৃষ্ণের অথবা গোপিনীগণের বিষয় বাসনার কোনপ্রকার আভাষ পাওয়া যায়? গোপিনীরা কৃষ্ণপ্রেমে বিমুগ্ধ হইয়াছিল, একথা সত্য, কিন্তু সে প্রেম অল্প প্রকার। সে প্রেম হৃদয়ের;— বাহ্য বিহারের জন্ত ইন্দ্রিয় বিকারের বাহ্য প্রেম নহে।

নহে কেন, তাহাও আমরা বুঝাইবার চেষ্টা করিব। ষোলশত গোপিনী না হউক, অন্ততঃ বিংশতি গোপিনীও বংশীর স্বরে আকৃষ্ট হইয়া এক সঙ্গে কৃষ্ণ দর্শনে বনমধ্যে যাইত; কেহ কেহ যমুনা হইতে জল আনিবার ছল করিয়া কৃষ্ণ দর্শনার্থ কদম্বতলে প্রধাবিত হইত; মধুর অধরে মধুর মুরলী ধারণ করিয়া মনোহর ভূভঙ্গিম ঠামে বনবিহারী বনমালী মুরলীমোহন শ্রীকৃষ্ণ সেই সমবেত কামিনী-কুলের মধ্যস্থলে সহস্র বদনে শোভা পাইতেন; তাহাতে কি বাহ্য প্রেমের কোন প্রকার লক্ষণ প্রকাশ পাইত? ততগুলি সুন্দরী যুবতী কামিনী একত্র, কৃষ্ণ যদি,—একাদশ বর্ষিয় বালক কৃষ্ণ যদি ইন্দ্রিয় বশে তাহাদের মধ্যে কাহার প্রতি অধিক অনুরাগ দেখাইতেন, তাহা হইলে তত বিলাসিনীর মধ্যে কাহারও মনে কি কিঞ্চিৎ মাত্রও ঈর্ষার উদয় হইত না? বহু রমণী সাক্ষী রাখিয়া কেহ কি কখন কোন রমণীর নির্জন প্রেমালাপের অভিলাষ রাখে? কখনই না। কৃষ্ণ সর্বদাই বহু গোপিনী একত্র পাইয়া সানন্দে কোতুক লীলা প্রদর্শন করিতেন। কুঞ্জবনে রাধিকার সহিত মিলন হইত, সেখানেও সঙ্গে থাকিত অষ্ট সখী। ইহা যদি গোপিনী বিহার হয়, তাহা হইলে নিশ্চয়ই সে বিহারকে নির্দোষ বিহার বলিয়া স্বীকার করিতে হইবে। স্বীকার যাহারা করিবেন, তাঁহারা কদাচ বালক শ্রীকৃষ্ণকে মাখনচোরা লম্পট বালক নামে কলঙ্কিত করিতে চাহিবেন না, ইহাই আমাদের বিশ্বাস।

পরিতাপের বিষয়, বিষ্ণুভক্তি পরায়ণ বৈষ্ণব সম্প্রদায় হইতেই কৃষ্ণ চরিত্রে কলঙ্কার্পিত হইতেছে। যাহারা আপনাদিগকে বিশুদ্ধ বৈষ্ণব বলিয়া পরিচয় দেন, বৈষ্ণবধর্ম্মানুসারে কার্য করেন, তাঁহারা অবশ্যই শ্রদ্ধার পাত্র;—তাঁহাদের মধ্যে যাহারা গোঁড়া, তাহারা ই নানা অনর্থ সৃজন করিতেছে। জ্ঞানী লোকেরা বলেন, গোঁড়ারাই কৃষ্ণকে নষ্ট করিল। বিহার লীলা প্রসঙ্গে গোঁড়ারা বলে, সর্ব রসের প্রধান রস আদি রস, সেই রসে গোপিনীরা কৃষ্ণের সহিত মিলিত হইয়াছিল, সেই ভক্তিতেই অতি সহজে গোপিনীদের কৃষ্ণ প্রাপ্তি। গোঁড়াদের এই সিদ্ধান্তের প্রতি



কিছু মাত্র বিশ্বাস রাখিতে সাধুলোকের প্রবৃত্তি হয় না। কৃষ্ণের নামে কলঙ্ক দিয়া আপনারা অধর্ম্যে ডুবিয়া ইতরের নিকটে ধার্মিক নামে যশস্বী হইবে, ইহাই গোঁড়াদের চেষ্টা। সে দুশ্চেষ্ট উত্তরকালে কিছুতেই ফলবতী হইবে না। কৃষ্ণের গোপাল ভক্তগণের প্রসঙ্গ তুলিয়া গোঁড়ারা দস্ত করিয়া বলে, কৃষ্ণের আবার জাতি কি? নন্দদুলাল নন্দের গৃহে অন্নগ্রহণ করিয়া পালিত হইয়া ছিলেন, তাহাতে দুলালের দেবত্বই সপ্রমাণ হইতেছে।

অন্নগ্রহণ করিলেই দেবত্ব সপ্রমাণ হয়, নতুবা হয় না;—আদিরসে মিশ্রিত হইলেই কৃষ্ণপ্রেমে কামিনী-কুলের মুক্তিলাভ হয়, নতুবা হয় না;—গোঁড়াদের এই অদ্ভুত মীমাংসা তত্ত্বানভিজ্ঞ মূর্খ বৈষ্ণবদের কতদূর অপকার করিতেছে, তাহা যাহারা চিন্তা করেন, ভারতের স্বেচ্ছাচার গোঁড়াকুল যত শীঘ্র সমূলে নিশ্চূল হয়, তাহাই তাহারা মঙ্গল ভাবিয়া থাকেন। গোঁড়ারা বাস্তবিক কৃষ্ণকে চিনিতে পারে নাই;—যতদিন গোঁড়ামী থাকিবে, ততদিন পারিবেও না। কৃষ্ণ চরিতে তাহাদের কিছুমাত্র দৃষ্টি নাই।

মানব সংসারে শ্রীকৃষ্ণের মহিমা এবং কার্যকলাপ যত কিছু, তৎসমস্তই মহাভারতে বর্ণিত আছে। মহাভারতে অথচ কৃষ্ণের বাল্যলীলার কিছুমাত্র প্রসঙ্গ নাই। মহাভারতের অভিনয়-রঙ্গে কৃষ্ণের প্রথম প্রবেশ কখন, মহাভারত পাঠকেরা তাহা জানেন। পঞ্চালরাজ্যে দ্রৌপদীর স্বয়ম্বর সভায় লক্ষ রাজা যখন একত্র হন, সেই সময় কৃষ্ণ বলরাম সেই সভায় প্রথম দর্শন দিয়াছিলেন; তদবধি ভারতক্ষেত্রে তাহাদের প্রথম কার্যের আরম্ভ। পঞ্চপাণ্ডব সেই স্বয়ম্বর সভায় ছদ্মবেশে উপস্থিত ছিলেন, কৃষ্ণ তাহা জানিতেন;—পাণ্ডবের সহিত কৃষ্ণের কি সম্বন্ধ, তাহাও কৃষ্ণ জানিতেন, কিন্তু তৎপূর্বে কৃষ্ণ একবারও পাণ্ডবগণের সহিত সাক্ষাৎ করেন নাই। লক্ষ্যভেদের পর দ্রৌপদীর বিবাহের সময় পাণ্ডবের সহিত শ্রীকৃষ্ণের প্রথম পরিচয়। তদবধি ভারত সংগ্রাম এবং যজুবংশ ধ্বংসকাল পর্য্যন্ত কৃষ্ণের বাল্যলীলা, নন্দালয়ে বাস, গোপাল ভোজন এবং গোপিনী বিহারাদির কোন প্রসঙ্গ মহাভারতে নাই। আছে কি?—কুল্লিণীর স্বয়ম্বর সভায় শিশুপাল যখন কৃষ্ণনিন্দা করেন, সেই সময়ে একবার শিশুপালের মুখে

পাওয়া যায়। শিশুপাল চিরদিন শ্রীকৃষ্ণের বিদেষী ছিলেন, তাঁহার রচিত কুৎসার কথাকে কৃষ্ণের অভিজাত্যের সত্য প্রমাণ বলিয়া গ্রহণ করা যায় না। যাহারা নিন্দা করে, তাহারা সকল কথা সত্য বলে না, ইহা সকলেই জানে; অতএব নিন্দুকের বাক্য প্রমাণে কৃষ্ণ চরিত্রের বিচার করা কদাচ যুক্তিসঙ্গত হইতে পারে না।

অবতার বলিয়া স্বীকার করিলে কৃষ্ণ একটা আদর্শ অবতার, নমস্কার করিয়া অবশুই ইহা স্বীকার করিতে হইবে। মানব শিক্ষার অভিপ্রায়ে, দুষ্ট দমন, শিষ্ট পালনে ভূভার হরণ করণের অভিপ্রায়ে অবতারের উদ্ভব, পুরাণ শাস্ত্র প্রমাণে ইহাই প্রতিপন্ন হয়। যাহাতে মানব জাতির মঙ্গল হয়, মানব দেহ পরিগ্রহ করিয়া কৃষ্ণ সেই উদ্দেশ্যে মানব সংসারে ছোট বড় সমস্ত কার্যের অনুষ্ঠান করিয়া ছিলেন; সংসারের সুখ নষ্ট করিবার চেষ্টা করেন নাই; অবোধ মানবের সম্মুখে কোনপ্রকার কুদৃষ্টান্ত রাখিয়া যান নাই! ব্রজের কৃষ্ণ, বৃন্দাবনের কৃষ্ণ, মথুরার কৃষ্ণ, দ্বারকার কৃষ্ণ, এবং কুরুক্ষেত্রের কৃষ্ণ, সর্বত্র মঙ্গল দৃষ্টান্তই রাখিয়া গিয়াছেন। এমন মহিমাম্বিত কৃষ্ণ চরিতে যাহারা কলঙ্কারোপ করিতে সাহস করে, তাহারা মানব-সংসারের অভিসম্পাত স্বরূপ।

কৃষ্ণ চরিত্র সুশ্রিল, সুপবিত্র, নিষ্কলঙ্ক। অজ্ঞানান্ধকারাবৃত গোঁড়া বৈষ্ণবেরা আপনাদের পায়ে আপনারা কুঠারাঘাত করিতেছে, বুঝিতে পারিতেছে না। কৃষ্ণ কিরূপ, গোঁড়ারা তাহা জানে না। হস্তির এক এক অঙ্গ স্পর্শ করিয়া সাতজন অন্ধ যে প্রকারে হস্তিবর্ণন করিয়াছিল, অজ্ঞানান্ধ গোঁড়ারাও সেই প্রকারে কৃষ্ণবর্ণন করিতেছে। হস্তি দর্শক অন্ধেরা কেহ বলিয়াছিল, হস্তি সর্পাকার, কেহ বলিয়াছিল, হস্তি সূর্য্যাকার; কেহ বলিয়াছিল, হস্তি স্তম্ভাকার;—কেহ বলিয়াছিল, হস্তি ঢক্কাকার; ইত্যাদি ইত্যাদি ইত্যাদি। অজ্ঞাননেত্রে গোঁড়ারাও কৃষ্ণকে সেইরূপ দেখিতেছে।

শ্রায়শাস্ত্রবিশারদ একজন পণ্ডিত একদা রহস্য করিয়া বলিয়াছিলেন, আমাদের দেশে কৃষ্ণ চারিপ্রকার হইয়াছেন। ভাগবতের কৃষ্ণ, মহাভারতের কৃষ্ণ, জয়দেবের কৃষ্ণ, এবং যাত্রার কৃষ্ণ। ভাগবতের কৃষ্ণ প্রেমের কৃষ্ণ; মহাভারতের কৃষ্ণ রাজধর্ম্মপরায়ণ রাজেন্দ্র কৃষ্ণ; জয়দেবের কৃষ্ণ রসিক কৃষ্ণ; যাত্রার কৃষ্ণটি অপকৃষ্ণ।

সত্যই তাহাই। গোঁড়ারা কোন্ ভাবে কোন্ কৃষ্ণকে লইয়া খেলা করিতেছে, তাহারা নিজেই তাহা বুঝিতে পারিতেছে না। গোকুলে শ্রীকৃষ্ণ নিষ্কলঙ্ক ছিলেন, পুনর্বার আমরা সেই কথা বলিতেছি। মহাভারতের ভীষ্ম পর্বে সর্ব প্রথমে প্রতিযোগী কুরু-সৈন্য দর্শন করিয়া অর্জুনের মনবিকার জন্মিয়াছিল, যোগ ধর্ম ব্যাখ্যা করিয়া শ্রীকৃষ্ণ তাঁহাকে প্রবোধ প্রদান করিয়া ছিলেন। যে মহাপুরুষের রসনা হইতে মহার্থ গীতা বাক্য উল্লীড়িত হইয়াছিল, সেই মহাপুরুষ গোকুলে শিশুকালে তঙ্কর ছিলেন, লম্পট ছিলেন, এ অপবাদ সহস্রবার অগ্রাহ !

শ্রীভুবনচন্দ্র মুখোপাধ্যায় ।

## ছায়াসতী ।

( পূর্ব-প্রকাশিতের পর )

বিদ্যালয়স্থ একটা কক্ষে সামান্ত পালকে ইন্দ্রপ্রিয়া চিন্তাকুল অন্তরে শায়িত আছেন। রাত্রি দ্বিপ্রহর অতীত, নিদ্রা নাই, একদিকে মাতৃস্নেহ লজ্জাভয়, অপরদিকে নবীন প্রণয়বাসনা। বৃদ্ধা পরিচারিকা যশোদা তাহার নিজের দৈনিক কর্ম ও আহাৰাদি করিতে অধিক রাত্রি হইত, এক্ষণে গৃহে প্রবিষ্ট হইয়া দেখিল, ইন্দ্রপ্রিয়া জাগ্রত; সন্নেহে বলিল, “ইন্দু! কেন দিদি, এখনও জাগিয়া আছ যে?” ইন্দ্রপ্রিয়া কোন উত্তর দিলেন না। বৃদ্ধা ধীরে ধীরে ইন্দ্রপ্রিয়ার নিকটে উপবেশন পূর্বক তাহার নবনীত-কোমল অঙ্গে হস্তমার্জন করিতে করিতে বলিল, “ইন্দু! তোমায় একটা কথা বলিব, রাগ করিবে না ত?” ইন্দ্রপ্রিয়া চিন্তাকুল অন্তরে ক্র উত্তোলন পূর্বক বলিলেন, “কি?” বৃদ্ধা নতমুখে অক্ষুটস্বরে রমণী মোহনের প্রার্থনা জানাইল, ইন্দ্রপ্রিয়া কম্পিত অন্তরে বলিলেন, “ঝি! মা তা হলে যে মুখ দেখবেন না, তাহার উপায় কি হবে?” বৃদ্ধা প্রবোধ দিয়া সান্তনাবাক্যে বলিল, “কেন গো! অমন জামাই হবে, মা রাগ করবেন কেন? এখন বল, যাবে ত? তা হলে যাইতে বলি।” ইন্দ্রপ্রিয়া কাঁপিতে কাঁপিতে বলিলেন, “না ঝি! আমার ভয় করে। মাসিমা যদি টের পান, আর আমি কেমন করে অপর লোকের সঙ্গে বাস করবো।” বৃদ্ধা সান্তনাবাক্যে

বলিল, “ভয় কি, মাসিমা টের পাবে না, আর একলাই বা থাকবে কেন, আমি ত সঙ্গে যাব।” ইন্দ্রপ্রিয়া নীরবে রহিলেন। ঝি আবার বলিল, “তবে কবে যাবে?” ইন্দ্রপ্রিয়া অশ্রুমনস্কভাবে বলিলেন, “তোমার ইচ্ছা।” পরিচারিকা আনন্দিত অন্তরে চিন্তাকুলা বালিকার স্নেহা করিতে লাগিল। ভাবনায় ক্লান্ত বালিকা নিদ্রাভিভূতা হইলে ঝি আপনিও শয়ন করিল।

আকাশ অন্ধকার করিয়া বারিবর্ষণ করিতেছে। ১১ই শ্রাবণ বিদ্যালয়ে মহাগোলযোগ উপস্থিত, সকলেরই মুখে ভীতিচিহ্ন। ইন্দ্রপ্রিয়া যশোদা দাসীর সহিত অদৃশ্য! কেহই কিছু অনুধাবন করিতে পারিতেছে না; বিদ্যালয়ের কর্তী কোমলগরে সংবাদ প্রেরণ করিলেন। কুসংবাদে তনয়াবৎসলা মাতা শোকে হুঃখে অভিভূতা হইলেন। উচ্চবংশে কালিমা পড়িল, এই চিন্তায় শোক ক্রমে ক্রোধে পরিণত হইয়া পুত্রকে বলিলেন, “পাপিষ্ঠার অনুসন্ধান আবশ্যিক নাই। যাহার দ্বাদশ বৎসর বয়ঃক্রমে এতদূর সাহস, অধিক বয়সে সে যে কত মন্দ হইবে, তাহা বলিতে পারি না, তাহার চিন্তায় আর আবশ্যিক নাই, মনে করিব—তাহার মৃত্যু হইয়াছে। বিদ্যালয়ে সে প্রধানা হইয়াছিল, আশা করিয়াছিলাম,—কত্না আমার রূপে গুণে সমতুল্য হইবে; কিন্তু আমার যেরূপ দূরদৃষ্ট, কার্যেও সেইরূপ হইল। যশোদা দাসীকে যে এত দয়া করিতাম, সে তাহার উত্তমরূপ প্রতিশোধ দিয়াছে; অতএব অনুসন্ধান করিয়া কলঙ্ককালিমা আর উজ্জ্বল করিবার আবশ্যিক নাই।” নীরেঞ্জ শেষে ধীরে ধীরে বলিলেন, “মা, ক্রোধের চেয়ে শত্রু নাই, রোষ পরবশ হইয়া কি নির্দোষ বালিকাকে একেবারে বিসর্জন দিব?” এই বলিতে বলিতে নীরেঞ্জের কণ্ঠ হইতে আর কথা নির্গত হইল না। স্নেহময় ভ্রাতা নীরবে অশ্রুপাত করিতে লাগিলেন। শোক-দলিতা মাতা পুত্রের ক্রন্দনে অধৈর্য হইয়া ভূমিতে লুঠাইয়া ক্রন্দন করিতে লাগিলেন। সে স্থানে আর একটা স্ত্রীলোক উপস্থিত ছিলেন, যাহার অন্তরে ইন্দ্রপ্রিয়ার পলায়নে কোনও ক্লেশ হয় নাই, বরং আনন্দ হইয়াছে। এই ঈর্ষান্বিতা অবলা নীরেঞ্জের সহধর্মিণী। ইন্দ্রপ্রিয়া সৌন্দর্য্যে ও সদগুণে মাতা ও ভ্রাতার অতি প্রিয় ছিলেন, এই কারণে কুটীলা ভ্রাতৃবধুর অত্যন্ত বিরাগভাজন ছিলেন। নীরেঞ্জের স্ত্রী শত্রুকে উত্তোলন পূর্বক সযত্নে মুখ মুছাইয়া দিয়া বলিলেন, “মা, কেন আর প্রাচীন দেহে নির্ধুর কার্যের



নীরেন্দ্র মাতাকে বলিলেন, “মা, আমি প্রকাশ্যরূপে ইন্দ্রপ্রিয়ার সন্ধান লইব না। ছইজন গোয়েন্দা রাখিব, তাহারা গোপনে অনুসন্ধান করিবে; যশোদা দাসী ও লুকাইয়া থাকিবে না? সন্ধান পেলেই আমরা যাইব, এক্ষণে আমি কলিকাতায় চলিলাম, ছই চারিদিন বিলম্বে আসিব।” মাতা কোন উত্তর দিলেন না, নীরেন্দ্রের পত্নী কেবল বিরক্তভাবে স্বামীর দিকে চাহিয়া দেখিলেন, পুত্র প্রস্থান করিলে, ইন্দ্রপ্রিয়ার মাতা উঠিয়া যে কক্ষ কল্যাণ শয়ন করিত, সেই কক্ষের দ্বারে চাবিবন্ধ করিয়া বলিলেন, “এই দ্বারটির কিছুদিনের জন্ত রুদ্ধ হইল।” ইন্দ্রপ্রিয়ার মাতা বা ভ্রাতা ছই বৎসর যাবৎ তাহার কোন সংবাদ পান নাই। তৃতীয় বৎসরের প্রারম্ভে একজন গোয়েন্দা আসিয়া বলিল, “যশোদা নূতন বাজারের নিকট চিৎপুর রোডে একখানি একতলা বাটীতে বাস করিতেছে।” [ক্রমশঃ]

শ্রীমদুজেন্দ্র দত্ত ।

## কাল ও আজ ।

কাল সে এখানে ছিল, কাল ঘরে ছিল আলো,  
 দিয়ে গেছে—নিয়ে গেছে, সে আজ অঁধার কালো ;  
 কাল তা'রে ব্যথা দিছি, জানিনাক কোন কাজে,  
 তা'র সে অশ্রুর স্মৃতি, আজ বড় প্রাণে বাজে !  
 কাল সে কাতর নেত্রে রুধেছিল মোর রোষ,  
 আজিকে পরাণ কাঁদে, এ ত নয় তা'র দোষ !  
 সুখের শয়নে কাল সে এনে দেছিল যুগ,  
 আজ মনে পড়ে তা'র সেই শেষ—শেষ চুম ।  
 কাল সে বলিয়া দেছে, “কেঁদ'না, আসিব ফের !”  
 আজ ভাবি, এই বুঝি শেষ দেখা জীবনের ।  
 কাল সে ভরিয়েছিল হৃদয়ের অন্তঃপুর,  
 আজ সেই আশা-সাধ কে ভেঙে করেছে চুর ?  
 ভাবিয়ে রেখেছি স্নধু, আসিবে সে, হ'বে দেখা ;—  
 হ'বে কি না হ'বে ফের, জানেন ভবেশ একা !

শ্রীকালিদাস চক্রবর্তী ।

## এ নহে সাস্ত্রনা ।

( ১ )

এ নহে সাস্ত্রনা সখা শুধু অশ্রুজল !  
ঝরিতেছে অবিরল,  
যেই শোক অশ্রুজল,  
তোমার নয়নে, তাতে মিশাতে কেবল  
হুই ফোঁটা তপ্ত অশ্রু আমার সঞ্চল !  
এ নহে সাস্ত্রনামাধা শুধু অশ্রুজল !

( ২ )

এ নহে সাস্ত্রনা শুধু হতাশ নিখাস !  
আজি যে প্রলয় ঝড়ে,  
যন আন্দোলন করে,  
স্নেহ সুকোমল তব হৃদয় আকাশ ;  
কেবল তাহার বেগে,  
উড়িতেছে থেকে থেকে,  
হৃদয়ে ভীষণ ঝঙ্কা শোকের উচ্ছ্বাস !  
এ নহে সাস্ত্রনা শুধু হতাশ নিখাস !

( ৩ )

এ নহে সাস্ত্রনা সখা শুধু হাহাকার !  
আনন্দ আনয়ে তব,  
সদা আনন্দের রব  
উঠিত ; এখন হায় কি দশা তাহার !  
হারায়ে নয়নমণি,  
পুল্লহারি বিষাদিনী,  
হানে বৃকে করাঘাত ক্ষণে শতবার ;  
ভুবন ভরিয়া উঠে তাঁর হাহাকার !  
থাকি এ সুদূর স্থানে,  
তবু ভুলি প্রতিক্ষণে,  
মর্মভেদী নিদারুণ বিলাপ তাঁহার !

তাই উঠে প্রাণ হ'তে,

হৃদয়ের প্রতিঘাতে,

সুগভীর শোকধ্বনি প্রতিধ্বনি তার !

এ নহে সাস্ত্রনা সখা শুধু হাহাকার ।

( ৪ )

এ নহে সাস্ত্রনা শুধু হৃদয় অনল !

ক্ষণস্থায়ী যে চিতায়,

ভস্ম হইয়াছে হায় !

সে সুন্দর কমতলু কুসুম কোমল ;

নিভিয়া গিয়াছে তাহা হয়েছে শীতল ।

কিন্তু যেই শোকানলে,

তোমার হৃদয় জলে,

দগ্ধ অক্ষুক্ষণ জননীর বক্ষস্থল ;

সে অনল ছর্ণিবার,

রাবণের চিতাকার,

প্রজ্বলিত রবে সদা ; শত গঙ্গাজল,

কিন্ধা সস্তার্ণব নীরে না হবে শীতল !

নদ নদী সুশীতল,

উল্লজিয়া সে অনল,

হৃদয়ে জ্বলেছে শিখা ভীষণপ্রবল !

এ নহে সাস্ত্রনা শুধু হৃদয় অনল !

( ৫ )

কি দিব সাস্ত্রনা সখা কি আছে সম্বল ?

বিদারিছে হাহাকার,

মুছাতে নয়নামার,

নিভাইতে হৃদয়ের ভীষণ অনল,

না জানি প্রবোধ বাক্য হৃদয় বিফল !

এ নহে সাস্ত্রনা সখা শুধু অশ্রুজল !





### ভট্ট ম্যাকমুলার।

প্রাচ্যজ্ঞান পাশ্চাত্য ভূখণ্ডে যে এক্ষণে যথেষ্ট আদৃত, তাহার অন্তিম কারণ হইতেছে, আমাদিগের প্রতি একান্ত অনুরক্ত মহাত্মা ম্যাকমুলার। স্বর্গীয় ম্যাকমুলারের ত্রায় প্রাচ্যসংস্কারে অভিজ্ঞ, বহুভাষাবিদ বলিয়া বিশ্বব্যাপী যশোলাভ করিতে আর কেহ পারিয়াছেন, এমন কথা স্মরণ হয় না। সংস্কৃত-সাহিত্যের আকর ভারতবর্ষের পক্ষে এই সংস্কৃতানুরাগী পাশ্চাত্য বন্ধুর বিয়োগ শোকোদ্দীপক নিশ্চিতই। শোকের সময় শুচ্য বন্ধুর স্মরণ হয়, তাঁহার কার্যাবলীর স্বতই দৃষ্টিপথে আবির্ভাব হইতে থাকে। এই জন্মই অল্প অধ্যাপক ম্যাকমুলারের জন্মবিবরণ, কীর্তিকলাপার্জন ও দেহবিসর্জন যথাক্রমে স্মৃতিপথে প্রতিভাত হইতেছে বলিয়া, এই স্থানে প্রকটিত হইল।

১৮২৩ খৃষ্টাব্দের ৬ই ডিসেম্বর তারিখে জন্মগীর অন্তর্গত দেশগ্রামে সম্ভ্রান্ত মুলার বংশে ইনি জন্মগ্রহণ করেন; ইহার মাতৃবংশ ও পিতৃবংশ—উভয়ই সারদার অনুরূহীত;—পিতামহ মহাকবি গেটের জনৈক বিশিষ্ট বন্ধু—শিক্ষা-বিভাগের প্রধান সংস্কারক বলিয়া মাণ্ড, পিতা উইলহেল্ম মুলার সুপ্রসিদ্ধ



জন্মান কবি! আমাদিগের দেশে অনেকেই বিদিত আছে, সারদার সহিত কমলার চিরবিবাদ; কবি সারদার পূজায় রত থাকিয়া, কাব্যমূর্তে বিভোর হইয়া বলিতে পারেন;—যাও লক্ষ্মী অমরায়, যাও লক্ষ্মী অলকায়, আসিও না কবিজন-তপোবন স্থলে! আর তাই যেন রুগ্ন হইয়া কমলা কবির গুণরাশি দারিদ্র্যদোষে আবৃত করিতে প্রয়াস পান। জন্মানকবি উইলহেল্ম মূলর মহোদয়ের ভাগ্যে লক্ষ্মী সরস্বতীর যুগপৎ প্রসাদলাভ ঘটয়া উঠে নাই। লক্ষ্মীর বিরাগ জন্মই পিতার যথেষ্ট আনুকূল্য না পাইয়া, কবিপুত্র ম্যাক্সমূলরকে বাল্যকাল হইতে জীবিকার্জনের সঙ্গে সঙ্গে স্বীয় শিক্ষার জন্ত সচেত্রে হইতে হইয়াছিল—স্বনির্ভরেই শিক্ষাসোপানে অধিরোহণ করিতে হইয়াছিল। বাল্যজীবনের এই সকল সঙ্কটই হইতেছে, তাঁহার অধ্যবসায় দূঢ় করিবার কারণ—অক্ষুণ্ণ উন্নতির মূল!

সংসারে দোষবর্জিত গুণ নাই! যেমন প্রাণহর বিষও অবস্থা বিশেষে প্রযুক্ত হইল, প্রাণরক্ষা হয়, তেমনই গুণরাশিনাশী দারিদ্র্যও অনেক সময় গুণকর হইয়া থাকে। দরিদ্রপুত্র অধ্যবসায়ী বালক ম্যাক্সমূলরের পক্ষে দারিদ্র্য বিদ্যাসাধনের সহায় হইয়াছিল। বাল্যজীবনের পরিচয় পাইয়া কেহ বলিয়াছিলেন, আপনি কেমন করিয়া একরূপ উন্নতিসাধনে সমর্থ হইলেন? প্রত্যুত্তরে ম্যাক্সমূলর মহোদয় বলিয়াছিলেন,—“দারিদ্র্য ও কঠোর পরিশ্রম আমার এই উন্নতিবিধান করিয়াছে।” আমরা জানি, সংযমী ব্রহ্মচারী না হইলে, বিদ্যাসাধন হয় না; নিঃসঙ্গতা, বিলাসহীনতা, স্ত্রীসঙ্গ-বর্জিতা বিদ্যাসাধনের প্রধান সহায়। কিন্তু কমলার কোমল ক্রোড়ে যাহাদিগের আশ্রয়, তাহাদিগের পক্ষে অমুচরসঙ্গ, বিলাস-সাধন, মিষ্টভোজন, স্ত্রী রাক্ষসী-গণের সহসংলাপন প্রায়ই অনায়াসলভ্য। সুতরাং ভোগভূমির অধিবাসীর পক্ষেও, দারিদ্র্য বিদ্যাসাধন সম্বন্ধে অমৃতপ্রসাবী হওয়াই সম্ভবপর।

বালক ম্যাক্সমূলর ১২ বৎসর বয়স পর্যন্ত স্থানীয় ছ্যাক্স বিদ্যালয়ে শিক্ষালাভ করিয়াছিলেন; তথায় সঙ্গীত-বিদ্যার পারিদর্শী হইয়া বেশ সুখ্যাতি লাভ করেন। কবিপুত্রের রসগ্রহণশক্তির উৎকর্ষ থাকায়, তাঁহার সঙ্গীতে অনেক মহাত্মারই দৃষ্টি আকৃষ্ট হইয়াছিল; তাই তাঁহার সঙ্গীত-বিদ্যায় অধিকার দূঢ় ও প্রতিষ্ঠা দিগন্তকসারিণী হওয়ায়, কবি পিতা মহাত্মা মূলরের মনে যে অনিবার্য আন্দোলনের উৎস ছুটিয়াছিল, তাহা তৎকালিক



কিন্তু পিতা দরিদ্র ; পুত্রপোষণ তাঁহার পক্ষে কষ্টকর ! পুত্র-শিক্ষাসম্বন্ধে করেন কি ? নিরুপায় ! পুত্র কিন্তু এই সময় দরিদ্র পিতার গলগ্রহ বা ভারবিশেষ না হইয়া, স্বীয় গ্রামাচ্ছাদনের সংস্থানজন্য পূর্ব হইতেই প্রাচীন হস্তলিখিত গ্রন্থের পুনর্লিপিকরণ-কার্যে ব্রতী হইয়া জীবিকার্জনের সূত্রপাত করিয়াছিলেন ! ১৮৪১ সালে লিপজিক্ কলেজে প্রবিষ্ট হইয়া ১৮৪৩ সালে P P. D. উপাধি লাভ করিয়াছিলেন । লিপজিক কলেজে এই বর্ষত্রয়-ব্যাপী শিক্ষাকালে তথায় বিখ্যাত পণ্ডিত হর্শ্ণ ও হাপ্ট অধ্যাপকতা করিতেন ; তাঁহাদের অধ্যাপনার গুণে ম্যাক্সমুলরের সংস্কৃতশিক্ষায় ক্রমশই অনুরাগ বৃদ্ধি হইতে লাগিল । এই উপাধি লাভের পরেই ম্যাক্সমুলর বার্লিন বিশ্ব-বিদ্যালয়ে প্রবেশলাভ করেন ; পূর্বজন্মার্জিত পুণ্যফলে তাঁহার সুকোমল কোমার-হৃদয়ে সংস্কৃতানুরাগের সঞ্চার হইয়াছিল বলিয়া, ইংলণ্ড হইতে এসিয়া গবর্নমেন্টের তৎকাল-সংগৃহীত হস্তলিখিত প্রাচীন সংস্কৃত গ্রন্থাবলীর আকর্ষণে আকৃষ্ট হইয়া, বার্লিন বিশ্ববিদ্যালয়ে প্রবেশ করিয়া পরম পরিতোষ লাভ করেন ; হিব্রু ও সংস্কৃতের চর্চায় অবিশ্রান্ত পরিশ্রম ও অচ্ছেদ্য আগ্রাস স্বীকার করিয়া, বিখ্যাত ভাষাবিদ পণ্ডিত বপ্ ও সোলিঙের সাহায্যে সফলকাম ও কৃতার্থ হন ।

অষ্টাদশবর্ষ বয়ঃক্রমকালে ম্যাক্সমুলর বিদ্যালয় পরিত্যাগ করিয়া জীবিকার্জনে নিযুক্ত হইলেন সত্য, কিন্তু বিদ্যার সাধনে বিরত হইলেন নাই । সংস্কৃত-সাহিত্যের রত্নে মাতৃভাষার উন্নতি সাধিতে কৃতসঙ্কল্প হন ; তাঁহার জীবনস্রোত বিংশতি বর্ষ অতিক্রম করিতে না করিতে বিফুশর্ম্মকৃত হিতোপদেশের জর্মাণ অনুবাদ রূপ উজ্জ্বল-রত্ন প্রকাশ পায় ।

তাঁহার সংস্কৃত অধ্যয়নের সঙ্গে সঙ্গে জ্ঞানপিপাসা ক্রমশই বলবতী হইতে লাগিল । তৎপরে তিনি ফরাসী রাজধানী পারী সহরে গিয়া, তত্রত্য প্রাচ্য ভাষাবিদ পণ্ডিত ইউজিন বুর্ণের উপদেশলাভে স্বীয় জ্ঞানবৃদ্ধি করেন । এই পারী সহরে পণ্ডিত ইউজিনের সংস্কৃত সাহিত্য-বিষয়ক বক্তৃতা শ্রবণে আর্য্যদিগের পরম আদরের বস্তু বেদের উপর তাঁহার অনুরাগ সঞ্চারিত হইল । সেই জ্ঞানময় বেদের অধ্যয়নের ও তাঁহার যথেষ্ট প্রচারের জন্য সঙ্কল্প করিলেন ; এই সঙ্কল্পের সাধনে দৃঢ়ব্রত হওয়াতেই ইহার যশঃসৌরভ বিশ্বব্যাপী দিগন্তপ্রসৃত হইয়া পড়িয়াছে । ইউজিন বুর্ণের ওজাশ্বিনী বক্তৃতা শ্রবণ

মুদ্রণ করিবার ইচ্ছা হয়। তাঁহার নিজের কথায় প্রকাশ, তদাকৃষ্টহৃদয়ে তাহার সাধন চিন্তায় আবিষ্ট থাকিয়া, যে ভাবের অনুভব করিয়াছিলাম, অদ্যাপি তাহার স্মরণ হইলে, সেই মহা দৃশ্য আমার দৃষ্টির সমক্ষে জ্বলন্তমান বলিয়া প্রতিভাত হয়। পণ্ডিতপ্রবর আচার্য্য বৃণো তাঁহার কুশাগ্রসদৃশ সূক্ষ্ম বুদ্ধিবলে প্রাজ্ঞল অথচ বিশদবাক্যে অদম্য উৎসাহে উদ্দীপ্তভাবে পূর্ণকক্ষ নির্ঝরধারার ন্যায় জ্ঞানধারার যে অবিরল স্রোত বহাইয়া ছিলেন— বিবেকের অবিরাম উদ্দীপ্তিরণ করিয়াছিলেন, সেরূপ আর কখনও দেখি নাই। উৎসাহোৎফুল্লবদন বিশ্বয়বিস্ফারিতনেত্র ছাত্রগণে পরিবৃত বাগ্মিবরের সে সৌম্যমূর্ত্তি—সে মোহন দৃশ্য—কখন কি ভুলিতে পারা যায় ? যাহার ছাত্রগণ গুণগরিমায় জগদ্বিখ্যাত—প্রাচ্যখণ্ডেও যাহাদিগের জ্ঞানের আলোক প্রতিফলিত, তাঁহাদের অনেকে আমাদের দেশীয় প্রাচীনজ্ঞান-বৃদ্ধের পরিচিত। গোল্ডষ্টুকার এটবাভেলি গোরেশিও নেভ ও যথ—আমার সতীর্থ হইলেও, আমি সৰ্ব্বকনিষ্ঠ ; যদিও ইতিপূর্বে স স্কৃত হিতোপদেশের অনুবাদ প্রচার করিয়াছিলাম,—কালিদাসকৃত কাব্য মহাকাব্য-গুলির অধ্যয়ন করিয়াছিলাম, যড়দর্শন ও উপনিষদের পরিচয় পাইয়াছিলাম ; অপিচ তদ্ব্যতীত অপর কোন গ্রন্থেরই বিষয় অবগত ছিলাম না, তখন আমার দৃঢ় ধারণা ছিল, উপনিষদে যেমন অমৃতময়চ্ছন্দে সুললিত বাক্যজ্ঞানের উপদেশ আছে, এমন আর কুত্রাপি নাই। ইতিপূর্বে যখন বালিগে অবস্থান করিতেছিলাম, তখন পণ্ডিত মোলিঙের উপদেশে ইহার কোন কোন অংশ অনুবাদ করিয়াছিলাম সত্য,—রয়েল লাইব্রেরীর হস্তলিখিত পুস্তক হইতে ভাষ্যের কিয়দংশ উদ্ধৃতও করিয়াছিলাম বটে, এবং সেইদিকেই বিশিষ্টরূপ মনোনিবেশ করিবার সঙ্কল্পও করিতেছিলাম ; কিন্তু তখন জ্ঞানময় বেদের কথা ভাবি নাই। কিন্তু যখন পণ্ডিত বৃণো মহোদয় বক্তৃতা-প্রসঙ্গে বেদের মন্ত্রভাগ ও ব্রাহ্মণের সহিত তুলনায় উপনিষদের হীনতা দর্শাইলেন, তখন আমার মন বিশ্বয়ে অভিভূত হইল। একদিন মহাত্মা বৃণো রোসেন সঙ্কলন গ্রন্থের প্রথমভাগের উপর বক্তৃতা করিতেছিলেন। তাঁহার সেই অমৃতনিঃস্রব্দিনী বক্তৃতা হইতে যে সারসঙ্কলনে সমর্থ হইয়াছিলাম, এবং তাহার সযত্নরক্ষিত হস্তলিখিত সায়ণ-ভাষ্য হইতে যে যে অংশ উদ্ধৃত করিয়া লইয়াছিলাম, তাহা এখনও

অধ্যাপক বৃণ্ডো আমার প্রতি সদয় হইয়া, তাঁহার হস্তলিপি পুস্তকগুলি পাঠ করিবার অনুমতি দিয়া আমাকে বিশিষ্ট অনুগৃহীত করিলেন ; এবং বিশিষ্ট অংশগুলির উদ্ধার করিয়া লইতে পরামর্শ দিলেন । তাঁহার নিকট শিক্ষার প্রারম্ভকাল অতীব কষ্টকর বোধ হইয়াছিল ; সময়ে সময়ে নৈরাশ্যের বিকট হাস্যোন্মত্ত হইতাম । আবার তাঁহার আশ্বাসবাণীতেই যেন নবোৎসাহে উৎসাহিত হইয়া কার্যে অগ্রসর হইতে সচেষ্ট হইতাম । কিন্তু তখন পর্য্যন্তও বেদ ও সাংগঠ্যচার্য্যকৃত টীকার অংশাংশ মুদ্রাঙ্কন করা ব্যতীত আর কোন অধিকতর আশা করিতে পারি নাই । মনে করিতাম, এতদতিরিক্ত আর কিছুই করিবার নাই । কোলক্কের ধারণা আমার ধারণার অনুরূপ । তিনি “হিন্দুদিগের ধর্ম্মশাস্ত্র” শীর্ষক প্রবন্ধের উপসংহার কালে যে মত প্রকাশ করিয়াছেন, তাহাতে প্রকাশ, “বেদ একরূপ বৃহৎ গ্রন্থ যে, সম্পূর্ণ অনুবাদ অসম্ভব ; এবং তদ্বারা অনুবাদকেরও তৃপ্তি হইবেই না, পাঠকের তৃপ্তি লাভ ত পরের কথা । অপিচ যে প্রাচীন ভাষায় তাহা লিখিত, তাহা অত্যন্ত জটিল ও দুর্লভ । কিন্তু ইহা এতই মহৎসম্পন্ন যে, ইহার সাহায্যে কি প্রাচ্য কি প্রাতীচ্য সকল প্রকার পণ্ডিতগণের যথেষ্ট উপকার হইবার সম্ভাবনা ।” এইরূপ সত্যের প্রবল প্রমাণে বহু পণ্ডিতের হৃদয়ক্ষেত্র বিপর্য্যস্ত থাকিলেও, ফরাসী পণ্ডিতপ্রবর অধ্যাপক বৃণ্ডো ইহার ঘোর প্রতিবাদ করিতেন । তিনি বলিতেন, বেদ প্রকাশ করিতে হইলে, মূল ও টীকার সহিত প্রকাশ করাই কর্তব্য ; আর এই ব্যাপারে হস্তক্ষেপ করিতে হইলে ইউরোপের সংগৃহীত সকল পুস্তকেরই পাঠ মিলাইয়া দেখারও সবিশেষ প্রয়োজন । কতিপয় উদ্ধৃত শ্লোকের উপর নির্ভর করা উচিত নহে । তাহাতে দুর্লভ অংশের বর্জন হওয়াই সম্ভবপর ।

দ্বাবিংশবর্ষীয় দরিদ্র যুবকের এই দুর্লভ ব্যাপারের সাধনসঙ্কল্পে আগ্রহ হইল । ইহার পূর্বে পণ্ডিত রোসেন বেদের প্রথম কিয়দংশের মুদ্রণ ও প্রকাশ করিয়াছিলেন সত্য, কিন্তু তাহা অতি স্বল্পাংশমাত্র । ইউরোপের কুত্রাপি একখানি সমগ্র বেদ পাওয়া গেল না ; জার্মানী ও ফ্রান্সের পুস্তকাগারে সংগৃহীত গ্রন্থ হইতে ভিন্ন ভিন্ন অংশ উদ্ধার করিয়া শেষে ভারতের রত্নাধার ইংলণ্ডে গমন করিয়া, অনুসন্ধানে প্রবৃত্ত হইলেন ; তথায়

লিখিত প্রাচীন গ্রন্থ পাইলেন, তাহার সহিত পূর্ব সংগৃহীতাংশের পাঠ মিলাইয়া সমগ্র বেদের উদ্ধারের চেষ্টায় ব্রতী হইলেন। এই সময়ে প্রগাঢ় পণ্ডিত রাজনীতিকুশল জর্জান রাজপুত ব্যারণ বুনসেনের সহিত তাঁহার পরিচয় হয়। তিনি এই জ্ঞানানুসন্ধিৎসু দরিদ্র জর্জানযুবকের অধ্যবসায়ে সন্তুষ্ট হইয়া, বিশিষ্টরূপ চেষ্টায় ও ঐকান্তিক অনুরোধে ভারত-বাণিজ্য লক্ষ্যপ্রতিষ্ঠ ইষ্টইণ্ডিয়া কোম্পানীকে- বেদ-মুদ্রণের বিপুল ব্যয় ভারবহন করিতে সম্মত করাইয়াছিলেন! এখন হইতে তিনি নিশ্চিন্ত মনে বেদের মূল ও টীকা সংগ্রহে ব্রতী হইতে পারিলেন।

১৮৪৯ হইতে ১৮৭৪ খৃষ্টাব্দের মধ্যে প্রায় ২৫ বৎসরের প্রগাঢ় পরিশ্রমে ম্যাক্সমূলর ঋগ্বেদের অনুবাদ সাক্ষ করিয়া ছয়খণ্ড মুদ্রণ ও প্রকাশ করেন। এই অনুবাদ প্রকাশ কার্যে যে, তিনি তাঁহার বন্ধুর ব্যারণ বুনসেনের নিকট বিশিষ্টরূপ ঋণী, তাহা তাহার ১৮৬৭ খৃষ্টাব্দের প্রবন্ধে প্রসঙ্গতঃ তিনি তাহার খ্যাপন করিয়া গিয়াছেন;—তাহাতে প্রকাশ—“বিংশতি বৎসর অতীত হইতে চলিল, আমার পরম শ্রদ্ধাম্পদ বন্ধু বুনসেন একদিন আমাকে তাঁহার লাইব্রেরীতে ডাকিয়া লইয়া গিয়া, বলেন—ঋগ্বেদ অনুবাদ প্রকাশের জন্ত আর চিন্তা করিতে হইবে না। তিনি অনেক দিন হইতে ইষ্টইণ্ডিয়া কোম্পানীর ডিরেক্টরদিগের সহিত সাক্ষাৎ করিয়া, এই অমূল্য গ্রন্থের অনুবাদপ্রকাশের আবশ্যকতা বুঝাইয়া দিয়া, উহার ইংলণ্ড হইতেই প্রকাশ সম্বন্ধ বলিয়া ধারণা জন্মাইয়া দিতে সমর্থ হইয়াছেন। উক্ত মহান বণিকসম্প্রদায়ের কার্যপরিচালকগণ মহাত্মা বুনসেনের পরামর্শে উক্ত কার্যের ভার বহনে সম্মত হন; আর সেই শুভসংবাদ বন্ধুবর বুনসেন আমার নিকট জানাইয়া, আমার উদ্বেগ দূর করিয়া আমাকে প্রোৎসাহিত করেন। পরে তিনি আরও বলেন, ‘এই কার্য লইয়াই, বন্ধো, তোমার জীবনযাপন হইতে পারিবে। খনি হইতে অবিগুদ্ধ ধাতুর উদ্ধার করিলেই, তোমার কর্তব্য সাধিত হইবে না; ঐ অবিগুদ্ধ ধাতুর খনিজ মলাদির অপসারণ করিয়া, যতক্ষণ বিশুদ্ধিসাধনে সমর্থ না হইবে, ততক্ষণ তোমার কার্য সাক্ষ হইবে না।’”

এই বিস্তৃত সময় কেবল বেদসঙ্কলনেই অতিবাহিত করেন নাই; ১৮৫০ খৃষ্টাব্দে তিনি অক্সফোর্ড বিশ্ববিদ্যালয়ে ভাষাতত্ত্বসম্বন্ধের উপদেশ



অধ্যাপনাকার্যে ব্রতী ছিলেন। ১৮৫৬ খৃষ্টাব্দে তিনি বডলিয়ান লাইব্রেরীর কিউরেটার পদে অভিষিক্ত হন। এই সময় হইতেই ইনি যশোগোরবে ও উপাধিলাভে বিশিষ্টরূপে সম্বন্ধিত হইতে লাগিলেন। এই সময় হইতে তিনি বহুসংখ্যক গ্রন্থের প্রণয়ন ও সংকলন করেন; তাহার উল্লেখ করা এই সামান্য প্রবন্ধের উপযোগী নহে। তিনি ৫০খানি প্রাচ্য গ্রন্থে ধর্মশাস্ত্রের অনুবাদ করিয়া প্রচার করিয়াছেন। এই অক্সফোর্ড বিদ্যালয়ের অধ্যাপকতা করিবার কালে তিনি কেম্ব্রিজ, এডিনবরা, গ্যাসগো প্রভৃতি বিশ্ববিদ্যালয়ে সময়ে সময়ে উপদেশ ও বক্তৃতা করিতে প্রায়ই ব্রতী থাকিতেন।

১৮৭৮ খৃষ্টাব্দে রবার্ট হার্বার্টের দানপত্রের মতানুসারে “ধর্মের উৎপত্তি ও বিকাশ” সম্বন্ধে বক্তৃতার জন্য বৃত্তি ব্যবস্থাপিত হইলে, তাহার বক্তা নিযুক্ত হইলেন, অধ্যাপক ম্যাক্সমুলার। তাঁহার অমৃতনিঃশ্বাসিনী বক্তৃতার শ্রোতৃগণের এত সমাবেশ হইত যে, দিনে দুইবার বক্তৃতা না করিলে, সাধারণের শ্রুতিতৃপ্তি সাধিত হইত না। ১৮৮৮ খৃষ্টাব্দে আদাম গীফোর্ড নামক একজন মৃত ধনী—স্কটল্যান্ডীয় বারিষ্টার তাঁহার সমগ্র সম্পত্তি ধর্ম-বিজ্ঞানসংক্রান্ত বক্তৃতার জন্য বৃত্তিরূপে দান করিয়া যান; তাহারও বক্তা নিযুক্ত হইলেন, অধ্যাপক ম্যাক্সমুলার। তাঁহার সকল বক্তৃতাই পুস্তকাকারে প্রকাশিত হইয়াছে। সেই সকল পুস্তকের আদরও যথেষ্ট।

সে বাহাই হউক, যে ঋগ্বেদ প্রচারের জন্য, ম্যাক্সমুলার বিশ্ববিখ্যাত, সেই ঋগ্বেদের প্রথম সংস্করণের পুস্তকগুলি মুদ্রাঙ্কণ ব্যয়ের দ্বিগুণ মূল্যে বিক্রীত হয়; তাহার পর উহার পুনঃ সংস্করণের প্রয়োজন হইলে, ম্যাক্সমুলার ভারতের ষ্টেট সেক্রেটারীর নিকট সাহায্যপ্রার্থী হন; কিন্তু ভারতীয় বিলাসী কর্তা তাঁহার প্রার্থনা পূরণ করিতে পারেন নাই। অতঃপর ১৮৯০-৯২ খৃষ্টাব্দে বিজয়নগরের স্বর্গীয় মহারাজ চারিখণ্ডে সংস্কৃত পুস্তকের মুদ্রণ ব্যয় বহন করিয়াছিলেন।

শ্রীঅঘোরনাথ শাস্ত্রী ।

## আঁধার মাণিক ।

( ১ )

সকালের ফুল,                      শুকায় বিকালে,  
আলোকের ধারে ঘোর অন্ধকারে ।  
সম্পদের ধারে                      বিপদ বিষম,  
আজিকার হাসি কাল অশ্রুধার ॥

( ২ )

নীলমেঘ কোলে                      চপলার হাসি  
ক্ষণেকের তরে প্রকাশ পায় ।  
স্রোতস্থিনী বক্ষে                      লহরীর মালা  
নিষিধের মাঝে মিলিয়া যায় ॥

( ৩ )

প্রণয়ে বিরহ                      জীবনে মরণ  
নখর জগতে কি আছে সার ।  
তাই পরিজন                      নিশার স্বপন  
মানব জীবনে কিবা আছে আর ॥

( ৪ )

মরিতে জনম                      তবে কেন ছাই  
হৃদনের তরে খেলি এ খেলা ।  
আঁধারে জনম                      ডুবিব আঁধারে  
ফুরাবে যখন জীবন বেলা ॥

( ৫ )

নিরাশার কেন                      করি হাহাকার  
সুখনীরে কেন আবার ভাসি ।  
বুঝিতে পারিনা                      এ কেমন খেলা  
হৃ-দিনের তরে ভালবাসা বাসি ॥

( ৬ )

মাটির মানুষ                      ছাই মাটি নিয়ে  
তাই নিশিদিন থাকে সে ভালো ।  
ভ্রমেও ভাবেনা                      পরাণ চাহেনা  
আঁধার ঘরের মাণিক আলো ॥

কবিতা কোরক ।—শ্রীরাজচন্দ্র পাণ্ডে সঙ্কলিত । বিদ্যালয়ের বালক-গণের পাঠোপযোগী করিবার অভিলাষে রাজচন্দ্রবাবু এই পুস্তকখানিতে কতকগুলি সুনীতিপূর্ণ সরল কবিতা সম্মিলিত করিয়াছেন । সর্বমুদ্রিত ত্রিশটি কবিতা আছে । তন্মধ্যে অষ্টাদশটি রাজচন্দ্রের নিজের রচিত, অবশিষ্ট দ্বাদশটি অপরাপর লক্ষ্যপ্রতিষ্ঠ কবিগণের কবিতাবলী হইতে উদ্ধৃত । বিষয়-গুলির নির্বাচন অতি উত্তম হইয়াছে ; কবিতাগুলিও উত্তম ; বালকেরা ইহা পাঠ করিয়া জ্ঞানলাভ করিতে পারিবে সন্দেহ নাই ।

বাবু রাজচন্দ্র পাণ্ডে অকবি নহেন, তাঁহার স্বরচিত কবিতাগুলি পাঠ করিয়া তাহা আমরা বুঝিতে পারিতেছি ; কিন্তু কবিতাগুলির মধ্যে মধ্যে দুই একটি মিলদোষ এবং যতিভঙ্গদোষ দৃষ্ট হয় । যথা—৩য় পৃষ্ঠায় প্রাতঃউত্থানে

“মূহুর সমীর পুষ্পে কাঁপিছে নলিনী ;

পরিমল হরি মধুমক্ষি অভিমানী”—

এই দুই চরণে মিলদোষ এবং যতিদোষ, উভয়ই আছে । “নলিনীর” সহিত “অভিমানী”পদের স্মিল হয় না ; দ্বিতীয়তঃ “পরিমল” হরি মধুমক্ষি অভিমানী, এই চরণের প্রথমে অষ্টাক্ষরা যতি ধরিলে মধুমক্ষির পরে যতির বিরাম দিতে হয় ;—পরিমল হরি মধু, মক্ষি অভিমানী,—যতিভঙ্গ জন্ত সূত্রাং এটা গুণিতে ভাল হয় না । আরও একাদশ পৃষ্ঠায় নীতিসারে—

“ঔষধিমন্ত্রের গুণে সর্প বশ হয় ;


খেলেরে করিতে বশ নাহিক উপায় ॥”

এখানেও হয়, আর উপায় মিলদোষ । আরও সপ্তদশ পৃষ্ঠায় রাজভক্তি প্রসঙ্গে—

“যাহার রাজ্যেতে রহি যার শত্রু খেয়ে,

সুখেতে বেড়াও তুমি নাচিয়া গাহিয়ে ।”

খেয়ে আর গাহিয়ে, এই দুটীতে মিলদোষ । তাহা ছাড়া “নাচিয়া গাহিয়ে”, এরূপ প্রয়োগ হইতে পারে না ;—নাচিয়া গাহিয়া অথবা নাচিয়ে গাহিয়ে, এইরূপ হওয়াই উচিত । যাহা পাঠ করিয়া নীতি-শিক্ষার সঙ্গে বিদ্যালয়ের বালকেরা কবিতার লক্ষণ শিক্ষা করিবে, তাহাতে ঐরূপ দোষ থাকা শোভা পায় না । আশা করি, কবি ভবিষ্যতে ঐরূপ দোষগুলি পরিবর্জন করিবেন ।



১৫২৫  
২০০৭/১৭০৭

# জন্মভূমি

(সচিত্র মাসিক পত্র।)

১৫২৫ -  
১

নবম বর্ষ।

১৩০৭ সাল, মাঘ।

৭ম সংখ্যা।

## হায় মা ভিক্টোরিয়া !

হায় মা ! তোমার নাম পশিলে শ্রবণে,  
বিপুল আনন্দস্রোত উখলিত মনে ॥  
আজি কেন সেই নামে কর দিয়া শিরে,  
ভানিছে ভারতবাসী নিরানন্দনীরে ?  
স্বর্গধামে পশিয়াছ পুণ্যবতী তুমি ।  
তবশোকে ~~অরুকার~~ ~~হাসি~~ ~~কর~~ ~~ভূমি~~ ॥  
শুধু আর্ধ্যভূমি নয় সমগ্র সংসার ।  
তবশোকে সকলেই করে হাহাকার ॥  
ভারতের মহারানী বিলাতের রাণী  
এ জগতে নাহি আর ! কি নির্ঘাত বাপি !  
জননীকপিনী ছিলে আমরা সন্তান ।  
ফেলিয়ে কোলের ছেলে করেছ প্রস্থান ॥  
হায় মা ! তোমাতে মোরা চক্ষে হেরি নাই ।  
ছবিতে মুদ্রাতে রূপ দেখিবারে পাই ॥  
তবু যেন জ্যোতির্স্বয়ী দেবীরূপ ধরি,  
সম্মুখে উদয় আজি ভারত-ঈশ্বরী ॥  
ছিলে মা দয়ার নদী স্নেহের পত্রিকা ।





আজি মা কোথায় তুমি ! কোন্ পুণ্যধামে,  
 কাহারে করিছ দয়া ? আছ কোন নামে ?  
 আর কি তোমারে মাগো ! উজল নয়নে,  
 হেরিবে না ভক্তিভরে পুত্রকন্যাগণে ?  
 মা তোমার জন্মভূমি ইঙ্গোরঙ্গ ভূমি,  
 সেই ভূমি পরিহরি গিয়াছ মা তুমি !!  
 সেখানেও উঠিয়াছে শোকের উচ্ছ্বাস ;  
 তবু তথা শতমুখে অট্টঅট্টহাস ॥  
 একদিকে নিরানন্দ বিয়োগে তোমার,  
 অন্য দিকে বহিতেছে হর্ষ অশ্রুধার ॥  
 মা তোমার স্মৃথাসন রত্নসিংহাসনে,  
 বসিবে নব ভূপতি মুকুট ভূষণে ॥



সে আনন্দে প্রজাবৃন্দ ভাসিছে উল্লাসে,  
 সুখদুঃখ একসঙ্গে খেলে মর্তবাসে ॥  
 প্রবাদ কথার ছলে বলে বঙ্গবাসী,  
 একচক্ষে কাশ্মা আর অন্য চক্ষে হাসি ॥  
 তাই ঘটতেছে মাগো স্বদেশে তোমার,  
 এদেশে মা ভিক্টোরিয়া ! শুধু হাহাকার !!  
 লভিয়া ভারতবর্ষ তরিয়া সাগর,  
 রাজত্ব করেছ সুখে ত্রি-বর্ষি বৎসর ॥  
 করুণার সিন্ধু তুমি তব করুণায়,  
 জুড়ায়েছে প্রজাপুঞ্জ শীতল ছায়ায় ॥  
 সে করুণা হারা হ'য়ে হারায়ে সে ছায়া,  
 ধরিছে ভারতবাসী শুধু মাত্র কাশ্মা ॥  
 নিরপেক্ষ রাজনীতি করিয়া প্রচার,  
 ঘুচায়েছ সর্ব দুঃখ সমস্ত প্রজার ॥  
 সবারে সমান দয়া, সমান বিচার,  
 বিতরণ করিয়াছ, লয়ে রাজ্যভার ॥  
 শ্বেত কৃষ্ণ বর্ণভেদ ছিল না তোমার ।  
 সমনেত্রে চাহিয়াছ বদন সবার ॥  
 সর্ব প্রজা সুখে থাকে করে সদাচার,  
 সকলে পালন করে ধর্ম আপনার ॥  
 এই স্বাধীনতা মাগো ! দিয়াছিলে সবে ।  
 জানি না মা ভবিষ্যতে কিবা দশা হবে ॥  
 কে আর লইবে কোলে সন্তান বলিয়ে !  
 কে মুছাবে অশ্রুধারা মেহাঞ্চল দিয়ে !!  
 কে আর করিবে দয়া হেরি অসময় !  
 ভয় পেলে কেবা আর দিবে মা অভয় !  
 কে আর বিপদে ত্রাণ করিবে সন্তানে !  
 কে আর প্রবোধ দিবে শুভ আশা দানে !  
 অন্নকষ্ট মহামারী বিদ্রোহ দুর্কার ।

দৈব বিপদের সঙ্গে করেছ সংগ্রাম ।  
 তাই এত প্রিয় মাগো ভিক্টোরিয়া নাম ॥  
 এখন অকূলে ভাসে তব পুত্রগণ,  
 কে বারিবে মহারানি ! তাদের ক্রন্দন !  
 সর্বগুণে গুণবতী ছিলে রাজেশ্বরী ।  
 নাম স্মরি পাদপদ্মে নমস্কার করি ॥

বর্ষকাল পূর্ব হতে কত অমঙ্গল,  
 কাঁপাইয়া দিয়াছিল মেদিনীমণ্ডল ॥  
 ঝড়, বন্যা, ভূমিকম্প, নিত্য মারীভয়,  
 ঘন ঘন মহাযুদ্ধ বহুপ্রাণি ক্ষয় ॥  
 গ্রহগতি ভিন্নাকার, সঘনে গ্রহণ,  
 ঘটেছিল ধরাধামে কত কুলক্ষণ ॥  
 এবারে বসন্তে শীতে অকাল বাদল,  
 ভয়ে ভয়ে গণিয়াছি বহু অমঙ্গল ॥  
 সেই অমঙ্গল ফলে এবে অকস্মাৎ,  
 ভারতের শিরে বেন তাম বজ্রাঘাত ॥  
 উনবিংশ শত এক ঘৈশব বৎসরে,  
 দ্বাবিংশতি জানুয়ারি মঙ্গল বাসরে ।  
 পালালে মা মহালক্ষ্মী তেজিয়া সংসার,  
 চিরদিনে পুন ফিরে আসিবে না আর ॥  
 সবে কয়, সবে দেখে, ভারত ভিতর,  
 মকরে প্রথর হন দেব প্রভাকর ॥  
 কিন্তু মা যেদিনে তুমি মুদিলে নয়ন,  
 সেদিনে ভারতসূর্য্য নিশ্চিন্ত বরণ ॥  
 সেদিনেও মকরের তরুণ যৌবন,  
 তথাপি মলিন ছিল রবির কিরণ ॥  
 ছিলে মা সাক্ষাৎ লক্ষ্মী নারীমূর্ত্তি ধরি,  
 মহারানী মহালক্ষ্মী ভারত-ঈশ্বরী ॥  
 লক্ষ্মীহারা হইলাম তোমার বিহনে,

সমাগরা রাজলক্ষী সমান তোমার,  
 এ জগতে ভিক্টোরিয়া কেহ নাহি আর !!  
 অনিবার বারিধারা ঝরিছে নয়নে,  
 জ্যোতির্শ্রয়ী স্বর্ণ-কাস্তি লদা পড়ে মনে ॥  
 ধরণীতে হাহাকার তাই শুধু নয়,  
 স্বর্গ মর্ত্ত সমভাব হেরি সমুদয় ॥  
 আকাশে চাহিয়া দেখি আকুল লোচনে,  
 ঘুরিছে নক্ষত্র পুঞ্জ-সন্-সন্ সনে ॥  
 গ্রহগাত্রে গ্রহ ঠেকি হয় চুরমার,  
 চন্দ্র সূর্য্য ঘোরে যেন ভব চক্রাকার ॥  
 রক্ত বর্ণ উজ্জ্বল যেন পড়িছে খসিয়া,  
 ভাস্মতে নিখিল বিশ্ব বহ্নি বিকাশিয়া ।  
 অক্ষ লজ্জি ঘনে যেন ঘুরিছে মেদিনী,  
 আকাশে উঠিছে যেন তোয়—তরঙ্গিনী ॥  
 তোমাতে হরিষে কাল, নিষ্ঠুর করাল,  
 ঘটাইছে ধরণীতে বিষম জঞ্জাল ।  
 কি হবে মা মহারাজি ! হেন অলক্ষণে,  
 আর তুমি দেখিবে না করুণ নয়নে !!  
 সব যেন বার বার হেন শঙ্কা হয়,  
 শঙ্কা হয় তবে যেন ঘটিছে প্রলয় !!  
 ভীষণ প্রলয় কাণ্ড ভীষণ অঁধার,  
 এ মহা প্রলয় তুমি হেরিবে না আর ।  
 কোটি কোটি সূত সূতা শোকাচ্ছন্ন হয়ে,  
 কি হবে কি হবে ভেবে কাঁপিতেছে ভয়ে !  
 স্বর্গধামে পশিয়াছ স্বর্গনিবাসিনী,  
 সুখে থাক স্বর্গরাজ্যে রাজ্যাবলাসিনী !  
 তোমার পবিত্র আত্মা পবিত্র নয়নে,  
 চাহিবে মর্ত্তের পানে আশা আছে মনে ॥  
 পুত্র পৌত্র পরিজন অমাত্যবান্ধব,



রেখ মা করুণা দৃষ্টি ভারতের প্রতি,  
 স্বর্গ হতে বর্ষে বেন তব কৃপাজ্যোতি ।  
 কাঁদিব মা তবশোকে জীব যতদিন,  
 দেব জ্যোতি অশ্রুধারা মুছাইয়া দিন !  
 এই নিবেদন মাগো উদ্দেশে তোমার,  
 উদ্দেশে শ্রীপাদপদ্মে করি নমস্কার !!

শ্রীভুবনচন্দ্র মুখোপাধ্যায় ।

## যুক্তি ।

( পূর্ব-প্রকাশিতের পর । )

বাঁহার অতুল ঐশ্বর্য আছে, ঐহিক দুঃখ নিবারণের কোন অসম্ভাবনাই  
 নাই, তথাপি তাঁহার ঐশ্বর্য বৃদ্ধির আশা প্রবল বেগে প্রধাবিত হইয়া,  
 ধর্মসেতু পর্য্যন্ত ভগ্ন করিবার উপক্রম করে কেন ? কেবল আনন্দের  
 জ্ঞান । সর্বসম্পত্তির অধীশ্বর হইয়াও যৎসামান্য একটা উপাধির আশায়  
 প্রাণ পর্য্যন্ত উৎসর্গ করিতে উচ্ছত হইয় কেন ? কেবল আনন্দের জ্ঞান ।  
 দরিদ্রের ধনী হইতে ইচ্ছা হয়, ধনীর রাজা হইতে ইচ্ছা হয়, রাজার  
 চক্রবর্তী হইতে ইচ্ছা হয় কেন ? কেবল আনন্দ লিপ্সার প্রবল প্রবর্ত-  
 নায় । ফলতঃ আনন্দ লিপ্সাই জীবের স্বাভাবিক ধর্ম । কিন্তু জীব অবি-  
 দ্বার কপট প্রলোভনে মুগ্ধ হইয়া অযথাস্থানে আনন্দের অনুসন্ধান করে,  
 স্মতরাং কৃতকার্য হইতে পারে না । যাহা ত্যাগ করিলে আনন্দ হয়,  
 তাহা ভোগ করিয়া আনন্দলাভ করিতে চাহে স্মতরাং বিপরীত ফল হইয়া  
 থাকে । ভোগানন্দ ও ত্যাগানন্দে অনেক বৈলক্ষণ্য । ভোগ সময়েই ভোগা-  
 নন্দের অনুভব হইয়া থাকে, ত্যাগানন্দ আজীবনস্থায়ী । এই দক্ষিণ আফ্রি-  
 কার তুমুল সংগ্রামে অসংখ্য মানুষের জীবননাশ করিয়া, অসংখ্য অনাথাকে  
 অশ্রুজলে ভাসাইয়া ও অসংখ্য শিশুসন্তানকে পথের ভিখারী করিয়া  
 বিজয়ীবৃন্দেরঃ যে আনন্দ হইল, ইহা কি চিরকাল থাকিবে ? কখনই  
 না । কিন্তু যিনি কতকগুলি নিকৃষ্ট পশুজাতির জীবননাশের উপক্রম  
 দেখিয়া তৎপরিবর্তে আপন অমূল্য জীবন অর্পণ করিতে উচ্ছত হইয়া-  
 ছিলেন, আজি যদি সেই পবিত্র কীর্তি বন্ধদেব জীবিত থাকিতেন, তাহা

হইলে এখনও তাঁহার হৃদয়ে সেই পবিত্র আনন্দ পরিপূর্ণ থাকিত সন্দেহ নাই। যিনি কখনও আপন মুখের গ্রাস ক্ষুধাতুর দরিদ্র বালককে অর্পণ করিয়াছেন, তিনিই জানেন, ভোগানন্দ ও ত্যাগানন্দের বৈলক্ষণ্য কি ? যিনি কখনও আপন প্রাণের উপর উপেক্ষা করিয়া পদ্মানদীর প্রবল প্রবাহে নিমগ্নপ্রায় ব্যক্তির জীবন রক্ষা করিয়াছেন, তিনিই জানেন, ভোগানন্দ ও ত্যাগানন্দের বিভিন্নতা কিরূপ ? অধিক কি, যিনি কখনও ক্ষণকালের জন্ত সংসারের সকল বিষয় বিস্মৃত হইয়া একাগ্রচিত্তে হরিগুণগান শ্রবণ বা কীর্তন অথবা স্মরণ করিয়াছেন, ভোগানন্দের ও ত্যাগানন্দের আকাশ-পাতাল-বিভিন্নতা তিনিই বুঝিয়াছেন। ফলতঃ সংসার সম্বন্ধে অপসারিত হইলেই যে এক অপূর্ণ অপ্রাবৃত্ত আনন্দের আশ্বাদন হইয়া থাকে, তাহা চিন্তাশীল ব্যক্তি মাত্রেরই প্রত্যক্ষ বিষয়। ঐরূপ সর্ববাসনাবিহীন অন্তঃকরণে যে এক অপূর্ণ বিমলানন্দের অনুভব হয়, তাহাই মোক্ষানন্দের আভাস ; উহা দ্বারাই মুক্তির আনন্দরূপতা প্রতিপন্ন হইতে পারে। অতএব যখন নিখিল বাসনা ত্যাগ করিলেই প্রকৃত আনন্দ অনুভূত হয়, তখন জীব যে আনন্দ স্বরূপ তাহাতে আর অনুমাত্র সংশয় হইতে পারে না। সেই স্বরূপানন্দের আবরণেই দুঃখ এবং ঐ আবরণ উন্মোচনেই পরমানন্দ অর্থাৎ মুক্তি। যদি কোনও ব্যক্তি একটী পথভ্রষ্ট শিশুকে আপন গৃহে আনিয়া পরম যত্নের সহিত প্রতিপালন করে, তথাপি ঐ শিশু আপন জননীর অমৃতময় অঙ্কে উপবেশন করিতে না পাইয়া কিছুতেই শান্তিলাভ করিতে পারে না এবং তাহার জননীর ক্রোড়ে উপনীত হইলেই অপার আনন্দ আশ্বাদন করিতে থাকে, সেইরূপ পথভ্রষ্ট জীবও যতই সাংসারিক সুখ-ভোগে কালান্তিপাত করুক, যতদিন আপন মূলস্বরূপ ব্রহ্মানন্দে অবগাহন করিতে না পারিবে, ততদিন কোনরূপেই সুখী হইতে সমর্থ হইবে না। এইরূপে ভ্রমণ করিতে করিতে যখন কোন অনির্কীচনীয় সৌভাগ্যের ফলে সেই আনন্দময়ীর অনন্দময় ক্রোড়ে আত্মসমর্পণ করিবে, সেইদিন বিমলানন্দ আশ্বাদনে সমর্থ হইবে, সন্দেহ নাই।

অতঃপর ইহাও চিন্তাশীলের চিন্তা করিবার বিষয় যে, যদি মুক্তাবস্থায় আনন্দের আশা না থাকিবে, তবে চতুর্বর্গের মধ্যে মুক্তিকেই সর্বোচ্চ আসানে উপবেশন করাইবার কোনও কাৰণ নাই। জ্ঞান ঐরূপ বীরস

শ্লোকাত্মক মহাভারত, চতুর্বিংশতি সহস্র শ্লোকে সংগ্রথিত রামায়ণ, এত-  
 ডিন্ধ বহু সংখ্যক তন্ত্র মন্ত্রাদির কিছুই প্রয়োজন ছিল না। কেন না,  
 আনন্দই জীবের স্বরূপ এবং আনন্দলিপ্সাই জীবের স্বাভাবিক ধর্ম, সুতরাং  
 যাহাতে আনন্দ নাই, অর্থ-সাধ্য ও আয়াম-সাধ্য না হইলেও তাহাতে  
 কাহারও প্রবৃত্তি হইতে পারে না। যখন আনন্দের আশা না থাকিলে  
 মনুষ্য একটা অন্ধ প্রত্যঙ্গের যৎকিঞ্চিৎ চালনা করিতেও অভিলাষী নহে,  
 তখন আনন্দহীন মোক্ষের সাধনমার্গের সুদারুণ কঠোরতা সহ করিতে  
 কাহারও অভিলাষ হইতে পারে, এমন বোধ হয় না। যাহাতে একবারেই  
 কাহারও প্রবৃত্তি হইতে পারে না, তদ্বিবয়ে উপদেশ দেওয়াও উপযুক্ত  
 নহে, সুতরাং আর্য্যশাস্ত্রকারদিগের সাধনসম্বন্ধীয় উপদেশ সমূহও অনর্থক  
 হইয়া পড়িল।

আধ্যাত্মিক, আধিদৈবিক ও আধিভৌতিক এই ত্রিবিধ দুঃখ অনুক্ষণ  
 জীবকে আক্রমণ করিতেছে। জীব প্রতিনিয়তই দুঃখভোগ করিতেছে,  
 তথাপি মৃত্যু অভিলাষ করে না। আপন আপন অবস্থাচিত যৎকিঞ্চিৎ  
 আনন্দের আশাই জীবনের অবলম্বন। অত্যন্ত হীনাবস্থা ও উৎকট রোগ-  
 গ্রস্ত ব্যক্তিও সহজে প্রাণ পরিত্যাগ করিতে চাহে না। অল্প কোন  
 প্রকার সুখের সম্ভাবনা না থাকিলেও অন্ততঃ দেখিয়া শুনিয়া যে আনন্দ  
 হয়, তাহারই অনুরোধে অবাছ দুঃখভারও কথঞ্চিৎ বহন করিয়া থাকে।  
 সাংসারিক যন্ত্রণার আধিক্য বশতঃ অনেকে মৃত্যু কামনাও করিয়া থাকে,  
 কিন্তু তাহা মৌখিক বাক্য মাত্র, আন্তরিক অভিলাষ নহে। তবে যে  
 সহস্রাধিক ব্যক্তির মধ্যে কোনও একজন কোথাও কখনও প্রাণত্যাগ  
 করে, তাহা বিচারস্থানে প্রমাণ স্বরূপে গ্রহণ করা যায় না; কেন না,  
 যাহা স্বাভাবিক ও সাধারণ, তাহাই প্রমাণ, আর যাহা অস্বাভাবিক ও  
 অসাধারণ, তাহা প্রমাণ বলিয়া কোনও বুদ্ধিমান গ্রহণ করেন না। এক্ষণে  
 ইহা অনেকাংশে প্রতিপন্ন হইল যে, আনন্দলিপ্সা এতই বলবতী, যৎকিঞ্চিৎ  
 আনন্দের প্রত্যাশা থাকিলে অসহ যন্ত্রণাও সহ করিতে কেহই পরানুখ  
 নহে। সেই আনন্দের গন্ধও যাহাতে নাই, একরূপ মুক্তির প্রয়োজন অতি  
 অল্পই বোধ হয়। আবার গৌতমী ও কাণাদী মুক্তির কথা শুনিলে  
 প্রয়োজনের প্রসঙ্গদূরে থাকুক, ভয়ে হৃৎকম্প উপস্থিত হয়। তাঁহাদের

জন নাই। এই ছুঃখ-সঙ্কুল সংসারের মধ্যেও স্ত্রীপুত্রাদির মুখাবলোকন পূর্বক যে ক্ষণিক সুখভাসের অনুভব হয়, তাহাকেই পরমানন্দ জ্ঞান করিয়া এক প্রকার সুখে ছুঃখে কালাতিপাত করি তাহাও ভাল, তথাপি মুক্তির কথায় কর্ণপাত করিতে অভিলাষ হয় না। অথবা যদি কাষ্ঠ পাষণাদির স্তায় জড়ভাবে অবস্থান করিতে হয়, তাহাও মুছাঁ সদৃশী মুক্তি অপেক্ষা বাঞ্ছনীয়। সেই জন্তই কোন মহানুভব ভয়চকিত ভাবে বলিয়াছিলেন,—

“ন চ বৈশেষিকীং মুক্তিং প্রার্থয়ামি কদাচন ॥

অর্থাৎ “বৈশেষিক মুক্তির অভিলাষ কখনই করিব না?” যদিও ঐ শ্লোকটি কোনও ব্যক্তি বিশেষের উক্তি, তথাপি মুছাঁপ্রায় মোক্ষের কথা; কথা শুনিলে বোধ হয় সকলেই একবাক্যে ঐ কথাই বলিবেন। যাহারা কোন প্রকার বাধ্যবাধকতায় আবদ্ধ হইয়া প্রকাশ্যভাবে ইহা স্বীকার করিতে না পারিবেন, তাঁহাদের হৃদয়ের সহিত বাক্শক্তির বিরোধ উপস্থিত হইবে সন্দেহ নাই। যাহা হউক, অসাধারণ প্রতিভাশালী ঐ ঋষিদের সুবিমল মস্তিষ্ক এরূপ বেদবিরুদ্ধ অর্থোক্তিক সিদ্ধান্তে উপনীত হইল কেন, তাহা আমার স্তায় ক্ষুদ্রচেতার চিন্তাতীত। পশ্চাদি ইতর জীব অপেক্ষা মনুষ্যত্ব অধিকতর আনন্দকর, সামান্য মনুষ্যত্ব অপেক্ষা রাজত্ব এবং রাজত্ব অপেক্ষা সাম্রাজ্য অধিকতর আনন্দের বস্তু, ইহাই আমাদের সাধারণ ধারণা ও প্রত্যক্ষ উপলব্ধি। আবার আর্ষ্য শাস্ত্র আলোচনা করিয়া দেখি, সাম্রাজ্য অপেক্ষা দেবত্ব, দেবত্ব অপেক্ষা ইন্দ্রত্ব এবং ইন্দ্রত্ব অপেক্ষা ব্রহ্মত্বই অধিকতর আনন্দজনক। শাস্ত্রকারগণ এইরূপ আনন্দকর ব্রহ্মলোকেরও মস্তকোপরি মোক্ষপদ সন্নিবেশিত করিয়াছেন। সেই মোক্ষপদ যে একপ্রকার মুছাঁর সদৃশ হইবে, ইহা স্বীকার করিয়া, মহর্ষি গোতম ও কণাদের সম্মান রক্ষা করিতে আমার মন মুখ উভয়েই অসম্মত। কাহারও পক্ষপাতী হইয়া কোন প্রবন্ধের অবতারণা করা উপযুক্ত নহে। সকলের অভিপ্রায় সমালোচনা করিয়া যাহা সুসঙ্গত বোধ হয়, তাহাই অকপটে প্রকাশ করা প্রবন্ধ লেখকের কর্তব্য। আমি এই সামান্য বুদ্ধিতে অসাধারণ বিষয় আলোচনা করিয়া ইহাই উপলব্ধি করিয়াছি যে, মৃত্যুর পরে যদি দৈহিক কোনও চিদংশের অস্তিত্ব থাকে এবং সেই চিদংশের মুক্তি বলিয়া কোনও চরমাবস্থা স্বীকার করিতে হয়, তবে সেই অবস্থা পরম শান্তি ও পরমা-



## গোবিন্দচন্দ্র চক্রবর্তী ।

( ছাই-খেঁগো ক্রোরীয়ান্ )

যখন প্রবল পরাক্রান্ত মুসলমান সম্রাট আওরঙ্গজেব, দিল্লীর সিংহাসনে অধিষ্ঠিত হইয়া এই বিশাল ভারতসাম্রাজ্য শাসন করিতেছিলেন; যখন ( ১৬৬৮ খৃঃ ) দাক্ষিণাত্যে মহারাষ্ট্রীয় রাজ্যের স্থাপয়িতা প্রাতঃস্মরণীয় হিন্দুর প্রলুপ্ত-গৌরবের পুনরুদ্ধারকারী হিন্দুকুলচূড়ামণি মহারাজ শিবাজী, হিন্দু-স্বাধীনতার পুনঃ সংস্থাপন-বাসনায় বিপুল অশ্বসেনার অধিনায়ক হইয়া রায়গড়ে দুর্গ নির্মাণ পুরঃসর বন্ধ-পরিকর হইতেছিলেন; যখন ( ১৬৬৪ খৃঃ ) সুদক্ষ নবাব সায়েস্তা খাঁ, বঙ্গদেশে রাজত্ব করিতেছিলেন; যখন ফরাসী ও দিনেমার, ওলন্দাজ, পর্তুগিজ ও ইংরাজ প্রভৃতি যুরোপীয় বণিকেরা, পরস্পর প্রতিযোগিতা পূর্বক বাঙ্গালার নানাস্থানে বাণিজ্য করিতেছিলেন; প্রায় সেই সময় সুবিখ্যাত নবদ্বীপের অগ্নিকোণে পূর্বস্থলী ( ১ ) নামক গ্রামে একজন প্রধান বাঙ্গালীর উদ্ভব হয়। তাঁহারই নাম “গোবিন্দচন্দ্র চক্রবর্তী।”

বঙ্গদেশের বিষয়, যতই আলোচনা করা যায়, ততই অবসন্নমতি হইতে হয়। অধুনাতন সময়ের বঙ্গবাসিগণ আপনাদিগকে চোকস্, চতুর ও কাজের লোক বলিয়া মনে মনে কতই সন্তুষ্ট হন। তাঁহার লোকের নিকট অহঙ্কার প্রকাশ করিতেও ক্রটি করেন না। কিন্তু তাঁহারা দেখেন না— তাঁহাদের দেশের প্রকৃত ইতিবৃত্ত, রচিত হয় নাই। যে জাতির ইতিহাস নাই, সে জাতির আছে কি ? সভ্য জাতিরা আমাদিগকে মানুষই জ্ঞান করেন না। এই অশুভ বর্তমান সুসভ্য রাজপুরুষগণের নিকট এই বাঙ্গালী জাতির তাদৃশ আদর, কোথায় বল! যদি বঙ্গদেশের পূর্বতন অবস্থার একখানিও প্রকৃত পুরাবৃত্ত থাকিত, যদি আমাদের পূর্বপুরুষগণের জীবনবৃত্তান্ত থাকিত, যদি পূর্বতন সামাজিক আচার-ব্যবহার-বিষয়ক গ্রন্থাদি থাকিত, তাহা হইলে, আমাদিগকে পদ্মা ও ভাগীরথীর অন্তর্গত আধুনিক চর-বাসী বনবাসী বলিয়া

( ১ ) মতান্তরে ‘কামারকুলী’ গ্রাম, গোবিন্দচন্দ্রের জন্মভূমি কিন্তু আমরা গবেষণা দ্বারা, গোবিন্দচন্দ্রের বংশ-পরম্পরায় ও প্রাচীন লোকের প্রমুখাৎ শুনিয়া, যত দূর জানিতে পারিয়াছি, তাহাতে সিদ্ধান্ত হইয়াছে— নবদ্বীপের উত্তরাংশে বর্তমান বিখ্যাত পূর্বস্থলী নামক গ্রামে তিনি প্রাদুর্ভূত হন।

উপেক্ষিত হইতে হইত কেন ? তাহা হইলে আমরা “বড়-ঘরানা” বলিয়া সম্মানিত হইতাম এবং সুসভ্য প্রবল পরাক্রান্ত জাতিগণেরও শ্রদ্ধা আকর্ষণ করিতে পারিতাম। উপরি-উক্ত ব্যক্তির জীবনবৃত্তান্ত-সম্বন্ধে যে প্রকার গল্প শোনা যায়, বাঙ্গালার ইতিবৃত্ত-গ্রন্থে তাহার গন্ধবাস্পও নাই বলিলে, অত্যাক্তি হয় কি ? যাহাও কিঞ্চিৎ প্রাপ্ত হওয়া যায়, তাহাও অত্যল্পমাত্র, ইহা কি অল্প আক্ষেপের বিষয় নয় ! অথচ তাদৃশ-গুণসম্পন্ন ব্যক্তির তাদৃশ কার্য্যই, ইতিহাসের প্রধান বিষয়। নবাব মুর্সিদ কুলি খাঁর ও জাফর খাঁর সময়ে, নাজির আহাম্মদ, সইয়াদ রেজা খাঁ, সৈয়দ খাঁ, একরাম খাঁ প্রভৃতি মুসলমান রাজপুরুষেরা, বাঙ্গালার রাজত্ব-সম্বন্ধে যে কার্য্য করিতেন, একজন বাঙ্গালীও (২) আপন সম্বানের সহিত সেই সময়ে বহু বৎসর তাদৃশ কোন কার্য্য করিয়াছিলেন, এবং তদ্বারা আপন অবস্থা, সমুন্নত করিয়া বিবিধ কীর্ত্তি-কলাপ দ্বারা চিরস্মরণীয় হইয়া গিয়াছেন। ইতিহাস পাঠ না করিয়া, জনশ্রুতির উপর কি প্রকারে বিশ্বাস করা যাইতে পারে ? যে প্রকার শ্রুতিগোচর হয়, তাহাতে উক্ত বাঙ্গালীর পদ, উল্লিখিত মুসলমান রাজপুরুষগণের পদ অপেক্ষাও উচ্চতর ছিল বলিয়া বর্তমান প্রাচীন লোকদিগের দৃঢ়বিশ্বাস। হয়, গোবিন্দচন্দ্রের জীবনবৃত্তান্ত-সম্বন্ধে বঙ্গদেশীয় ও প্রাচীন লোকের জনশ্রুতি মিথ্যা বলিতে হইবে—না হয়, মুসলমান-রাজত্বের মুসলমান-ইতিহাসলেখক, ইতিহাস হইতে বাঙ্গালীর নাম পরিবর্তন করিয়াছেন, ইহাই স্বীকার করিতে হইবে। এই উভয় তর্কের মধ্যবর্তী হইয়া, স্থির সিদ্ধান্ত করিলে, প্রতীতি জন্মিবে—গোবিন্দচন্দ্র চক্রবর্তীর যাদৃশ উচ্চ পদের গল্প শোনা যায়, বোধ হয়, তাদৃশ প্রবল ক্ষমতাসম্পন্ন

(২) রাজকৃষ্ণ মুখোপাধ্যায় এম্-এ, বি-এল্ সঙ্কলিত ‘প্রথমশিক্ষা বাঙ্গালার ইতিহাসের’ ৩৮ পৃষ্ঠায় ‘মুকুট রায়ের’ নাম-মাত্র দেখিতে পাওয়া যায়। যথা,—“যে সময়ে পর্তুগিজদিগের প্রভাব-বিলয় হয়, যে সময়ে সাহাজান সম্রাট হইয়াছিলেন ( ১৬২৮ খৃঃ ) ; যে সময়ে সম্রাট, ইসলাম খাঁ মাহহাদিকে বেহারের সুবাদার নিযুক্ত করেন ( ১৬৩৭ খৃঃ ), তাহার অল্পকাল মধ্যে ( ১৬৩৮ খৃঃ ) চট্টগ্রামের শাসনকর্তা মুকুটরায় আরাকানরাজের অধীনতা পরিত্যাগ পূর্ব্ব মোগল সম্রাটের বশত স্বীকার করেন।” এই ‘মুকুট রায়’

পদ, তাঁহার হয় নাই। ফলতঃ, যেমন শ্রুত হওয়া যায়, সেরূপ না হইলেও, যখন ডেপুটী গবর্নর রাজা রাজবল্লভ, পেশ্বর দর্পনারায়ণ প্রভৃতি এদেশীয়-গণের নাম, ইতিহাসে দৃষ্ট হয়, তখন বাঙ্গালা বিহার, উড়িষ্যার “ক্রোরীয়ান্” বলিয়া খ্যাত, গোবিন্দচন্দ্র চক্রবর্তীর বিষয়, বাঙ্গালার ইতিহাসে বিবৃত হওয়া, নিতান্তই উচিত ছিল, তাহাতে অণুমাত্রও সন্দেহ কৈ? দ্বিতীয় টীকায় রাজকৃষ্ণ মুখোপাধ্যায়ের ‘প্রথম শিক্ষা বাঙ্গালার ইতিহাস’ হইতে যে বৃত্তান্ত, সংগৃহীত হইয়াছে, তাহা, গোবিন্দচন্দ্র চক্রবর্তীর নিজের বৃত্তান্ত নহে। তাহা, তাঁহার পুত্রের (৩)। যাহা হউক, যখন গোবিন্দচন্দ্র চক্রবর্তীর সম্বন্ধে কোন বিষয়, বাঙ্গালার ইতিহাস-গ্রন্থে কোনও লিপিবদ্ধ প্রমাণ নাই—তখন কেবল জনশ্রুতির উপর নির্ভর করিয়াই, গোবিন্দচন্দ্রের চরিত্র-সম্বন্ধিনী আলোচনায় প্রবৃত্ত হইতে হইল।

নবাব সায়েস্তা খাঁর সময়ে বর্তমানে বিখ্যাত “পূর্বস্থলীতে” (কোন কোন গ্রন্থকর্তা বলেন, ‘কামারকুলিতে’ বা ‘কুমারখুলিতে’—কিন্তু বাস্তব পক্ষে যত দূর জানিতে পারা গিয়াছে, তাহাতে বোধ হয়, বর্তমান পূর্বস্থলীতেই) গোবিন্দচন্দ্রের জীবন-সাগরের সমুদয় তরঙ্গ, দেখা দিয়াছিল। এক ঘর ছুঃখী বৈদিক ব্রাহ্মণের তথায় নামে মাত্র বাস ছিল। সাধ্বী স্ত্রী এবং ৭।৮ (সাত বা আট) বৎসর-বয়স্ক একমাত্র পুত্র লইয়া ব্রাহ্মণ, অতীব কষ্টে সংসারযাত্রা নির্বাহ করিতেন। বালকটী, বাল্যকালে বিলক্ষণ ছুঃখভাব-সম্পন্ন ছিল। এক দিন প্রতিবেশী বালকগণ ও আমাদের বর্ণনার বিষয়ীভূত উক্ত বালক, একত্র খেলা করিতেছিল। কে, কি দিয়া, ভাত খাইয়াছে, কথাপ্রসঙ্গে সেই কথা উঠিল। সকলের কথা, ফুরাইয়া গেলে, এক বালক, কথায় কথায় কহিল—“মা, যেরূপ লাউ-চিঙড়ি রাখিয়াছিলেন, তোমরা কেহই, সেরূপ খাও নাই।” বর্ণিত বালক, গৃহে আসিয়া মাতার নিকট লাউ-চিঙড়ি খাইবার অভিলাষ প্রকাশ করিল। মাতার হাতে এক কপর্দকও মাত্র নাই যে, তদ্বারা মৎস্য ক্রয় করেন। এ দিকে বালকের ভয়ঙ্কর আদার! সেই সময়ে হঠাৎ একজন মৎস্য-বিক্রয়িণী, গৃহে আসিয়া উপস্থিত হইল। জননী, উপায়ান্তর নাই দেখিয়া, মাড়ে পাঁচ গণ্ডা কড়ির

(৩) ‘গোবিন্দচন্দ্র’-নন্দন “মুকুট রায়ের” নিকট বখাসময়ে সমুপস্থিত

(৪) দামে ধারে মৎস্য ক্রয় করিলেন এবং মেছুনীকে বলিয়া দিলেন, “বাছা, ফিরিয়া যাইবার সময় কড়ি লইয়া যাইও।” লাউ-চিড়ড়ির আয়োজন হইল দেখিয়া, গোবিন্দের আর আনন্দের সীমা রহিল না। তিনি তখন খেলিতে বাহির হইলেন। জননী, পাক প্রস্তুত করিতে গমন করিলেন। মধ্যাহ্ন-কাল উপস্থিত। মৎস্যজীবিনী, পাড়ায় পাড়ায় মৎস্য বিক্রয় করিয়া, গোবিন্দ-জননীর নিকটে আসিয়া, বিক্রীত মৎস্যের মূল্য চাহিল। গোবিন্দের মাতা, তখন মূল্য-প্রদানে অসমর্থ। তিনি বলিলেন—“বাছা, এখন এক কড়া কড়িও, আমার হাতে নাই। আর একদিন আসিয়া লইও। আজ এস।” ইহাতে মৎস্যজীবিনী, অসন্তুষ্ট হইয়া যার পর নাই, নানাপ্রকার কুট কটুতর অকথ্য ভাষায় গোবিন্দের জননীকে লক্ষ্য করিয়া গালি দিল। কেহ কেহ বলেন—সে, রন্ধন-করা মাছগুলি, তরকারি হইতে বাছাইয়া লইয়া গিয়াছিল। প্রকৃতপক্ষে মৎস্যজীবিনী, তাহাই করিয়াছিল। গোবিন্দের পিতা, এই সমস্ত বৃত্তান্ত বিদিত হইয়া, বিলক্ষণ বিরক্ত হইলেন। পুত্রের জন্ম ছোট লোকের গালি খাইতে হইল বলিয়া, স্ত্রীর সম্মুখে পুত্রোদ্দেশে বিস্তর তিরস্কার করিলেন। ইতোমধ্যে গোবিন্দ, গৃহে আসিয়া আহার করিতে বসিল। গোবিন্দ, মাছের তরকারিতে মাছ না পাইয়া, নিজ-জননীকে জিজ্ঞাসা করিল—“মা ! মাছ কৈ ?” জননী, ক্রন্দন করিতে করিতে, মেছুনীর বৃত্তান্ত, আশ্রোপাস্ত গোবিন্দকে বলিলেন। কেহ কেহ বলেন, কর্তার আদেশে গোবিন্দকে ছাই খাইতে দেওয়া হইয়াছিল। প্রকৃত পক্ষেও তাহাই হইয়াছিল। অগ্ণ্যবধি পূর্বস্থলীর আবাল-বৃদ্ধবনিতা সকলেই, “ছাই-খেগো চক্রবর্তী” বলিয়া, গোবিন্দের জীবনবৃত্তান্তের অবতারণা করিয়া থাকে। ইহা, প্রকৃত না হইলে, পূর্বস্থলীর লোকে, কেন তাঁহাকে “ছাই-খেগো গোবিন্দ চক্রবর্তী” বলিবে ? ঘটনা, যাহাই হউক, ফলতঃ দারিদ্র্য-নিবন্ধন এই ব্যাপারোপলক্ষ্যে গোবিন্দের মনে একটি নিদাক্ষণ আঘাত লাগিয়াছিল। ভোজন হইতে বিরত হইয়া, সেই আট বৎসর বয়স্ক বালক গোবিন্দ বলিলেন—“মা ! আমার নিমিত্ত ভাবিও না। যদি টাকা উপার্জন করিতে পারি, তবে আবার ঘরে ফিরিয়া আসিব। নতুবা এই জন্মের মত শেষ বিদায়



লইলাম” । এই কথা বলিয়া পিতৃ-মাতৃ-চরণে প্রণিপাত পূর্বক গাত্রমার্জ্জনী ( গামছা ) গোবিন্দচন্দ্র, স্বন্ধে করিয়া, বাটী হইতে বহির্গত হইলেন ।

কোথায় যাইবেন, কি ই বা করিবেন, তদ্বিষয়ে গোবিন্দের লক্ষ্য স্থির ছিল না । ভ্রমণ করিতে করিতে, তিনি, ভাগীরথী-তীরে উপস্থিত হইয়া দেখিলেন, একটা তাল-তরুর কুলায়ে পাখীর বাচ্ছা হইয়াছে । পক্ষি-শাবক-গ্রহণে লোলুপ হইয়া, তিনি, বৃক্ষে আরোহণ করিলেন । পাখীর বাসায় যেমন হস্ত-প্রসারণে উত্তত হইয়াছেন, অমনই এক ভয়ঙ্কর বিষধর, তন্মধ্য হইতে অর্ধ-নিষ্ক্রান্ত হইয়া, দংশনোন্মুখ হইল । এমন অবস্থায় ভয়ে অভিভূত হইয়া, শাখা হইতে পড়িয়া যাওয়াই সম্ভব । কিন্তু গোবিন্দ, তৎক্ষণাৎ উপস্থিত বুদ্ধিবলে এক্ষণে বিষধরের গলা টিপিয়া ধরিলেন যে, সে, আর দংশন করিতে পারিল না । সর্প, দংশনে অক্ষম হইল বটে, কিন্তু লাঙ্গুল দ্বারা তাঁহার অঙ্গুলি দৃঢ়রূপে জড়াইয়া ধরিল । গলা ছাড়িয়া দিলে, সর্পে, দংশন করিবে । স্মতরাং এক হস্তের আঙ্গুলো বৃক্ষ হইতে অবতরণ করাও, নিতান্ত সুকঠিন । প্রস্তুতবুদ্ধি বালক, আপনাকে এইরূপ বিপন্ন দেখিয়া, তদ্বৎসেই একটা সহপাঠের উদ্ভাবন ও অবলম্বন করিলেন । যে ক্ষমতা, নিরাশ্রয় হুঃখী বালককে ভবিষ্যতে সম্ভ্রমসূচক গুরু-ভার-বহ রাজকীয় পদে উন্নত করিয়াছিল—পাঠকগণ, তালী-তরুর শিখরদেশে নাগ-পাশ-বদ্ধ সেই বালকের নবীন জীবনে ঐ দিন সেই সামর্থ্যের অঙ্কুর দেখিতে পাইলেন ।

গোবিন্দচন্দ্র, অসাধারণ-প্রত্যুৎপন্নমতি-প্রভাবের বলে অপর হস্ত দ্বারা সর্পের লাঙ্গুলের অগ্র ভাগ ধরিয়া খেলেন,—আর তালের বাধুড়ার সূতীক অগ্র ভাগ দ্বারা সর্পকে ছিন্ন করিয়া, ভূতলে নিক্ষেপ করিতে থাকেন । সেই সময়ে এক জন পরিব্রাজক সন্ন্যাসী, যদৃচ্ছা-ক্রমে ভ্রমণ করিতে করিতে, সেই স্থানে আসিয়া উপস্থিত হইলেন । জনশ্রুতি এই—তিনি তৎকালে নির্দিষ্ট-গুণবিশিষ্ট একটা শিষ্যের অন্বেষণ করিতেছিলেন । সহসা তালবৃক্ষোপরি বালকের দিকে দৃষ্টিসংযোগ হওয়ার, তিনি অদ্ভুত নাট্যের অভিনয় দেখিলেন । তিনি বৃক্ষারূঢ় বালকের অসাধারণ প্রত্যুৎপন্ন মতি ও অতি-সাহস দেখিয়া, মনে মনে স্থির করিলেন, সেই বালকই, তাঁহার যোগ্য শিষ্য হইবে । কিয়ৎ ক্ষণের মধ্যেই বালক, আরক কৰ্ম্ম সমাপ্ত করিয়া গাছ হইতে নামিলেন । সন্ন্যাসী, তাঁহার ভাল করিবার আশা দিয়া, সঙ্গে

বাচ্ছা দিতে পারেন, তবেই আমি আপনাকে সঙ্গী হই।” সন্ন্যাসী, পক্ষি-  
শাবকের প্রলোভন দেখাইয়া, তাঁহাকে সঙ্গে লইয়া প্রস্থান করিলেন।  
সন্ন্যাসী, তাঁহাকে দীক্ষিত করিয়া মন্ত্রসিদ্ধির উপায় বলিয়া দিলেন এবং  
কহিলেন—“গোবিন্দ ! ভবিষ্যতে তুমি বড়লোক হইবে; কিন্তু অজ্ঞান্যে  
তোমার মৃত্যু হইবে। পরিত্রাজক সন্ন্যাসীর এই সকল ভবিষ্যদ্বাণী, সম্পূর্ণ-  
রূপে ফলবতী হইয়াছিল। অনেক স্থান ভ্রমণ করিয়া, গোবিন্দ, পরিত্রাজকের  
সহিত শেষে দিল্লী গমন করেন।

কিংবদন্তী আছে, সন্ন্যাসীর বরে সামান্য যত্নে আরব্য ও পারব্য ভাষায়  
তিনি সুপণ্ডিত হইয়াছিলেন, এ কথা এক সত্য। অন্য দিকে বিনা যত্নে ও বিনা  
অধ্যবসায়ের সাহায্যে বিদ্যাভ্যাস হয় না, এটাও দ্বিতীয় সত্য। অতএব এমন  
স্থলে উপরি-উক্ত জনশ্রুতি, সত্য বা মিথ্যা বলিয়া বোধ করা যাইতে পারে।  
অনুমান হইয়াই, প্রতীত হয়—হয়, প্রোক্ত ছই ভাষায় সন্ন্যাসীর জ্ঞান  
ছিল, তাই তিনি স্বয়ংই, গোবিন্দকে শিক্ষা দেন। না হয়, দিল্লীতে তাঁহার  
তৎকাল-প্রচলিত বিদ্যাশিক্ষার ব্যবস্থা হইয়াছিল। স্বল্প সময়ে ও স্বল্প শ্রমে  
অসাধারণ অধ্যবসায়, স্বাবলম্বন ও অত্যাশ্চর্য্য অরণশক্তির বলে তাদৃশ বিদ্যা-  
ধন-উপার্জনে সমর্থ হইয়াছিলেন বলিয়াই, লোকে কহে—“বিনা ব্যয়ে, বিনা  
যত্নে সন্ন্যাসীর বরে তিনি বিদ্বান্ হইয়াছিলেন।”

ফলতঃ, এতাদৃশ-প্রতিভা-সম্পন্ন বালকের শিক্ষা গ্রহণ বিষয়ে অনেক  
কৌতুক ও আমোদজনক উপদেশ পাইবার আশা করা যাইতে পারে;  
কিন্তু এ-দেশের দুর্ভাগ্যবশতঃ তাহার সবিশেষ বিবরণ কিছুই সংগ্রহ করা যায়  
না। গোবিন্দ, বাল-স্বভাব-সুলভ চপলতার বশীভূত হইয়া, আরবীর সুললিত  
যে কবিতা, মুখে মুখে আবৃত্তি করিতে করিতে, দিল্লীর রাজপথ দিয়া পদব্রজে  
করিতেছিলেন, তাহা, তৎকালীন সম্রাটের “রায় রাইয়ার” ( দেওয়ানের )  
কর্ণে প্রবেশ করিল। তিনি অতিশয় সন্তুষ্ট হইয়া, বালককে নিকটে আহ্বান  
করেন। দেওয়ান, গঠন-মৌল্যে ও মুখশ্রীতে অসাধারণ মতি-মত্তার লক্ষণ-  
দর্শনে গোবিন্দকে বড়ই ভালবাসিলেন; আশ্রয় দান করিয়া, তাঁহার উন্নতি-  
সংসাধন-সংকল্পে সবিশেষ মনোযোগী হইলেন। তিনি দেওয়ানের অনুগ্রহে  
বহুদিন সেইস্থানে থাকিয়া, বহুবিধ বিষয়-কার্য্য শিখিয়া কাজকর্ম্ম করেন।  
শেষে যে কার্য্য করিয়া, তাঁহার প্রচুর সম্পত্তি ও দেশাবচ্ছিন্ন খ্যাতি লাভ হয়,

অনুকম্পায় ক্রমান্বয়ে অনেক রাজকর্মে নিয়োজিত হন। দেওয়ান, অপাত্রে অল্পগ্রহ বিতরণ করিতে পারেন কি? গোবিন্দের অসাধারণ গুণ ও সমুদয় কার্যে বিলক্ষণ পারদর্শিতা-দর্শনে তিনি মোহিত হইয়া, তাঁহার প্রতি দয়া করিতে বাধ্য হন। নিজের একটু মনুষ্যত্ব না থাকিলে, কেবল পরানু-কুলোই, কাহারও কখন কি প্রকৃত বড়লোক হওয়া সম্ভাবিত? অনেকে, মহায় নাই বলিয়া, আক্ষেপ করেন; কিন্তু অকারণ সহায়, অতি অল্পলোকেরই থাকে। বাহা হউক, গোবিন্দ, ক্রমে সম্রাটের শ্রুতিগোচর হইলেন। এই ঘটনাতেই, তাঁহার গুণ ও ক্ষমতার পর্যাপ্ত পুরস্কার হইল। কার্য ও কারণ এই উভয়ে, একরূপ অত্যাশ্চর্য্য-সম্বন্ধ-যুক্ত যে, তাহাদের মধ্যে কিঞ্চিন্মাত্র বৈষম্য থাকিবার ঘো নাই। আপাত-দৃষ্টিতে বোধ হইতে পারে, গোবিন্দের যেরূপ যোগাযোগ হইল, যাহারই সম্বন্ধে সেরূপ হইবে, তাহারই তাদৃশী উন্নতি হইবার সম্ভাবনা। কিন্তু কার্য-কারণের ভাব পর্যালোচনা করিলে, বোধ হইবে, যোগাযোগ আপনা হইতে হয় না। এ সংসারে কয় ব্যক্তি, অতুচ্চ তালী-তরু-শিখরে তাদৃশ বিপন্ন হইয়াও, অদ্ভুত ও প্রস্তুত বুদ্ধি-প্রদর্শনে পারগ হয়?

তৎকালীন সম্রাট, এক সময়ে গোবিন্দকে দেখিতে চাহিলেন। দেওয়ান, সম্রাট-সাক্ষাৎ-করণোপযোগী আয়োজন করিয়া দিলেন। গোবিন্দ, স্বকীয় বিদ্যা, বুদ্ধি ও কার্য-দক্ষতা দর্শাইয়া, সম্রাটের এতাদৃশ স্নেহ ও লজ্জাব আকর্ষণ করিলেন যে, সম্রাট, তাঁহাকে প্রার্থনার অধিক পুরস্কার-প্রদানে বাধ্য হইলেন। বাদশা, “বান্দালা, বিহার, উড়িষ্যা” এই তিনটি শব্দ উচ্চারণ পূর্বক পদ-সঞ্চালনে নিকটস্থ তিনটি তাকিয়া স্থান-ভ্রষ্ট করিলেন। গোবিন্দ, ইহার অর্থগ্রহ কিছুই করিতে না পারিয়া, একপ্রকার অসম্বৃত্ত হইয়াই, রাজসভা হইতে বিদায় হইলেন। গোবিন্দচন্দ্র, রাজসভা হইতে প্রত্যাগত হইয়া, দেওয়ান-জীকে কহিলেন,—“মহাশয়! এমন বাতুল সম্রাটের নিকট আমার পাঠাইয়াছিলেন কেন?”

প্রবাদ প্রচলিত যে, দিল্লীর রাজ-পথে একটি বৃহদাকার প্রস্তর, পতিত ছিল। সেই প্রকাণ্ড প্রস্তরে অস্পষ্ট অক্ষরে পারসী ভাষায় কি একটি কবিতা, বা অল্প কিছু ক্ষোদিত ছিল। তৎকালিক কি হিন্দু, কি মুসল-মান—বড় বড় পারসীবিৎ পণ্ডিত কেহই, তাহার অর্থ করিতে সমর্থ হন

প্রস্তর-ক্ষেপিত কবিতা; আর অগ্নাশ্রু যাহা কিছু ক্ষোদিত ছিল; তৎসমুদয়ই—  
অস্মান বদনে পাঠ করিয়াছিলেন। তাহাতে সম্রাট, সন্তুষ্ট হইয়া, পুরস্কার-  
স্বরূপ তাঁহাকে বাঙ্গালা, বিহার ও উড়িষ্যার সৰ্ব্বপ্রধান রাজস্ব-সচিবের  
পদ সমর্পণ করেন। (৫)

( ক্রমশঃ )

শ্রীমহেন্দ্রনাথ বিদ্যানিধিঃ

## শকুন্তলা ।

### প্রথম পরিচ্ছেদ ।

বাল্যকাল হইতে শুনিয়া আসিতেছি, “কবিষু কালিদাস শ্রেষ্ঠঃ”। আমরা  
যে শুধু ঐ কয়েকটা কথা যখন তখন আবৃত্তিমাত্র করিয়া কবিকে সম্মান  
করিয়া থাকি, তাহা নহে। আমাদের নিকট প্রায় সমুদায় প্রত্যাৎপন্ন-  
মতিত্বের গজের নায়ক কালিদাস, কবিত্বপূর্ণ শ্লোক বা হেঁয়ালীর রচয়িতা  
কালিদাস। আমরা কল্পনায় কালিদাসকে কখনও মুখ করি, আবার কখন  
বা তাঁহাকে সরস্বতীর বরণপুত্র করিয়া কুলি, কখন তাঁহাকে নিকোঁধের  
শেষ করি, আবার কখন বা তাঁহাকে বুদ্ধিমানের চূড়ান্ত করিয়া থাকি।  
আমাদের যেন বিশ্বাস, এক কালিদাস ভিন্ন ভারতবর্ষে আর দ্বিতীয় কবি  
জন্মগ্রহণ করেন নাই। আর কোন দেশের কোন কবির ভাগ্যে একরূপ  
ঘটিয়াছে কি না শুনি নাই। অথচ আমাদের দেশেই ভট্টাচার্য্য মহাশয়-  
দিগের কৃত একটা সমালোচন শ্লোক প্রচলিত আছে; যথা—“কাব্যেষু

(৫) আরও প্রবাদ আছে—গোবিন্দচন্দ্র, রাজসভায় সম্রাটের নিকট  
পারস্য-ভাষায় অদ্বিতীয় বিদ্বান্ প্রতিপন্ন হইলেন। বড় বড় পারসিবিৎ  
পণ্ডিতেরা, যে সকল লেখা পড়িতে পারেন নাই, সেই সকল লেখা, গোবিন্দ-  
চন্দ্রের হস্তে দিয়া, বাদশা বলিয়াছিলেন,—“এই লেখার ব্যাখ্যা কর।”  
গোবিন্দ, অক্লেশে পাঠ করিয়া তাহা সম্রাটকে বুঝাইয়া দিয়াছিলেন। সেই



মাঘ: কবি: কালিদাসঃ” । সমালোচক মহাশয় নাটকে, ও কাব্যে প্রভেদ করিয়া কাব্যে মাঘকে ও নাটকে কালিদাসকে শ্রেষ্ঠত্ব দিয়া অবশেষে কালিদাসেরই জয় গাহিয়াছেন । নাটক রচনা করিয়াই কালিদাস এত সর্বজন-প্রিয় হইয়া উঠিয়াছিলেন । “অভিজ্ঞান শকুন্তল” কালিদাস কৃত নাটক দুইখানির মধ্যে উৎকৃষ্টতর । অতএব “অভিজ্ঞান শকুন্তলের” কবি বলিয়া তাঁহার এত আদর । সেই “অভিজ্ঞান শকুন্তলে” কি আছে, আজ আমরা তাহা দেখিব; দেখিব, কিরূপ একখানি নাটক রচনা করিয়া তিনি বাবতীয় কবির শীর্ষস্থান অধিকার করিয়াছেন । দেখিব, কেন “কবিষু কালিদাস শ্রেষ্ঠঃ ।”

স্বর্গীয় ভূদেববাবু এই শকুন্তলাকে একটা গোলাপ ফুলের সহিত তুলনা করিয়া বলিয়াছেন, “ইহার দিগন্তব্যাপী সৌরভে স্ববন্ধু বান্ধবে উল্লাসপূর্ণ হওয়া যায় ।” আমরা তাঁহার কথা অনুসরণ করিয়া আজ স্ববন্ধু বান্ধবে সেই তের বৎসর পূর্বে উজ্জয়িনীতে প্রস্ফুটিত চির অম্লান গোলাপটির দিগন্তব্যাপী সৌরভে উল্লাসপূর্ণ হইতে চেষ্টা করিব ।

অভিজ্ঞান শকুন্তলের উপাখ্যান ভাগ কালিদাসের সম্পূর্ণ নিজের নহে । মহাভারতের আদিপর্বে বর্ণিত শকুন্তলা উপাখ্যানটি ইহার মূলভিত্তি । মহাভারতের শকুন্তলা এইরূপ,—“চন্দ্রবংশে দ্রুশ্যস্ত নামে এক রাজা ছিলেন, তাঁহার রাজধানী হস্তিনাপুরে । একদিন তিনি মৃগয়া করিতে করিতে হঠাৎ মহর্ষি কণ্ঠের আশ্রমে উপনীত হন । সে সময়ে কণ্ঠ আশ্রমে উপস্থিত ছিলেন না । তাঁহার পালিতা-কন্যা শকুন্তলা রাজার অতিথি সংকার করেন । রাজা শকুন্তলার রূপলাবণ্যে মোহিত হইয়া, তাঁহাকে বিবাহ করিবার জন্ত আগ্রহ প্রকাশ করেন, শকুন্তলা সম্মত হইলে গান্ধর্ববিধানে উভয়ের বিবাহ হয় । এখন কণ্ঠের ফিরিবার পূর্বেই দ্রুশ্যস্ত স্বীয় রাজধানীতে ফিরিয়া যান । কণ্ঠ আশ্রমে আসিলে, সমস্ত বৃত্তান্ত অবগত হইয়া অত্যন্ত আফ্লাদ প্রকাশ করেন । এদিকে শকুন্তলা গর্ভবতী হইয়াছিলেন । যথাসময়ে সেই আশ্রমেই তাঁহার এক পুত্র জন্মিল । সেই পুত্রের যখন ছয় বৎসর বয়স, তখন কণ্ঠ তাহার সহিত শকুন্তলাকে রাজার নিকট প্রেরণ করেন । রাজা শকুন্তলাকে দেখিয়াই চিনিতে পারিলেন বটে, কিন্তু সম্বন্ধ অস্বীকার করিয়া তাড়াহুড়িতে চেষ্টা করিলেন । দৈববাণী হইল, ‘শকুন্তলা তোমারই

সুপুত্রের স্তায় শকুন্তলাকে গ্রহণ করিয়া পরমসুখে কাশ্যাপন করিতে লাগিলেন।”

অষ্টাদশ পুরাণের মধ্যে ‘পদ্মপুরাণ’ নামে একখানি গ্রন্থ আছে। সেই গ্রন্থের স্বর্গখণ্ডে শকুন্তলার একটি উপাখ্যান আছে। সেই গ্রন্থের গল্পের সহিত কালিদাসের নাটকের গল্প কতকটা মিলে। অনেকে বলেন, কালিদাস “পদ্মপুরাণে” শকুন্তলার গল্প যেরূপ পড়িয়াছিলেন, একটু আধটু পরিবর্তন করিয়া তদবলম্বনে একখানি নাটক লিখিয়া গিয়াছেন। আমরা এই স্থলে আমাদের দেশের একজন বিখ্যাত ঐতিহাসিকের কথা উদ্ধৃত করিলাম, “The eighteen Purans were mainly composed in the Vikramadityan Age, although they have been largely added to in subsequent times, even after the Mahomedan Conquest.” \* “Vikramadityan Age” বলিতে আমরা এরূপ বুঝি যে, যে সময়ে বিক্রমাদিত্য রাজত্ব করিতেন বরং তাহার কিছুকাল পরে, তথাপি একদিনও আগে নহে, কালিদাস বিক্রমাদিত্যের সম-সাময়িক। অতএব সর্বাপেক্ষা পুরাতন পুরাণগুলি বড়জোর কালিদাসের সম-সাময়িক। তাহার মধ্যে “পদ্মপুরাণখানি” আছে কি না, তাহা নিশ্চিত বলা যায় না। তবে কেমন করিয়া শপথ করিব যে, কালিদাসের গল্প পৌরাণিক গল্পের অনুলকরণ? আর বহু ব্যক্তি যে পথে গিয়াছেন, তাহাই প্রশস্ত বলিয়া ও কথা স্বীকার করিলেও, কালিদাসের তাহাতে অগৌরব নাই; কেন না, তাহার গল্প আরও প্রাণমুগ্ধকারী। লোকে পুরাণ ভুলিবে, তবু কালিদাসের শকুন্তলাকে ভুলিবে না।

(ক্রমশঃ)

শ্রীদেবেশ্বর মুখোপাধ্যায় ।

## বাল্লাভা ভাষার লেখক ।

পণ্ডিত বীরেশ্বর পাণ্ডে । অধুনাতন যশোহর জেলার অন্তর্গত বনগ্রাম মহকুমার অধীন কায়রাগ্রামে পৈতৃক বাস । ইঁহারা কাণ্ডকুজ ব্রাহ্মণ । প্রায় দশ এগার পুরুষ হইতে বঙ্গদেশে বাস । পূর্ব-পুরুষগণের অনেকেই বিলক্ষণ বুদ্ধিমান ও পণ্ডিত ছিলেন । তজ্জন্ত কৃষ্ণনগরের রাজগণের নিকট হইতে বহু-পরিমিত ভূমি বৃত্তি পান । বীরেশ্বর বাবুর পিতামহের নাম কনকচন্দ্র পাণ্ডে । ইঁহার তুল্য দাতা ও অতিথিপ্রিয় লোক বিরল ছিল । তেজস্বিত্তি ও ভূ-সম্পত্তিতে ইঁহার আয়ও নিতান্ত কম ছিল না । কিন্তু সমস্ত অর্থ ইনি পূজা ও অতিথি-সেবাতেই ব্যয় করিতেন । এই অতিথি-সেবার জন্ত কনকচন্দ্র সাধারণের নিকট রাজা উপাধি পাইয়াছিলেন । পূর্বদেশের সমস্ত লোক তৎকালে তাঁহাকে রাজা বলিত । ব্রাহ্মণের উপর কনকচন্দ্রের বড়ই ভক্তি ছিল । তদীয় স্ত্রীও তদনুরূপ গুণবতী ছিলেন । সকলেই তাঁহাকে সাংসার লক্ষ্মী বলিত । তিনি পতির সহগামিনী হইয়াছিলেন । যে সময় কনকচন্দ্রের মৃত্যু হয়, তখন ইঁহার পুত্র, মৃত্যুঞ্জয়ের বয়স ষোড়শবর্ষমাত্র । তিনিই জ্যেষ্ঠ । এই বয়সে তিনি কনিষ্ঠ ভ্রাতৃত্রয় ও ভগিনীদ্বয়কে স্ব-মতে রাখিয়া সংসারের উন্নতি করেন । ইঁহাদের পৌত্রাত্ন ঐ প্রদেশে উপমা-স্থল হইয়াছিল । সকলে ইঁহাদিগকে রাম, লক্ষণ, ভরত, শত্রুঘ্ন বলিতেন । ভ্রাতৃ-গণকে সর্ব্বপ্রকারে সম্বলিত রাখিয়া পৈতৃক অতিথিসেবার ব্যয়ের পরিমাণ বৃদ্ধি করিয়া এবং সমস্ত পূজা পার্বণাদির ব্যয় নির্বাহ করিয়াও, প্রভূত পরিমাণ ভূসম্পত্তি উপার্জন করিয়াছিলেন, এবং বাসভবনের জন্ত এক বৃহৎ অট্টালিকা নির্মাণ করিয়াছিলেন । ঐ বাসভবন,—কলিকাতা জোড়াসাঁকোর নূতন বাজারের শ্যামাচরণ মল্লিকের বাটীর অনুরূপে প্রস্তুত এবং উহা অপেক্ষা অধিক ছোটও হইবে না । মৃত্যুঞ্জয় নানাগুণে ভূষিত ছিলেন । সংস্কৃত ও পারসী উভয় ভাষাতেই তিনি অধিকারী ছিলেন । জ্যোতিষ শাস্ত্র, চিকিৎসাশাস্ত্র ও ব্যবহারশাস্ত্রেও তিনি ব্যুৎপন্ন ছিলেন । ঔষধ ও পথ্য বিতরণে বহুতর দরিদ্রের প্রাণ তিনি রক্ষা করিতেন । সর্ব্বত্রই তাঁহার ষণ্ড প্রচার হইয়াছিল । সকলেই তাঁহাকে ভক্তির সহিত ভালবাসিত । তাঁহার স্মরণ অতি নির্মল ছিল । ইঁহার দিন গুলি ও মৃত্যু কালও স্মরণীয় ।

কৃষ্ণনগর কলেজে বীরেশ্বর বাবু অধ্যয়ন করেন। কিন্তু ভয়ানক শিরোরোগ উপস্থিত হওয়ায়, ডাক্তারগণের পরামর্শে ইহাকে পাঠ ত্যাগ করিতে হয়। পরন্তু লেখা পড়ার প্রতি সবিশেষ অনুরাগ নিবন্ধন, সেই রোগের সময়ও অধ্যয়ন করিতে ইনি বিরত হন নাই।

স্বদেশের প্রতি বাল্যকাল হইতেই বীরেশ্বর বাবুর অনুরাগ। সেই অনুরাগহেতু ইনি বাঙ্গলা বহুতর পুস্তক পাঠ করেন ও নিজের যত্নে সংস্কৃত ভাষা শিক্ষা করেন। এই ভয়ানক শিরোরোগের সময়ও বীরেশ্বর বাবু লীলাবতীর ত্রায় কঠিন সংস্কৃত অঙ্কপুস্তক, অত্রের সাহায্য ব্যতীত, নিজে পড়িয়া নিজে অনুবাদ করেন। ঐ লীলাবতীই বীরেশ্বর বাবুর প্রথম মুদ্রিত পুস্তক। ১৭১৮ বৎসর বয়সে ইনি ঐ পুস্তক অনুবাদ করেন। ইহার পূর্বে পাঠত্যাগের অব্যবহিত পরেই বীরেশ্বর বাবু “ভারতবর্ষের বৃত্তান্ত” প্রণয়ন করেন; কিন্তু এই বিষয়ে আরও পুস্তক বাঙ্গলায় প্রকাশিত হইয়াছে শুনিয়া সে পুস্তক প্রকাশ করেন নাই। কোন পুরাতন বিষয় লিখিতে বা কাহারও সহিত প্রতিদ্বন্দ্বিতা করিতে ইহার প্রবৃত্তি ছিল না এবং এখনও নাই। এদেশের কাহারও কাহারও ধারণা, Arithmetic-এ যে সকল অঙ্ক আছে, এদেশের লোকে তাহা কখন জানিত না; দেশের এই অযথা কলঙ্কমোচনের জন্ত বীরেশ্বর বাবু লীলাবতী প্রচার করেন। বীজগণিত, গোলাধ্যায়, গণিতাধ্যায় প্রভৃতি বিষয় বাঙ্গলায় প্রকাশ করিলে ইচ্ছা তাঁহার ছিল; কিন্তু সে সকল পুস্তক এদেশের লোকে পড়ে না বলিয়া, তিনি তাহা প্রণয়ন করেন নাই। এমন কি বীরেশ্বর বাবুর লীলাবতী বহুকাল পূর্বে সেই এক-বারমাত্র ছাপা হইয়াছিল, আজিও তাহার কিছু অবশিষ্ট আছে।

ইহার পর বিজ্ঞানসার, উপক্রমণিকা, শিশুবিজ্ঞান, লোকচরিত ও বাঙ্গলা শিক্ষা :ম ও ২য় ভাগ এই সকল গ্রন্থ বীরেশ্বর বাবু প্রণয়ন করেন। বিজ্ঞানসার ও শিশুবিজ্ঞান, এই দুই গ্রন্থ ইংরাজির অনুবাদ; কিন্তু ইহার প্রণালী পদ্ধতি নূতন ধরণের। স্কুলের ছাত্রগণ কেবল বিদেশীয়গণের জীবনবৃত্তান্ত পাঠ করে দেখিয়া, স্বদেশীয় মহাত্মাগণের বৃত্তান্ত, বীরেশ্বর বাবু আর্ঘ্যচরিত নামক পুস্তক প্রকাশ করেন। বাঙ্গলা ভাষার মূলতত্ত্ব শিক্ষাসৌকার্যের উদ্দেশ্যে “বাঙ্গলাশিক্ষা” গ্রন্থ বীরেশ্বরবাবু প্রণয়ন করেন। পদার্থবিদ্যা ভিন্ন অত্র বিজ্ঞান বাঙ্গলায় ছিল না বলিয়া, পাঁড়ে মহাশয় বিজ্ঞানসার লিখেন। ইহাতে প্রায়



ইহার কিছু পরে, পাঁড়ে মহাশয়ের স্বক্কে বৈষয়িক কার্যের ভার পতিত হয়। সেই সময় বৈষয়িক অনেক গোলযোগও তাঁহার ঘটিয়াছিল। সেই জন্তু পাঁড়ে মহাশয় কয়েক বৎসর যাবৎ সাহিত্যালোচনা করিতে পারেন নাই। তাহার পরে তিনি আর একটা কার্যে মন দেন; দেশে স্কুল নাই দেখিয়া, একটা স্কুল স্থাপন করেন। পাঁড়ে মহাশয় যে সময়ে কৃষ্ণনগরে পঠদশায় ছিলেন, সেই সময়ে সেইখানেই দরিদ্রদিগের জন্তু একটা বিনা বেতনের স্কুল স্থাপন করিয়াছিলেন। তাহার নাম দরিদ্র বিদ্যালয় ছিল। তিনি চলিয়া আসার পর সেই স্কুলে বেতন লওয়ার নিয়ম হয়। ঐ স্কুল আজিও আছে এবং এক্ষণে ঐ স্কুলই কৃষ্ণনগরের শ্রেষ্ঠ বঙ্গবিদ্যালয়রূপে পরিগণিত হইয়াছে। আপন গ্রামের ও চতুষ্পার্শ্বস্থ গ্রামের বালকদিগের সুবিধার জন্তুই তিনি স্কুল স্থাপন করিয়াছিলেন। তিনি নিজেও ছাত্রগণকে শিক্ষা দিতেন। শিক্ষকগণকে অধ্যাপন কার্যে সমধিক উপযোগী করিবার জন্তু তিনি নিজে শিক্ষা দিতেন। এই সমস্ত বিষয়ে ব্যস্ত থাকায়, সাহিত্যালোচনার কিছুমাত্র অবসর পাইতেন না। কিন্তু এই সময়ে তাহার মনে দার্শনিক চিন্তার উদয় হইল। ভ্রমণে, শয়নে, যখন তিনি সময় পাইতেন, তখনই নানারূপ দার্শনিক চিন্তা তাঁহার মনে উদয় হইতে লাগিল।

এই সময় জ্ঞানাসুর পত্রের সম্পাদক,—পাঁড়ে মহাশয়কে ঐ পত্রে লিখিতে অনুরোধ করায়, পাঁড়ে মহাশয় ঐ সকল চিন্তা,—মানবত্ব নাম দিয়া জ্ঞানাসুরে লিখিতে আরম্ভ করিলেন। কিন্তু নানাকার্যে ব্যস্ত থাকায় জ্ঞানাসুরে তিনি অল্পই লিখিতে পারিতেন। কিছুদিন অতিবাহিত হইবার পর পাঁড়ে মহাশয়ের গৃহবিবাদের সূচনা হইল। তাহাতে তিনি পৈতৃক বাসভূমি পরিত্যাগ করিয়া কলিকাতায় আসিলেন এবং “নববাস” নামে একখানি দেশী বস্ত্রের দোকান খুলিলেন। একদরে বস্ত্র বিক্রয়ের পথ ইনিই কলিকাতায় প্রথম দেখান এবং তাহাতে দেশী কাপড় লোকে অধিক ব্যবহার করিয়া দেশীয় তাঁতিগণের অন্ন সংস্থানের উপায় করেন, তাহা উপায়বিধান জন্তু অল্পমূল্যে দেশীকাপড় বিক্রয় করিতে পাঁড়ে মহাশয় আরম্ভ করেন। এই সময়ে জ্ঞানাসুর উঠিয়া যায়।

## ছায়াসতী ।

( পূর্ব প্রকাশিতের পর )

দ্বিতীয় পরিচ্ছেদ ।

নিষ্ঠুর নৈরাশ ।

“হা বিধি এ বিধি বৃদ্ধিতে পারিনি,  
কমল কোরকে কীটের বাস ;  
বিপাকে বধিতে সরলা হরিণী  
শবরে গোতিয়া রেখেছে ফাঁশ ।” বঙ্গসুন্দরী ।

কলিকাতার অন্তর্বর্তী গড়পার গ্রামে একটা সামান্য বাটীতে রাজপুত্র রমণীমোহনের বিবাহ অতি সংগোপনে নিষ্পন্ন হইল । বরকর্তা, অতুল বাবু, কন্ঠাকর্তা কুমারের অপর বন্ধু কমল মিত্র ; স্ত্রী আচার কমল মিত্রের পরিবারেরা করিল, যে ব্রাহ্মণ বিবাহের মন্ত্রপাঠ করিল, সে দক্ষিণাশ্বরূপ একশত টাকা প্রাপ্ত হইল । পরিণয়ের ছুইদিবস পরে রমণীমোহন ইন্দ্রপ্রিয়াকে লইয়া বাগুবাজারের খালধারে মনোহর উত্তান বাটীকায় রাখিলেন । বিবাহের একমাস পরে একদিবস ইন্দ্রপ্রিয়া রমণীমোহনকে বলিলেন, “নাথ ! আমার মার জন্ম মন অতিশয় ব্যাকুল হইতেছে, তুমি আমার মার কাছে নিয়া চলে ।” রমণীমোহন ঈষৎ হাসিয়া বলিলেন, “না প্রিয়ে ! এক্ষণে তোমার যাওয়া হইতে পারে না, কি জানি যতপি তাঁহারা রাগত হইয়া অপমান করেন ।” ইন্দ্রপ্রিয়া সাক্ষনয়নে বলিলেন, “তবে আমি কতদিনে মাকে দেখিতে পাইব ।” রমণীমোহন গম্ভীরভাবে বলিলেন, “সময়ে হইবে, অগ্রে আমি তাঁহাদিগকে শাস্তনা করিব, পশ্চাৎ তোমায় লইয়া যাইব ।” দম্পতির কথোপকথনে বাধা দিবার জন্ম অতুল উপস্থিত হইলেন । রমণীমোহন অতুলকে বলিলেন, “ইন্দ্রপ্রিয়া মাতাকে দেখিবার জন্ম বড়ই ইচ্ছুক ।” অতুল হাসিয়া বলিল, “সে এক্ষণে হতে পারে না ।” বালিকা ইন্দ্রপ্রিয়া মুখে অঞ্চল দিয়া ক্রন্দন করিতে করিতে সে স্থান হইতে উঠিয়া গেলেন । উদার রমণীমোহন ইন্দ্রপ্রিয়ার ক্রন্দনে ব্যথিত হইয়া বলিলেন, “কি হইবে ভাই ! উহার ক্রন্দনে আমার ক্রেশ

হইতেছে।” অতুল বিরক্ত অন্তরে বলিল, “যাও, ধরা দিয়ে জেল খাটগে।”  
 কুমার বলিলেন, “কেন বিবাহ করিয়াছি, তাহাতে কারারুদ্ধ হইব কেন?”  
 অতুল শ্বেষ করিয়া বলিল, “হাঁ, আমি কি না রাত্রে গোপনে আসিয়াছি,  
 অতএব তোমার ভয় কি?” কুমার চিন্তান্বিত অন্তরে বলিলেন, “তুমি  
 ভাই তাহাদের সহিত সাক্ষাৎ করিয়া যাহাতে মিল হয়, এমন একটা উপায়  
 কর।” অতুল মনে মনে সন্তুষ্ট হইয়া বলিল, “কুমার! সময়ে সকলেই  
 হইবে—এক্ষণে হইতে পারে না। কারণ তাঁহাদের কণ্ঠকে চুরি করায়  
 নিশ্চলকৌলিগ্রে কলঙ্ক কালিমা পড়িয়াছে। অতএব এক্ষণে তাঁহারা জানিতে  
 পারিলেই ভয়ানক ক্রোধবশতঃ পুলিশ কেশ করিবেন।” কুমার বলিলেন,  
 “তবে তুমি এক্ষণে বড়বাজারে যাও, কিশোরীমোহন জহরী একছড়া  
 দোনরী মুক্তার হার দিবে, লইয়া আইস। আমি যাই, ইন্দুপ্রিয়াকে সান্ত্বনা  
 করিগে।” অতুলবাবু একখানি ভাড়াটিয়া গাড়িতে উঠিয়া গাড়োয়ানকে  
 বলিলেন, “বড়বাজারে চল।” অতুল বাবুর চিন্তাস্রোতও গাড়ির গতি  
 অনুসারে চলিতে লাগিল। সুন্দরী! ইন্দুপ্রিয়া কি একদিনের জন্ত আগার  
 হইবে না, রাজকুমার কখনই উহাকে চিরদিন পাইবেন না। সুন্দরী  
 রাজবধু সময়ে অতুলকরে আঁজাকাম্বিনী হইবে। হায়! কি পুণ্য রমণী-  
 মোহন এত ঐশ্বর্য ও দেবজলভা রমণী পাইয়াছ? পাপিষ্ঠের চিন্তার জন্ত  
 গাড়ি থাকিল না, জহরীর দোকানে পঁহছিল, অতুল লাফাইয়া জহরতের  
 বিপনীতে উঠিল। যে সময় ইন্দুপ্রিয়া, কুমার ও অতুলকে ত্যাগ করিয়া  
 ক্রন্দন করিতে করিতে উঠিয়া আসেন, তখন যশোদা দাসী ইন্দুপ্রিয়ার  
 তাধুল প্রস্তুত করিতেছিল। দাসী বালিকাকে রোদন করিতে দেখিয়া  
 ব্যস্তভাবে ক্রোড়ে ধারণ করত তাঁহার শয়নকক্ষে লইয়া গেল। বালিকা  
 ইন্দুপ্রিয়া কোঁচে শয়ন করিয়া মুখ গোপন করত অতিশয় রোদন করিতে  
 লাগিলেন। যশোদা কাতর হইয়া বলিল, “কেন ইন্দু এত কান্দিতেছ?  
 আমার মাথা খাও বল?” ইন্দুপ্রিয়া অর্ধক্ষুটিতস্বরে বলিলেন, “স্বি, আমার  
 মার জন্ত মন কেমন করিতেছে।” যশোদা সান্ত্বনা করিয়া বলিল, “তার  
 জন্ত আবার কান্না কেন? ছমাস পরেই মায়ের কাছে যাবে? আমি  
 বাবুকে বলিব, ছি দিদি! কান্দিতে নাই—অসুখ করবে।” এই সময়ে  
 রমণীমোহন কক্ষে প্রবেশ করিয়া ইন্দুপ্রিয়ার পার্শ্বে উপবিষ্ট হইলেন,

পূর্বক বলিলেন, “প্রিয়তমে ! অনর্থক ক্রন্দন করিয়া কেন আমাকে বাতনা প্রদান করিতেছ, আমি ইচ্ছাপূর্বক তোমার ক্লেশ দিতেছি না । আমি যত শীঘ্র পারি, তাঁহাদের সহিত সম্মিলিত হইতে চেষ্টা করিব । ইচ্ছ-  
প্রিয়া ! তোমার জন্ত একছড়া দোনারী মূক্তার হার আনিতে দিয়াছি ।

(ক্রমশঃ)

শ্রীমহাজেননাথ দত্ত ।

## আর্য-জাতির পশু-চিকিৎসা ।

এক সময়ে কি দর্শন, কি বিজ্ঞান, কি রাজনীতি, কি ধর্মনীতি,—  
সকল বিষয়েই—আর্যগণ সকলের শীর্ষ স্থান অধিকার করিয়াছিলেন ।  
আর্যজাতির সেই পূর্ব গৌরব—এখন বিপর্যস্ত, আর্যজাতির সেই মর্কভেদী  
প্রতিভা এখন কালক্রমে কবলিত ; আর্যজাতির সেই মর্ক প্রবেশক সূক্ষ্ম দৃষ্টি  
এখন তিমিরায়িত ! আর্য বংশধরগণ আপনার পূর্ব পুরুষের অতুল গৌরবের  
কথা, এখন সকলেই ভুলিয়া গিয়াছে ! ইহা স্মরণ করিয়া কোন্ হৃদয়বত্তা  
না ছঃখিত হইবেন ? আর্যজাতির অধঃপতনের দিনে, আর্য মস্তানের  
আত্মারও যথাসাধ্য অধোগতি হইয়াছে ।

আমাদের জটা বকলধারী—কলমুলাহারী—বুদ্ধভলসেবী—ঋষিগণের  
মস্তিক হইতে, একদিন যে অনন্ত রক্ত প্রসূত হইয়াছিল,—তাঁহারা যে  
মানব জীবনের অন্তর্কোটে প্রবেশের পথ প্রশস্ত করিয়া গিয়াছেন,—  
আমাদের এমন হৃদ্দিনে—এমন অধঃপতনের দিনে—বিধর্মীগণও সে কথা  
স্বীকার করিতেছেন ! তাই অতীত ধর্ম ও শাস্ত্রাদির পুনরাবৃত্তি করিয়া  
অমৃতপুহুদয়ে হিন্দু আজ আপনার মহত্ব বুঝিতে পারিয়াছেন ! জাতীয় উন্নতির  
প্রতি হিন্দুর, আবার দৃষ্টি পতিত হইয়াছে, ইহা ভরসার কথা—সুখের  
কথা—আনন্দের কথা ! তাঁহারা পাশ্চাত্য আদর্শে সমস্তই ভুলিয়া গিয়া-  
ছিলেন, আজি তাঁহারা আপনাদের “হারানিধি-অন্বেষণে—ব্যগ্র ! একথা  
ভাবিলে, সত্যসত্যই আনন্দে আত্মহারা হইতে হয়, গর্ভের সহিত কেমন  
একটু আত্মাভিমানও আসিয়া পড়ে !

হিন্দুর সেই পূর্ব গৌরব-স্পৃহা, নবীন উদ্যমে হিন্দুর হৃদয়ে আবার



হিন্দুকে হিন্দুর হিন্দু বুঝাইতেছেন—হিন্দুকে কর্তব্য দীক্ষায় দীক্ষিত করিতেছেন—সাধককে ইষ্টদেবতার ধ্যান শিখাইতেছেন! এইটুকু করিতেছেন বলিয়াই আজ আমাদের বড় আনন্দের—বড় সুখের—বড় ভালবাসার জিনিষ। আজ এ সমুদয় আমাদের “ইষ্টদেবতার আশীর্বাদ ফল।” এই অনুগ্রহ আমরা ইহজীবনে বিস্মৃত হইব না। আর বে মহাত্মাগণ “হিন্দুধর্মের প্রতিষ্ঠাতা, তাঁহারা আমাদের হৃদয়ের একমাত্র পূজনীয়—প্রাণের অধিক প্রিয়—আম্মার চেয়ে আত্মীয়। তাঁহাদের পবিত্র মূর্তি—আমাদের ক্ষুদ্র হৃদয়ে অক্ষয় অক্ষরে অঙ্কিত থাকিবে। হিন্দু-হৃদয়, তাঁহাদের কাছে কখনও অকৃতজ্ঞ থাকিবে না।

কাল যায়, কার্য্যও যায়, থাকে কেবল তাহার স্মৃতিমাত্র। সেই স্মৃতির অন্তই হিন্দু আজ আপনার জিনিষ, আপনার বলিয়া চিনিয়া লইতে শিখিয়াছে। হিন্দুর এই নবজীবনের পুনরভ্যুদয়ের দিনে—হিন্দুর প্রাচীন গ্রন্থ “পশু চিকিৎসা” সম্বন্ধে কিঞ্চিৎ পরিচয় দেওয়াই বর্তমান প্রবন্ধের উদ্দেশ্য। একখানি হস্তলিখিত পুথির কয়েক পৃষ্ঠা মাত্র আমার হস্তগত হইয়াছে। ইহা অত্যন্ত দুপ্রাপ্য এবং অপ্রকাশিত। “বাগুভট” গ্রন্থের টীকাকার সুপ্রসিদ্ধ অরুণদত্ত এই গ্রন্থ সংগ্রহ করিয়াছেন। যে কয়েকটা মাত্র শ্লোক আমরা পাইয়াছি—তাহাতে আর কোনও উপকার হউক না হউক—আর্য্য ঋষিগণের পশু চিকিৎসা সম্বন্ধে যে অভিজ্ঞতা ছিল—তাহা অনায়াসেই বুঝা যাইবে। গ্রন্থখানি সামান্ত হইলেও—আমাদের গৌরবের নিদর্শন। নিয়ে মূল শ্লোক এবং তাহার অনুবাদ দেওয়া গেল।

সহচরশ্চ মূলশ্চ রক্ত সূত্রেন বন্ধনাৎ ।

মূর্দ্ধি সর্কবিধো নশ্চেৎ জরো বাজি শরীরজঃ ॥

সহচরের (পীত ঝির্টী) মূল, রক্ত সূত্রের দ্বারা মস্তকে বন্ধন করিলে, অশ্বের সর্কবিধ জর নষ্ট হয়।

কাজিকেন সমং লোধং নিষ্পিষ্যাঙ্গেষু লেপনাৎ ।

জরো নাশং সমায়াতি তুরগশ্চ স্ননিশ্চিতং ॥

কাজিকের সহিত লোধকাঠ বাটিয়া অশ্বের অঙ্গে প্রলেপ দিলে, অশ্বের জর নষ্ট হয়।

লতা কুম্বরিকা মূল চর্কনানশক্তি ধরঃ ।

মতা কস্তুরিকা মূল চর্ষণ করিলে অশ্বগণের মুখরোগ নষ্ট হয় ।

পদ্ম বীজাশনেনৈব কাস রোগঃ প্রশাম্যতি ।

পদ্মবীজ ভক্ষণ করিলে, অশ্বের কাসরোগ নষ্ট হয় ।

অসিতশ্রু তিলশ্রুপি সুরয়া সহ ভক্ষণাৎ ।

বাত রোগঃ প্রনষ্টঃ শ্রাৎ সর্কো বাজিগণশ্রুহি ॥

মঘের সহিত কৃষ্ণতিল ভক্ষণ করিলে, অশ্বের সর্ববিধ বাতরোগ নষ্ট হয় ।

অশ্বানাং সহ মঘেন গুড়চী বিশ্ব ভক্ষণাৎ ।

শাখাগতং নিহস্ত্যাশু বাত রোগং সূদারুণং ॥

মঘের সহিত গুলঞ্চ ও গুঠ ভক্ষণ করিলে, অশ্বের শাখাগত বাতরোগ নষ্ট হয় ।

হৃদিরোগে সমুৎপন্নৈ বাজিনাং তৎ প্রশাস্তয়ে ।

উত্তপ্ত লৌহদণ্ডেন দধ্বং কুর্যাৎ পদদ্বয়ং ।

অশ্বের বমন রোগ উপস্থিত হইলে, উত্তপ্ত লৌহদণ্ড দ্বারা দুইটা পাদ দধ্ব করিয়া দিবে ।

তণ্ডুলেন সহান্বশ্রু ধাতকীপুষ্প ভক্ষণে ।

অতিসারঃ প্রবলোহপি নাশ মায়াতি তৎক্ষণাৎ ॥

তণ্ডুল ও ধাতকীপুষ্প ভক্ষণ করিলে, অশ্বের প্রবল অতিসার তৎক্ষণাৎ নষ্ট হয় ।

কাঞ্জিক পানাদশ্রু তন্দ্রাদাহৌ বিনশ্রুতঃ ।

কাঞ্জিক পান করিলে, অশ্বের তন্দ্রা এবং দাহ রোগ নষ্ট হয় ।

রসাজন গৈরিকায়ী হরিদ্রায়াশ্চ বাজিনাং ।

অজনেন বিনষ্টঃ শ্রাৎ রোগো নেত্র সমুদ্ভবঃ ॥

রসাজন গৈরিমাটী, এবং হরিদ্রার অজনে, অশ্বের নেত্ররোগ নষ্ট হয় ।

পলাশ বীজ চূর্ণশ্রু বারিণা মিশ্রিতশ্রু চ ।

ধারণা দ্বাজিলা মাস্ত্রে মুখ-পাকো বিনশ্রুতি ॥

জলের সহিত পলাশ বীজ চূর্ণ মুখে ধারণ করিলে, অশ্বের মুখ-পাক নষ্ট হয় ।

বন্ধুক পুষ্পং বন্ধীয়াৎ কর্ণ রোগোপশাস্তয়ে ।

শ্রবণে বাজি-রাজীনাং তেন নুনং প্রশাম্যতি ॥

কুমিলিখেৎ কোঠহঃ ধর্জুর পত্র ভক্ষণাৎ ।

ধর্জুর পত্র ভক্ষণ করিলে, অশ্বের কোঠগত কুমি নষ্ট হয় ।

শ্রীব্রজবল্লভ-কাব্যতীর্থ-কাব্যকণ্ঠ বিশারদ ।

## টাকা ।

[ ১ ]

ধন্য টাকা ! ধন্য বটে ! মহিমা তোমার !

তুমি যা'র ঘরে নাই,

বলি, তা'র মুখে ছাই ;

"সন্নীহাড়া" অভিধানে, কর অতঃপর ॥

[ ২ ]

ধন্য টাকা ! ধন্য বটে ! মহিমা তোমার !

তুমি যা'র আছ ঘরে,

মান্ত, গণ্য, সবে করে ;

পুত্র, পরিবারে তা'রে, তোষে নিরন্তর ॥

[ ৩ ]

ধন্য টাকা ! ধন্য বটে ! মহিমা তোমার !

( তুমি ) সতীরে অন্তী কর,

স্বভাতির ভাতি যার ;

আচঞ্চাল ধনী হ'লে পায়ত আদর ? ॥

[ ৪ ]

ধন্য টাকা ! ধন্য বটে ! মহিমা তোমার !

কলিতে নীচের ঘরে,

[ ৫ ]

ধন্য টাকা ! ধন্য বটে ! মহিমা তোমার !  
তাই লক্ষ্মী নীচগামী,  
পতিপ্রাণা ফেলে স্বামী ;  
অর্থ মদে হয়ে মত্ত, আকাজ্জকা বিস্তর ॥

[ ৬ ]

ধন্য টাকা ! ধন্য বটে ! মহিমা তোমার !  
( তুমি ) অসাধ্য সাধন কর,  
অজ্ঞানে সজ্ঞান কর ;  
সৃষ্টি ছাড়া, কার্য কর, ওহে সৃষ্টিধর ॥

[ ৭ ]

ধন্য টাকা ! ধন্য বটে ! মহিমা তোমার !  
( কিবা ! ) উজ্জ্বল সুরগোল কর,  
'রানী মূর্তি' আঁকা গার ;  
পয়সার বোল গণ্ডা, মছে তুচ্ছ দর ॥

[ ৮ ]

ধন্য টাকা ! ধন্য বটে ! মহিমা তোমার !  
ঠুন ঠুন কিবা ! শব্দ,  
আবাল, বণিতা, জব্দ ;  
বুদ্ধ, যুবা, শুনে শুদ্ধ, ধ্বনিত্তে বাহার ॥

[ ৯ ]

ধন্য টাকা ! ধন্য বটে ! মহিমা তোমার !  
তুমি টাকা চুরওকার !  
কি শব্দ বলির আর !

তোমা বিনা ত্রিসংসার হয় যে আঁধার ॥

[ ১০ ]

ধন্য টাকা ! ধন্য বটে ! মহিমা তোমার !  
রোগ, শোক, তুমি নাশ,  
গলায় পরাও ফাঁস ;



[ ১১ ]

ধন্য টাকা ! ধন্য বটে ! মহিমা তোমার !

( তুমি ) একতিল হ'লে ছাড়া,

সৃষ্টি শুদ্ধ যার মারা ;

“হা ! টাকা ! হা ! টাকা !” বলে, করে হাহাকার !

[ ১২ ]

ধন্য টাকা ! ধন্য বটে ! মহিমা তোমার !

পাপ, পুণ্য, যাই বল,

সকলি তোমারি কল ;

তুমি পার ফেলিবারে যা'তে ইচ্ছা কর ॥

[ ১৩ ]

ধন্য টাকা ! ধন্য বটে ! মহিমা তোমার !

যে যত তোমায় পায়,

সে তত তোমায় চায় ;

ধরা, সরা জ্ঞান করে, পে'লে অতঃপর ॥

[ ১৪ ]

ধন্য টাকা ! ধন্য বটে ! মহিমা তোমার !

( কবি ) ভুবন কিষণ বলে,

যা' কিছু অর্থের বলে ;

ধনী, খনী, পাপ করে, হর সে উদ্ধার ॥

[ ১৫ ]

ধন্য টাকা ! ধন্য বটে ! মহিমা তোমার !

কল্পতরু তুমি টাকা,

থেকো'না আমার ফাঁকা ;

মনস্তি আমার রেখ, কোটি নমস্কার ॥

[ ১৬ ]

ধন্য টাকা ! ধন্য বটে ! মহিমা তোমার !

বৃক্ষ ফ'ল তুমি হ'লে,

ধামা ভরি ঘরে তুলে ;

টপাটপু গালে ফেলে, হতে'ম স্তম্ভির ॥

[ ১৭ ]

রূপার চাক্তিরে ! মরি ! কি গুণ তোমার !

নাহি সাঁদ, নাহি আঁটা ;

নাহি খোসা, নাহি গুঁটা ;

( কিবা ! ) চক্চকে পরিপাটা ;

ইচ্ছা হয় সদা ঘাঁটা, এমন সুন্দর ! ॥

শ্রীভুবনকৃষ্ণ মিত্র ।

## তুমি ।

তুমি	উজ্জল যেন	প্রভাত রবি
		দীপ্ত নয়ন ধারা ;
তুমি	মধুর যেমন	বাসন্তী রাতে
		কৌমুদী দিশেহারা ;
তুমি	স্নিগ্ধ যেমন	শোক-তাপহরা
		পুত জাহ্নবী বারি ;
তুমি	নীতল যেমন	মলয়-সমীর
		অধীর যাতনাহারী ;
তুমি	মুক্ত যেমন	মানস-কুঞ্জে
		পিকবর-মধু-তান ;
তুমি	পবিত্র যেন	ত্রিবেণী-তীরে
		কি মহা যোগের মান ;
তুমি	ফুল যেমন	নব নলিনীর
		অধরে অমর হাসি ;
তুমি	কোমল যেমন	উত্তান-মাঝে
		ক্ষুদ্র ভূমিকা-রাশি ;
তুমি	সুন্দর যেমন	পর্বত-কোলে
		একটা রজত-ধারা ;
তুমি	লক্ষ যেমন	জলধি-ভ্রাস্ত
		শাবকের ধ্রুবতারা ;

ভূমি	জুলুত বেন	মরুশাহারায়
		সুখা-প্রশ্রবণ ক্ষীণ ;
ভূমি	দয়াময়ী বেন	আলোক-স্তম্ভ
		নাগরে মহায়তীন ;
ভূমি	নূতন বেমন	ঘোমটার মাঝে
		বধূর চাহনি নব ;
ভূমি	অতুল বেমন	চির অতুলনা
		ওই মুখখানি তব ;
ভূমি	প্রশান্ত বেন	পাদপ অশোক
		নম্র, বিনত-ধীর ;
ভূমি	শান্তিদায়িনী	আঁখি-কোণে বেন
		এক কোঁটা অশ্র-নীর ।

কালিদাস চক্রবর্তী ।

## সমালোচনা ।

পালফ্রেণ্ড ।—পরিচ্ছদ মানব সৌন্দর্যের একমাত্র উপাদান ; বাহ্যিক বেশ-ভূষণ ব্যক্তিমাঝেই ইতর ভঙ্গ কি মধ্যবিত্ত, তাহা অনায়াসেই নির্দিষ্ট হইয়া থাকে ; দেশকাল ও পাত্রভেদে,—বর্তমানকালে আমাদের দেশে বিবিধ নূতন নূতন পোষাক পরিচ্ছদের ব্যবহার চলিয়াছে ;—এই পোষাক পরিচ্ছদ প্রস্তুত কার্যে বাহারা নূতনত্ব দেখাইতে পারেন, তাহারাই শ্রেষ্ঠত্ব প্রাপ্ত এবং আদর্শস্থানীয় হইয়া থাকেন । কলিকাতা পাল ফ্রেণ্ড কোম্পানী ইহার দৃষ্টান্ত স্থল,—আমরা কলিকাতার ৩৪৬ নং অপার চিৎপুর রোডের পাল ফ্রেণ্ড কোম্পানীর সততা, কার্যতৎপরতা ও নূতন ধরণের কাট ছাঁট দেখিয়া সুবিশেষ প্রীত হইয়াছি ।

আমরা সুবিখ্যাত ত্রিভৌরিয়া কেলিক্যাল ওয়ার্কসের প্রস্তুত এক শিশি কারবলিক টুথ পাউডার উপহার পাইয়াছি, ইহার দ্বারা দস্তধাবণ করিলে দাঁত বেশ পরিষ্কার হইয়া মুখের ছর্গন্ধ দূর হয় ।

# জন্মভূমি

(সচিত্র মাসিক পত্র)



নবম বর্ষ।

১৩০৭ সাল, ফাল্গুন।

৮ম সংখ্যা।

## ভিক্টোরিয়া-জীবনী-প্রসঙ্গ।

ভারতেশ্বরী মহারানী ভিক্টোরিয়ার নাম এ ভারতবর্ষে কে না জানে? বালক ও বৃদ্ধ, পুরুষ ও স্ত্রী, ধনী ও দরিদ্র সকলেই মহারানীর নাম জানে এবং তাঁহাকে হৃদয়ের সহিত ভক্তি ও শ্রদ্ধা করে। আমরা মাতৃ-স্তুত্বপানের সহিত সেই পবিত্র নাম-স্মৃতি পালন করিয়াছি, আমাদের কৃধিরের সহিত সে অমৃতময় নাম বিমিশ্রিত হইয়া গিয়াছে, পরে ক্রমেই বড় হইয়াছি, ক্রমেই তাঁহার দেবী-জীবনের অশেষ পুণ্য-সম্মত কথা শ্রবণ করিয়া, তাঁহার প্রতি গভীর শ্রদ্ধাষিত হইয়া পড়িয়াছি। আমরা যে মহারানীকে রাজ্ঞী বলিয়া মান্ত করি, ভক্তি করি, তাহাই নহে, তাঁহাকে নিতান্ত আপনার জন বলিয়া স্বীয় মাতৃবৎ শ্রদ্ধা করি। সকলেই জানেন, সেই অশেষ সংস্কারাধার, স্বীকৃত-স্বলভ কোমলতা-মণ্ডিতা আমাদের মাতৃবৎ শ্রদ্ধার ও ভক্তির পাণ্ডী মহারানী ভিক্টোরিয়া আর ইহজগতে নাই; তিনি এ নখর জগতের ক্ষণবিক্ষণ শরীর পরিত্যাগ করিয়া গত ২২শে জানুয়ারী (১৯০১) মঙ্গলবার মঙ্গলময়ের চরণে লীনা হইয়া স্বর্গীয় শান্তি লাভ করিয়াছেন। তাঁহার পুত্র-পৌত্রাদি পরিবারবর্গ, অসীম রাজ্যের প্রজাকুল, সকলেই তাঁহার জন্ত আন্তরিক সন্তুষ্টি ও শোকভারাক্রান্ত হইয়াছেন। তাঁহার সুবিশাল রাজ্যের সর্বত্রই নানা-রূপ সভা সমিতি, এবং নানা সংস্কারের অনুষ্ঠান দ্বারা তাঁহার বিরোগ-বেদনা পরিবর্তিত করা হইতেছে। সকল দেশের স্বাধীন রাজত্ববর্গও তাঁহার জন্ত আন্তরিক শোক ও তাঁহার আত্মার প্রতি সম্মান প্রদর্শন



করিতেছেন। বাস্তবিকই আজ পৃথিবীস্থ সমস্ত লোক এই পুণ্যবতী রমণীর পবিত্র গুণাবলী স্মরণ করিয়া খেদ প্রকাশ করিতেছে। এটি একদিকে যেমন দুঃখের চিত্র, অতীতকালে আবার আনন্দের চিত্রও বটে! ইহা হইতে তাঁহার জীবনের মহত্বের আমরা বিশিষ্ট পরিচয় প্রাপ্ত হই। যাহার অভাব আজ সমস্ত পৃথিবী অনুভব করিতেছে, তিনি বড় সামান্য রমণী নহেন। তাঁহার রাজগুণ অপেক্ষা হৃদয়েই মহত্বই তিনি এরূপ মহৎ সম্মানের অধিকারিণী হইয়াছেন। মহৎ জীবনী আলোচনা করিলেও পুণ্য আছে, এজন্য আমরা মহারাণী ভিক্টোরিয়ার জীবনের কতকগুলি ঘটনা আলোচনা ব্যপদেশে এই আদর্শ রমণীর নাম কীর্তন দ্বারা স্বীয় আত্মার পবিত্রতা সম্পাদন করিতে আসিয়াছি। পাঠকবর্গ বিশেষতঃ পাঠিকাগণ ইহাতে কিছু উপকৃত হইতে পারেন এবং স্বীয় স্বীয় জীবন এইরূপে গঠন করিতে চেষ্টা করিতে পারেন, ইহাও একতম উদ্দেশ্য। মহারাণীর স্মৃতিচিহ্ন নানা জনে নানাপ্রকারে স্থাপন করিতে অভিলাষী হইয়াছেন—সে অবশ্য ভাল কথা! কিন্তু আমাদের পাঠিকাগণের মধ্যে যাহাদের তাদৃশ কোন অর্থ সঙ্গতি নাই, তাঁহাদিগের নিকট এবং পাঠিকা সাধারণের নিকট এই প্রসঙ্গে আমি একটা স্মৃতিচিহ্নের প্রস্তাব করি যে, তাঁহারা এই পুণ্যবতী মহিলার জীবনের মহত্ব ও সংগুণাবলী আলোচনা দ্বারা স্বীয় স্বীয় জীবনে সেই সব গুণ প্রদর্শন করিতে চেষ্টমানা হইবেন, এবং নিজ নিজ কন্যা, পুত্র, বধু প্রভৃতিকেও সেই সব আদর্শগুণে ভূষিতা করিতে সর্ব প্রযত্নে চেষ্টা করিবেন। এই চেষ্টায় সফলতা লাভ করিলে তাঁহার স্মৃতিরও যেমন সম্মান করা হইবে, তেমনই এদিকে আমাদের বঙ্গের সংসারের লক্ষ্মী স্বরূপিণী রমণীগণও অনেক উপকৃত হইবেন। ইহাতে অর্থব্যয় নাই, পরিশ্রম নাই, কেবল একটু আন্তরিক নিবিষ্ট চেষ্টা মাত্র। ভরসা করি, পাঠক-পাঠিকাগণ আমার এ প্রস্তাবটির সারবত্তা বিবেচনা করিবেন, এবং তদনুসারে চেষ্টা করিয়া মহারাণীর পুণ্য স্মৃতির গৌরব রক্ষা করিবেন।

আমরা এস্থলে মহারাণীর ধারাবাহিক জীবনী আলোচনা করিব না, তাহা অনেকেই অনেক সংবাদপত্রাদিতে পাঠ করিয়াছেন। তবে সংক্ষেপে এই মাত্র বলিয়া রাখিতেছি যে, মহারাণী ভিক্টোরিয়া ইংলণ্ডের রাজা

৩য় জর্জের চতুর্থ পুত্র এডওয়ার্ড ডিউক অব কেণ্টের কন্যা। ইহার মাতা জার্মান রাজবংশীয়া। ১৮১৯ খৃষ্টাব্দে ২৪শে মে ইনি স্বীয় পিতার প্রাসাদ কেনসিংটনে জন্ম গ্রহণ করেন। ১৮৩৭ খৃষ্টাব্দে ইংলণ্ডের রাজ্যভার প্রাপ্ত হন।

১৮৪০ খৃষ্টাব্দে ইনি জার্মান রাজপুত্র এলবার্টের সহিত বিবাহিতা হন। এই বিবাহের ফলে তিনি নয়টি সন্তানের জননী হন। বর্তমান সম্রাট সপ্তম এডওয়ার্ড তাঁহার দ্বিতীয় সন্তান ও জ্যেষ্ঠপুত্র। ১৮৬১ খৃষ্টাব্দে তাঁহাকে বৈধব্য যন্ত্রণা ভোগ করিতে হয়। ১৮৭৭ খৃষ্টাব্দে তিনি আমাদের ভারতবর্ষের অধীশ্বরী হন এবং তদুপলক্ষে ঘোষণা পত্র প্রচার দ্বারা জাতিবর্ণনির্কিশেষে সুবিচার হইবার অভয় প্রদান করেন। ১৮৮৮ সালে জুবিলী এবং ১৮৯৭ সালে হীরক জুবিলি হয়। বর্তমান ১৯০১ খৃষ্টাব্দে ২২শে জানুয়ারী মঙ্গলবার রাত্রে তাঁহার মৃত্যু হয়।

যে সমস্ত সংগুণ থাকিলে মানুষ নরদেব বলিয়া গণ্য হয়, ভগবানের কৃপায় মহারাণীর সে সমস্তই ছিল। স্ত্রীজনোচিত কোমলতা, স্নেহ, দয়া, মায়া ইত্যাদি তাহার চরিত্রের অলঙ্কার ছিল, তদ্ব্যতীত সত্যনিষ্ঠা, বিলাসহীনতা, আত্মসংযম, নিরহঙ্কারিতা ইত্যাদি গুণও তাঁহাতে বহুল পরিমাণে বিদ্যমান ছিল।

সন্তানের ভবিষ্য জীবনের মঙ্গলামঙ্গল যে পিতা মাতার উপরই একমাত্র নির্ভর করে, একথা অবিসংবাদী সত্য। পিতা মাতার গুণ অলক্ষ্যে সন্তানের জীবনে অনুপ্রবিষ্ট হয়, আবার তাঁহাদের দোষও তদ্রূপ সন্তানে সংক্রান্ত হয়, এজন্য সন্তান ভূমিষ্ঠ হইবামাত্রই তাহার সুশিক্ষার বিষয় পিতামাতার দৃষ্টি রাখা কর্তব্য। এ বিষয় বেশী বলিবার স্থান বর্তমান প্রবন্ধে নহে, ভবিষ্যতে তাহা বিশদ করিয়া বলিবার ইচ্ছা থাকিল; তবে মহারাণীর জীবনের এই সব সংগুণের জন্তও যে তিনি তাঁহার পিতামাতার নিকট গনী, তাহা বলিবার জন্তই ঐ কথার উল্লেখ করিতে হইল। মহারাণীর পিতা ডিউক মহোদয় অত্যন্ত পরোপকারী, বিলাসিতা বর্জিত, কলানিপুণ এবং নিরহঙ্কার ছিলেন, ভৃত্যগণকে পর্য্যন্ত তিনি বিশেষ স্নেহ করিতেন এবং তাহাদের সুখস্বাচ্ছন্দ্যের প্রতি বিশেষ যত্ন লইতেন। যদিও মহারাণীর দুর্ভাগ্য বশতঃ ঈদৃশ পিতার স্নেহ

তথাপি পিতৃগুণাবলী যে তিনি সম্যক্ লাভ করিয়া ছিলেন, তাহা বলাই বাহুল্য। পিতার মৃত্যুর পর তাঁহার মাতা মহারাণীকে সংগুণ-মণ্ডিতা করিতে বিশেষ পরিশ্রম ও যত্ন করিয়া ছিলেন। তিনিও অশেষ সংগুণশালিনী মহীয়সী রমণী ছিলেন; তাঁহার স্নেহের ধন একমাত্র বিনোদস্থান 'দিনা' (মহারাণীর বাল্যের আদরের নাম—পূর্ণ নাম আলেক্ জুদ্দিনা), যাহাতে সংগুণের আধার হন, সে বিষয়ে তাঁহার আশ্চর্যিক যত্ন ছিল; দোষ দেখিলে তিরস্কার করিতে তিনি পরাঙ্মুখী হন নাই। কন্ডার শিক্ষার জন্ত 'লেডেন' নামী একটি শিক্ষ-য়িত্রীও নিযুক্ত হইয়াছিলেন। যাহা হউক, মাতার এইরূপ একান্তিকী চেষ্টার ফলে মহারাণী বাল্যবয়সেই স্বীয় চরিত্রের মাধুর্য্যে প্রত্যেকেই স্নেহ ও শ্রদ্ধা আকর্ষণ করিয়াছিলেন, কন্ডার মধ্যে যাহাতে বিলাসিতা অহঙ্কার আদি প্রবেশ করিতে না পারে, মাতা সে জন্ত বিশেষ সতর্ক ছিলেন। ঈশ্বর কৃপায় তাঁহাতে সে সব দোষ প্রবেশ করিতেও পার নাই। রাজকুমারী বাল্যকাল হইতেই স্নেহময়ী, দয়াবতী, নিরহঙ্কারা! শিক্ষা বিষয়েও তাঁহার একান্ত আগ্রহ ছিল, এবং তাহাতে মেধার পরিচয়ও বিশেষরূপেই তিনি প্রদান করিয়াছিলেন, কিন্তু এ ক্ষেত্রেও তিনি সর্বদা শিক্ষয়িত্রীর আদেশানুবর্তিনী ছিলেন। বড় ঘরের মেয়ে বলিয়া একদিনও শিক্ষয়িত্রীর প্রতি উপেক্ষা প্রদর্শন করেন নাই। আমাদের দেশের অনেক বড় ঘরের বালিকার পক্ষে এই আদর্শ বিশেষ-রূপে অসম্ভবপর।

তিনি বাল্য হইতেই নিরহঙ্কার—আমাদের দেশের বড় ঘরের বালক-বালিকাগণ বাল্য হইতেই নানাপ্রকারে, তাঁহারা যে বড় মানুষের ছেলে মেয়ে, এই শিক্ষায় অভ্যাস্ত হয় এবং তখন হইতেই আর সকলকে তুচ্ছ তৃণজ্ঞান করিতে আরম্ভ করে। সেটি একটি মহৎ দোষ। মাতৃগণ অনেক সময় সে অভ্যাসে তাহাদিগকে সাহায্য করেন, প্রেটা কতদূর সঙ্গত তাহা তাঁহারা বিবেচনা করিবেন—সে অহঙ্কার ভবিষ্যতে কত ভাল ফল প্রদান করে, তাহাও একবার বিবেচ্য।

মহারাণী অসঙ্কোচে নিজ বাল্যসঙ্গীতসখীর সহিত মেজের মাতুরে বসিতেন এবং নিজের মূল্যবান খেলনকণ্ডলি স্বেচ্ছায় তাহাকে দান

পরিচয় পাওয়া যায়। অনেক বালক-বালিকাই এরূপ স্বার্থত্যাগ করিতে পারে না। এমন কি, নিজ নিজ তাই বোনের সঙ্গে পর্য্যন্ত এই সব পুতুল আদি লইয়া ঝগড়া-দ্বন্দ্ব করে, সেটা তাহাদের মাতৃগণের প্রশংসার বিষয় নহে।

মহারানী ৯১০ বৎসর বয়সে যে বুদ্ধির ও সংবিবেচনার পরিচয় দিয়াছেন, তাহার দুই একটি দৃষ্টান্ত এখানে দিতেছি, তাহা হইতেই সকলে বুঝিবেন যে, কালে তিনি যে একজন আদর্শ সতী রমণী হইবেন, তাহার পরিচয় তখনই তিনি প্রদান করিয়াছিলেন।

কোন সময় মহারানী দুই একজন সঙ্গিনীসহ গাড়ীতে বেড়াইতে বেড়াইতে এক জহরীর দোকানের নিকট দিয়া যাইতে ছিলেন। এই সময় দেখিলেন, একটি রমণী একছড়া হার পছন্দ করিতেছেন। রমণী বহুকষ্টে একছড়া মনোমত হার বাছিয়া তাহার মূল্য জিজ্ঞাসা করিলেন। জহরী একটা উচ্চ মূল্য হাঁকিল। তিনি জিজ্ঞাসা করিলেন, “ইহাপেক্ষা কম মূল্যে ঐ হার বিক্রয় করিতে পারে কি না?” জহরী বলিল, ‘না।’ রমণী তখন ক্ষুণ্ণ হইয়া হার প্রত্যর্পণ করিয়া বলিলেন, “তবে আর হার লওয়া হইল না। আমার অবস্থা এমন নহে যে, অতমূল্য একছড়া হারে ব্যয় করিতে পারি।” রমণী চলিয়া গেলেন। রাজকুমারী সবই দেখিলেন, এবং পরে জহরীর নিকট ঐ রমণীর সম্বন্ধে সমস্ত শুনিয়া তিনি এত প্রীতা হইলেন যে, নিজে মূল্য দিয়া ঐ হার ছড়া কিনিয়া ঐ রমণীকে পাঠাইয়া দিলেন এবং সঙ্গিনীর দ্বারা ঐ সঙ্গে এই মর্মে একখানি পত্র লিখাইয়া দিলেন যে, আপনি এই হারছড়াটি বিশেষ পছন্দ করিলেও অবস্থাতিরিক্ত মূল্য বিধায় তাহা ক্রয় করিতে বিরত হইয়া যে সংবিবেচনার পরিচয় দিয়াছেন, সে জন্ত রাজকুমারী ভিক্টোরিয়া পরম সন্তুষ্ট হইয়া এই হার আপনাকে উপহার দিলেন। তিনি আশা করেন, আপনি এইরূপ স্বীয় অবস্থা বিবেচনার চিরকাল চলিবেন, এইরূপ অবস্থা বুঝিয়া চলার উপরই স্ত্রীজাতির সংসারে সুখ-শান্তি ও স্বচ্ছন্দতা নির্ভর করে।” এই ৯১০ বৎসর বয়সেই স্বীয় অবস্থা বুঝিয়া চলিবার কর্তব্যতা বিষয় কিরূপ জ্ঞান হইয়াছিল দেখান দেখি।



দাবী করিতে অনেক সময় তাঁহারা স্বামীর অবস্থার প্রতি দৃষ্টি করেন না। মহারানীর বাল্যবয়সের এই অমূল্য উপদেশটি তাঁহাদের হৃদয়ে গ্রথিত হওয়া উচিত।

আর একবার মহারানী একটি বড়ই পছন্দসই একটা খেলানা কিনিয়া দোকানের বাহিরে আসিতেছেন, এমন সময় একজন দরিদ্র ব্যক্তি তাঁহার নিকট নিজ দৈন্ত জ্ঞাপন করিল, সঙ্গে আর অর্থ না থাকায় তিনি পুতুলটী ফেরৎ দিয়া সেই অর্থ দরিদ্রকে দান করিয়া স্বীয় স্বর্গীয় হৃদয়ের পবিত্র স্নেহ-ধারার পরিচয় প্রদান করিয়া ছিলেন। এইরূপে অনেক প্রকারেই তিনি স্বীয় চরিত্রের মাধুর্যের পরিচয় বাল্যেই প্রদান করিয়া ছিলেন। যাহারা তাঁহাকে বাল্যকালে দেখিয়া ছিলেন, তাঁহারা মুক্তকণ্ঠে বলেন, তিনি মিষ্টভাষিনী, মিতব্যয়িনী, সত্যভাষিনী, নম্র, ধীরা, অখচ সংসাহস সম্পন্ন ছিলেন। যখন রাজ-সিংহাসন প্রাপ্তির বিষয় একরূপ স্থিরই হইল, তখনও তাঁহার মাতা পাছে কন্যা এ সংবাদে অহঙ্কতা হন, এজন্য তাঁহাকে এ সংবাদ জানান নাই, কিন্তু শেষে যখন জানান হইল, তখন তিনি বলিয়া ছিলেন, “রানী হওয়া বড় কঠিন কার্য, সকল প্রকার সুখ-স্বচ্ছন্দতা বিধানের জন্য অনবরত দেখা আবশ্যিক। আমাকে যদি তাই হইতে হয়, আমি ভাল ভাবে তাহা করিতে চেষ্টা করিব, ভগবান আমাকে সাহায্য করিবেন।” আহা! একথা তিনি অক্ষরে অক্ষরে পালন করিয়া গিয়াছেন, যেখানে কষ্ট, যেখানে বেদনা, যেখানে আর্তনাদ, সেখানেই তাঁর মাতৃহৃদয় অশ্রুপূর্ণ নয়নে তাহার অংশ গ্রহণ করিয়া প্রজাকুলকে আশ্বস্ত করিয়াছেন। তাঁহার সহানুভূতি সর্ববিধ বিপদে সর্ব শ্রেণীর উপর বিস্তৃত ছিল। স্নেহ মমতা রমণী হৃদয়েরই গুণ; রমণীগণ এই গুণে মণ্ডিতা হইলেই সংসারের শান্তিদায়িনীরূপে নানা শোক-তাপক্লিষ্ট পুরুষগণকে শান্তির শীতল ছায়া দান করেন। মহারানী রাজপদ প্রাপ্ত হইলেই স্বীয় বাল্যসখী দরিদ্র কন্যাগণকে ভুলেন নাই; তাহাদিগের বিপদে আপদে সাহায্য করিয়াছেন, সাহায্য করিয়াছেন এবং স্পষ্ট বলিয়াছেন, ইংলণ্ডের রানী হইলেও তাহাদিগকে তিনি কখন ভুলিবেন না। এটা বড় কম ঔদার্যের পরিচয় নহে। অনেক দরিদ্র কন্যা

চিনিতে পারাও অপমান জ্ঞান করেন এবং নানা প্রকারে স্বীয় গৰ্ব্ব চিহ্ন সমস্ত প্রকাশ করিয়া থাকেন, তাঁহারা এই বিশাল রাজ্যেশ্বরীর ব্যবহারটা মনে করিলে ভাল হয় ।

দয়া ও ক্ষমাগুণের পরিচয় মহারানীর জীবনে এত অধিক পাওয়া যায় যে, তাহা সংক্ষেপে ব্যক্ত করা অসম্ভব । তিনি ইংলণ্ডের রাণী হইলে পর একজনের প্রাণদণ্ডাজ্ঞা হয়, তখন সেই আদেশপত্রে রাজ-স্বাক্ষরের প্রয়োজন হইত, এজন্য মহারানীর নিকট সেই আদেশ-পত্র স্বাক্ষরের জন্ত আনীত হয় । মহারানীর কোমল হৃদয় সে কঠোর আদেশ প্রদানে অক্ষম হইল । তিনি অনেক ভাবিয়া “ক্ষমা করিলাম” লিখিয়া দিলেন । এইরূপ আরও কয়েকটি ঘটনা উপস্থিত হওয়ায় শেষে নিয়ম হইল, ঐরূপ আদেশপত্রে স্বাক্ষরের আর আবশ্যক হইবে না । আহা ! তাঁহার হৃদয় স্নেহের হৃদয় কি প্রাণদণ্ডের আদেশ দিতে পারে ?

একবার মহারানী কোনও দরিদ্রা মহিলার মৃত্যু-শয্যার পার্শ্বে বসিয়া তাঁহাকে ধর্মপুস্তক পাঠ করিয়া শুনাইতে ছিলেন, পরে ধর্মযাজক আসিলে “তিনিই ইহার উপযুক্ত ব্যক্তি” বলিয়া তাঁহাকে ঐ কার্য করিতে দিয়া চলিয়া যান ।

বাহ-জাঁকজমক মহারানীর জীবনে আদৌ ছিল না, তিনি তাহা ভালও বাসিতেন না । অনেক সময় তিনি একাকী ভ্রমণ করিতেন এবং দরিদ্র প্রজাগণের সঙ্গে অজ্ঞাতভাবে মিশিয়া তাহাদের সুখ-দুঃখের কথা জিজ্ঞাসা করিতেন এবং নানারূপে সমবেদনা প্রকাশ করিতেন ।

তাঁহার বিবাহ ব্যাপারেও তাঁহার হৃদয়ের মহত্বের পরিচয় পাওয়া যায় । রাজকুমার আলবার্টকে অশেষ গুণসম্পন্ন ও উদার হৃদয় জানিয়া তাঁহার প্রতি তিনি বিশেষ অনুরাগিনী হন ; রাজকুমারের চরিত্র বিশেষরূপে জানিয়াই তিনি এরূপ প্রেমবতী হইয়া ছিলেন, এবং তাঁহার সহিত বিবাহিতা হওয়াই তাঁহার একমাত্র ইচ্ছা ছিল । কিন্তু তথাপি তিনি গুরুজনের আদেশের ও সম্মতির অপেক্ষা করিয়াছিলেন । ইহাতেও তাঁহার চরিত্রের কোমলতার পরিচয় পাওয়া যায় । তিনি স্বাভাবিক অবলম্বন করা ভালবাসিতেন না । যাহা হউক যখন তিনি

জানিলেন, এ বিবাহে সকলেই আনন্দের সহিত সম্মতি দিলেন, রাজকুমারও বিশেষ প্রফুল্লচিত্তে স্বীকৃত হইলেন, তখন তিনি নিরতিশয় আনন্দিতা হইয়াছিলেন। আমাদের হিন্দুশাস্ত্রে সতী পবিত্রতার যে সমস্ত লক্ষণ পাঠ করা যায়, মহারাণীতে সে সবই প্রত্যক্ষ করা গিয়াছে। তিনি স্বয়ং বলিয়াছেন, “রাজপুত্র আলবার্ট নিকলস্, দেবোপম চরিত্রবান্, তাঁহার স্ত্রীর সর্বগুণসম্পন্ন ব্যক্তি আর তিনি দেখিতে পান না, আলবার্ট অতি উচ্চ, তিনি নিজে অতি তুচ্ছ। আলবার্টের স্ত্রী হইতে পারেন, এরূপ গুণ তাঁহার কিছুই নাই। রাজকুমার তাঁহাকে বিবাহ করিয়া বিশেষ অনুগ্রহ প্রকাশ ও অসীম স্বার্থত্যাগ করিয়াছেন, তিনি সর্বপ্রথমে এমন দেবোপম স্বামীকে স্মৃতি করিতে চেষ্টা করিবেন, কিন্তু তাহাতে কতদূর কৃতকার্য হইবেন, তাহাতে সন্দেহ। আলবার্টকে স্মৃতি করাই তাঁহার জপমালা হইবে, ইত্যাদি প্রকারে স্ত্রীর পাতিত্রতা তিনি প্রকাশ করিয়াছেন। যখন বিবাহের সময় তাঁহার ধর্মমন্দিরে সমবেত হইলেন, তখন একটা কথা উঠিল যে, ইংলণ্ডের রাণী তাঁহার একজন প্রজা আলবার্টকে ( কারণ ভিক্টোরিয়া বংশানুক্রমে রাণী হইলেও তাঁহার স্বামী রাজা নহেন, প্রজাগণ তাঁহাকে রাজা বলিয়া স্বীকার করিলেন। তিনি ইংলণ্ডের একজন অধিবাসী, রাণীর প্রজা মাত্র ) কেমন করিয়া বলিবেন যে, তিনি আলবার্টের অধীন থাকিবেন, মান্ত করিবেন ইত্যাদি, স্মরণ্য প্রস্তাব হইল, মন্ত্র ও প্রতিজ্ঞার পাঠের পরিবর্তন করা হইল। রাণী এই কথা শুনিয়া বলিলেন, “সাধারণ স্ত্রীলোক যেকোন ভাবে বিবাহিতা হইয়া থাকেন, তিনিও সেইরূপেই বিবাহিতা হইতে চাহেন। ইংলণ্ডের পবিত্র ধর্মমন্দিরের ষথানিদ্ধিষ্ট নিয়মানুসারেই তাহা সম্পন্ন হইবে। স্বামী সকল অবস্থাতেই স্ত্রীর পূজনীয়! সাধারণ স্ত্রীভাবে তিনি বিবাহ সম্বন্ধীয় সকল প্রতিজ্ঞাই পাঠ করিতে ইচ্ছুক আছেন।” কি সুন্দর কথা! কি আত্মগৌরব বিসর্জন! তিনি সতী, তিনি তাঁহার আরাধ্য প্রাণের দেবতা স্বামীর নিকট অধীনতা, বাধ্যতা স্বীকার করিবেন না? এই তাঁহার মনের ভাব! ধর্মবাজক প্রতিজ্ঞা পাঠ করাইলেন, ভিক্টোরিয়া বিশেষ আন্তরিকতার সহিত স্বীকার করিলেন। তিনি আলবার্টকে স্বামীরূপে বরণ করিয়া তাঁহাকে মান্য করিতে,

আপদে বিপদে, সুখে দুঃখে তাঁহার সঙ্গিনী হইতে এবং তাহার প্রতি আজীবন অক্ষুণ্ণভাবে অনুরক্তা থাকিতে স্বীকৃতা আছেন। বলা বাহুল্য, এ পবিত্র প্রতিজ্ঞাও তিনি অক্ষুণ্ণভাবে পালন করিয়াছেন, রেখামাত্রও বিচ্যুতি ঘটে নাই।

মহারানীর বিবাহের জীবন যে কিরূপ স্বর্গীয়সুখে অতিবাহিত হইয়াছিল, তাহা কি বলিব! মহারানীর মতে আলবার্ট অপেক্ষা পবিত্র, মহৎ এবং হৃদয়ের বস্তু আর পৃথিবীতে নাই। একদণ্ড তাঁহার সঙ্গ ছাড়া হইলে, মহারানী অন্ধকার দেখিতেন, সব তাঁহার নিকট শূন্য বলিয়া বোধ হইত। স্বামী নিকটে থাকিলে তিনি সর্বদা আনন্দসাগরে অগ্ন ধাক্কিতেন। স্বামীর চরণে প্রাণমন সমর্পণ করিয়া হৃদয় ঢালিয়া কেমন করিয়া তাঁহাকে সুখী করিবেন, এই চিন্তাতেই তিনি অস্থির হইতেন। স্বামীর সহিত পরামর্শ না করিয়া কোন কার্যই করিতেন না, এমন কি, রাজকার্যে পর্যন্ত স্বামীর উপদেশ লইতেন এবং কিসে প্রজার কল্যাণ হয়, সে বিষয়ে পরামর্শ করিতেন। রাজকুমারও এমন সাক্ষী স্ত্রী পাইয়া তাঁহার প্রতি যে বিশেষ অনুরক্ত হইয়াছিলেন, তাহা বলাই বাহুল্য। বস্তুতঃ তাঁহাদের দুই হৃদয়ের যেন মণিকাঞ্চনযোগ হইয়াছিল এবং নিরবচ্ছিন্ন আনন্দে তাঁহাদের যুগল জীবন অতিবাহিত হইয়াছিল। এদিকে মহারানী যখন সন্তানের মাতা হইলেন, তখন সন্তানগণের সুশিক্ষা দানের বিষয় তাঁহারা উদাসীন অবলম্বন করেন নাই। এত বড় একটা রাজ্যের রানী হইলেও তিনি ধাত্রীর হস্তে সন্তান পালনের ভার দিয়া নিশ্চিন্ত হন নাই, তাহাদের শিক্ষাসহবৎ ইত্যাদির বিষয় যত্ন লইতেন এবং পর্যবেক্ষণ করিতেন। যাহাতে সন্তানগণ বিলাসী অহঙ্কৃত না হয়, সে বিষয় তাঁহার বিশেষ দৃষ্টি ছিল। সন্তানগণকে কখন জাঁক-জমকের পোষাক পরিতে দিতেন না, কখন কোন অবিদ্য দেখিলে তাহা মার্জনা করিতেন না। একবার তাঁহার কয়েকটা সন্তান একটি পরিচারিকার মুখ আমোদ স্থলে কালি দিয়া চিত্রিত করিয়া দিয়াছিলেন, মহারানী তাহা জানিতে পারিয়া তৎক্ষণাৎ দোষী সন্তানগণকে ডাকাইয়া যুক্তকরে পরিচারিকার নিকট স্বীয় স্বীয় দোষের জন্ত রীতিমত ক্ষমা প্রার্থনা করাইয়া তত্ব ছাড়েন। আমাদের



বিড়াল কুকুরের তুল্যই জ্ঞান করে এবং যথেষ্ট ব্যবহার করে ! পঙ্কি-চারিকার প্রতি অত্যাচার করিলে তার জন্ত ক্ষমা প্রার্থনা এটা অনেক মাতার বিশেষতঃ বৃদ্ধ বয়সের অনেক রমণীর নিকট স্বপ্ন ও কল্পনাভীত ঘটনা ! সন্তানগণকে বাগানের কাজ, অস্ত্রাস্ত্র ক্রীড়া ইত্যাদিতে সর্বদা উৎসাহ দিতেন, এবং আত্মনির্ভরতা শিক্ষা দিতেন। সামান্য সামান্য কাজকর্মে চাকরদের উপর নির্ভর করিয়া থাকা তিনি ভালবাসিতেন না। রাজকন্যা হইলেও কন্যাগণকে রন্ধন, সূচিকর্ম, গৃহস্থিত আসবাবের শৃঙ্খলা ও বন্দোবস্ত, গৃহিণীপনা ইত্যাদি বিশেষ যত্নের সহিত শিক্ষা দিতেন এবং যাহাতে তাহারা এ বিষয়ে অনুরাগিণী হয়, সেদিকে তাঁহার বিশেষ দৃষ্টি ছিল। তাহার ফলে কন্যাগণও সকলেই সুগৃহিণী, এবং আত্মশ্রুতি ও বিলাসিতা-বর্জিতা হইয়াছেন। এইরূপে তিনি মাতৃ-কর্তব্য সর্বথা পালন করিয়াছিলেন।

মহারানী সর্বদা ঈশ্বরের নিকট প্রার্থনা করিতেন যে, স্বামীর বিরহযাতনা যেন তাঁহাকে সহ্য করিতে না হয়। কোন্ সতীরমণী সে প্রার্থনা না করেন ? কিন্তু ভগবানের ইচ্ছা অতরূপ বলিয়া তাঁর সে প্রার্থনা পূর্ণ হয় নাই। বিংশ বৎসরকাল অনাবিল স্বামী-প্রেম-ভোগ ও স্বামী-সেবা করিবার পর বিধাতার অধঃবিধানে তাঁহাকে স্বামীহারা হইতে হয়। উঃ ! সে সময় মহারানীর পক্ষে কি ভীষণ ! মহারানীর হৃদয়গ্রন্থি যেন ছিন্ন হইয়া গেল ! স্বামীর শয্যাপার্শ্বে সতী বসিয়া তাঁহার জীবনদীপ নির্বাপিত হওয়া পর্য্যন্ত যুক্তকরে ভগবানের নিকট তাঁহার আত্মার কল্যাণ জন্ত প্রার্থনা করিলেন, পরে যখন সব ফুরাইল, প্রাণপ্রিয়তম এ নন্দরলোক পরিত্যাগ করিলেন, তখন মহারানী লুটাইয়া কাঁদিতে লাগিলেন—উঃ ! সে বেদনার—সে মর্ম্মহত কষ্টের সতীর বৈধব্য-যন্ত্রণার দৃশ্যের আর বিস্তৃতি কাজ নাই ; তাহা সহজেই অনুমেয়। মহারানী সেই শোকের তরুণ আঘাত সহ্য করিতে বড়ই বেগ পাইয়াছিলেন। শেষে আত্মসংযম ও ভগবানে নির্ভর শীলতার বলে তাহা বাহ্যে সংঘত করিলেন বটে, কিন্তু অন্তরে অন্তরে সে ছর্ষিসহ শোকবহি চিরকাল তিনি অনুভব করিয়া গিয়াছেন এবং স্বামীর মৃত্যুর পর হইতে প্রকৃত হিন্দু বিধবার ন্যায় ব্রহ্মচর্যা অবলম্বন

পিতাছেন। বিধবা হইবার পর তিনি কোনও প্রকার আমোদ-প্রমোদে যোগদান করেন নাই, রাজ্যোপযোগী বিলাসাদি একেবারেই পরিত্যাগ করিয়াছিলেন, প্রত্যহ স্বামীর পবিত্রমূর্তি দর্শন এবং ধ্যান তাঁহার নিত্য ব্রত ছিল। জাঁক-জমক কোন দিনই তিনি ভালবাসিতেন না, বিধবা হইবার পর হইতে তো তাহা একেবারেই পরিত্যাগ করিয়াছিলেন; এমন কি, ঘরের আসবাবগুলি নূতন রঞ্জিত হইবার সময়ও যদি তেমন উজ্জ্বল রং দেওয়া হইত, তাহা হইলে তিনি তাহা বদলাইয়া ফেলিতেন।

সহারাণী যে পবিত্রতার আদর্শ ছিলেন, তাহা তাঁহার অনেক কার্যে ও কথাতেই বুদ্ধিতে পারা যায়। যখনই স্বামীর নাম মনে করিতেন, তখনই নয়ন অশ্রুপূর্ণ হইয়া উঠিত।

সহারাণীর রাজত্বকালে দেশবিদেশে অনেক যুদ্ধবিগ্রহ হইয়াছে সত্য, কিন্তু তাহাতে তাঁহার সহানুভূতি ছিল না। তাঁহার মন্ত্রীগণই সেজন্ত দায়ী। যুদ্ধক্ষেত্রে প্রজাগণের প্রাণহানি দেখিয়া তিনি অশ্রুপাত করিয়াছেন, আহত মৈনিকগণের প্রতি যথেষ্ট সহানুভূতি প্রদর্শন করিয়াছেন। এই বৃদ্ধকালে বৃষরযুদ্ধে প্রজাক্ষয় দেখিয়া তিনি যথেষ্ট মনস্তাপ পাইয়াছিলেন, তাঁহার কোমল হৃদয় হুঃখকষ্ট দেখিলেই গলিয়া-যাইত এবং তাহা হইতে পবিত্র মন্দাকিনীর পুতধারার ন্যায় সহানুভূতি অশ্রু প্রবাহিত হইত। ভারতের দুর্ভিক্ষে, প্লেগে লোকধ্বংসের সংবাদ শুনিয়া তিনি যেরূপ হুঃখ প্রকাশ করিয়াছিলেন এবং স্বীয় ভাণ্ডার হইতে যেরূপ সাহায্য করিয়াছিলেন, তাহা তাঁহার ন্যায় হৃদয়েরই উপযুক্ত! সকলেই যেন এ হুঃখে অকর্ম্মা যেন রাখেন, তিনি রাণী হইলেও রাজকোষের অর্থ তিনি যথেষ্ট ব্যয় করিতে পারেন না। সে বিষয় মন্ত্রীগণ ও পার্লামেন্ট সভায় মত ও পরামর্শ লইতে হয়।

যখন তিনি ভারতেশ্বরী উপাধি গ্রহণ করেন, তখন যে ঘোষণাপত্র প্রচারিত হয়, তাহা প্রজা সাধারণের ধর্ম্মবিশ্বাসে হস্তক্ষেপ না করিয়া জাতিবর্ণনির্ক্ৰিশেষে গুণের আদর ও সম্মান সুবিচার করা হইবে বলিয়া প্রচার করা হয়, তাহাতে সকলেই বিশেষ স্তুতী হইয়াছিল। ভারত ও ভারতীয় প্রজাকে তিনি বড় ভালবাসিতেন। ভারতীয় ভাষা শিক্ষাতেও তাঁহার বিশেষ আগ্রহ ছিল।

তাঁহার পবিত্র জীবনের সদগুণাবলীর স্মারক আয়োজন করা এক্ষণ

হলে সম্ভব নহে। তিনি আদর্শরমণী, আদর্শজননী, আদর্শমতী এবং আদর্শ রাজ্ঞী ছিলেন। স্বকর্মার্জিত পুণ্যলোকে তাঁহার আত্মা এখন শান্তিলাভ করিতেছে, কিন্তু তাঁহার পবিত্র নাম প্রাতঃস্মরণীয়রূপে চিরকাল সকলের হৃদয়ে অঙ্কিত থাকিবে এবং তাঁহার আদর্শ জীবনের পুণ্যকথার অনেক ছন্দ উন্নত হইবে, ইহা নিশ্চিত। আমাদের পাঠক পাঠিকাগণ এই পুণ্যবতীর শুণাবলীতে স্বীয় স্বীয় হৃদয় স্বীয় স্বীয় সম্ভ্রমগণকে ভূষিত করিয়া তাঁহার পুণ্যস্মৃতির সম্মান করুন, ভগবানের নিকট এই প্রার্থনা। শান্তি! শান্তি! শান্তি!!!

শ্রীযত্ননাথ চক্রবর্তী

## হোলী।

কবে, কতকাল পূর্বে, শ্রীমথুরা পুরে,  
 জাজমাসে, কৃষ্ণপক্ষ অষ্টমী তিথিতে  
 কংস-নিপাতন হেতু, কংস কারাগারে  
 শুভক্ষণে হয়েছিল কৃষ্ণ অবতার  
 নারায়ণ, অংশরূপী শ্রীমধুসূদন ?  
 স্মরণে আসে না তাহা, না হয় নির্ধর  
 বহুদূর, নির্ণিবারে ছাপরের কথা !  
 গোকুলে শৈশবলীলা, গোষ্ঠে গোচারণ,  
 কৈশোরে মধুর ভাবে বৃন্দাবন লীলা—  
 কৃষ্ণলীলা সারাৎসারা বৃন্দাবন লীলা।

নমি আজি কৃষ্ণপদে প্রেম ভক্তিভাবে !

বাসনা পুরাও কৃষ্ণ ! এই তিফা করি।  
 গাইব তোমার গীত, মঙ্গল আচরি—  
 রাধা সহ কেলী কুঞ্জে হোলী নাম ধার।  
 ফাল্গুনী পূর্ণিমা তিথি বসন্ত মধুর,

প্রবাহে মলয়নিল বাসন্তী পূর্ণিমা ;  
 চারিধারে ঝিকিমিকি দক্ষসুতাগণ ।  
 হাস্যমুখী বহুকরা, কোমুদী মাথিয়া  
 গলে পরি ফুল হার বিতরি সুবাস,  
 মাতাইতে ছিলা সতী, ভাবুক মানস ।  
 সেই দিনে কৃষ্ণচন্দ্র, সেই শুভদিনে—  
 ছলে ছিলা মধুকুঞ্জে শ্রীরাধিকা সহ,  
 সুধাময় সুপবিত্র বৃন্দাবন ধামে ।  
 বৃন্দাবন ; আহা মরি ! চন্দ্রিকা পরিয়া—  
 কি শোভা ধরিয়া ছিল চিত্ত-বিমোহিনী,  
 সে শোভা মোহিনী শোভা, মম নেত্রপাশে  
 ধরিয়া দিতেছে যেন আকাশ কুমারী  
 কল্পনা ; প্রসন্নমুখী দেবী দয়াবতী ।

চেতন যমুনা জল, কদম্ব চেতন,  
 সচেতন গোবর্দ্ধন, বৃন্দাবন শিলা,  
 চেতন কুঞ্জের রেণু, চেতন লতিকা,  
 চেতন পাদপাবলী, চেতন পল্লব,  
 চেতন কুমুমকুল, চেতন বাশরী,  
 চেতন সমগ্র কুঞ্জ ; রাজসভাগমে  
 যেমন সুন্দর সভা সাজায় মানস,  
 তেমনি প্রকৃতি যত্নে সাজায় বাসিন্দা,  
 সাজায়েম যেরকম গুণ্য বৃন্দাবনে !  
 সকলেই কথা কর, সকলেই হাসে ।  
 প্রহরী বসন্তরাজ, কোকিল নিকর ।  
 এতগুলি এক সঙ্গে মিলিয়াছে হেথা,  
 আগমনে মধুময়ী বাসন্তী পূর্ণিমা ।

পূর্বদিন সন্ধ্যাকালে প্রথম কোতুক—  
 রণরঙ্গে অগ্নিক্রীড়া, মেদাসুর বধ ।  
 টাচার তাহার নাম বিখ্যাত সংসারে ।



পূর্বদিনে সেই ক্রীড়া করি সমাধান,  
 পূর্ণিমায় ছলিলেন দোল্ দোল্ দোল্,—  
 প্রেমময় কৃষ্ণচন্দ্র বেষ্টিত গোপিনী ;  
 বামভাগে শোভাময়ী বৃকভানু সূতা  
 শ্রীরাধিকা ; প্রেমময়ী, কৃষ্ণ মনোহরা ।  
 দোলমঞ্চে ছলিলেন কিশোরী কিশোর ।  
 উভয়ে সমান ভঙ্গী, উভয়েই বাঁকা !  
 দাঁড়াইল অষ্ট সখী নগ্নল আকারে ।  
 হাশ্বাননা ব্রজাঙ্গনা, পিচিকারী হাতে ;  
 সুবাস আবীরপূর্ণ বমুনার বারি—  
 বর্ষিছে যুগল অঙ্গে । গিরি মুখে যেন  
 ঝর ঝর ঝরে ঝরে ঝরণার জল !  
 লালে লাল, ক্যাসা লাল, শ্রীনন্দ-তুলসী ;  
 লালে লাল রাসেশ্বরী শ্রীমতী রাধিকা ;  
 লালে লাল সখীপুঞ্জ, ব্রজের গোপিনী—  
 কৃষ্ণপ্রেম-পিপাসিনী, রূপে চন্দ্রকলা ।  
 হাসিমুখে বলিতেছে, ছলাইছে দোল,  
 “রাসেশ্বরী আমাদের আজি দোলেশ্বরী !”  
 গগনধ্বনিত করি সুমধুর স্বরে—  
 গাইতেছে হোলীগান মধুর মধুর !  
 কাঁপাইছে মৃগ চক্ষু, হেলাইছে গ্রীবা,  
 গাহিছে প্রেমের গীত, নাচিয়া ঘুরিয়া ;  
 তালে তালে বাজাইছে বনস্ত সনীর ;  
 শুনিলে মোহিত হয় সবার শ্রবণ !  
 রূপবতী যত গুলি গোয়ালী কুমারী—  
 হেসে হেসে ধরিতেছে পরিহাস গীত !  
 হানিছে রাধারে বাণ, কটাক্ষে ব্যঙ্গিয়া । \*  
 কৃষ্ণকেও হানিতেছে চোখ চোখ শর !

\* ব্যঙ্গিয়া—ব্যঙ্গ করিয়া ।

সবাই আনন্দে পূর্ণ, রসিক-রসিকা,  
 কান্নাসনে সকলেই খেলিতেছে হোলী ;  
 হাসিমুখে বলিতেছে, হোলী খেল হরি !  
 বড় সাধ আছে মনে, বহুদিন আশা—  
 খেলিব তোমার সঙ্গে বসন্ত ঋতুতে—  
 প্রেমখেলা হোলীখেলা, মধুর প্রেম !  
 কাল অঙ্গ লালেলাল, রাধিকারমণ !  
 কি সাজ সেজেছ হরি ! আমরি আমরি !  
 ওই লালে আরো লাল দিব মিশাইয়া  
 বলিতেছে ছড়াতেছে শ্রীঅঙ্গে আবীর !  
 ছুড়িছে কুঙ্কুম কেহ, বাঁকায়ে নয়ন ;  
 বনমালা লালে লাল, লাল পীতধড়া,  
 লালে লাল শিখিপুচ্ছ, ঢাকা ভৃগুপদ,  
 লাল কুঞ্জ, লাল কৃষ্ণ, কুঞ্জ বনমালা !  
 রসিকের চূড়ামণি, রাখাল কানাই—  
 হেসে হেসে প্রতিশোধ দিতেছেন তার !  
 রাধিকা হরিকে দেন, রাধিকারে হরি,  
 কি মধুর হোলী খেলা, শ্রীকৃষ্ণের দোল !  
 গোপিকা কৃষ্ণকে দেয়, কৃষ্ণ গোপিকায়,  
 প্রেমের চূড়ান্ত খেলা, বসন্ত বাসরে !  
 তাই বলে কৃষ্ণ প্রেম গোপীরাই জানে !

ফুরাল দোলের লীলা, হোলীর বিশ্রাম ।

ফলার হইল কিনা, বলে না কল্পনা ।

এইত কৃষ্ণের দোল, এ দোলের প্রেমে

আবীরের সঙ্গে সঙ্গে প্রেম ছড়াছড়ি !

পবিত্র সকল অঙ্গ, দেবতার খেলা,—

প্রেমভাব, ভক্তিভাব, গোপিকা হৃদয়ে

একসঙ্গে বাস করে, তারি পরিচয়

দেখাইল গোপীকারা, শ্রীকৃষ্ণের দোলে !

নিন্দকেরা নাম দেয়, গোপিনী বিহার ॥

বহু বহু গোপবধু, যুবতী সুন্দরী—  
 কৃষ্ণপাশে একসঙ্গে ছুটে ছুটে আসে,  
 এককালে একসঙ্গে জড় হয় সব ;—  
 কোন প্রেমে আসে তারা, একসঙ্গে মিলে ?  
 যাচে তারা কোন্ প্রেম, কৃষ্ণ সন্নিধানে ?  
 কভুনা, কভুনা, কভু সম্ভবে কি তাহা ?  
 দশমবর্ষের শিশু ইঞ্জিয়বিলাসী  
 এ কথা যাহারা ভাবে, বাতুল তাহারা ।  
 সুপবিত্র কৃষ্ণলীলা, সুপবিত্র গাথা,  
 সুপবিত্র হোলী খেলা, সুপবিত্র রাস ।

হায়রে ! এদেশে আজি, সেই হোলী খেলা—  
 সুনিত্য পবিত্র যাহা, বৃন্দাবন মাঝে,  
 সেই সুপবিত্র হোলী এদেশে এখন—  
 কি বিকট ভীমামূর্তি করেছে ধারণ !!  
 ব্রজবাসীনাথধারী, পশ্চিমের বত  
 হিন্দুস্থানী খোঁটা আছে, এ হোলীতে তারা—  
 মাথিয়া আবীর অঙ্গে, বাঁধিয়া কোমর,  
 নাচিতে নাচিতে রঙ্গে, বাজায়ে মাদল—  
 কত শত গীত গায়, মুখে বলে হোলী,  
 কিন্তু মুখে কাঁটা খোঁচা বাধেনা তখন !!  
 যাহা ইচ্ছা, তাহা বলে, অকথ্য খেঁউড় !!  
 তাহাতেই সবে মত্ত, কৃষ্ণ কথা দূরে !  
 মথুরার ক্ষত্রকুল উজ্জল রতন—  
 পুণ্যব্রত বসুদেব দেবকী কুমার,  
 রাধাকে তাঁহার মামী সাজায় খোঁটারা !  
 সাজাইয়া ক্ষান্ত নয়, খেঁউড় গান গেয়ে  
 উচ্চরবে ; মাতোয়ারা, দলে দলে চলে—  
 বড় বড় রাজবয়ে, বাহুভাঙ লয়ে  
 নেচে নেচে গীত গায় ! কি পবিত্র গীত !



এইত পশ্চিমে হোলী ! আরো কিছু বলি ।  
 আমাদের জন্মভূমি, ইহ বঙ্গদেশে  
 কি ছুর্দশা ঘটয়াছে, পূর্ণিমার দোলে !  
 যেমন যাত্রার সং, নানা রঙ্গে সাজে,  
 তেমতি পথিক লোকে নানা রং মেখে—  
 অবসাদে চলে যায়, চাহেনা পশ্চাতে ।  
 রং মাখা কেহ কেহ প্রেমানন্দে মেতে  
 হাশুমুখে হলা করে, কতই আহ্লাদ ।  
 কেহ কেহ সং সেজে মুখ ভারী করে !  
 একদিনে না ফুরায়, পর্ক অবসানে  
 তিন দিন জের চলে, লোকে সাজে ভূত !  
 শ্রীকৃষ্ণের হোলী খেলা বঙ্গে এই দশা !  
 আবীরের সমাদর আছে অতি কম !  
 ছাই, মাটী, ম্যাজেণ্ডার কালী জুলা, কাদা,  
 তারি জলে পিচিকারী, তারি যোগে ছাবা !  
 ষাঁড় দাগা দেগে দেয়, বেচারি পথিকে !!  
 নরনারী ভেদাভেদ নাহি করে কেহ !  
 মেয়েদের ছরবস্থা আরো বেশী করে !!  
 লজ্জায় মরিয়া যায় বাজারের মেয়ে !  
 এর চেয়ে বেশী আর বলা ভাল নয় ।  
 কেবল বাজারে মেয়ে, সে কথাও নয় ;  
 গঙ্গাস্নানে কুলবালা রাস্তায় আসিলে,  
 তাহাদেরো সাজা দেয় ডানপিটে ছোঁড়া !  
 আরো এক হোলী খেলা হয়েছে রটনা,  
 সকলের চেয়ে সেটী আরো বেশী ভয়ঙ্কর !  
 সহরের গলি পথে, কিছু কিছু দূরে,  
 আবাসের দোতলার বারাণ্ডা হইতে  
 বিষ্ঠা বৃষ্টি হয়ে থাকে পথিকের গায় !!  
 ছিছি কি স্বগার কথা ! পাহারা পুলিশ—  
 বিপক্ষের কাছে কিছু সেলামীর লোভে,



ধূলাতে ডুবায়ে দেয় রাজার আইন !!

হায় কি ছঃখের কথা ! বৃন্দাবন-লীলা

নন্দলাল গোপালের বসন্তের দোল,—

নিকুঞ্জ আনন্দময় বে দোলের ভাবে,

সেই দোল কি নরক, এই বঙ্গদেশে !!

আ মল ধর্মের ভাব ভুলিয়াছে সবে,

হর্ষ প্রমোদের ভাব ছাড়িয়া দিয়াছে,

নূতন হোলীর মূর্তি করেছে গঠন,

বিক্রপ, কুৎসিত, ঘৃণ্য বীভৎস বিকল !

সকলেরি সমভাব, শৃগালের ডাক !

রাজ্যময় হীনপ্রভা হতেছে বিস্তার,

হোলীর প্রকৃত ভাব, কিছু নাহি আর !!

সত্য বটে, কেহ কেহ ভক্তি উপচারে—

দোল দেয় রাখাক্ষয় বিগ্রহ ছটিকে ;

জানায় সাত্বিকী পূজা বিস্তার সমাধায়,—

বিতরে স্বাক্ষরপথে সুখাত্ত বিবিধ,

সঙ্গীত আমোদে করে বামিনী যাপন ;

সত্য বটে ; সত্য, কিন্তু সংখ্যা বড় কম !

কাঁদিতেছে জন্মভূমি, এই মনস্তাপে !

যাচিতেছে রূপাবিন্দু, মিনতি করিয়া—

এই আর্ঘ্য সমাজের ভূষণ বাঁহারা,

উদ্দেশে মনের ছঃখে, তাঁহাদের কাছে

এই ভিক্ষা ভক্তিভাবে—আর্ঘ্য পুত্রগণ !

শ্রীকৃষ্ণের হোলী দোল সুপবিত্র কর !

যাহা ছিল, তাহা পুনঃ, ফিরাইয়া আনো ;

ঘুচুক লোকের নিন্দা, ঘুচুক উৎপাত ।

কত কত অনাচার মিশিয়াছে দোলে,

ব্রহ্মজ্ঞানী ছেলে বলে অসত্য পার্কণ !!

সত্য সত্য আমোদে করে বামিনী যাপন ;

জয় জয় রাধাকৃষ্ণ ! জয় বৃন্দাবন !  
 জয় গোবর্দ্ধন গিরি ! জয় কুঞ্জ ধাম !  
 জয় কৃষ্ণ প্রবাহিনী কলিন্দনন্দিনী  
 যমুনা ! গোপিনী জয় ! হোলী পর্ব জয় !  
 পূর্বাপর হোলী দেখা হইল আমার,  
 রাধাকৃষ্ণ শ্রীচরণে করি নমস্কার !!

শ্রীভুবনচন্দ্র মুখোপাধ্যায় ।

## নরক দর্শন ।

শাস্ত্রের মহিমা অনন্ত । আর্ষ্যশাস্ত্রে যোহাদের বিশ্বাস অটুট, তাঁহারা সকলেই একবাক্যে স্বীকার করিবেন, জগতের মানবগণকে কোন না কোন প্রকার পাপস্পর্শ করে, সেই পাপে তাহাদিগকে নরক ভোগ করিতে হয় । কলিযুগেই পাপীর সংখ্যা অধিক । কলিযুগের প্রথম রাজা ধর্মপুত্র যুধিষ্ঠির । যোহারা মহাভারত পাঠ করিয়াছেন, তাঁহারা যুধিষ্ঠিরকে জানেন । যুধিষ্ঠিরের আত্মায় বিন্দুমাত্র পাপস্পর্শ করে নাই । তথাপি ধর্মের শাসন এতদূর যে, কুরুক্ষেত্র যুদ্ধের সময় চক্রধারী শ্রীকৃষ্ণের প্ররোচনায়, যুধিষ্ঠিরকে সামান্য একটু কপটতার আশ্রয় লইতে হয় ; সেই সামান্য পাপে তাঁহাকে চরমে একবার নরক দর্শন করিতে হইয়াছিল । পাপের শাসন আর্ষ্য শাস্ত্রে যে প্রকার বর্ণিত আছে, তেমন আর কোন শাস্ত্রেই নাই । এইখানে আজ আমরা আর একটি যুধিষ্ঠিরকে উপস্থিত করিব ।

কে তিনি ?—মিথিলার রাজা বিপশিৎ । ধর্ম-শাস্ত্রে, ব্যবহার-শাস্ত্রে, যত প্রকার পুণ্য কার্যের বিধান আছে, রাজা যুধিষ্ঠিরের ছায় রাজা বিপশিৎ নিত্য নিত্য অবিচ্ছেদে সেই সকল পুণ্যকার্যের অনুষ্ঠান করিতেন ; কোন প্রকার পাপ কার্যে তাঁহার মতি যাইত না । তাঁহার দুই মহিষী ছিলেন ;—পীবরী আর সুশোভনা । সেই উভয় রাণির মধ্যে সুশোভন পরমরূপবতী, গুণবতী, এবং পুণ্যবতী ছিলেন ; রাজা তজ্জন্ম তাঁহাকেই অধিক ভাল বাসিতেন : পীবরী

রানী অথবা রাজকন্যা হইলে রূপ কিরূপ হয়, সাধারণে তাহা নিশ্চয়ই বুদ্ধিতে পারেন ; রানী পীবরী অরানী অথবা অসুন্দরী ছিলেন না ; অথচ তাঁহাকে পতির অবহেলা ভোগ করিতে হইত । কারণ এই যে, রানী পীবরী পার্থিব সংসারের বাবহারানুসারে কার্য্যাকার্য্য বিচার করিয়া চলিতেন ; রাজাকে তাহা ভাল লাগিত না । সংসারে সকল কার্য্যেই প্রায় কিছু না কিছু অকার্য্যের মিশ্রণ থাকে, রাজা বিপশ্চিত্ত সেই জন্য সংসারকে বড় ভয় করিতেন ; সেইজন্যই সংসারানুরাগিনী রানী পীবরীর প্রতি তাঁহার কিছু কিছু অবজ্ঞা ছিল ।

জীবনকালের মধ্যে ইহসংসারে রাজা বিপশ্চিত্তের কেবল ঐ মাত্র পাপাংশ । পূর্ণচন্দ্রে যেমন কলঙ্ক, গঙ্গাজলে যেমন বিন্দুমাত্র শুন মূত্র, রাজা বিপশ্চিত্তের পবিত্র হৃদয়ে সেই প্রকার ঐ ক্ষুদ্র পাপাংশ । ভারতের জায় ধর্ম্মক্ষেত্র ইহজগতে আর দ্বিতীয় নাই ; সেই বিন্দুমাত্র পাপে রাজা বিপশ্চিত্তের কি ভোগ হইয়াছিল ?—একবার মাত্র নরক দর্শন ।

রাজা বিপশ্চিত্তের সংসার লীলা সম্বন্ধে পর যমালয়ে একটিবার নরক দর্শন হইয়াছিল । ক্ষুদ্র পাপের প্রায়শ্চিত্ত হইলে যমদূতেরা তাঁহাকে বলিল, আর আপনাকে এখানে রাখিতে আমাদের অধিকার নাই, আপনি স্বচ্ছন্দে স্বর্গধানে গমন করুন । রাজা স্বর্গগমনে উত্তত হইলে নরকের পাপীর উচ্চকণ্ঠে চীৎকার করিয়া বলিল, “মহারাজ ! মহারাজ ! দয়া করিয়া আর খাগিকক্ষণ এইখানে থাকুন ; এত যন্ত্রণার মধ্যেও আপনার তুল্য পুণ্যাত্মা দর্শনে আমরা অননুভূত সুখানুভব করিতেছি ।”

পুরাণ শাস্ত্রে নরকের যেরূপ বর্ণনা আছে, পাপীগণের নরক ভোগের যে প্রকার ভীষণ চিত্র পরিলক্ষিত হয়, মুদিত নেত্রে তাহা স্মরণ করিলেও ছৎকম্প হইয়া থাকে । জলন্ত অনলে উত্তপ্ত তৈল কটাহে পাপী নিক্ষেপ, জলন্ত লৌহ নারী মূর্তিতে ব্যভিচারী পাপীর গাঢ় আলিঙ্গন, কুমি কুণ্ডে নারকী পাপীর মস্তকে লৌহ মুষলাঘাত, বিষ্ঠাকুণ্ডে পাপী লোকের অব-  
গাহন, ইত্যাকার ভীষণ ভীষণ নরকদণ্ড সর্ব্বজনের ভয়প্রদ । নরকবাসী কোটি কোটি পাপীর ঐ প্রকার নিদারুণ নরক যন্ত্রণা, নিদারুণ বিকট চীৎকার !

নরকবাসী পাপীগণের আর্তনাদ শ্রবণ করিয়া রাজা বিপশ্চিত্ত স্থির

পরিভ্রাণ এবং বিপন্নের সহায়তা। এই তিনটি কার্য সংসারের পরমধর্ম। ইহারা মহাবিপন্ন, আমি এখানে থাকিলে ইহারা সুখী হইবে, কেন আমি তবে এই সকল বিপন্নের সুখের আশা হরণ করিব?—মনে মনে এইরূপ তর্ক করিয়া, যমদূতগণকে রাজা বলিলেন, আমি স্বর্গে যাইব না। নরকেই থাকিব। আমি নরকে থাকিলে এত লোক যদি সুখে থাকে, তাহা অপেক্ষা সৌভাগ্য কি? নরকেই আমি থাকিব, কোটি কোটি লোককে যন্ত্রণানল হইতে রক্ষা করাতে যে সুখ, স্বর্গে কেন, তাদৃশ পবিত্র সুখ ব্রহ্মলোকেও নাই। অতএব আমি স্বর্গে যাইব না, ইহাদিগকে নিরাশ করিয়া স্বর্গে আমি সুখ পাইব না, ইহাদের উপকারের জন্ত নরকেই আমি থাকিব।

রাজা বিপশ্চিতের এই সংকল্পের কথা ধর্মরাজের শ্রবণগোচর হইল। দেবরাজ ইন্দ্রকে সঙ্গে লইয়া ধর্মরাজ স্বয়ং রাজসমীপে উপস্থিত হইলেন; বিনীতভাবে রাজাকে কহিলেন, মহারাজ! স্বর্গে চলুন; দেবরাজ পুরন্দর স্বয়ং আপনার জন্ত পুষ্পকরথ আনয়ন করিয়াছেন, আপনি অথও পুণ্যাশ্রা, সেই বিমানে আরোহণ করিয়া আপনি স্বর্গে গমন করুন। চরমে পুণ্যাশ্রার বাসস্থান স্বর্গ।

রাজা কহিলেন, কোটি কোটি প্রাণী এখানে দুঃসহ নরক যন্ত্রণা ভোগ করিতেছে, ইহারা বলিতেছে, আমি এখানে থাকিলে ইহাদের কষ্ট লাঘব হইবে; অতএব আমি নরকেই থাকিব; ইহাপেক্ষা স্বর্গে আমার কি সুখ?

ইন্দ্র বলিলেন, মহারাজ! সংসারে সকলেই স্ব স্ব কর্মফল ভোগ করিয়া থাকে। ইহারা পাপী, পাপকর্ম ফলে ইহারা নরকবাসী হইয়া অহরহ নরক যন্ত্রণা ভোগ করিতেছে; পাপক্ষয় না হইলে ইহাদের পরিভ্রাণ নাই। আপনি পুণ্যাশ্রা, আপনি স্বর্গে চলুন।

রাজা বিপশ্চিত কিয়ৎক্ষণ চিন্তা করিয়া পুনর্বার কহিলেন, দেবরাজ! ধর্মরাজ! আপনারা বারম্বার বলিতেছেন, আমি পুণ্যাশ্রা। সংসারে আমি এমন কি পুণ্য করিয়াছি যে, আপনারা আমাকে স্বর্গে লইয়া যাইবার জন্ত এত আগ্রহ প্রকাশ করিতেছেন? এত লোককে কঁাদাইয়া কদাচ আমি স্বর্গে যাইব না; ইহাদের সুখের জন্ত নরকেই আমি বাস



আমার কিছুমাত্র পুণ্য ফল সঞ্চিত থাকে, এমন আপনারা জানেন, তাহা হইলে সদর হইয়া এই নরকবাসী বিপন্নগণকে সেই পুণ্যফলের অংশ প্রদান করুন ; ইহারা নরকমুক্ত হউক ; ইহাদিগকে নিষ্পাপ করিয়া, ইহাদের সকলকে সঙ্গে লইয়া, স্বর্গগমনে আমি প্রস্তুত হইব, নতুবা নহে ।

ইন্দ্র, ধর্ম, উভয়েই একবাক্যে কহিলেন, মহারাজ, নরকবাসী পাপীলোক পাপ নিশ্চুক্ত হইল ; আপনার পুণ্যবলে ইহারাও স্বর্গবাসী হইবে ।

রাজা সুখী হইলেন । অন্তরীক্ষ হইতে রাজার মস্তকে পুষ্প বৃষ্টি হইল । অসংখ্য পাপীকে সঙ্গে লইয়া, গলদেশে দেবমাল্য ধারণ পূর্বক স্বর্গীয় বিমানারোহণে, রাজা বিপশিচৎ পরমসুখে স্বর্গধামে গমন করিলেন ।

আমাদের শ্রাঘা । নিঃস্বার্থ পরোপকারের কত মহিমা, ভারতে পুণ্যবান্ আর্ষ্য মহাপুরুষেরাই তাহা জানিতেন । এখনও প্রকৃত ধর্মভাবের আদর যদি কিছু থাকে, এই ধর্মক্ষেত্র ভারতক্ষেত্রের আর্ষ্য সন্তানের হৃদয়ক্ষেত্রেই তাহা আছে ; নখর ভগতের কৃত্রাপি আর এপ্রকার পবিত্র ধর্মভাব নাই ।

শ্রীযতীন্দ্রনাথ দত্ত ।

## বসন্ত এবং প্লেগে গোবসন্ত বীজের টীকার উপকারিতা ।

বাঙ্গালা টীকার প্রচলন কেন রহিত হইল ?

মনুষ্য-জীবনে বসন্তরোগ প্রায় একাধিকবার হয় না । সত্য বটে, কোন কোন ব্যক্তি একাধিকবার বসন্তরোগাক্রান্ত হইয়াছেন, কিন্তু তাহাদের সংখ্যা অতি বিরল ; সহস্রের মধ্যে একজন । প্রকৃত বসন্তরোগ অতি ভীষণ । ইহার আক্রমণ অধিকাংশ স্থলেই মারাত্মক । এই সাংঘাতিক পীড়ার আক্রমণ নিবারণ করিবার নিমিত্ত পূর্বে আমাদের দেশে বাঙ্গালা টীকা প্রচলিত ছিল । মনুষ্য-দেহোৎপন্ন সুবসন্তবীজ দ্বারা যে টীকা দেওয়া হইত, তাহাই বাঙ্গালা টীকা ; ইহার ইংরাজী নাম small pox inoculation. এই বাঙ্গালা টীকা বসন্তরোগের মারাত্মক আক্রমণ

বসন্তরোগ সংক্রামক,—ইহা সর্ববাদি-সম্মত । স্বাভাবিক বসন্ত রোগ এবং সুবসন্ত বীজের বাঙ্গালাটীকা-সমুদ্ভূত বসন্তরোগ,—উভয়ই এক । সুতরাং প্রকৃত বসন্তরোগ এবং বাঙ্গালা টীকা সমুৎপন্ন বসন্তরোগ উভয়ই সমান সংক্রামক । বাঙ্গালা টীকা দ্বারা যে বসন্ত রোগ হয়, তাহাতে সংক্রামকতা দোষ সম্পূর্ণভাবে বিদূমান থাকে । এই কারণে কোন গ্রামে যখন কোন এক ব্যক্তি বাঙ্গালা টীকা লইতেন, তখন তাঁহার সহিত সেই গ্রামস্থ আবার বৃদ্ধ বনিতা সকলেই টীকা গ্রহণ করিতে বাধ্য হইতেন । এই রূপ না করিলে প্রথমোক্ত ব্যক্তির শরীর হইতে অপরাপর লোকের দেহে বসন্তরোগ সংক্রামিত হইবার সম্পূর্ণ আশঙ্কা থাকিত । অনেক স্থলে এইরূপ হৃৎটনাও প্রায় ঘটিত । বসন্তরোগে যে রূপ কঠোর নিয়ম পালন এবং পবিত্রতাব ও শুদ্ধাচার অবলম্বন আবশ্যিক, বাঙ্গালাটীকা গ্রহণ কালেও তদ্রূপ কঠোর নিয়মাদি পালন প্রয়োজনীয় । প্রকৃত বসন্তরোগের তাম্র বাঙ্গালা টীকায় সমুৎপন্ন বসন্তরোগও শারীরিক অবস্থা ভেদে কখনও সুবসন্ত কখনও কুবসন্তে পরিণত হয় । এই প্রকার নানাবিধ বাধা বিঘ্ন, বিপৎসমাকুল বলিয়া বাঙ্গালাটীকার প্রচলন অধুনা রাজকীয় দণ্ডবিধি অনুযায়ী বন্ধিত হইয়া গিয়াছে ।

### গো-বসন্ত বীজের টীকার প্রচলন এবং তাহার উপকারিতা ।

গো জ্বাতির এক প্রকার বসন্ত হয় । এই বসন্ত বীজ কোম মনুষ্য-শরীরে প্রবেশ করিলে তাহার প্রায় বসন্ত হয় না । কখনও কখনও বসন্ত হয় বটে, কিন্তু তাহা সুবসন্ত । তাহাতে জীবন নষ্ট হয় না । মহাত্মা স্তার উইলিয়াম জেনার এই অদ্ভুত ব্যাপার নিরীক্ষণ করিয়া বসন্তরোগে গোবীজের উপকারিতার কথা প্রকাশিত করেন । সেই সময় হইতে গোবসন্তের বীজ দ্বারা মনুষ্য শরীরে টীকা দিবার প্রথা প্রচলিত হইয়াছে । ইহাই আমাদের দেশে প্রচলিত আধুনিক ইংরাজী টীকা অথবা Vaccination ( ভ্যাকসিনেশন ) । এই গো বীজ এক মনুষ্য শরীর হইতে অল্প মনুষ্য শরীরে কিম্বা গো শরীরেও বপন করা যায় । ইংরাজী টীকাও



ইংরাজী টীকা বা ভ্যাকসিনেসন্ হইবার পরও কোন কোন লোক বসন্তরোগাক্রান্ত হন,—এই কারণে অনেকে বিবেচনা করেন যে ভ্যাকসিনেসন্ দ্বারা বসন্তরোগের আক্রমণ হইতে পরিত্রাণ পাওয়া যায় না; এই প্রকার ধারণা নিতান্ত ভ্রমাত্মক তাহা বলাই বাহুল্য। প্রকৃত বসন্ত রোগ হইবার পর বা ইংরাজী, টীকা লইবার পরও সহস্রের মধ্যে দুই এক জন ব্যক্তিকে পুনরায় বসন্তরোগাক্রান্ত হইতে দেখিতে পাওয়া যায়। কিন্তু অধিকাংশ লোকই যখন ভ্যাকসিনেসন্ দ্বারা বসন্তরোগের আক্রমণ হইতে রক্ষা পাইতেছেন, তখন ইংরাজী টীকা অর্থাৎ ভ্যাকসিনেসন্ যে বসন্তরোগের আক্রমণ নিবারণক্ষম, ইহা অবশ্য স্বীকার্য। অধিকাংশ স্থলে যাহা সত্য ও প্রমাণীকৃত, তাহাই গ্রাহ্য; দুই এক স্থলে যাহা সত্য, তাহা কখনই গ্রহণীয় নহে।

যাহাদের ভ্যাকসিনেসন্ হয় নাই, তাঁহারা প্রায়ই কুবসন্তে আক্রান্ত হইয়া মৃত্যুমুখে পতিত হন। ভ্যাকসিনেসন্ হইলে প্রায় বসন্ত হয় না; যদি হয়, তাহা সূবসন্ত হইয়া থাকে। এবং তদ্বারা জীবন নষ্ট হয় না। ইংরাজী টীকা গ্রহণ করিলে বাঙ্গালা টীকা গ্রহণকালীন কঠোর নিয়মাদি পালনের প্রয়োজন নাই। বাঙ্গালা টীকার স্থায় ইংরাজী টীকা সংক্রামক নহে। ভ্যাকসিনেসনে ভয়ের কোন কারণ নাই। সকল ব্যক্তিই নির্ভয়ে গোবীজের টীকা লইতে পারেন; ইহাতে আশঙ্কা করিবার কিছুই নাই। কোন ব্যক্তির শরীরে গোবসন্তের বীজ প্রবিষ্ট হইবার পর অর্থাৎ ভ্যাকসিনেসন্ হইলে যদি টীকা না উঠে, তাহা হইলে সেই বৎসর বসন্তরোগের বীজ তাহার শরীরে প্রবিষ্ট হইয়া কোন প্রকার ক্ষতি করিতে পারিবে না বুঝিতে হইবে। সুতরাং স্পষ্ট প্রতীয়মান হইতেছে যে, ভ্যাকসিনেসনে কোন বিপদ কিম্বা ভয় তাই, পক্ষান্তরে যথেষ্ট সুবিধা আছে।

জীবনে একবার টীকা লইয়া নিশ্চিত থাকা নিতান্ত ভ্রম। শারীরিক পরিবর্তনের সহিত গোবীজের টীকার বসন্তরোগাক্রমণ নিবারণ করিবার শক্তিও হ্রাস প্রাপ্ত হয়। সুতরাং মধ্যে মধ্যে নূতন টীকা লওয়া উচিত। কলিকাতা ক্যাঞ্চেল হাঁসপাতালে বহু বসন্ত রোগী চিকিৎসার্থী নীত হইয়া থাকে। ইহাদের মধ্যে যাহাদিগের কোন প্রকার টীকার দাগ নাই, তাহাদিগের ভিতরই মৃত্যু সংখ্যা অত্যন্ত অধিক। যাহাদের শরীরে কোন প্রকার টীকার দাগ কিম্বা বসন্তের দাগ উত্তমরূপে চিহ্নিত দেখা যায়,



তাঁহাদের বসন্ত সুবসন্ত এবং তাঁহা কখনও মৃত্যুর কারণ হয় না। যে কোন ব্যক্তি উক্ত হাঁসপাতালে আসিয়া অনুসন্ধান লইতে পারেন। বাল্যকালে টীকা হইলেও বোঁবনে পুনরায় টীকা গ্রহণ করা কর্তব্য। একবার টীকা লইয়াছি; আবার কেন টীকা লইব—এই দ্রাস্ত বিশ্বাসের অনুবর্তী হইয়া অনেক মনুষ্য বসন্তরোগাক্রান্ত হইয়া অসময়ে কালগ্রাসে পতিত হইয়াছেন। ন্যূনকালে প্রতি পাঁচ বৎসর ব্যবধানে একবার টীকা লওয়া উচিত। প্রতিবৎসর টীকা লইলে সমস্ত ভয় হইতে পরিত্রাণ পাওয়া যায়।

অনেক স্থলে এরূপ দৃষ্ট হয় যে, একই বীজে একজনের টীকা সম্পূর্ণ উঠিল, অত্র এক ব্যক্তির কিছুই উঠিল না। যে ব্যক্তির টীকা উঠিল না, তাঁহার সে বৎসর বসন্তরোগাক্রান্ত হইবার আদৌ সম্ভাবনা নাই বুঝিতে হইবে। বসন্তরোগের প্রবল প্রাদুর্ভাবের সময় সকল ব্যক্তিরই টীকা লওয়া অবশ্য কর্তব্য। তাঁহা হইলে তাঁহাদের সেই বৎসর বসন্তরোগাক্রান্ত হইবার সম্ভাবনা আছে কি না, তাঁহা তাঁহারা এই প্রক্রিয়া দ্বারা অবগত হইতে পারিবেন।

### গোবীজ দ্বারা প্লেগাক্রমণ নিবারণ।

গোবসন্তবীজের টীকা অন্ততঃ এক বৎসর কাল পর্য্যন্ত প্লেগরোগের আক্রমণ নিবারণ করিতে সমর্থ—ইহাই আমার ধারণা। কলিকাতায় যে বৎসর প্লেগ এপিডেমিক হয়, সে বৎসর যাঁহারা গোবসন্ত বীজের টীকা লইয়া ছিলেন, তাঁহাদের মধ্যে প্লেগ হয় নাই; এ বিষয়ে আমি বিশেষ অনুসন্ধানের পর এ ধারণায় উপনীত হইয়াছি। চিকিৎসক মহোদয়গণ এই বিষয় অনুসন্ধান করিয়া আমার ধারণার সত্যাসত্যতা সম্বন্ধে মত প্রকাশ করিলে জনসাধারণ বিশেষ উপকৃত হইবেন।

যে বৎসর কোন সংক্রামক রোগের বীজাণু কোন শরীরে প্রবেশ করে, সে বৎসর সেই শরীরে অত্র কোন সংক্রামক রোগের বীজাণু প্রায় প্রবেশাধিকার লাভ করে না, ইহাই শরীরতত্ত্ববিৎ পণ্ডিতগণের অভিমত। এক প্রকার রোগের বীজাণু অত্র প্রকার রোগের বীজাণুর সহিত এক শরীরে একই সময়ে প্রায় পরিদৃষ্ট হয় না। যে জীবাণু দ্বারা রক্ত মাংস প্রভৃতি পচিয়া যায়, তাঁহা দ্বারাই যক্ষ্মা ও ক্যান্সার রোগের উপকার হয়। ইহাদের ইংরাজী নাম Germs of Pueri feiation.



প্লেগের টীকা লইলে যেমন অন্ততঃ তিন মাস কাল প্লেগ হইবার সম্ভাবনা থাকে না, প্লেগের সময় গো বসন্তবীজের টীকা লইলেও তদ্রূপ প্লেগ হইবার সম্ভাবনা দূর হয় ।

আমরা প্রাপ্তি বৎসর গোবীজের টীকা লইয়া থাকি ; ইহাতে আমাদের কোন প্রকার কার্যের ক্ষতি বা শারীরিক অনিষ্ট হয় না এবং আমাদের মনেও দৃঢ় বিশ্বাস সর্বদা বদ্ধমূল থাকে যে, আমাদের বসন্ত হইবার কোন সম্ভাবনা নাই । আমার কোনও রোগীর, গোবীজের টীকা লইবার পর প্লেগ হয় নাই । যদি কোন ব্যক্তি গোবসন্তবীজের টীকা উত্তমরূপে উষ্ণি-বার পর এক বৎসর মধ্যে কাঁহাকেও প্লেগাক্রান্ত হইতে দেখিয়া থাকেন, তবে সে বিষয় আমার সবিশেষ অবগত করিলে আমি অতীত উপকৃত হইব ।

শ্রীহেমচন্দ্র সেন এম, ডি ।

## কিশুত-কিমাকার ।

( জন্মভূমির ৫৩ পৃষ্ঠায় প্রকাশিতের পর । )

### দ্বিতীয় অঙ্ক ।

#### প্রথম দৃশ্য ।

সদর রাস্তার চৌমাথা ।

( রামচরণ ও হারাধনের প্রবেশ । )

রাম । কিহে, এত ব্যস্তব্রস্ত হয়ে কোথা ছুটেছ ?

[ হারাধনের হস্তধারণ ।

হারা । না ভাই, এখন আমার কথা কবার সময় নাই । আমার একবার উকিলের বাড়ী যেতে হবে, সে আবার দশটার মধ্যে বেরিয়ে যাবে ।

রাম । তোমার আবার কিসের মোকদ্দমা হে ?

হারা । পরে বলব, এখন ছেড়ে দাও, আমি যাই ।

রাম । ( ঘড়ি দেখিয়া ) এই ত সবে আটটা, এত ব্যস্ত হচ্ছ কেন ?

হার। তোমার ভাই বাড়ি নয়, ওটা কচ্ছপ। বাঙ্গালীর খড়ি, দেশী-  
খার জন্ত—দেখবার জন্ত নয়। তোমাদের টাকা যেমন কচ্ছবন্ধ থাকে,  
ওটাও সেইরূপ কচ্ছগত হওয়া উচিত।

রাম। আচ্ছা ভাই, আমরা বাঙ্গালী—তুমি সাহেব। এখন মোকদ্দমাটা  
কিসের বল?

হার। কতকগুলো ছোটলোকের মেয়ে আমার পরিবারকে গালি  
দিয়েছে।

রাম। তাই মানহানির নালিস করতে যাচ্ছ নাকি?

হার। ক'রব না?

রাম। ছি, ছি, ও কাজ ক'র না, কিল খেয়ে কিল চুরিই ভাল।

হার। বাঙ্গালীর রক্ত এতই ঠাণ্ডা বটে!

রাম। ভাই, সাহেবের পোষাক পরলেই কি সাহেব হওয়া যায়?  
ও পোড়াকার্ঠের রং টুকু ঢাকবে কিসে?

হার। তার বেশ উপায় আছে, হুচারবার বিলাত খাজী করলেই  
খাদ কেটে যাবে।

রাম। সহজে ত নয়, বিলাতে ব'সে চারি পুরুষে কুরুচ্ খেলে যদি  
কিছু হয়, তোমার কল্যা যদি গোরা ভজে, পুত্র গোরা মিসে মজে,  
নাতির পুতি হ'লে যদি রঙে মিস খায়।

হার। তাও কি ভাল নয়? আমাদের পুত্র না হয় পৌত্র, পৌত্রি  
না হয় প্রপৌত্রও ত জেহুইন্ জন্বুল হ'তে পারবে, এটা কি স্পর্ধার  
কথা নয়?

রাম। ওহে সাহেব, তোমাদের সে সকল পৌত্র প্রপৌত্রের সহিত  
ভারতের আর কি সম্বন্ধ থাকবে? তারা কি ভারতের পানে চেয়ে  
দেখবে? তারা কি কামদেব পণ্ডিতের সন্তান, রামেশ্বর পণ্ডিতের সন্তান  
ব'লে আপনাদের পরিচয় দিবে? না কাশ্যপ, শাণ্ডিল্য, উরদ্বাজ প্রভৃতি  
গোত্রের সহিত সম্পর্ক রাখবে? তারা সব হয়ে যাবে Mr. এখন বাড়ী  
ফিরে যাও, যা ব্লেম, বেশ ক'রে বুঝে দেখগে যাও।

[ প্রস্থান ]

হার। Chained dog! দেশাচারের দাস! আমার আবার উপদেশ  
দিতে চায়! এই সন্ধীর্ণচেতা Conservativeওলা শিকল-বাধা কুকুরের মত,

যা কিছু অপরিচিত, যা কিছু নূতন দেখবে, অমনি ঘেউ ঘেউ ক'রে উঠবে !  
 অ্যা ! ও আবার কারা ? আঃ ! আবার সেই কদাকারা মাগীরা জালা-  
 তন করতে আসছে ।

হাড়িনীগণের প্রবেশ, নৃত্য ও গীত ।

মানের কান্না কেঁদ না আর, মান থাকে কি মান করিলে ?

অভিमानে অপমান, মান অপমান সহিলে ।

এখনো গো মান আছে,

যার হাঁড়ি তার কাছে,

হাঁড়ি ভেঙ্গে ছড়িয়ে যাবে, মানহানির নালিশ যুড়িলে ।

হারা । Infernal Bitch ! ( প্রহারোত্তত । )

১ম হাঁড়িনী । কি সাহেব, মারবে নাকি ?

২য় হাঁড়িনী । বল দেখি চাঁদবদন, কালা গোরা হ'লে কি কারণ ?

৩য় হাঁড়িনী । কালাচাঁদ মারবে নাকি ? ও গোরাচাঁদ মারবে নাকি ?

সকলে । মার দেখি, মার দেখি !

[ হাসিতে হাসিতে প্রস্থান ও হারাধনের পশ্চাদ্ধাবন ।

## দ্বিতীয় দৃশ্য ।

ময়রাবিবিদের BOUDOIR.

ঈশাবালা কলে সেলাই করিতেছে ও ঝালাফালা পশম বুনিতেছে ।

Mr. M. M. মাসচটক এলেম্ব বাগীশের প্রবেশ ।

মাসচটক । Good Morning Mrs ভাবন বিশ !

ঝালা । Good Morning sir, আমরা এইমাত্র আপনার কথাই কহিতে  
 ছিলাম ।

মাস । কেবল তুমি আর Mrs ভাবনবিশ ? না আরও কেহ ?

ঝালা । আপনার সেই আরও কেহ না হ'লে, প্রাতে উঠেই আপ-  
 নার কথা আর কে পাড়িরে ?

মাস । Oh yes yes ! I am very glad to hear it. (ঈশাবালার নিকটে গিয়া ) Good Morning sweet Isabel ! ( একখানি chair টানিয়া লইয়া ঈশাবালার পার্শ্বে উপবেশন । )

( বালাফালা কর্তৃক ঘণ্টা নিনাদন ও ভজহরি খানসামার প্রবেশ । )

ভজা । ঘণ্টায় যা দিলে কেনে ?

মাস । এখনকার কালে এ প্রকার অসভ্য চাকর আর চলে না ।

ঈশা । But he is very honest.

মাস । Excuse me sweet Isabel, honesty is another word for stupidity.

ভজা । মশাই, আমার ষ্টুপিট ব'লে গালি দিলে কেনে ?

ঝালা ! যা, যা, তুই এখন চা আন্গে যা ।

এলেম্ বাগীশের গীত ।

চীন হ'তে এলি চা

চীনে পুনঃ চলে যা

পৃথ চিনে যাবে কিরে কিরিস্মূর্নিক আর ।

ভারতে মহিমা তোর হবে না বিস্তার ।

মুটে মজুর ভঞ্জে তোরে,

বায়ুনেরা ঘৃণা করে,

বায়ুনের মুখে আশুগ জলবে না কি আর ?

চীনের চীনী চুনে নিল,

ছানা ফীরে মিসাইল,

চিনিলনা তোরে তারা এ কি অবিচার ।

বায়ুমণ্ডলা না মরিলে,

টিকি ফোঁটা না ফুটিলে,

বৈজ্ঞানিক আহায়েয় হবে না প্রসার ।

ঝালা । Excellent !



ঝালা । But unfortunately play on words is now a days looked upon as puerile witticism.

( চা লইয়া ভজহরির প্রবেশ । )

ঝালা । ( পরীক্ষা করিয়া ) আরে, আজ একি রকম চা করেছিস্ ? না হয়েছে মিষ্টি, না হয়েছে রং—কিছু হয় নাই ।

ভজা । ব'লে ফ্যানালে কিছুই হয় নে । আরে কিছু হবে কেমন ক'রে, একসের জলে এক কাঁচা ছুধ, আর আধ পয়সার বাতাসায় কত রং, কত মিষ্টি হবে ?

ঝালা । হাঃ হাঃ ! ও কে Stupid বলে কে ?

ভজা । সাহেব বাবু, ষ্টুপিট বলা তোমাদেরই মাজে ।

ঝালা । যা, যা, তুই এখন যা ।

ভজা । যাচ্ছি ঠাকরণ, যাব না তু কি !

[ প্রস্থান ।

( সকলের চা পানান্তর )

ঝালা । এলেম্বাগীল মহাশয়, আমাদের ঈশাবালা গান শুন্তে বড় ভালবাসে ।

মাস । আমি যাহা ভালবাসি, ঈশাবালা তাহাই ভালবাসে, হাঃ হাঃ, ভালবাসার লক্ষণই এই । এখন একটা গান করতে হবে ? তবে গুন—

গীত ।

ঈশাবেল মতিরাবেল প্রেমসী আমার,

হেন রূপরানি বল আছে আর কার ?

রূপ-জ্যোতি রবি ভাতি,

অথবা চর্কির বাতি,

স্বাভীমকত্রের নীরে জনম উহার,

কজাসম বিমুকখানি জননী যাহার ।

ঝালা । মাসচটক মহাশয়, এ গীতটি কি আপনার রচিত ?

মাস । কেন বল দেখি, গানটা কি ভাল হয় নাই ?

না গেলে খুঁজিয়া পাওয়া ভার । আচ্ছা এলেম্বাগীশ মহাশয়, “কঙ্কাসম  
ঝিনুকখানি” জননী কাহার ?

মাস । স্বাতীনক্ষত্রের নীরে জনম বাহার—অর্থাৎ মুক্তার, মুক্তা এখানে  
ঈশাবেল—বিমল মতি বা মতিয়াবেল । আমার প্রত্যেক গানে গুঢ় মানে  
থাকে, আর উপমার উপমা Double উপমা থাকে ।

ঝালা । সুন্দর ! অতি সুন্দর উপমা, কঙ্কাসম ঝিনুকখানি মুক্তারূপা  
ঈশাবালার জননী । অতি সুন্দর, বড়ই সুন্দর—বড়ই রুচিকর ।

মাস । My dear Mrs হাবনবিশ, তোমার ভাবানুভাবকতার বড়ই  
অভাব । প্রাচীন কবি ভবভূতি কি বলিয়াছেন জান ? তিনি বলিয়া  
গিয়াছেন—

নির্ভয়ে লিখিব কাব্য আপন ইচ্ছায়,  
কাব্য ও কামিনী কভু নিন্দা না এড়ায় ।

( সদারঙ্গের প্রবেশ । )

ঝালা । একি ! পাগুলা এখানে কেন ?

সদারঙ্গের নৃত্য ও গীত ।

টিয়া ডাকে টিয়া টিয়া, পাপিয়া পিয়া পিয়া,  
চড়িক্ ডাকে চিড়িক চিড়িক, সালিক কিঁয়া কিঁয়া ।

পাপিয়া পিয়া পিয়া ॥

কি ভাবে কি গায় তারা,

শ্রোতা সবে দিশেহারা ।

পাখী-কবি গান করে ভাবেতে মাতিয়া,

পাপিয়া পিয়া পিয়া ॥

( গীতান্তে )

সদা । বাবা. ভূমিও কি বাঙ্গালার একটি কবিকপোত ? তাই এত  
নির্ভীক ? আজকালকার বাঙ্গালার কবি এক একজন এক একটা  
কবিতার নায়াগারা, অনবরত কবিতা উদ্গার ক’রে সাহিত্য ক্ষেত্রটা হাজিয়ে  
ছিলেন । তারপর আবার গুপ্তকবির লুপ্তকাব্যের উদ্ধার—লোকে আইবড়  
মেয়ে লয়েই ব্যক্তিবাস্ত—আবার বিধবার বিয়ে । বাবা. কবিতা কি তাই

## গীত।

হৃদয় মধিত হলে যে সুধা উপজে,  
তাহাই কবিতা তাহে প্রাণমন মজে।  
কবিতা ছল্লভনিধি,  
জনমে কি নিরবধি,  
নিরবধি জনমে কি গজমতি গজে ?

[ গান করিতে করিতে প্রস্থান।

মাস। Come sweet Isabel, এখন আমরা পার্কে একটু বেড়াইয়া আসি চল। দ্বারদেশে আমার ক্রহাম তোমার নিমিত্ত অপেক্ষা করিতেছে।

ঈশা। না, এখন না।

মাস। No denial, no excuse my love,

ঝালা। You take undue liberty with my sister Mr মাসচটক!

মাস। Liberty, Equality and love. আধুনিক সমাজের মূলমন্ত্র।

ঝালা। আপনার এ প্রকার আচরণ উচিত নয়।

ঈশা। উনি কি অস্বাভাবিক আচরণ করিয়াছেন? দিদি, আমি বড়ই ছঃখিত হইলাম, তুমি একজন Gentlemanএর অবমাননা করিলে?

ঝালা। ভগিনি, তুমি এলেম্বাগীশের পক্ষপাতিনী হইয়া সাম্যবাদের অবমাননা করিলে,—

“When Adam delved and Eve span,

Who was then the gentleman?”

ঈশা। Sister you are growing (intolerable) আর আমি এখানে থাকিব না।

[ প্রস্থান।

মাস। “প্রিয়াশূন্য লতামণ্ডপে থাকিয়া আর ফল কি? এখন আমি আসি, good bye.

[ প্রস্থান।

শ্রীলক্ষ্মীনারায়ণ চক্রবর্তী।



৭৩  
H ৫৮৩

৫২৫  
২০২/১১০৭

# জন্মভূমি

( সচিত্র মাসিক পত্র । )

অষ্টম বর্ষ ।

১৩০৭ সাল, চৈত্র ।

৯ম সংখ্যা ।

## ভক্তি ।

ভক্তি মহুঘমগুলীর একটি উৎকর্ষ বৃত্তি । এই বৃত্তি যাত্রা মহুঘম অন্তান্ত জীবগণ অপেক্ষা উৎকর্ষ লাভ করে । আমরা সর্বদা কহিয়া থাকি, প্রভু-ভক্তি, রাজ-ভক্তি, পিতৃ-মাতৃ-ভক্তি গুরুভক্তি, ঈশ্বরে ভক্তি ইত্যাদি । কিন্তু ভক্তি এই শব্দের ভিতর কি যেন একটি ভাব নিহিত আছে । আমরা দেখিতে পাই যে, কর্তব্যানুষ্ঠান ব্যতীত আরও যেন কিছু অনুষ্ঠানবাকী রহিয়াছে । যাহা হারা ভক্তি এই ভাবটাকে সম্পূর্ণ করে, সেই ভাবটী কি, তাহা বিশদরূপে বুঝান বড় সহজ নয় । অথচ তাহা না থাকিলে ভক্তির আভ্যন্তরিক ভাবটী যেন অসম্পূর্ণ বলিয়া বোধ হয় । এখন দেখা যাউক, সেটি কি ? মনে করুন, কেবলমাত্র কর্তব্য পালন করিলে, কি তাহাকে কেহ ভক্তি বলিবেন ? যদি পিতা-মাতাকে ভরণ পোষণ করা যায়, তাহা হইলে কি ভক্তি করা হইল ? বা তাঁহারা যাহা করিতে বলেন, তাহা করিলেই কি ভক্তি করা হইল ? আমার বোধ হয়, শুধু তাহা করিলে ভক্তি ভাবটী সম্পূর্ণ হইল না । প্রত্যহ পাঠাভ্যাস করিলেই কি শিক্ষককে ভক্তি করা হয় ? বা—রাজ্য প্রতাপালন করিলেই কি রাজভক্তি প্রদর্শন করা হইল ? তবে কিসে ভক্তি করা হয়, অর্থাৎ এই বৃত্তির সম্পূর্ণতা প্রকাশ পায় ? যদি বল, নাম-সাধনই ভক্তির মূলমন্ত্র, তাহা হইলে দেখা যাউক, নাম সাধন কি, নাম সাধন কি শুধু পুনঃ পুনঃ নাম উচ্চারণ, না অপর



কিছু? তবে সাধন যাহাকে বলে, তাহা স্পষ্টরূপে বুঝি উচিত। নতুবা  
 ১৫৬ ধর্মিক্যাহাকে বলে, আমরা স্পষ্ট করিয়া বুঝিতে পারিলাম না। ভক্তির  
 মূলমন্ত্র কি এবং কোথায়, ইহা বুঝাইবার পূর্বে আমি একটি গল্প দ্বারা  
 পাঠকদিগকে হৃদয়ঙ্গম করাইতে চেষ্টা করিয়া দেখি। তাহা দ্বারা কতদূর  
 কৃতকার্য হইব, বলিতে পারি না। হয়তো আমার নিজের ভাবের ভ্রম  
 থাকিতে পারে, আমি দেখিতে পাইতেছি না। মহদয় পাঠকগণ  
 দেখাইয়া দিলে বাধিত হইব। গল্পটি এই;—

জনশ্রুতি আছে, মহারাজ নবদ্বীপাধিপতির দুই পুত্র ছিল—শিব-  
 চন্দ্র ও শম্ভুচন্দ্র। এই দুই জন সহোদর ভ্রাতা নহেন। ইহারা পরস্পর  
 বৈমাত্রেয় ভ্রাতা। রাজা সর্বদা শিবচন্দ্রের সুখ্যাতি করিতেন। একদা  
 শিবরাত্রিতে রাজা শম্ভুচন্দ্রের মাতার নিকট শিবচন্দ্র-সম্বন্ধে একরূপ সুখ্যাতি  
 করিতেছিলেন। তাহা শুনিয়া রাণী দুঃখিত হইয়া মহারাজকে কহিলেন,  
 “প্রভু! আমি আপনার মুখে সর্বদা শিবের কথা শুনিতে পাই, কিন্তু  
 শম্ভুর কথা কখন শুনি নাই, ইহার কারণ কি? শম্ভু কি আপনার  
 অবাধা, না আপনার আজ্ঞাপালন করে না, বা কখন আপনাকে কোন  
 প্রকারে অভক্তি বা অসম্মান করিয়াছে? এমন কখন ঘটে নাই,  
 বাহাতে আপনি কোন কারণে তাহার উপর অসন্তুষ্ট হইয়াছেন।  
 তবে কি কারণে তাহার উপর বিরক্ত হইয়াছেন? কি কারণেই ব  
 আপনি পুনঃ পুনঃ শিবের সুখ্যাতি করেন, ইহা আমি উপলক্ষ  
 করিতে পারিতেছি না।” রাজা বলিলেন,—“আমি তোমাকে এখন  
 দুজনের বিশেষত্ব দেখাইব।” এই বলিয়া মহারাজ দাসীকে আজ্ঞা  
 করিলেন, শম্ভুচন্দ্রকে ডাকিয়া আন। দাসী, শম্ভুকে গিয়া কহিল,  
 “মহারাজ আপনাকে ডাকিতেছেন।” শম্ভু কহিলেন, “দাসী! মহারাজকে  
 গিয়া বল, আমি শীঘ্রই যাইতেছি। কহিও, আমি শিবপূজা করিয়া শিবের  
 অর্ঘ্য সংস্থাপন করিতেছি, পূজা সাঙ্গ করিয়া অবিলম্বে সাক্ষাৎ করিব।”  
 দাসী প্রত্যাগত হইয়া রাজাকে ঐ সংবাদ দিল। রাজা তখন কোন  
 কথা না বলিয়া দাসীকে শিবচন্দ্রকে ডাকিতে আজ্ঞা করিলেন। দাসী  
 রাজাজ্ঞা লইয়া শিবচন্দ্র-সমক্ষে গিয়া সংবাদ করিল। শিবচন্দ্র তখন  
 শিবপূজা শেষ করেন নাই; প্রায় শেষ হইয়াছে, কিছু বাকী ছিল।  
 সংবাদ পাইবামাত্র পূজা ত্যাগ করিয়া দাসীর অনুসরণ করিলেন।

দাসী, শিবচন্দ্রের নিকট হইতে প্রত্যাগত হইবার পূর্বেই শম্ভুচন্দ্র রাজসমক্ষে দণ্ডায়মান হইয়া প্রণতিপূর্বক মহারাজকে অসময়ে আহ্বানের কারণ জিজ্ঞাসা করিলেন এবং তাঁহার নিজের বিলম্বের কারণ জ্ঞাপন করিলেন। তিনি কহিলেন যে, শিবের অর্ঘ্য সম্পাদন করিয়াই মহারাজসমক্ষে আসিয়া উপস্থিত হইয়াছেন। রাজা কহিলেন, “বাপু! এত শীঘ্র আসিবার কারণ কিছুই নাই, পূজা সমাপন করিয়া আসিলেও বিশেষ ক্ষতি ছিল না। যাহা হউক, শম্ভুচন্দ্র! রজনী প্রায় নিঃশেষ, আর তুমি উপবাসী আছ, কিছু জল খাও।” শম্ভুচন্দ্র কহিলেন, “মহারাজ, আপনি যাহা অনুমতি করিবেন, অবশ্যই আমার তাহা পালন করা উচিত। তবে আমার ব্রত সম্পূর্ণ হয় নাই, পূজা প্রায় সাঙ্গ হইয়াছে। পূজা শেষ করিয়া ত্বরায় আসিয়া মহারাজের প্রসাদ গ্রহণ করিব। আর অন্নক্ষণের জন্ত ব্রতভঙ্গের প্রয়োজন সম্বন্ধে আপনি যাহা বলিবেন, তাহাই আমার শিরোধার্য।” রাজা কহিলেন, “আচ্ছা, পূজা সাঙ্গ করিয়া আসিও”, এই বলিয়া শম্ভুচন্দ্রকে বিদায় দিলেন। সেই সময়েই শিবচন্দ্র, দাসী-সমভিব্যাহারে রাজসমক্ষে দণ্ডায়মান হইয়া প্রণতিপূর্বক মহারাজের কুশলাদি জিজ্ঞাসা করিয়া অসময়ে আহ্বানের কারণ জিজ্ঞাসা করিলেন। রাজা কহিলেন, “শিব, তুমি যে দাসী সঙ্গে আসিলে? তুমি কি করিতেছিলে?” শিবচন্দ্র কহিলেন, “মহারাজ! আমি শিবপূজার দক্ষিণাস্ত করিতেছিলাম, কিন্তু যখন আপনি ডাকিলেন, তখন আর তাহা শেষ না করিয়াই চলিয়া আসিলাম। কারণ আপনিই আমার সাক্ষাৎ শিব। যখন দেখিলাম, বিনা পূজায় শিব সাক্ষাৎ লাভ করিতে পারি, তখন আর পূজা সাঙ্গে ফল কি?” রাজা কহিলেন, “ভাল, সে কথা থাক। এখন রজনী প্রায় শেষ হইয়াছে, কিছু জল খাও।” শিবচন্দ্র কোন দ্বিধাক্তি না করিয়া, তৎক্ষণাৎ প্রসাদ মস্তকে ধারণ করিয়া মুখে ফেলিয়া দিলেন। রাজা বলিলেন, “শিবব্রত সাঙ্গ না করিয়া জল খাইলে যে?” শিব উত্তর করিলেন, “মহারাজ! যদি ব্রত সাঙ্গ না হইতে ব্রতের ফল লাভ হয়, অর্থাৎ স্বয়ং শিব, সাক্ষাৎ হইয়া প্রসাদ দেন, তাহা হইলে আর ব্রত সাঙ্গ করিয়া ফল কি?” রাজা তৎক্ষণাৎ তাহাকে বিদায় দিয়া রাণীকে পরম্পরের পার্থক্য

এই ধরে ভক্তির সম্পূর্ণতা স্পষ্ট দেখান হইল। ভক্তিভাব প্রকৃতরূপে বিশ্লেষণ করিলে দেখা যায়, নিকাম আত্ম-ত্যাগই ইহার মূলমন্ত্র, ইহার ভক্তি। ইহা ব্যতীত কখনই ভক্তি সম্পূর্ণ হইতে পারে না, নিঃস্বার্থপর হইয়া কামনা বর্জন পূর্বক ঈশ্বরে আত্মবিসর্জন করার নাম ভক্তি। যদি কিছু আমাদেরকে ঈশ্বর হইতে বিভেদ করে, তাহা আত্মজ্ঞান ও কাঙ্ক্ষা। এই দুইটা পরিত্যাগ করিতে পারিলে আর প্রভেদ থাকে না। আমার বোধ হয়, আত্মজ্ঞান-পরিত্যাগ করার নাম সাধনা—সাধনা অস্ত্র কোন বস্তু নহে। তাই বলি, যদি ভক্তি কি, তাহা বুঝাইবার অস্ত্র বস্তু, নাম সাধন, তাহা হইলে সাধন কি, অগ্রে বুঝাইতে হইবে, কারণ, সাধন কি, না জানিলে, ভক্তি কি প্রকারে বুঝিব ?

শ্রীক্ষীরোদকুমার দত্ত এম-বি।

## গোবিন্দচন্দ্র চক্রবর্তী।

( ছাইথেগো ফ্রোরীয়ান্ )

[ পূর্ব-প্রকাশিতের পর ]

এতাদৃশ প্রতিভাসম্পন্ন ব্যক্তির রাজত্ব-সংক্রান্ত সর্বপ্রধান পদপ্রাপ্তি-বিষয়ক অনেক কৌতুকবহু ব্যাপার সংঘটিত হইয়াছিল। কিন্তু দুঃখের বিষয়—এতদেশের দুর্ভাগ্য-বশতঃ তৎকালীন ঘটনার সবিশেষ বিবরণ কিছুই সংগৃহীত হইতেছে না। সে যাহা হউক, গোবিন্দের প্রতি পাতশার অভাবনীর অনুরাগ দেখিয়া, দেওয়ানের কিঞ্চিৎ শঙ্কা হইয়াছিল—পাছে দেওয়ানীপদও, গোবিন্দকেই দেওয়া হয়। গোবিন্দের সহিত সন্ন্যাসের সাক্ষাতে “তিন তাকিয়ে ইলাম” হইয়া গেলে, দেওয়ানের সে শঙ্কা অস্তর্হিত হইল। তৎকালে মুসলমান সন্ন্যাসিদিগের সভায়, সিংহাসনের সম্মুখে ও উভয় পার্শ্বে কতকগুলি “তাকিয়া” থাকিত। ঐ সকল “তাকিয়া ইলামের” অর্থ এই যে, কোন ব্যক্তিকে ঐ পুরস্কার দেওয়া হইলে, সে তত্তৎ সূবার কোন প্রধান রাজকর্ম্ম পাইবার অধিকারী হইত। তদনুসারে গোবিন্দ—বান্দালা, বিহার, উড়িষ্যা এই তিন সূবার “ফ্রোরীয়ান” অর্থাৎ রাজত্ব-সচিবের পদে অভিষিক্ত হইলেন। বান্দালার নবাবের অধীন হইয়া তাঁহাকে কাজ করিতে হইত বটে কিন্তু সে

অধীনতা নাম মাত্র । বাঙ্গালা বলিলে, তৎকালেও বঙ্গ বিহার উৎকল—  
এই তিন প্রদেশ বুঝাইত । গোবিন্দ একরূপ স্বাধীন ভাবেই বাঙ্গালার  
রাজস্ব নির্ণয় ও আদায় করিতেন ।

গোবিন্দ, এইরূপে বঙ্গের প্রধান সচিবের পদপ্রাপ্ত হইয়া কয়েক  
বৎসরের মধ্যে বহুল অর্থসঞ্চয় করিয়া, স্বদেশে প্রত্যাবর্তন করিলেন ।  
তিনি কিরূপ স্বাধীনভাবে রাজস্ব নির্ণয় করিতেন, নিম্নলিখিত কয়  
পঙ্ক্তির আভাসেই তাহা প্রতীত হইবে ।

প্রবাদ আছে, গোবিন্দ দেশে প্রত্যাবর্তন কালে তাঁহার অধীন  
রাজগণের প্রদেশ সমূহ হইতে একটা দ্রুতগামী অশ্ব ছুটাইয়া দিয়া-  
ছিলেন । “অশ্ব ছুটাইয়া দিয়া বলিয়া দিয়াছিলেন, “যে যে প্রদেশ  
দিয়া এই অশ্ব যাইবে, এবং অশ্ব যেখানে গিয়া স্থির হইবে, সেই পর্য্যন্ত  
তাঁহার নিজ অধিকারে থাকিবে । তিনি সেই সেই প্রদেশের রাজস্ব,  
দিল্লীর সম্রাটকে দিবেন । রাজগণ আমাকে রাজস্ব দিবেন ।” তিনি  
গাড়ি টাকাদ্বারা পূর্ণ করিয়া লইয়া সেই দ্রুতগামী অশ্বের পশ্চাৎ পশ্চাৎ  
টাকার “হরির লুট” দিতে দিতে বাটী আসিয়া উপস্থিত হইলেন । টাকা  
“হরির লুট” দিবার অর্থ—তত্তৎ প্রদেশের মূল্যস্বরূপ উহা প্রদত্ত হইল ।  
অথবা দরিদ্রদিগকে অর্থ দান করা হইল, ইহাই অনুমিত হয় । বিনা  
রক্তপাতে রাজা কোন প্রদেশ জয় করিতে সমর্থ হন না । কিন্তু কি  
আশ্চর্য্য ! গোবিন্দচন্দ্র চক্রবর্তী সামান্ত দ্রুতগামী অশ্বরূপ অশ্বদ্বারা তাহা  
অক্লেশেই বিনা রক্তপাতেই অধিকার করিয়া লইলেন । তাহাতে  
অধীন রাজগণ, ভীত হইয়া এই সকল অমানুষিক কার্যের কোন  
প্রতিদ্বন্দ্বীতা করিতে সাহসী হইলেন না ! গোবিন্দের যে প্রভূত ক্ষমতা  
ছিল, ইহাই তাহার প্রভূত পরিচয় । গোবিন্দ চক্রবর্তী বাটীতে প্রত্যা-  
বর্তন করিয়া পিতৃ মাতৃ চরণে বিপুল বিত্ত দিয়া প্রণাম করিলেন । পরে  
যে মেছুনী, যে বাজরায় ( মৎস্ত-বিক্রয় পাত্র ) করিয়া তাঁহার বাটীতে  
মাছ বিক্রয় করিতে আসিয়া তাঁহাকে গালি দিয়া গিয়াছিল, সেই  
মেছুনীকে তাহার ডালা সহ লোক দ্বারা ডাকিয়া পাঠাইলেন । কিয়ৎকাল  
পরে মৎস্তজীবিনী ডালা সঙ্গে লইয়া গোবিন্দের বাটীতে আসিয়া উপস্থিত  
হইল । গোবিন্দ চক্রবর্তী মৎস্ত-জীবিনীকে দেখিয়া আনন্দাশ্রুপূর্ণ লোচনে



লীলার মহিমা মাদৃশ মানবে কি বর্ণন করিবে ? আমি যখন বাটী ত্যাগ করিয়া যাই, তখন আমার বয়স মোটে আট বৎসর । এই আট বৎসর বয়সের মধ্যে এই মৎস্ত-জীবিনী কিংবা অন্য কোনও মৎস্ত-জীবিনী “মৎস্ত লইবে” বলিয়া কখনও আমার বাটী আসিয়া উপস্থিত হয় নাই ; এবং আমিও সেই আট বৎসর বয়সের মধ্যে কোন দিনই মৎস্তাস্বাদন করি নাই । আমার সেই আট বৎসর বয়সের সময় যদি এই মৎস্ত-বিক্রয়িনী, আমার বাটীতে মীন বিক্রয় করিতে না আসিত ; এবং মীন বিক্রয় করিতে আসিয়া আমাকে যদি গালি না দিত, তবে কি আমি এতাদৃশ অর্থোপার্জনে সমর্থ হইতাম ? আমি কখনই এতাদৃশ অর্থোপার্জনে সমর্থ হইতাম না । এই মেছুনী আমার বাটীতে বাছ বিক্রয় করিতে আসিয়াছিল বলিয়াই আমি এতাদৃশ অর্থোপার্জনে সমর্থ হইয়াছি । অন্তর্ধামী ভগবান্, আমার উন্নতিপথাবিষ্কারের জন্মই এই মৎস্ত-জীবিনীকে আমার সৌভাগ্য লক্ষ্মীরূপে সৃষ্টি করিয়াছেন । এই মেছুনীই আমার সৌভাগ্য-লক্ষ্মী । এই বলিয়া মেছুনীর ডালা, টাকায় পরিপূর্ণ করিয়া দিলেন ।

বাস্তবপক্ষে অধিকাংশ দরিদ্র সন্তানের উন্নতি, স্বশিক্ষা, আত্মাবলম্বন ও ধর্ম শিক্ষার পথ নীচ কুলোদ্ভব জঘন্য বৃত্তিধারী লোকের তীব্র-মিষ্ট, কটু সম্ভাবণ দ্বারা প্রথমে পরিকৃত ও পরিমার্জিত হইয়া সংসারে প্রবেশ করে, ইহা অনন্তবিদের অনন্তরূপী ভগবানের অনন্ত কার্যসূত্রের অনন্ত লীলা । গোবিন্দ চক্রবর্তীর অদৃষ্টেও, তাহাই ঘটিয়াছিল । গোবিন্দকে যদি মেছুনী গালি না দিত, তবে তাহাকে কখনই সেই আট বৎসর বয়সের সময় অর্থোপার্জন মানসে বাটী হইতে বহির্গত হইতে হইত না । মৎস্ত-জীবিনী গালাগালি দিয়াছিল এবং সেই গালাগালি গোবিন্দের হৃদয়ে মর্মান্তিক তীক্ষ্ণ শলাকার গ্রায় বিদ্ধ হইয়াছিল বলিয়াই স্বয়ং লক্ষ্মী তাঁহার সহায় হইয়াছিলেন ।

মুসলমান অধিকারের পূর্ব হইতেই, বঙ্গদেশ দ্বাদশটি ক্ষুদ্ররাজ্যে বিভক্ত ছিল । জনরব আছে, সত্রাট জহাঙ্গীরের সময়ে যশোহর-রাজ প্রতাপাদিত্য ঐ বারটি রাজ্য স্থাপন করেন । একথা সত্য বোধ হয় না । অথবা সত্য হইলেও, ঐ রাজ্যগুলি তিনি অধিককাল আত্ম-বংশ

মৃত্যুর পরও অনেক দিন পর্যন্ত পূর্বস্থলীতে ঐ বার জন রাজার বাসটি বাসা-বাটী ছিল। ঐ বাসাবাটী সকল “বার ভূম” বলিয়া খ্যাত ছিল। রাজস্ব-সম্বন্ধী কার্যাদি করিবার জন্য বঙ্গরাজগণের কর্মচারীরা, উপরি-উক্ত বাসাবাটী সকলে অবস্থান করিতেন। কখন কখন প্রয়োজন মতে গোবিন্দের সহিত বা পরবর্তী তৎপদাভিষিক্তের সহিত সাক্ষাৎ করিতে স্বয়ং রাজারাও তথায় আসিতেন। গোবিন্দ, পূর্বস্থলীর বাটীর তিন দিকে গড় কাটা হইয়াছিল। অপর দিকে গঙ্গা স্বয়ং, গড়ের কার্য করিতেছিলেন। বাসাবাটী ব্যতীত গঙ্গাতীরে অট্টালিকাময় ঠাকুরবাটীও ছিল। তথায় একশত আটটি শিবমন্দির ছিল। তদ্ব্যতীত রাধাকান্ত, রাধাবল্লভ, কৃষ্ণদেব এবং মদনগোপাল এই চারিটি দেববিগ্রহ তথায় ছিলেন। গোবিন্দ পশ্চিম হইতে আগমনকালে তৎকালীন জয়পুরপতির নিকট প্রথম বিগ্রহ প্রাপ্ত হন। দেবালয়ের সহিত সংযুক্ত স্বতন্ত্র অতিথিশালা ছিল। গোবিন্দ, ঐ সকল দেবসেবা এবং অতিথিসেবা, মহাসমারোহে সম্পন্ন করিতেন। জনশ্রুতি আছে, তিনি অত্যন্ত বদান্ত ছিলেন। উক্ত রাধাকান্ত—শ্রীযুক্ত দ্বারকানাথ রায়ের বাটীতে, রাধাবল্লভ শ্রীযুক্ত আনন্দকুমার রায়ের বাটীতে, কৃষ্ণদেব শ্রীযুক্ত বীরভদ্র ভট্টাচার্য্যের বাটীতে ( পূর্বস্থলীতে ), অজ্ঞাপি বর্তমান আছেন। মদনগোপাল বিগ্রহ সম্বন্ধে কিছুই প্রমাণ পাওয়া যায় না। বর্গীর হাঙ্গামার সমর উক্ত মদনগোপাল বিগ্রহ বর্গীরা ভাগীরথীর জলে নিক্ষেপ করিয়া ছিল। কিন্তু হায় ! আজ বলিতে কষ্ট হয়—গোবিন্দ চক্রবর্তী যে দেবসেবা অতি সমারোহে সম্পন্ন করিতেন ; অহো কি বিড়ম্বনা, কালের কুটিল গতিতে সেই দেব-বিগ্রহ, আজকালকার ঊনবিংশ শতাব্দীর সুশিক্ষিত সুসভ্য আত্মাভিমानी নব্য যুবক বাবুদের হস্তে পড়িয়া উপযুক্ত দেবসেবার অভাবে দেববিগ্রহ, নিগ্রহ প্রাপ্ত হইতেছেন, কিন্তু ঞ্চারের অনুরোধে বলিতে হইবে, উক্ত ব্যক্তি সকল চাকরি উপলক্ষে বৎসরের বার মাস প্রবাসে ( বিদেশে ) বাস করিয়া থাকেন। তত্তাবধানের উপযুক্ত লোকাভাবে দেববিগ্রহ একরূপ নিগ্রহ প্রাপ্ত হইতেছেন।

বঙ্গদেশীয় ব্রাহ্মণদিগের মধ্যে তিনটি শ্রেণী আছে। রাঢ়ীয়, বারেন্দ্র এবং বৈদিক। এই শ্রেণীত্রয়ের মধ্যে জাতিগত বিভিন্নতা কিছুই

মনে করেন । সেটি, কেবল তাঁহাদের মনের আশ্রিত্যমাত্র । কার্যে কাহারও অধিক প্রাধান্যের প্রমাণ পাওয়া যায় না । বরং সকলেই সমান, এইরূপ অনেক প্রমাণ পাওয়া যায় । এই তিন শ্রেণী ব্রাহ্মণদিগের ব্রাহ্মণ্যদেব যে, এক—ইহা বোধ হয়, সকলেই জ্ঞাত আছেন । কিন্তু প্রকাশরূপে এই শ্রেণীত্রয়ের মধ্যে আহার ব্যবহার বা বিবাহাদি সম্বন্ধ হইতে পারে না । অথচ কেহ কাহার অন্তর্গত করিলে, তাহাকে স্বশ্রেণী হইতে পতিত হইতে হয় না ; এবং ঐ শ্রেণী সকলের মধ্যে গুরু শিষ্য সম্বন্ধও প্রচলিত আছে । যাহাহউক, এক জাতির মধ্যে এইরূপ অমূলক ভিন্নতা থাকায় অনেক অনিষ্ট হইতেছে । এই তিন শ্রেণীর মধ্যে বিবাহাদি সম্বন্ধ প্রচলিত হইলে ব্রাহ্মণ জাতির অনেক মঙ্গল হইতে পারে । এই তিন শ্রেণী একত্র হইলে কিরূপ মঙ্গল হইতে পারে এবং পৃথক্ থাকায় কি অনিষ্ট সাধিত হইতেছে ; তাঁহাব নূন বিচার ঐ প্রবন্ধের উদ্দেশ্য নহে । যাহাহউক, এই তিন শ্রেণীকে একত্র করিবার জন্ত গোবিন্দ চক্রবর্তী সবিশেষ চেষ্টা করিয়াছিলেন । তিনি নিজে তিনশ্রেণীতে “কে আমাকে সমাজচ্যুত করে ?” এই প্রতিজ্ঞাবন্ধ হইয়া বিবাহ করিয়াছিলেন । তাঁহার তিন পত্নীরই সম্মান হইয়াছিল । কিন্তু বৈদিক পত্নীর গর্ভজাত সমুত্তিগণ ব্যতীত, আর কেহই জীবিত ছিল না । তাঁহার অপর সম্মানেরা জীবিত থাকিলে এবং পর বংশীয়েরা এই নূতন প্রণালী প্রচলিত করিবার জন্ত ক্রমাগত চেষ্টা করিয়া আসিলে কোন ফল হইত না, একথা বলা যায় না । ফলতঃ, গোবিন্দের এই চেষ্টা, ফলবর্তী হয় নাই । তিনি মৃত্যুকালে দুই পুত্র রাখিয়া যান । জ্যেষ্ঠের নাম রূপরাম, কনিষ্ঠের নাম রাম রায় । বোধ হয়, কৰ্ম্মশূন্যে, রাজসংসার হইতে তিনি “রায়” উপাধি পাইয়াছিলেন । এইজন্য তাহার পরবংশীয়েরা “রায়” উপাধিতেই খ্যাত হন । কিংবদন্তী আছে, একদা আহ্নিক করিতে করিতে হঠাৎ গোবিন্দের মৃত্যু হয় । তিনি যোগাসনে উপবিষ্ট, তাঁহার ছিন্নমস্তক গৃহতলে লুপ্তিত হইতেছে, তৎকালীন পরি-  
 জনেরা, তাঁহার এইরূপ পরিণাম দেখিয়াছিলেন । যাহারা তাঁহার এইরূপ মৃত্যুতে বিশ্বাস করেন, তাঁহারা বলেন, গোবিন্দ ছিন্নমস্তার মস্ত্রে দীক্ষিত ছিলেন ; এইজন্য তাঁহার ঐ রূপে মৃত্যু হইয়াছিল । (ক্রমশঃ)

## মৃত্যু ।

কোথা যাও দ্রুতপদে পথিক প্রবিণ !  
 ছিন্নকস্থা কঠোরজালায় তনুক্ষীণ ॥  
 বুঝি অর্থ অবেষণে, চলিয়াছ ক্ষুধমনে,  
 যাও,—যাও,— সম্মুখেতে গভীর গহন ।  
 মৃত্যু অই সম্মুখে ভীষণ ॥

কুবেরের প্রতিনিধি কে তুমি রাজন্ !  
 আসমুদ্র ক্ষিতিতল করিছ শাসন ?  
 ধন-বল, জন-বল, মরকত হস্ত্যস্থল—  
 পেয়ে সুখে আছ বুঝি ? করহ স্মরণ—  
 মৃত্যু অই সম্মুখে ভীষণ ॥

ছফারি চলিছ রণে কেও বীরবর !  
 পদভরে ধরাতল কাঁপে থর থর ॥  
 ভীম অসি প্রহরণে, বধিছ অরাতিগণে,  
 দিগ্বিজয়ী বলি তোমা বাধানে ভুবন ।  
 মৃত্যু অই সম্মুখে ভীষণ ॥

নবজাত শিশু তুমি প্রভাতের তারার  
 অনন্ত সুখের উৎস—সুখে হাসিভরা ।  
 নাহি কপটতা ভান, পুণ্যালোকে জ্যোতিষ্মান  
 নিভিবে আঁধারে ওই সুবর্ণ বরণ ।  
 মৃত্যু অই সম্মুখে ভীষণ ॥

কত আশা যুবা তুমি সম্মুখে তোমার ।  
 বহুশ্রমে বিছালাভে ফুল পরিবার ॥  
 কত অর্থ, কত মান, লভিতে তোমার প্রাণ,  
 উধাও উতারা ; ভ্রমে করি কি স্মরণ ।  
 মৃত্যু অই সম্মুখে ভীষণ ॥

রূপ গৌরবিনী তুমি,—সুকোমল-কায়া



ভাল বিশ্ব অলকায়, চন্দ্রিমা স্তিমিত প্রায়,  
ক্রভঙ্গে বিলোল তব আব্রহ্ম ভুবন ।

মৃত্যু অই সম্মুখে ভীষণ ॥

স্থিরবুদ্ধি বৈজ্ঞানিক তুমি অভিমানী ।

পঞ্চভূত-ক্রীড়ক—হেন অমুমানি ॥

বহি বায়ু ব্যোম-তলে, সমাগরা ভূমণ্ডলে,  
প্রকৃতি নিয়ম লজ্বি গড়িছ নুতন ।

মৃত্যু অই সম্মুখে ভীষণ ॥

মহামেধা দার্শনিক তর্কে চূড়ামণি ।

বাগ্মীতায় প্রতিভায় স্তম্ভিতা ধরণী ॥

প্রথর গভীর দৃষ্টি, তন্ন তন্ন করি সৃষ্টি,

উদ্ভাবিলে কত তত্ত্ব জগদান্দোলন ।

মৃত্যু অই সম্মুখে ভীষণ ॥

প্রেমিক সুরকবি কেহে উধাও পরাণ ।

প্রকৃতির উরে বসি তুলিছ সূতান ॥

সুরসিক নবরসে, প্রকৃতির ভাবাবেশে,

নানা রঙ্গে ভঙ্গে কর বিশ্ব বিপ্লাবন ।

মৃত্যু অই সম্মুখে ভীষণ ॥

হে কীট, পুতল, বৃক্ষ, স্থাবর, জঙ্গম,

চন্দ্র, সূর্য্য, গ্রহ, তারা, কোথায় গমন ?

ব্রহ্মা আদি দেবগণ, করিতেছ কি চিন্তন ?

নেহার কালের আশ্রে বিকট ব্যাদন ।

মৃত্যু অই সম্মুখে ভীষণ ॥

কে অই বসিয়া শুভ্র হিমাচল শিরে

জন্ম মৃত্যু হীন আমি কহে দম্ভভরে

এ কি শুনি তব ঠাই

জন্ম নাই মৃত্যু নাই,

তুমি নাকি বিশ্বব্যাপী জন্ম-মৃত্যু-হীন ।

সে তবে আমার প্রভো ! করহে বিলীন ॥

## তোতা-পাখী ।

### প্রথম উল্লাস ।

#### প্রথম দর্শন ।

লক্ষণাবতী নগরীর একটি সদর রাস্তার পূর্বধারে সারি সারি খান-কতক বাড়ী। রাস্তার পশ্চিম ধারে হরেক রকম জিনিষের দোকান। ছোট একখানি দোকানে একজন হিন্দুস্থানী কামিনী পায়ের উপর পা রাখিয়া বসিয়া পানের খিলি বিক্রয় করিতেছে। কামিনীর বয়স অল্প, ফিট গৌর বর্ণ, নিবিড় কৃষ্ণবর্ণ কেশ পাশ; ললাটের ছই পাশ দিয়া ঝুলিয়া সেই কেশরাশি কর্ণমূল চাকিয়া উরুদেশ পর্যন্ত বিলম্বিত হইতেছে, অঙ্গে কতকগুলি অলঙ্কারও আছে, সুন্দরী সুন্দর সুন্দর মসলাদার পান খাইয়া সুন্দর ঠোঁট দুখানি লাল করিয়াছে, দোকানে খরিদার নাই, পানওয়ালি এক একবার বড় বড় চক্ষু ছুটি ঘুরাইয়া রাস্তার এধার ওধার চাহিয়া দেখিতেছে। শোভা রড় মন্দ নয়।

মাঘ মাস; নবীন বসন্তের সমাগম; পাঁচ দিন পূর্বে বসন্ত পঞ্চমীর উৎসব হইয়া গিয়াছে, বসন্ত বর্ণের বস্ত্র পরিধান করিয়া ছুটি পাঁচটি হাত-মুখী কামিনী রাস্তা দিয়া চলিয়া যাইতেছে। খিলিওয়ালি পথপানে চাহিয়া আছে। সময় অপরাহ্ন। দোকানে খরিদার নাই। প্রায় দশমিনিট পরে একটি যুবাশ্রম আসিয়া সেই দোকানের সম্মুখে আসিয়া দাঁড়াইল। দিবা স্পন্দন; বয়স অনুমান বিংশতি কি এক বিংশতি বর্ষ, অধরে ভ্রমর বর্ণ নবীন গোঁপ, চক্ষের পাতা বেশ বড় বড়, জয়ুগল সুন্দর ধনুকাকারে বক্র, কপালখান্টি ছোট, সুকৃষ্ণিত বাবরিচুল, হিন্দুস্থানী পোষাক পরা, মস্তকে হিন্দুস্থানী তাজ বামদিকে ঈষৎ বক্র, হস্তে এক গাছী ষষ্টি, পদযুগে জরির লপেটা।

নবীন খরিদারকে দেখিয়া, সুন্দর মুখে ফিক্ করিয়া হাসিয়া, মিহি আওয়াজে খিলিওয়ালি বলিল, “ছাঁচি খিলি বাবু সাব! গোলাপী খিলি বাবু সাব!” অত্যাৰ্থনা মন্দ হইল না; বাবু সাহেব অবাক হইয়া পান-

গাঢ়তর সন্মিলন হইয়াছিল, অভ্যর্থনাকারিণীর অভ্যর্থনা বাক্য তাঁহার কর্ণকুহরে প্রবেশ করিল কি না; আমরা সে কথা বলিতে পারিব না; কেবল এই টুকু বলিতে পারিব, খিলিওয়ালির সহিত তিনি মুখামুখী করিয়া দাঁড়ান নাই, একটু পাশ কাটাইয়া নির্ঝাঁক অভিনয় করিতে ছিলেন; অশ্রুমনস্কভাবে পানের খিলির আসনের উপর তিনি একটি চুয়ানী ছুড়িয়া ফিলিয়া দিলেন, আবার একটু ফিক্ করিয়া হাসিয়া, সুন্দরী দোকানী দুটি গোলাপী দোনা বাবু সাহেবের হস্তে প্রদান করিল, দক্ষিণ হস্তে-ষষ্টি, স্মতরাং বাবু সাহেব বাম হস্তে তাহা গ্রহণ করিলেন; চক্ষু রহিল পানওয়ালির দিকে।

ওদিকে আর একপ্রকার চমৎকার রঙ্গ! খিলির দোকানের ঠিক কজু কজু সন্মুখের বাড়ীখানির দোতালার জামালার খড়খড়ি বন্ধ; একধারের একটি পাখি খোলা; সেই বন্ধপথে দুটি সমুজ্জল কৃষ্ণ নয়ন কিঞ্চিৎ প্রচ্ছন্নভাবে শোভা পাইতেছিল; যুবা অথবা দোকানীর নেত্রফলকে সে শোভা প্রতিবিম্বিত হয় নাই। সে দুটি কৃষ্ণ নয়ন কাহার, তাহাও আমরা জানি না। পানের দোনার আদান প্রদানের ৫ মিনিট পরে সেই দুই নয়নের অধিকারী অথবা অধিকারিণী কাহাকে যেন নিকটে ডাকিয়া আজ্ঞা দিলেন, “তুই একবার নীচে যা, ঐ দেখ, ঐ যে মানুষটি পানের দোনা হাতে কোরে দাঁড়িয়ে আছে, ঐ মানুষটি কোনদিকে যায়, কোথায় যায়, দেখে আস। ঠাই ঠিকানা জেনে আসিস, মনে মনে জেনে আসিস, কেহ যেন কিছু জাস্তে না পারে। যা,—শীঘ্র যা!” যাহার প্রতি এই আজ্ঞা হইল, সে একজন সেই বাড়ীর কিঙ্করী। আজ্ঞা প্রাপ্তি মাত্রেই কিঙ্করী শীঘ্র শীঘ্র নিচে নামিয়া আসিল।

### দ্বিতীয় উল্লাস ।

পাখি পিঞ্জরে। খড়খড়ির পাখির ভিতর দিয়া যে দুটি কৃষ্ণ নয়ন এতক্ষণ রাস্তা পানে চাহিয়াছিল, সে নয়ন কাহার, পুরুষের কি রমণীর, এতক্ষণ তাহা আমরা জানিতাম না, এখন জানা গেল, একটি পরদীনসীন কামিনীর,—পরম সুন্দরী মানবতী যুবতী কামিনীর। এখন আর কাহাকে ইতর সহায়ণে পশিচ্ছিত করা উচিত হয় না। তাহার কিঙ্করী

কিরিয়া আসিল। লজ্জা রঞ্জিত আরক্ত বদনে—লজ্জা রঞ্জিত অথচ আগ্রহ-পূর্ণ প্রফুল্ল বদনে কিঙ্করীকে তিনি জিজ্ঞাসা করিলেন, “কিরে মোহিনী! কি সংবাদ!”

প্রকাশ পাইল, সেই কামিনীর কিঙ্করির নান মোহিনী। নির্জন গৃহে কথোপকথন, কিছু আর গোপন রাখিবার প্রয়োজন ছিল না, পস্থা পরিষ্কার! মোহিনী উত্তর করিল, “খিলিওয়ালির দিকে চাহিতে চাহিতে লোকটি সরাসর দক্ষিণদিকে চলিল, তফাতে তফাতে আমিও সঙ্গ লইলাম। বেশী দূর নয়,—আন্দাজ একশত গজ তফাতে ছোট একখানা একতলা বাড়ী, লোকটি সেই বাড়ীর ভিতর প্রবেশ করিল। সেই বাড়ীর দুই ধারে আরও পাঁচ সাত খানা একতলা বাড়ী আছে, পাছে ভুল হয়, সেইজন্য বাড়ীখানার বাহিরের কপাটের গায়ে আমি একটা চিহ্ন রাখিয়া আসিয়াছি।”

“বেশ করিয়াছিস।”—আশ্বিনাদে করতালি দিয়া কামিনী বলিলেন, “বেশ করিয়াছিস। সন্ধ্যার সময় আবার তোরে সেই বাড়ীতে আর একবার যাইতে হইবে।”

এইখানে কামিনীর কিঞ্চিৎ পরিচয় দিয়া না রাখিলে আখ্যায়িকার রসভঙ্গ হইবার সম্ভাবনা। অতএব পাঠক মহাশয় জানিয়া রাখুন, যে বাড়ীতে কামিনী, সেই বাড়ীতে একজন নবাব থাকেন, কামিনীটি গেই নবাবের বেগম। “সন্ধ্যার সময় আবার তোরে সেই বাড়ীতে আর একবার যাইতে হইবে।” এই কথা শুনিয়া সবিস্ময়ে মোহিনী বলিল, “কি নিমিত্ত”—বেগম সাহেব বলিলেন, “সেই লোকটিকে এখানে আনিবার নিমিত্ত।”

আরও অধিক বিষয় প্রকাশ করিয়া কল্পিতম্বরে মোহিনী কহিল, “বল কি তুমি! এ পরিহাসের অর্থ কি, কোথাকার লোক, কি বৃত্তান্ত, কিছুই জানা নাই, নবাবের অন্তরমহলে তাহাকে আনিতে হইবে, এটা তোমার কি রকম পরিহাস!

বেগম। পরিহাস নয়, সত্য সত্যই তাহাকে আনিতে হইবে। তাহাকে লইয়া আমি একটা নূতন রকমের খেলা করিব। আনিতেই হইবে।

মোহিনী। আমি পারিব না।

বেগম। পারিতেই হইবে না পারিলে আমি তোমার উপর বাগ করিব।



এত ভালবাসি তোরে, এত বিশ্বাস করি তোরে, এ কাজটা যদি তুই না পারিস, সব ভালবাসা ফুরাইবে, সব বিশ্বাস ফুরাইবে ।

মোহিনী । ফুরায় ফুরাবে, আমি পারিব না । সাত বৎসর নবাব সাহেবের নিমক খাচ্ছি, আমি নিমখহারাম হব না ।

বেগম । তা কেন হবি ! আমার হুকুমে কাজ করা নিমখহারামি নয় । সন্ধ্যার সময় তোরে সেই একতালি বাড়ীতে ঘাইতেই হইবে,—লোকটিকে এখানে আনিতেই হইবে ।

মোহিনী । আমার কর্ম নয় । তুমি বরং আর কাহাকেও ঐ ছরস্ব কাজটার ভার দিও, না হয় আমারে বরং চাকরীতে জবাব দিও, ও কাজ আমি কখনই পারিব না । বাপ্পরে ! সর্ব্বশেষে কাজ !

বেগম । কিকির আছে । কেহ কিছু জানিবে না । কিসের ভয় ! নবাব সাহেব বাড়িতে নাই, তিনি এখন দিল্লীতে । সংবাদ এসেছে, আরও একমাস সেখানে থাকিবেন । কিসের ভয় । নবাব এখানে থাকিলেও ভয় করিতে হইত না । কিকিরের কাছে কোন প্রকার ভয় দাঁড়াতেই পারে না ।

মোহিনী । বল দিখি, তোমার কিকিরখানা কি রকম !

বেগম সাহেব এখানে কিকিরখানা ব্যাখ্যা করিতে বসিলেন । মুছ হাসিয়া বলিলেন, “শোন তবে,—শোন আমার কিকির । তুই যাবি,—গেলেই তাঁর দেখা পাবি । কেন জানিবি ! হিন্দুস্থানীর পোষাক পরা বটে, লোকটি কিন্তু বাঙ্গালী । চেহারা দেখেই আমি চিনেছি । বিদেশী মানুষ, নূতন এসেছে, নূতন লোকে সহরে সন্ধ্যাকালে প্রায়ই বাহির হয় না, গেলেই দেখা পাবি । নূতন এসেছে, এটা আমি কিরূপে জানি, শোন বলি । এটা হইতেছে সদর রাস্তা, সহরের সকলকেই এ রাস্তায় বাওয়া আসা করিতে হয়, একদিনও আমি,—একবারও আমি ঐ লোকটিকে আমি এ পথে দেখি নাই ।

হাসিয়া মোহিনী বলিল, “এই তোমার কিকির ! ও দশা ! ওমন কিকির আমারে ভুলাতে পারে না । নূতন এসেছে, নূতন মানুষ, ধরেই থাকে, গেলেই দেখা হবে, এ রকম কিকির খাটান আমার কর্ম নয় ।”

চঞ্চলা হইয়া বেগম সাহেব কহিলেন, “ঐ ত তোর রোগ ! সকল

হয়ে গেল! শোন আগে, তারপর কথা কবি।- ফিকিরটা এই যে, তুই যাবি, দেখা পাবি হাসবি না, বলবি, বাবু সাব তোতা-পাখী কিনবে! খোষ পাহাড়ের তোতা, সব রকম কথা জানে, সব রকম কথা কয়, বুদ্ধি পর্য্যন্ত দেয়, ভারি সস্তা। একটিবার চক্ষে দেখলেই সব গুণ জান্তে পারবে, চেহারাও খুব ভাল! হাতে হাতে আনা যায় না, যেখানে আছে, সেইখানে গিয়ে দেখে শুনে পছন্দ করা চাই!—এই সকল কথা বলিলেই রাজি হবে। লোকটি সৌখীন, ব্যবহারেই পরিচয় পেয়েছি, চোরানী দিয়ে দুই দোনা পান কিনেচে। নিশ্চয় রাজি হবে। রাজি হলেই ওমনি তখনি সঙ্গে করে আনবি।”

মুখ ভারী করিয়া মোহিনী বলিল, “সব কথাই বুঝিলাম! তোতা পাখির ফিকির! সেলাম বহৎ বহৎ। তোতা পাখির ফিকির চালাইতে কিন্তু মোহিনীর সাধ্য নাই, মোহিনীর অত বড় বুকের পাটা নয়। তোতাই বল, ময়নাই বল, কিংবা হাতিই বল, আনাটা চাই! লোকটিকে তোমার একান্তই দরকার। মোহিনীর কপাল দোষ, সে রকম ময়না-গিরি মোহিনী শিখিতে পারে নাই!”

মুহ হাসিয়া বেগম সাহেব বলিলেন, “কিছুই অসাধ্য হবে না। দোহারি ফিকির। এক ফিকির তোতা পাখি, আর ফিকির বড় মজার। একজন অচেনা পুরুষ মানুষকে নবাবের অন্তঃপুরে নিয়ে আস, এমন মন্ত্রণা আমার নহে। একপ্রস্ত বাইজীর পোষাক,—পেসরাজ, ওড়না, টুপী, রুমাল, এই সব সজ্জা সঙ্গে নিয়ে যাবি, বলবি পুরুষ মানুষ দেখিলে সেই তোতা পাখিটির বড় রাগ হয়, একটিও কথা কয় না, তুমি মেয়ে-মানুষ সাজ, নির্কিয়ে সওদা হয়ে যাবে। এ কথা শুনিলে সৌখীন পুরুষ অবশ্যই বাইজী সঙ্গে তোতা কিনিতে আসিতে রাজি হবে, কোন আপত্তি করিবে না। তুই তারে স্বহস্তে বাইজী সাজাবি, মুখে গোঁপের রেখা আছে, সেই মুখে একখানা লাল রুমালের ঘোমটা ঢাকা দিয়ে, পাঙ্কিতে কুলে দিবি, পাঙ্কির দরকার চাকি রক্ত থাকিবে, আর একখানা পাঙ্কিতে তুই নিজে উঠিয়া বসিবি, সরাসর খিড়কী দরজা দিয়ে পাঙ্কি শুদ্ধ বাড়ীর ভিতর নিয়ে আসবি। কেমন, এ ফিকিরে আর তোমার কোন ওজর আছে। এ ফিকিরে তোমার প্রাণে আর কি কোন ভয়

হো হো করিয়া হাসিয়া মোহিনী তখন বলিল, “ফিকির বটে ! ফিকির বটে ! বহুৎ আচ্ছা ফিকির ! লোকটিকে তবে একান্তই তুমি চাও ! আচ্ছা, আর এখন আমি গররাজি নই, মনিবেব হুকুম এই ফিকিরে তামিল করিব। কিন্তু সে লোক যদি রাজি হয়, তবে।”

যুক্তি স্থির হইল, ফিকির স্থির হইল, মোহিনী রাজি হইল, সজ্জা শুধাইতে, সরঞ্জাম সংগ্রহ করিতে বেলাটুকু কাটিয়া গেল, সূর্য্যদেব অস্ত গেলেন, সন্ধ্যা হইল। মোহিনী তখন বাইজী সজ্জার একটি পুটুলি কক্ষে লইয়া দূতীগিরি করিতে যাত্রা করিল।

বেগমের কথাই ঠিক। মোহিনী উপস্থিত হইবামাত্র বাবু সাহেবকে দেখিতে পাইল, কথাবার্তা ঠিক হইল, বে রকমে সাজাইতে হয়, কক্ষস্থিত পোষাকে মোহিনী সেই রকমে বাবু সাহেবকে বিবি সাহেব সাজাইল, মোহিনীর সঙ্গে পাকি চড়িয়া রাত্রি চারিদণ্ডের সময় নূতন বিবি সাহেব তোতা পাখি কিনিতে শুভ যাত্রা করিলেন। অত্যন্ত সময়েই ছুইখানি বন্ধ শিবিকা নবাবের অন্তঃপুরে প্রবেশ করিল। বাঙ্গালী বাবু সাহেব, ওরফে বিবি সাহেব সেই রাত্রে নবাবের বেগম সাহেবের বিলাসগৃহে পরম যত্নে আশ্রয় পাইলেন। সে আশ্রয় ছাড়িয়া আর বাহির হইতে পারিলেন না। পাখি কিনিতে আসিয়া নিজেই পাখি হইলেন। হাস্য করিয়া মোহিনী বলিল, “পাখি পিঞ্জরে।”

### তৃতীয় উল্লাস ।

ছোড়া পাখি উড়িল। পাকি হইতে বাহির হইয়া বাইজীবেশধারী বাবু সাহেব যখন বেগমের সন্মুখে দাঁড়াইলেন, বেগমের রূপ দেখিয়া তখন তাঁহার চক্ষু স্থির হইল। বেগমটি নবাব সাহেবের দ্বিতীয় পক্ষের বেগম, বয়সে সপ্তদশী, রূপ অতি চমৎকার, উপভাস পুস্তকে পরিরাজ্যের পরীগুলির রূপের যেক্রপ বর্ণনা পাঠ করা যায়, এই বেগমটির রূপও যেন সেই প্রকার ; ঠিক যেন সাক্ষাৎ পরিজাদী। বাইজীরূপী বাবু সাহেব সেই অপরূপ রূপ দেখিলেন। মুখে আর বাক্য মরে না, মর্ক শরীর রোমান্থিত, নেত্রপুট পলকশূন্য। অনেকক্ষণ চাহিয়া চাহিয়া পরিশেষে

মধুর অধরে মধুরহাস্য আনয়ন করিয়া রূপবতী বেগম সাহেব আপন বক্ষে হস্তার্পণ পূর্বক তৎক্ষণাৎ প্রতিধ্বনিত করিলেন, “হাঁ, তোতা পাখি! দেখ বাইজী! দেখ দেখ, এইটি তোমার তোতা পাখি!”

বাক্যের সঙ্গে সঙ্গেই কার্য। বাইজী বাক্যের প্রতিধ্বনি করিয়াই বসিকা বেগম সাহেবরাগে বাইজীর করধারণ পূর্বক মখনল পর্য্যন্ত উপবেশন করাইলেন; আপনিও সহাস্রবদনে পার্শ্বে বসিলেন; সহাস্রবদনেই নৃত্যভঙ্গী করিয়া কহিলেন, “আমাদের এই বাইজী অপেক্ষা বাইজীর গৌপ জোড়াটি বেশী সুন্দর! বাইজীর মুখে গৌপ! এমন অপূর্ব দৃশ্য কেহ কখন দেখে নাই! আমি দেখিলাম! বাহবা বাহবা! আমি তবে পরম ভাগ্যবতী!”

বাইজী আর বেশীক্ষণ রহিলেন না, নবীন বসনভূষণে নবীন বাবুজী হইয়া শোভা পাইতে লাগিলেন, কথাচ্ছলে নানাপ্রকার রম্যলাপ হইল। বেগম সাহেবের অনুমানটী সত্য। বাবু সাহেবটি সত্য সত্যই বঙ্গবাসী,— জাতি ব্রাহ্মণ, নাম রাধিকাপ্রসাদ রায়। প্রথম রজনীতেই ব্রাহ্মণের যজ্ঞ-কার্য সমাপ্ত হইল। আড়ম্বর অধিক হইল না। আদর করিয়া বেগম সাহেব বলিলেন, “লজ্জা স্ত্রীজাতির ভূষণ, সেই লজ্জাকে দূরে রাখিয়া আমি নিজমুখে কবুল দিলাম, দূর হইতে পানের দোকানে তোমার রূপ দেখিয়া সত্য আমি বিমোহিত হইয়াছি, তুমি যদি আমারে ভালবাসিতে পার, এই রাত্রেই নবীমঙ্গদের উপাসক হও; সাদরে আমি তোমাতে এই নবযৌবন দান করিব। রাধিকাপ্রসাদ কথার প্রসঙ্গে অবগত হইলেন, এ বেগম সাহেবটি নবাবের বিবাহিত নহে, এটি একটি রক্ষিতা।

রাধিকাপ্রসাদ আপন কর্ণকে সহসা বিশ্বাস করিতে পারিলেন না, আপনি তখন জাগ্রত কি নিদ্রিত, কথাগুলি স্বপ্ন কি সত্য, তাহা বুঝিয়া লইতে সন্দেহ উপস্থিত হইল। বেগম যখন দ্বিতীয়বার বলিলেন, মুগলমান হও, আমি তোমাতে নবযৌবন দান করিব, রাধিকার হৃদয়ে তখন আর প্রেমানন্দ ধরিল না; বাঙ্গালী ব্রাহ্মণের ক্ষুদ্র হৃদয়খানি যেন মহাসমুদ্র বোধ হইল, সেই মহাসমুদ্রে মুহুমূহু প্রেমতরঙ্গ বহিল। সেই রজনীতেই রাধিকাপ্রসাদ বজ্রসূত্র ত্যাগ করিয়া কল্যা পড়িলেন, সুস্বাহু রামপক্ষী ভক্ষণ করিলেন। নামটিও বদল করিয়া আবদুল আলি নাম লইলেন, আমরা আর এখন কি বলিয়া অভিনন্দন করি,—পাঠক মহাশয়গণের সহিত আনন্দে



শুভ সন্মিলন । প্রায় একমাসকাল পরমসুখে রাধিকাপ্রসাদের গুরুরে আবহুল আলি মোল্লার নবাব নিকেতনে বাস । ভরসা ছিল, নবাব তখন দেশভ্রমণে প্রিয়াছেন । ক্রমে তাঁহার স্বগৃহে প্রত্যাগমনের দিন নিকটবর্তী হইয়া আসিল । বেগম সাহেব আর রাধিকাপ্রসাদকে নিজ নিকেতনে লুকাইয়া রাখিতে সাহস করিলেন না । প্রায় একমাস একসঙ্গে অবস্থিতি, তথাপি কেবল এক মোহিনী ভিন্ন নিকেতনের কেহই জানিত না যে, সুন্দরী বাইজীটি পুরুষ মানুষ । রাধিকাপ্রসাদ প্রতিদিন সূর্যের উদয় অন্তকাল ঘোমটা দিয়া বাইজী সাজিয়া থাকিতেন, অধিক রাতে নিজমূর্তি ধরিতেন । দিন-মাঝে বাইজী, নিশামানে বাবুজী, অথবা মোল্লাজী । এতদিন এই ভাব, কিন্তু আর সে ভাব চলিল না । কথাটা কেবল উপল্লাসের অঙ্গ নয়, আমাদের দেশের দুর্ভাগ্যক্রমে একালে আজকাল আর্ধ্যসমাজ মধ্যে দিয়া রাতে অনেকগুলি লোকের হুই প্রকার মূর্তি নমনগোচর হইতেছে । হায় হায় ! একশ লুকাচুরি আর কতদিন এই আর্ধ্যসমাজকে অনুৎসন্ন রাখিবে, একমাত্র ভগবানই-তাঁহা জানেন ।

হাঁ, বেগমসাহেব আর রাধিকাপ্রসাদকে লইয়া লুকাচুরি দেখিবার সুবিধা পাইলেন না । এক রাতে তিনি রাধিকাকে বলিলেন, “ভাই আব-হুল্লা ! আমার ঘরে তুমি তোতা পাখি কিনিতে আসিয়াছিলে, কিনিতে হয় নাই, বিনামূল্যে এই তোতা-পাখী তোমার হইয়াছে ;—এ তোতাকে আর তুমি পিঞ্জরে বন্ধ রাখিও না । পাখীর সঙ্গে তুমিও পাখী হইয়া পিঞ্জরে আছ, আর না ; খোলা বাতাসে উড়াইয়া লইয়া চল ।”

পরামর্শ স্থির । ছুটি পাখি উড়িয়া যাইবে । সঙ্গে থাকিবে মোহিনী । এই শুভ সন্মিলনের শোড়া হইতেছে মোহিনী, অতএব মোহিনী সঙ্গে না থাকিলে চলিবে না । ঘটকালি করিয়া মোহিনী একটা পুরস্কার পাইয়া-ছিল, সাতখান মূল্যবান পাথর বসান স্বর্ণাসুরীয় । এখনকার পুরস্কার একসঙ্গে পলায়ন । পঞ্জিকার আশ্রয় লইতে হইল না, একদিন গভীর নিশাকালে তিনজনে গোপনে গৃহ ত্যাগ করিয়া কলিকাতার পলাইয়া আসিলেন, বাটী হইতে বাহির হইয়া করতালি দিয়া নাচিয়া মোহিনী বলিল, ঠিক ঠিক ঠিক ! জোড়া পাখি উড়িল !

শ্রীভুবনচন্দ্র মুখোপাধ্যায় ।

## কবিকেশরী ।

শ্রীযুক্ত রবীন্দ্রনাথ ঠাকুরের জীবনের এক পরিচ্ছদ ।

( পূর্ক-প্রকাশিতের পর )

শান্তিনিকেতন আশ্রমে এই পরম পবিত্র তীর্থক্ষেত্রে শ্রীমান্ রবীন্দ্রনাথের উপনয়ন সংস্কার মহাসমারোহে সম্পন্ন হইয়াছিল ।

এই উৎসবোপলক্ষে কবিকেশরী রবীন্দ্রনাথ পঞ্জাবের আৰ্য্য সমাজকে নিমন্ত্রণ করিয়াছিলেন । ঐদয়ানন্দ সরস্বতী এই সমাজের প্রতিষ্ঠাতা । আৰ্য্য সমাজের সহিত আদি ব্রাহ্ম সমাজের মতের কিছু কিছু পার্থক্য থাকিলেও উভয় সমাজের উদ্দেশ্য একই । জড়ের অতীত, মূর্তিহীন, ঈশ্বরের উপাসনা প্রচার জন্য উভয় সমাজ দৃঢ়ব্রত । দেশের কুসংস্কার-মূৰ্খ-কপট এবং সুবিচারে ধর্ম পালন করা উভয় সমাজের লক্ষ্য । আৰ্য্য-সমাজের ও আদি ব্রাহ্মসমাজের কার্য্যপ্রণালী বহুদিন হইতে একই লক্ষ্যের অভিমুখী হইয়া চলিয়া আসিতেছে । আৰ্য্য সমাজের কয়েক জন তীক্ষ্ণবুদ্ধি সত্যকে মহর্ষিদেবের নিকট ব্রহ্মতত্ত্বপ্রতিপাদক বহু শাস্ত্রালোচনা করিতে দেখিয়া গুণগ্রাহী রবীন্দ্রনাথ তাহাদিগের সাধুবাদ করিয়াছিলেন । এই ক্ষেত্রে পুত্রের উপনয়ন সংস্কার উপলক্ষে তিনি আৰ্য্য সমাজকে সাদরে নিমন্ত্রণ করিয়া উপস্থিত সভ্যদিগের বধোপযুক্ত সম্বন্ধনা করিলেন ।

আৰ্য্যসমাজের সম্প্রদায়ভুক্ত বৈদিক শাস্ত্রবিচারনিপুণ পাশ্চাত্য ব্রাহ্মগণ এই উপলক্ষে মহর্ষিদেবের সংস্কৃত অপৌত্তলিক ক্রিয়াপদ্ধতিরও যথেষ্ট প্রশংসা করিয়াছিলেন । উভয় সমাজের বিবি ব্যবস্থা লইয়া অনেক আলোচনার পর কয়েকটি বিষয়ের মীমাংসা হইয়াছিল । আজি যে আৰ্য্য-সমাজ ও আদি ব্রাহ্ম-সমাজ একযোগে অপৌত্তলিক সনাতন ব্রহ্মোপাসনার পুনঃ প্রতিষ্ঠার্থ কার্য্য করা মনঃস্থ করিয়াছেন, শ্রীমান্ রবীন্দ্রনাথের উপনয়ন উৎসবে তাহার সূত্রপাত হইয়াছিল । যদি কালে কখন এই দুই সমাজের সংযোগ হয়, তবে শ্রীমান্ রবীন্দ্রনাথের উপনয়ন এবং কবিকেশরী রবীন্দ্রনাথের হাতের গড়া সুকবি ঐবলেন্দ্রনাথ ঠাকুরের পীণ্ডিত্য চিরদিন স্মরণ করাইয়া দিবে ।

কবিকেশরী এইরূপে পুত্র রবীন্দ্রনাথের উপনয়ন সংস্কার কার্য্য-সম্পাদন

করিয়া বোলপুরে শান্তিনিকেতন আশ্রমে নির্জন প্রকৃতির নীরব সৌন্দর্য্য সন্দর্শন করতঃ আনন্দ উপভোগ করিতে লাগিলেন।

বোলপুরের যে প্রান্তরে শান্তিনিকেতন আশ্রম প্রতিষ্ঠিত, তাহা কঙ্কর-ময় স্থান—কতকটা পাহাড় সদৃশ। শান্তিনিকেতন হইতে চারিদিকের ভূমি ক্রমশঃ ঢালু হইয়া গিয়াছে। আবার কতক দূরের ভূমি উচ্চীকৃত এবং পুনশ্চ অবনত হইয়া সেই স্থান বৃহৎ ভৌমিক তরঙ্গবৎ দৃশ্যমান হয়। সেই কঙ্করময় প্রান্তরের মধ্যস্থলে শান্তিনিকেতনের সুদৃশ্য ব্রহ্মমন্দির প্রতিষ্ঠিত। কঠিন ভূমি বলিয়া তথায় শীত গ্রীষ্মের পূর্ণ অধিকার। শীতকালে যেমনই কম্পনকারী শীত, গ্রীষ্মকালে আবার তেমনই প্রচণ্ড গ্রীষ্ম। শীতকালে শীতের কনকনানিতে গাত্রাচ্ছাদক শীতবস্ত্র হইতে হস্ত বহিষ্কৃত করা হুকুম ব্যাপার। কলসীতে বা অন্য পাত্রে জল তুলিয়া রাখিলে প্রাতঃকালে তাহা বরফ তুল্য শীতল হইয়া থাকে—শরীরের যেখানে লাগে, ক্ষণকালের জন্য সে স্থান অসাড় হইয়া যায়—এমনই শীত। গ্রীষ্মকালেও তেমনই প্রচণ্ড রৌদ্র। সূর্য্যদেব আকাশের এক চতুর্থাংশে না আসিতে আসিতে প্রান্তর ভয়ানক উত্তপ্ত হইয়া উঠে। প্রাঙ্গণে পদক্ষেপ করিবার যো থাকে না। পাছকাণ্ড ২৫ মিনিট পরে গরম হইয়া যায়। প্রথর রৌদ্রোদ্ভাসিত প্রশস্ত প্রান্তর ধূ ধূ করিতে থাকে। মধ্যে মধ্যে উত্তপ্ত বায়ুর ঝল্কা আসিয়া মুখে চোখে লাগিয়া যেন দগ্ধ করিয়া তোলে। বেলা নয় ঘটিকা হইতে না হইতে গৃহের দরজা বন্ধ করিয়া রাখিতে হয়; নতুবা সূর্য্যের উত্তাপে ভিত্তিবার যো থাকে না। শীত গ্রীষ্মের এমনই বিপর্য্যয়। কিন্তু কবিকেশরীর কিছুতেই জ্বক্ষেপ নাই। এই উৎকট প্রাকৃতিক দৃশ্য হইতে রসগ্রহণ করা প্রকৃতির কবি রবীন্দ্রনাথের স্বাভাবিক ধর্ম্ম! রবীন্দ্র নাম এখানে সার্থক!

কেবল বোলপুরের প্রান্তরের কথা বলি কেন? কাব্যসুধাবাদী রবীন্দ্রনাথ নানা স্থানে ঐ প্রকার প্রাকৃতিক দৃশ্যের মধ্যেই অবস্থিতি করিতে ভালবাসেন। বঙ্গের সমতল বহু বিস্তৃত বন উপবনে গ্রীষ্মকালে প্রচণ্ড মার্ত্তণ্ডদেব মস্তকোপরি আসিয়া স্বীয় প্রভাব দ্বারা যখন প্রাণিগণকে আকুলিত করেন,—যখন প্রথর রবিকিরণে উত্তপ্ত হইয়া আহার ত্যাগ করত পল্লগণ বৃক্ষতলে আশ্রয় গ্রহণ করিয়া চক্ষু মুদিত করিয়া রোমহন

কাকলী দ্বারা মাধ্যম্নিন গ্রীষ্মাতিশয্যের দারুণ সম্ভাপ প্রকাশ করে—বঙ্গের ধনাঢ্য ব্যক্তিগণ যখন দ্বিতলগৃহে দুগ্ধফেননিভ সজ্জিত সোফায় শয়ন করিয়া কেঁওড়া জলসিক্ত খসখসিতে গৃহদ্বার আচ্ছন্ন করিয়া প্রলম্বিত টানা পাখা দ্বারা সমীরণ পরিচালিত করিয়া—নিদ্রাঘতাপ কতক প্রশমিত করেন—তখন সর্বস্বথী রবীন্দ্রনাথ সুখশয্যা ত্যাগ পূর্বক ছায়াতপবিশিষ্ট সেই প্রান্তরে প্রাকৃতিক সৌন্দর্য্য সন্দর্শন করতঃ তৃপ্তি লাভ করেন। আবার, নিদ্রাঘু দিনান্তে দক্ষিণ পবন দ্বারা সঞ্চালিত হইয়া খরশ্রোতা পদ্মানদী যখন ভীষণ আকার ধারণ করে,—যখন পদ্মার স্তূভ তরঙ্গ রঙ্গ দেখিয়া সকলে সন্ত্রাসিত হয়—যখন কল্লোলিনী পদ্মা বৃহৎ বৃহৎ বাষ্পীয়পোত ও বৃহদাকার তরণী সকলকে গলাধঃকরণ করিবার আশয়ে বিকট মুখব্যাদান করে—যখন ছোট ছোট নৌকাস্থিত মালাগণ পদ্মার ভীষণ ভঙ্গিমা দেখিয়া প্রাণ ভয়ে “দরিয়ার পাঁচপীর, আল্লা ও আকবর” স্মরণ পূর্বক আর্তনাদ করিতে থাকে—তখন রবীন্দ্রনাথ ভাবি বিপদ সম্মুখে দেখিয়াও “বোট ছোড়” বলিয়া আপনার ফুলটাদ বোটে আরোহণ করেন। সেই সর্বগ্রাসিনী খরশ্রোতা পদ্মার বক্ষে উত্তাল তরঙ্গে বোট ভাসিয়া যাইতে থাকে। বোটখানি তরঙ্গে নাচিতে নাচিতে কখন দশহস্ত উর্দ্ধোখিত হয়, আবার কখন বিশ হস্ত নীচে পড়ে। এইরূপে কখন ডুবিয়া কখন উঠিয়া পদ্মার হিলোল সহ বোটখানি ভাসিয়া যায়। তখন রবীন্দ্রনাথের হৃদয়ে যে আনন্দ হিলোল উঠে, তাহার ভাব অপরে কি বুঝিবে? রবীন্দ্রনাথ সেই তরঙ্গান্বিত পদ্মা-বক্ষে উচ্চাচ গতিতে পরিচালিত বোটের ছাদে বসিয়া প্রকৃতির উৎকট দৃশ্যে এক অদ্ভুত সুখাস্বাদ করেন।

পদ্মার স্মরণে তাহার বর্ষাকালের পূর্ণ বলবিক্রমের কথা মনে পড়ে। তাহা হৃদয়কে কম্পিত না করিয়া ছাড়ে না। বর্ষাকালে পদ্মা ক্ষীণ হইয়া যখন ছই কুল প্রাবিত করে, তাহার শ্রোতোবেগ যখন অষ্টগুণ বৃদ্ধি পাইয়া তীরগতিতে প্রবাহিত হয়, তখন কত গ্রাম, কত ক্ষুদ্র ও বৃহৎ নগর, কত বাজার, কত ঘরবাড়ী, কত বন জঙ্গল, কত গো মহিষ প্রভৃতি ইতর জন্তু পদ্মার নির্মমবক্ষে ডুবিয়া ভাসিয়া দূর-দূরান্তরে চলিয়া যায়। কত রাজ্যপাট, কত বিষয় বৈভব মুখে করিয়া লইয়া পদ্মা কাহাকেও পথের কাঙ্গাল করে, আবার সেই সকল রাজ্য ও ধনসম্পত্তি পথের কাঙ্গালকে দিয়া হয় তো তাহাকে বাজোখর করিয়া তুলে। বর্ষাকালের দিকে চাহিয়া



দেখিবে—কেবল খেতাবুরাশি ধু ধু করিতেছে। তাহার কুল নাই, কিনারা নাই। পদ্মা বিপুল বক্ষ বিস্তার করিয়া গভীররবে আপন মনে বহিয়া যায়। পদ্মা কাহার দশা কি করিল, তাহা ফিরিয়াও দেখে না। যে ব্যক্তি তাহার ভীষণবক্ষে আশ্রয় লইয়া নিতান্ত কন্ঠের বশে কোন দূরতর স্থানে যাইতে থাকে, সেও সম্ভ্রুতিতে কেবল লক্ষ্য স্থানের দিকে চাহিয়া থাকে। অপরদিকে চাহিবার তাহার অবকাশ থাকে না।

ঈদৃশক্ষেত্রে কবিকেশরী প্রকৃতির শোভা দেখিতে জানেন ও পানেন। তাহার কোন উদ্বেগ নাই; তিনি কবির ভোগ্য তত্ত্বরস গ্রহণে সম্যক উৎসুক থাকেন।

জ্যোৎস্নাবিধৌত রজনীতে পদ্মার সৌন্দর্য আর এক প্রকার। পদ্মার সকলই অসাধারণ। রবীন্দ্রনাথ জ্যোৎস্নাময়-রজনী দেখিলে পদ্মার এহেন বিচিত্রলীলা রঙ্গসময়েও ক্ষুদ্র ডিম্বিতে আরোহণ করিয়া উদ্বেগশূন্যহৃদয়ে চন্দ্রালোকবিভাসিত জলরাশির সহিত রজনীর মনোমুগ্ধকর ক্রীড়া সন্দর্শন করিয়া ভাবসাগরে নিমগ্ন হন।

শীতকালে আর এক বৈচিত্র্য। শীতের আর্ছর্ভাবে যখন সকলে হি হি করিতে থাকে, যখন শীতের কনকনানিতে হস্তের অঙ্গুলীগুলিকে সোজা করা যায় না, বৃদ্ধগণ শীতে যখন কুঞ্জপ্রায় হইয়া যায়, অথবা প্রবহমান শীতবায়ু যখন তাহাদের অঙ্গ-প্রত্যঙ্গগুলি ধরিয়া দেহ হইতে বিচ্ছিন্ন করিবার চেষ্টা করে—খনীযুবকগণ যখন নিত্য নূতন শীতাবরণ দ্বারা কাহার দ্বিবার প্রায় সময় পান, তখন কবি রবীন্দ্রনাথ দিবাবশানে এক অলঙ্কার কোট মাত্র গায়ে দিয়া, কটকী বা মোগলাই চটী পরিধান করিয়া ক্ষীণকায়্য গোড়ই-নদী-সৈকতে ভ্রমণ করেন। বাগকদিগের শ্রায় প্রকৃতি-নন্দনের শীতহাত গ্রাস হয় না। ঋতু-অনুযায়ী সকল সুখোপকরণ সম্পূর্ণ থাকিলেও তত্বাবৎ ত্যাগপূর্বক শীতের কম্পনের মধ্যে বাতাসে সুখ অনুভব করা কেবল ঈদৃশ কবি হৃদয়েরই কার্য।

সৌন্দর্য্য রসময় এই কবির অর্ধোক্তি স্মরণ করিয়াই বৃষ্টি অক্ষরবাবু লিখিয়াছেন—

সরল হৃদয় কবি

বেধনে মাধুরী ছবি

জ্যোত্স্নাতলে নদীকূলে

উষালোকে তরুশূলে

কত বকে ভুল ।

প্রজাপতি মৃগ আঁখি

কূলে অলি ডালে পাখী

গাছে গাছে ফুল ।

দোলে লতা কাঁপে পাতা

চকাচকি ঠোটে গীথা

দেখিলে ব্যাকুল ।

রমণি ! তোমারে চেয়ে

ভেবোনা কি গেল পেয়ে

কি বকিল ভুল ।

সরল হৃদয় কবি

যেখানে মাধুরী ছবি

সেখানে আকুল ।

বোলপুরের বৈশাখী প্রচণ্ড রৌদ্রের বিষয় বলিতে আরম্ভ করিয়া প্রসঙ্গাধীন অনেক কথা বলিয়া কেলিলাম ।

রবীন্দ্রনাথ শান্তিনিকেতনে থাকিয়া নিশ্চিন্তমনে তথাকার প্রাকৃতিক সৌন্দর্য্য সন্দর্শনকরতঃ পরমানন্দ উপভোগ করিতেছিলেন । এমন সময়ে তথায় সংবাদ পহুছিল, কলিকাতার প্লেগ আসিয়াছে । কলিকাতার প্লেগের শুভাগমনবার্তা শ্রবণ করিয়া কবিকেশরীর প্রেমার্দ্ৰচিত্ত বিচলিত হইয়া পড়িল ।

প্লেগ রাক্ষসী ১৩০৩ সাল হইতে আরম্ভ করিয়া বোম্বাই সহরকে ধ্বংস করিয়াছে । সহৃদয় ইংরেজ গবর্ণমেন্ট প্লেগদমন মানসে বিকট আইন প্রচার করিলে বোম্বাই সহরবাসীগণ আরও ব্যতিব্যস্ত হইয়াছিল,—কঠোর-রাজশাসনে কাহারো মানসভ্রম ছিল না, পুরস্ত্রীদিগের লাঞ্ছনার সীমা পরিসীমা ছিল না । বোম্বাই সহরের অধিকাংশ ব্যক্তি সহরকে আশান-ক্ষেত্রবৎ ভাবিয়া মান-ইজ্জতের ভয়ে দেশ-দেশান্তরে পলায়ন করিয়াছিল । বোম্বাই সহরের সেই সকল কঠোর চিত্র বঙ্গদেশবাসীকে বড়ই সঙ্কাসিত করিয়া রাখিয়াছিল । যখন প্লেগরাক্ষসী বোম্বাই সহরকে গ্রাস করিতে সম্মুখ হইয়াছে—তখন তাহার বঙ্গদেশে আসিতে কতক্ষণ ? কলি-

কাতাবাসীগণ তজ্জন্তু অত্যন্ত উৎকণ্ঠিতচিত্তে বাস করিতেছিল। যুপকাষ্ঠ সরিহিত অঙ্গ ছিন্নমুস্তা অঙ্গকে দেখিয়া সভয়ে বাত্যান্দোলিত কদলীপত্র যেরূপ কম্পিত হইতে থাকে,—কলিকাতা সহরবাসীগণ বোম্বাই সহর-বাসীদিগের অভাবনীয় লাঞ্ছনা সম্মর্শন করিয়া তেমনি কম্পিত হইতেছিল। বৈশাখ মাসের প্রথমে যখন প্লেগের শুভাগমনবার্তা সহরে প্রচারিত হইল, যখন 'করেন-টাইন ল' পাশ হইবার কথা সহরের চারিদিকে আন্দোলিত হইতে লাগিল, তখন যে যে দিকে পারিল, সে সেইদিকে দিগ্বিদিকশূন্য হইয়া পলায়ন করিল! সে লোক-পলায়ন-দৃশ্য আমার চিত্রপটে চিরাক্তিত হইয়া রহিয়া গিয়াছে, আজও স্মরণ করিলে হৃৎকম্প উপস্থিত হয়। এমন ভীষণ ব্যাপার, এমন অদ্ভুত দৃশ্য ইতঃপূর্বে আর কেহ কখন দেখে নাই। তখন কলিকাতা সহরের যে রাস্তার যে দিকে তাকাইয়া দেখি,—নরনারীর স্রোত বর্ষার নদী স্রোতের ছায় অঙ্গস্রধারায় অপ্রতিহত বেগে চলিতেছে; ১৫ই, ১৬ই, ১৭ই বৈশাখ সহরে জনস্রোতের বিরাম ছিল না। সহরের গাড়ী পাকী ক্রমশঃ দুর্মূল্য হইয়া উঠিল—অবশেষে তাহাও অপ্রাপ্য হইয়া উঠিল। ১৮০ আনা ১১০ আনা স্থলে ৬, ৮ টাকাতে আর ভাড়াটিয়া গাড়ী পাকী পাওয়া গেল না। যখন গাড়ী পাকী পাওয়া একেবারে দুর্লভ হইয়া পড়িল, তখন এই দুর্কিপাকে পড়িয়া কত ভদ্রপরিবারের অসুখ্যম্পত্তা রমণী কলিকাতা সহরের রাজপথে বহিস্কৃত হইয়া পদব্রজে চলিয়া গিয়াছে—কে তাহার গণনা করিয়াছে! কত বালক, কত বালিকা কত যুবক, কত যুবতী, কত বৃদ্ধ, কত বর্ষায়সী, কেহ কক্ষে, কেহ পৃষ্ঠে—অপোগও শিশুসন্তান লইয়া প্রাণভয়ে নক্ষত্রবেগে উর্দ্ধশ্বাসে পলায়ন করিয়াছে। দৌড়িয়া যাইবার ব্যাপারই বা কি অদ্ভুত দৃশ্য!—দৌড়িয়া যাইতে যাইতে এক একবার পশ্চাদ্ধিকে তাকায়—আরবার ঐ বুকি আসিল, ঐ বুকি টাকাদার আসিয়া ধরিল! ভাবিয়া কিয়ৎক্ষণ থমকিয়া দাঁড়ায়;—যখন দেখে, কেহ ধরিতে আসিতেছে না—তখন কতদূর অগ্রসর হয়। পঞ্চহস্ত পরিমাণ রাস্তা অগ্রসর হয় তো দশহস্ত রাস্তা পশ্চাদ্ধিকে ফিরিয়া আইসে। এইরূপে নরনারীগণ অতিকণ্ঠে—অতি উদ্বেগে রাজপথ অতিক্রম করিয়া চলিল।

( ক্রমশঃ )

শ্রীদ্বিজেন্দ্রনাথ বসু।

## বাক্সলা ভাষার লেখক ।

( পূর্বে প্রকাশিতের পর । )

ভূতপূর্বে “আর্য্যদর্শন”-সম্পাদক পণ্ডিত শ্রীযুক্ত যোগেন্দ্রনাথ বিজ্ঞানভূষণ পাণ্ডে মহাশয়কে তাঁহার মানবতত্ত্বের অবশিষ্ট অংশ তাঁহার আর্য্যদর্শনে প্রকাশ করিতে অনুরোধ করেন । সে সময়ে নববাসের কার্য্যে সর্ব্বদা নিযুক্ত থাকায়, অবকাশ অভাবে, পাণ্ডে মহাশয় বেশী লিখিতে পারিতেন না । আর্য্যদর্শনের সহকারী-সম্পাদক পণ্ডিত মহেন্দ্রনাথ বিজ্ঞানিণি মহাশয়ের বিশেষ উত্তেজনায় একটু একটু করিয়া তিনি লিখিতেন মাত্র । পাণ্ডে মহাশয়ের প্রতিষ্ঠিত নববাস অধিক দিন ছিল না । সন্নিবিষ্ট গোলযোগের জন্ত তাহা উঠাইয়া দিতে তিনি বাধ্য হন । তাহাতে তাঁহার প্রভূত অর্থ-ক্ষয় হয় । এই সময়ে মানবতত্ত্বের অবশিষ্ট অংশ হস্তে লিখিয়া পুস্তকাকারে তিনি প্রকাশ করিলেন ও কিছুদিন পরে একটী প্রেস করিলেন । এই সময়ে “বিজ্ঞানদর্পণ”, “মহচরী” ও “জাহ্নবী” নামে তিনখানি কাগজের সম্পাদকতা—একা বীরেশ্বর বাবু করিতে লাগিলেন । মাসিক কাগজে যে বিশেষ আয় হয় না, তাহা অনেকেই জানেন ; সুতরাং অতিকষ্টে দ্বিবাণিষি পরিশ্রম করিয়া, কয়েক বৎসরমাত্র, বীরেশ্বর বাবু এই তিনখানি কাগজ চালাইয়াছিলেন ।

পরে ধর্ম্মবিজ্ঞান ও অদ্ভুত স্বপ্ন নামক দুইখানি পুস্তক বীরেশ্বর বাবু প্রণয়ন করেন । মানবতত্ত্ব ও ধর্ম্মবিজ্ঞান প্রভৃতি গ্রন্থ মৌলিক উৎকৃষ্ট হইলেও এদেশের এখনও এমন অবস্থা হয় নাই যে, যাহাতে গ্রন্থকারের একটা নির্দিষ্ট আয় হয় । যদিও বীরেশ্বর বাবু একবার এন্ট্রান্সের পরীক্ষক হইয়াছিলেন এবং অন্যান্য উপায়ে কিছু উপার্জন করিতে পারিয়াছিলেন, কিন্তু পূর্বে দেনা চারি পাঁচগুণ বৃদ্ধিপ্রাপ্ত হওয়ায় পৈতৃক দুই আনা অংশের প্রাপ্ত বিষয় রক্ষা করাও কঠিন হইয়া উঠিল । ৭৮টা পুত্রের লালনপালন ও শিক্ষাদি ব্যয়নির্ব্বাহ করা,—কলিকাতার বাসাখরচ নির্ব্বাহ করা দুর্ঘট হইল দেখিয়া, বীরেশ্বর বাবু স্কুলপাঠ্য পুস্তক লিখিতে আরম্ভ করিলেন । পূর্বে কয়েকখানি স্কুলপাঠ্য পুস্তক লিখিয়াছিলেন বটে, কিন্তু তাহার প্রচলন চেষ্টা কখন করেন নাই । তিনি দেখিলেন,



মূলপাঠ্য প্রায় সমস্ত বাঙ্গলা পুস্তকই ইংরেজীর অনুবাদ ; দেশীয় বিষয়ের শিক্ষার উপযোগী পুস্তক বাঙ্গালায় অতি অল্প। সেইজন্য তিনি আর্থা-পাঠ, আর্থাশিক্ষা, নীতিকথামালা প্রভৃতি পুস্তক লিখিয়াছিলেন, এবং ভালো বাঙ্গলা ব্যাকরণের অভাবে, জ্যেষ্ঠ শ্রীযুক্ত গুরুদাস বন্দ্যোপাধ্যায় মহাশয়ের প্ররোচনায়, তিনি একখানি ব্যাকরণ প্রণয়ন করিলেন। সঙ্গে সঙ্গে “পাঁড়ে ব্রাদার্স” নাম দিয়া পুত্রগণের জন্য একখানি দোকান করিয়া দিলেন। প্রথমে ঐ দোকানে পুস্তক বিক্রয় হইত, পরে তৎসঙ্গে দেশী বস্ত্র বিক্রয় হইতে আরম্ভ হইল। এক্ষণে কেবলমাত্র বস্ত্রই এই দোকানে বিক্রয় হইয়া থাকে। দেশী বস্ত্র অধিকতর সস্তা করিবার জন্য এখন পর্য্যন্তও তিনি নানাপ্রকার চেষ্টা করিতেছেন। যাহাতে দেশের লোকে দেশী বস্ত্রের অনুরাগী হয়, তাহার চেষ্টা তিনি বিধিগতে করিয়া থাকেন। ধর্মের প্রতি লোকের শ্রদ্ধা ভক্তি জন্মাইবার জন্য বীরেশ্বর বাবু তদ্বিরচিত মানবতত্ত্ব, ধর্মবিজ্ঞান প্রভৃতি গ্রন্থে ধর্মের অনেক গুণ কথার আলোচনা করিয়াছেন।

যখন মানবতত্ত্ব প্রচারিত হয়, তখন এ দেশ পাশ্চাত্যভাবে পূর্ণ ছিল ; তাই সে সময়ের সমস্ত সংবাদপত্র ও সমস্ত বিজ্ঞব্যক্তি,—পাঁড়ে মহাশয়ের পুস্তকের তর্কবুদ্ধির ভূয়সী প্রশংসা করিয়াছিলেন। হিন্দু-ধর্মকে ব্রাহ্মধর্ম ও বৃহস্পতিধর্মের কবল হইতে রক্ষা করিবার জন্য, বীরেশ্বর বাবু সর্বপ্রথম এই শ্রেণীর গ্রন্থ লিখিবার চেষ্টা করেন। হিন্দুধর্ম যে নিকৃষ্ট নহে,—পরন্তু একমাত্র শ্রেষ্ঠ মানবীয় ধর্ম, তাহা ইনিই প্রথম হইতেই দেখাইবার চেষ্টা করিয়াছেন।

লীলাবতী, বিজ্ঞানসার, উপক্রমণিকা, মানবতত্ত্ব, ধর্মবিজ্ঞান, অদ্ভুত-স্বপ্ন বা স্ত্রীপুরুষের ঘন্দ, উনবিংশ শতাব্দীর মহাভারত, আর্থাচরিত, আর্থাপাঠ, আর্থাশিক্ষা, নীতিকথামালা, কবিতা প্রথম, দ্বিতীয় ও তৃতীয়-ভাগ, শিশুবিজ্ঞান, বাঙ্গালা ব্যাকরণ, শিশুশিক্ষা, বাঙ্গালা শিক্ষা প্রথম-ভাগ ও দ্বিতীয় ভাগ প্রভৃতি বহু গ্রন্থ বীরেশ্বর বাবু প্রণয়ন করিয়াছেন। এই সমস্ত পুস্তক অতি উৎকৃষ্ট ও নূতন প্রণালীতে লিখিত। এতদ্ভিন্ন বঙ্গদর্শন, আর্থাদর্শন, জ্ঞানান্দুর প্রভৃতি অনেক পত্রেরও বীরেশ্বর বাবু বহু প্রবন্ধ লিখিয়াছেন। সাবিত্রী লাইব্রেরী প্রভৃতি নানা সভায় অনেক পত্র পাঠ ও বক্তৃতাও তিনি করিয়াছেন। স্বদেশের উন্নতি

সাধন ও গৌরববৃদ্ধি,—তৎসমস্তেরই উদ্দেশ্য । বীরেশ্বর বাবুর সমস্ত শুল্ক ও সাবিত্রী লাইব্রেরীতে পঠিত এবং সাবিত্রী নামক পুস্তকে প্রকাশিত “হিন্দুর অবনতি” শীর্ষক প্রবন্ধ এবং সাহিত্য-পরিষদ পত্রিকায় প্রকাশিত “আধুনিক বাঙ্গালা সাহিত্য” শীর্ষক প্রবন্ধ সকলেরই পাঠ করা কর্তব্য ।

বীরেশ্বর বাবু একজন চিন্তাশীল পণ্ডিত ব্যক্তি বলিয়া প্রসিদ্ধ । তাঁহার মৌলিক চিন্তা ও স্বাধীনভাব,—তাঁহার ধর্মবিজ্ঞান ও মানব-তত্ত্বে বিশিষ্টরূপে প্রকটিত । এই গ্রন্থ দুইখানি সাহিত্যের গৌরব । তর্কতর্কেও পাঁড়ে মহাশয় সুপণ্ডিত । তর্কে, সহজে কেহ তাঁহাকে হটাইতে পারে না ।

( ক্রমশঃ )

শ্রীহারাণচন্দ্র রক্ষিত ।

## ছায়ামতী ।

( পূর্ব প্রকাশিতের পর । )

ইন্দ্রপ্রিয়া কাতরভাবে বলিলেন, “হার কি হইবে, অনেক ত আছে, আমি হার চাহিতেছি না, আমি মার পা দুখানি দেখিতে পাইলেই সুখী হই ।” রমণীমোহন সাদরে ইন্দ্রপ্রিয়ার চিবুক ধারণ করিয়া বলিলেন, “সুখী হইবে তুমি, তার চিন্তা নাই, আমার ইন্দুমুখি ইন্দ্রপ্রিয়া ।” ইন্দ্রপ্রিয়া সলজ্জায় মুখ নম্র করিলেন । কুমার হাসিয়া বলিলেন, “এখনও আমাকে এত লজ্জা ! আমি চাহিলেই প্রফুল্ল অরবিন্দ নত হইয়া পড়ে, আমার জীবন-কৌমুদী তুমি জান না যে, আমি তোমায় দেখিতে কত ভাল বাসি ।” সন্ধ্যা হইয়াছে, ফরাশ কক্ষে প্রবেশ করিয়া বাড়ে দেয়াল-গিরিতে ঝাতি লাগাইয়া দিয়া প্রস্থান করিল । অতুল গৃহে প্রবেশ করিয়া হাসিতে হাসিতে বলিল, “এই নাও তোমার দোষরি ।” কুমার মুক্তার কেশটী হস্তে লইয়া বলিলেন, “এখন তুমি বাহিরে যাও, আমি ঘাইতেছি ।” অতুল ইন্দ্রপ্রিয়ার দিকে পাপ চক্ষে চাহিয়া কক্ষ হইতে নিজ্রাস্ত হইল । কুমার মুক্তামালা লইয়া ইন্দ্রপ্রিয়ার কণ্ঠে

ইন্দ্রপ্রিয়া লজ্জিতভাবে কক্ষ হইতে প্রস্থান করিলেন। রমণীমোহন অশ্রুমনস্কভাবে বাহিরে গমন করিলেন। ইন্দ্রপ্রিয়া সর্বদা স্বামীর নিকট প্রার্থনা করেন, যে মাতার কাছে যাইবেন। রাজকুমারও অতুলকে কোন্নগরে যাইয়া মিলনের উপায় করিতে বলেন। কিন্তু কুটীল অতুলকর মনে মনে নানারূপ কু-মতলব আঁটিতেছে। ইন্দ্রপ্রিয়ার বয়সক্রম চতুর্দশ বর্ষ, সরলা বালিকা বাল্যসীমা অতিক্রম না করিতে করিতে প্রকৃতি সীমার পদার্পণ করিলেন, ইন্দ্রপ্রিয়া নয় মাস গর্ভবতী। রাজকুমার অতিশয় ভাবিত; কারণ তাঁহার পিতা অতিশয় রাগত হইয়াছেন। বলিয়াছেন, কি নিমিত্ত তুমি সর্বদা অনুপস্থিত থাক? রাজকুমার ক্লিষ্ট অন্তরে খালধারের উদ্যানে উপবিষ্ট; অতুলকর নিকটবর্তী হইয়া বলিল, “কুমার, ভয়ানক সময় উপস্থিত!” রাজকুমার সত্রাসে বলিলেন, “কি! কি! অতুল বলিল, অশ্রু মহারাজের নিকট প্রিয়াছিলাম, তিনি মহা ক্রুদ্ধ হইয়া বলিলেন, “আমি সহকর করিয়াছি, খিদিরপুরের রাজা বাহাদুরের কস্তার সহিত রমণী মোহনের বিবাহ দিব, সে মেয়ে বেশ সুন্দরী। পরিণয়ের দিন স্থির করিয়াছি, আগামী মাসের তৃতীয় দিবসে এবং প্রতি রাতে তাহাকে বাটীতে উপস্থিত থাকিতে হইবে, যদি সে এ বিবাহে অস্বীকার করে, তবে তাহাকে ত্যজ্য পুত্র করিলাম।” রাজকুমার সকাঁতরে বলিলেন, “অতুল, কি করে ভাই ইন্দ্রপ্রিয়াকে ছেড়ে থাকিব, সে বিবাহের কথা শুনিলে কি বলিবে, তাহাতে তাহার গর্ভাবস্থা, আমিত ভাবিয়া কিছুই স্থির করিতে পারিতেছি না, তুমি যদি মহারাজকে আমার এই অবস্থা জানাও।” অতুলের পাপি মনে ঘণিত অভিসন্ধি লুক্কাইত রহিয়াছে; কল্পিতভয়ে বলিল, “না ভাই, আমি তাহা পারিব না, তাহা হইলে মহারাজ আর আমাকে তাঁহার বাটীতে প্রবেশ করিতে দিবেন না, তোমারও তাহাতে নিস্তার নাই, আমার বোধ হইতেছে।” কুমার ভগ্নহৃদয়ে বলিলেন, “তবে ইন্দ্রপ্রিয়াকে কিরূপে এই নির্ভুর নৈরাশ বাক্য জানাই, একেত তাহার সপত্নী হইবে, তার উপর আমি প্রতি বিভাবরী তাহার নিকট থাকিতে পারিব না, এক্ষণে উপায়।” অতুল মনে মনে হাসিয়া কৃত্রিম বিমর্ষভাবে বলিল, “তার আর উপায় কি হবে? তাঁহাকে প্রকাশ্যরূপে বল, মহারাজের এই লক্ষ্য তাহাকে

তুমি কি করিবে। দ্বিতীয়তঃ ইন্দ্রপ্রিয়া যদি তোমার রক্ষিতা মহিলার  
 সঙ্গ থাকে, তাহা হইলেও তাহার সৌভাগ্য।” নিরোধ রাজকুমার  
 ধূর্তের প্রবন্ধনা জালে জড়িত হইলেন, পাশও অতুল করের মতেই  
 মত দিলেন। অতুল উৎসাহ যুক্তস্বরে বলিল, “আর ত দিন নাই,  
 আজ হইল পোনেরই পৌষ, দোসরা মাঘে বিবাহ, অতএব এখনই  
 ইন্দ্রপ্রিয়াকে বুলিয়া রাখ ; নচেৎ সেই সময়ে গোলমাল করা উচিত  
 নয়।” নির্দয় রাজকুমার খাপাত্যা বন্ধুর সঙ্গে একত্রিত ভাবে যেন  
 গর্ভিনী হরিণীকে বধ করিতে বিষাক্ত বাণ হস্তে অগ্রসর হইয়া ইন্দ্র-  
 প্রিয়ার কক্ষে প্রবেশ করিলেন। দুর্ভাগা অবলা গর্ভভারে পীড়িতা,  
 নিশ্চেষ্ট ভাবে পর্য্যঙ্কে শায়িত আছেন। অভাগিনী জানেন না যে,  
 নৈরাশ কাল সর্প ফণা বিস্তার পূর্বক দংশন করিতে আসিতেছে ;  
 নিষ্ঠুরগণ কিরূপে এই সুন্দর লাবণ্যজনিত মোহের পুতলিকে দুর্ভাগ্য  
 আতপ তাপে নিক্ষেপ করিবে, যে নিশ্চল কমলানন দর্শন করিলে  
 শত্রুর মনও আর্জ হয়, তোমরা আত্মীয় হইয়া কিরূপে দুর্ভাগ্য শল্যে  
 তাহাকে বিদ্ধ করিবে। ইন্দ্রপ্রিয়া স্বামীর সহিত অতুল করকে  
 আগত দেখিয়া, সলাজে পর্য্যঙ্ক হইতে উঠিয়া ভূমিতলে কারপেটের  
 উপর উপবিষ্টা হইলেন, বন্ধুর কোচে উপবিষ্ট হইলেন। কুমার ধীরে  
 ধীরে বলিলেন, “ইন্দ্রপ্রিয়া ! আমি তোমার একথা জানাতে দুঃখিত  
 হইতেছি, তথাপি না জানালেও নয়, আমার পিতা আগামী মাসের  
 তৃতীয় দিবসে আমার বিবাহ দিবেন এবং তিনি স্নিজে যে বাটীতে  
 থাকেন, সেই বাটীতে আমাকেও প্রতি রাত্রে উপস্থিত থাকিতে হইবে।”  
 ইন্দ্রপ্রিয়ার স্তমোহন বদন শব্দকার ধারণ করিল, শুককণ্ঠে বলিলেন,  
 “সে কি নাথ ! আবার বিবাহ কি ? ভদ্রলোকে কি স্ত্রী সবে আবার  
 বিবাহ করেন ? শ্বশুর মহাশয়কে জানাও যে, তুমি যে লুকাইয়া  
 বিবাহ করিয়াছ। তিনি আমার এই অবস্থা শুনিলেই দয়া করিবেন।”  
 কুমার বলিলেন, “আমার এতদূর সাহস হয় না যে, তোমার কথা তাঁহাকে  
 বলিব, আর আমি অন্য বিবাহ করিলেই বা তোমার কি ক্ষতি—  
 তুমি যেরূপ সুখে আছ, সেইরূপই থাকিবে, তোমার সন্তানাদি হইলে  
 তাহাদিগেরও সুখে রাখিবার উপায় করিয়া দিব।” ইন্দ্রপ্রিয়া রোশ



সন্তান কি তোমার সন্তান নয়? একি ঘৃণিত কথা বলিতেছ।”  
নির্দয় রাজকুমার বলিলেন, “আমার পিতা ব্রাহ্ম, আমিও ব্রাহ্ম, আমার  
কিরূপ ছই ক্রী সম্ভবে? এই কারণে তোমার সন্তানেরা প্রকাশভাবে  
আমার সন্তান হইতে পারিবে না।”

( ক্রমশঃ )

শ্রীমুজেন্দ্র দত্ত ।

## সুর ।

অবশ হৃদয়ে করি ভর,  
কে তুই—বহিয়া যাস করি তরতর?  
আধ জাগা আঁধি ছুটি,  
তোঁর শীর পড়ে সূঁট,  
পরশিতে বর বঁপু—বিক ভোলে কর ।

হার হার-বৃথা সে প্রয়াস!  
তোঁর যে ছলনা দেখি নরে বার মাস।  
অদেখা মোহিনী বেশে,  
দাঁড়াস নিকটে এসে,  
অমিয়া ঢালিস দিয়া মধুরিম হাস।

তবু ভুলে নাহি দিস ধরা,  
তোঁর কাজ দেখি, শুধু নরে ক্ষীণকরা।  
ধরায় কি জানে কেহ,  
ল'লে অশরীরি দেহ,  
খেলিতে এমন খেলা প্রাণ-মন-হরা!

শ্রীমতী নগেন্দ্রবালা সরস্বতী ( মুস্তোফী )

## আরতি ।

যতনে রেখেছি তুলি' প্রেমের অতঙ্গী  
মাখাইয়া সবতনে অক্ষর চন্দন  
ভরিয়া হৃদয় খালা মোর—হে রূপসি  
পূজিতে তোমার এই অলঙ্ক চরণ !

জীবন যৌবন এই রাগ চল চল  
যাহা চাহ দিব আর প্রীত্যর্থ তোমার ।  
একবার, হে রূপসি, ছড়াইয়া আলো  
এস এই শূন্য মনোমন্দিরে আমার !

জানিনাক আবাহন, কারে বলে আর !  
অর্ধেক জীবন ধরি' জাগতে নিদ্রায়  
আকুল নয়ন জলে—অতৃপ্ত আশার  
স্মরিয়াছি, হে রূপসি, কতই তোমার !

বাঁছে এই শব্দ ঘণ্টা—আসে সন্ধ্যাসতী ;  
এই বেলা, এস, করি প্রেমের আরতি ।

শ্রীচাক্রচন্দ্র বন্দ্যোপাধ্যায় ।

## সমালোচনা ।

### চিত্রা ও গৌরী ।

বর্তমান বঙ্গ-সাহিত্যের অগ্রতম ঔপন্যাসিক কবি শ্রীবৃন্দ হারাগচন্দ্র  
রক্ষিত প্রণীত । দুইটি চিত্র উপন্যাস ডিমাই বারো পেজি ১১৪ পৃষ্ঠা ।  
মূল্য ৫০ বারো আনা । ছাপা ও কাগজ উত্তম, বিলাতীর গ্রাম বাধাই,  
অতি সুন্দর । ২০১ নং কলকাতা লিস্ট্রীটে শ্রীবৃন্দ গুরুদাস চট্টোপাধ্যায়ের  
নিকট প্রাপ্য ।

“চিত্রা ও গৌরী” উপন্যাসের নামটি যেমন ক্রটিমধুর—অলৌকিক  
 ঘটনা ছইটিও ততোধিক মধুরতায় পূর্ণ; চিত্রা উপন্যাসে বর্ণিত নায়ক  
 “সুরেশচন্দ্র,” নায়িকা “চিত্রা”,—বর্তমান ঊনবিংশ শতাব্দীর শিক্ষিত  
 যুবক সুরেশচন্দ্রের অসং সংসর্গে পাপের ভীষণ পরিণাম; আর তাহার  
 পত্নী চিত্রা, প্রকৃত প্রস্তাবেই সতীসাক্ষিসাবিত্রী; জীবন সঙ্কটাপন্ন  
 অবস্থায় সুরেশচন্দ্রকে উদ্ধার করিয়াই তাহার মৃত্যু;—সে চরিত্র পাঠে  
 পাঠক-পাঠিকা অনেক শিক্ষা লাভ করিবেন সন্দেহ নাই।

“গৌরী” ভাষা, ভাব, বর্ণনা বড়ই উপাদেয়; বাহ্যিক জগতের  
 সহিত আধ্যাত্মিক জগতের সম্বন্ধ; সদগুরু উপদেশ, পাপতাপময়  
 সংসারে শান্তিহারী ছইলে, ধর্মজীবনে পারমার্থিক লাভ করা যায়;  
 এবং ধর্মজীবনের উন্নতি, বাহ্যিক আড়ম্বরশূন্য মূর্তিতে সূর্য্যদেবের  
 জ্ঞান জ্যোতিঃ বিস্তার করিয়া বিমল আনন্দের হেতু হয়।


ত্রৈতাযুগে রাবণরাজা স্বীয় মহিষী মন্দোদরীকে কহিয়াছিলেন,  
 “দৈবাধীন্ মিদং ভদ্রেজীবতা কিম্ব দৃশতে” অনেকদিন বাঁচিয়া থাকিলেই  
 অনেক দেখিতে হয়; হারাণবাবুর “গৌরী” উপন্যাসে গৌরীর পিতা  
 চর্গাদাস সংসারে অনেক দেখিলেন, শেষে “মা বিশ্বাসবিনী জননী,  
 আমার কোলে লও! লও না;—আমার মনুষ্য জন্মের সূখ মিটিয়াছে”  
 এই বলিয়া অনন্তধামে গমন করিলেন। আর দেখাইতেছেন,—“জীবের  
 মৃত্যু নাই, মরা বাঁচা তুল্য মূল্য।”

আমাদের বিশ্বাস হারাণবাবুর সরল বিগ্ধ ও মনোহর কবিত্বপূর্ণ  
 ভাষার সুলিখিত স্ক্রুচিসঙ্গত উপন্যাস ছইটি; আমাদের জ্ঞান সকলেই  
 একাসনে পাঠ সমাধা করিয়া যারপরনাই মুগ্ধ ছইবেন।









FOOT & TEBB, ENGRS. LONDON.



X/5 640

# জন্মভূমি

(সচিত্র মাসিক পত্র।)



নবম বর্ষ।

১৩০৮ সাল, বৈশাখ।

১০ম সংখ্যা।

## বিক্রয় কাহাকে বলে।

(একটি প্রশ্ন।)

আজিও সকলে গ্রাহ্য করিতেছেন না, একটি মহা বিক্রয় পাপে দেশের দুই তিনটি শ্রেষ্ঠ জাতি ক্রমশঃ অধঃপতিত হইতেছেন। যদিও আজ আমরা সাধারণ গঠিত একটি চর্কিত চর্কণ প্রসঙ্গের পুনরুক্তি করিতেছি, তথাপি এতৎ প্রসঙ্গে আমরা একটি নূতন কথা জানিতে চাহিব।

পুনরুক্তি করিতেছি, আমাদের আধুনিক বৈবাহিক প্রথার কথা। বিংশতি বৎসর পূর্বে এই সুন্দরী প্রথার কেমন সুন্দর পবিত্রতা ছিল, এখন সেই প্রথা কতদূর কদর্যা হইয়া পড়িয়াছে, বিবেচনাশক্তি সম্পন্ন আর্ঘ্যসন্তান মাত্রেই বোধ হয় অহরহ দর্শন করিতেছেন, কারস্থ ব্রাহ্মণের কন্যার বিবাহ আজকাল যেরূপ ভয়ঙ্করী মূর্তি ধারণ করিয়াছে, বড় বড় ধনবানেরা না হউন, গৃহস্থ ঘরের কন্যার পিতারা তদ্বারা অতি শীঘ্রই পুত্রের ভিকারী হইবেন, এইরূপ লক্ষণ হইয়া দাঁড়াইয়াছে। এখন যে প্রকারে বর কন্যার বিবাহ হয়, তাহাতে কন্যার পিতার নিকট হইতে পণ গ্রহণ পূর্বক বরকে বিক্রয় করাই কি বরের পিতার ব্যবসা হইতেছে না? পূর্বে নিম্নশ্রেণীর ব্রাহ্মণেরা কন্যা বিক্রয় করিত, এখনও অনেকে করে; সেই দোষে তদ্র সমাজের ব্রাহ্মণেরা তাহাদের সহিত সামাজিকতা রাখেন না। পূর্বে পূর্বে শাস্ত্রের প্রমাণ উদ্ধৃত করা হইত। তদ্রূপ পতিতং মন্ত্বে বদ্যে শুক্ত বিক্রয়েৎ।—ইহার অর্থ এই, যে দেশে শুক্ত বিক্রীত হয়, সে দেশটা পতিত বলিয়া গণ্য।

উত্তম।—যাহারা কন্যা বিক্রয় করিত কিংবা করে, তাহারা গরীব

লোক, সেই ভক্ত তাহারা সমাজে মস্তক উত্তোলন করিতে পারে না; কিন্তু আজকাল ভদ্রবংশীয় বড় বড় ধনপতিগণ স্বচ্ছন্দে পণ গ্রহণ করিয়া বিষয় বৃদ্ধি করিতেছেন, কত শত দরিদ্র বৈবাহিককে এককালে ফতুর করিয়া ফেলিতেছেন, ইহাকে কি শুক্র বিক্রয় পাপ বলে না? তবে বিক্রয় করা কাহাকে বলে?

\*কন্যা বিক্রয় করিলে শুক্র বিক্রয় করা হয়, পুত্র বিক্রয় করিলে তাহা হয় না, শাস্ত্রে কি ইহার কোন প্রকার বর্জিত বিধি আছে? আমরা জানি, কুত্রাপি নাই। যাহারা পুত্র বিক্রয় করিতেছেন, তাঁহারা স্বচ্ছন্দে সমাজে মাথা উচ্চ করিয়া মহাগৌরবে বুক ফুলাইয়া বেড়াইতেছেন। কেন? তাঁহারা কি শুক্র বিক্রয় পাপে পাপী নহেন? অবশ্যই পাপী। তবে কেন তাঁহাদিগকে সমাজ মধ্যে খর্ব করা না হয়?—কে করিবে?—লোক নাই—কেবল ইহাই একমাত্র উত্তর।

সাময়িক পত্রে, সাপ্তাহিক সংবাদ পত্রে, দৈনিক সংবাদ পত্রে, বক্তা-মহাশয়গণের দীর্ঘ দীর্ঘ বক্তৃতায়, নাট্যশালায় রঙ্গমঞ্চে, এবং প্রচলিত বাতায় উপসংহারে এই ব্যাপারের প্রচুরাধিক প্রচুর আন্দোলন হইতেছে, কেহই কিছু গ্রাহ্য করেন না। স্রোত বেরূপ বেগে চলিতেছে, বর্তমান উদাসীনতায় সেই বেগ ক্রমশঃ বৃদ্ধি পাইবে, ইহাই সর্বদা মনে হয়। কায়স্থ জাতির বিবাহ ব্যয় লাঘব অভিলাষে, রাজা রাধাকান্তদেব বাহাদুরের নাটমন্দিরে দিনকতক এক সভা বসিয়াছিল; এখন আবার পাখুরীয়া ঘাটার ৬খেলাচ্ছন্দ ঘোষের বাটীতে মধ্যে মধ্যে ব্যয় নিবারণী সভা হয়, নয়মাসে ছয়মাসে এক একখণ্ড বিবরণি প্রকাশ পায়—সভায় কেবল বক্তৃতা হইয়া থাকে; কার্য কিছুই হয় না। সভাই বা কোথায়! বর্ষাবধি সে সভার নাম গন্ধও শুনা যায় নাই, বাবু রমানাথ ঘোষ এবং বাবু পশুপতিনাথ বসু বৈবাহিকক্ষেত্রে উদাসীন থাকিবার কারণ কি?

সভায়, বক্তৃতায় প্রবন্ধে অথবা অভিনয়ে কিছুই হইবে না। যাহাদের সংকল্প নাই, দৃঢ়তা নাই, প্রতিজ্ঞা নাই, মূল কথায় যাহাদিগের আদৌ ঐক্য নাই, তাঁহারা সভা করিয়া কি করিবেন!—নাট-মন্দিরের সভার সময় জনকতক মাণ্ডগণ্য কায়স্থ সম্মান অঙ্গীকার পত্রে স্বাক্ষর করিয়া ছিলেন;—দলীলে লেখা ছিল, পুত্রের বিবাহে কন্যার পিতার নিকট পণের দাবি করিব না।

লেখা ছিল, কিন্তু স্বাক্ষরকারীদিগের ভিতর কেহ কার্যকালে আত্মবিস্মৃত হইয়াছিলেন। একটি ভদ্রলোক ঐ দলের একজনের নিকট প্রতিজ্ঞাভঙ্গের হেতু জিজ্ঞাস্য হইয়া উত্তর পাইয়াছিলেন, “কি করিব ভাই, গৃহিণীর মন্ত হয় না, অন্ন টাকায় পুত্রের বিবাহ দিতে।”

এ প্রকার সাহসী বীর পুরুষ বাঁহারা, সভার অঙ্গীকার পত্রে স্বাক্ষর করিয়া তাঁহারা পরিণামে উপহাসাম্পদ হইবেন, ইহা বিচিত্র নহে। একজনের চেষ্টায় অথবা দুই একজনের অঙ্গীকারে সমাজের কার্য হয় না;— বিশেষতঃ কায়স্থ ব্রাহ্মণের বৈবাহিক কার্যটি নিতান্ত ক্ষুদ্র ব্যাপার নহে; বাঁহাদের মতে সমাজ চলিবে, দুর্ভাগ্য বশে তাঁহারা কদাচ একত্র মিলিত হইয়া একমতে কার্য করিবেন না, বহু দৃষ্টান্তে এ বিষয়ের চূড়ান্ত মীমাংসা পতিপন্ন হইয়াছে। সমাজে লোক নাই। একথা বলিলে লোকেরা আমাদের উপর তুষ্ট হইবেন না; অতএব আমরা বলিব, সমাজের মস্তক নাই। মস্তকশূন্য সমাজের কেহই সমাজ বলিয়া গণনা করে না। একরূপ অবস্থায় এ সমাজে সমাজপতির দ্বারা একটা কোনরূপ বন্ধন হইবে, একরূপ আশা অন্ন; অথচ পুত্র বিক্রয় নিবারিত না হইলে সমাজের মঙ্গল নাই। এইজন্য কেহ কেহ রাজবিধির আবশ্যিকতা প্রতিপাদন করিবার উদ্যোগে আছেন। হিন্দু সমাজের কার্যে ভিন্ন ধর্মাবলম্বি রাজার হস্তক্ষেপ আমাদের বাঞ্ছনীয় ছিলনা, কিন্তু রাজা যখন স্ব ইচ্ছায় মধ্য মধ্যে আমাদের সামাজিক ব্যবহারে হস্তক্ষেপ করিতেছেন, বর কণ্ঠার একত্র বাসের বয়ঃক্রম বিধিবদ্ধ করিয়া যখন দণ্ডবিধির অধীন করা হইয়াছে, পুত্র বিক্রয় বন্ধ করিবার আইনের প্রার্থনা করা তখন অপরাধশাসিত হইবে না, বর্তমান বৈবাহিক প্রথার কু লক্ষণ দেখিয়া এখন আমাদের এইরূপ ধারণা জন্মিতেছে।

## আয়ুর্বেদে দোষত্রয়

রোগের কারণ বলিয়া নির্দিষ্ট হইয়াছে। সেই দোষ তিনটি আমাদের শরীরের ধারক ধাতুত্রয়—বাত, পিত্ত, কফ। বায়ু পিত্ত কফ ব্যতীত স্থূল শরীরের—প্রাকৃতিক দেহের অস্তিত্বের সম্ভাবনা কোথায়? রস-রক্তাদি স্থূল ধাতুর সহিত দেহের নিত্য সম্বন্ধ হইলেও, বায়ু পিত্ত কফই তাঁহাদের একমাত্র ধারক। রস রক্ত মাংস মেদ অস্থি মজ্জা শুক্র—এই সপ্ত-



ধাতুরই সমবায়রূপ শরীরে বাত পিত্ত কফের অহুলোম বিলোমে বাহতঃ ও আভ্যন্তরতঃ বিবিধরূপ অবস্থান্তর পরিলক্ষিত হয়; আর এই ধাতু-ত্রয়ই সপ্ত স্থূলধাতুর ধারক বলিয়া, সূক্ষ্ম ধাতু নামে অভিহিত হইয়া থাকে। আর পূর্বেষ্ট সপ্ত স্থূলধাতুকে মলিন করিয়া থাকে বলিয়া, ঐ সূক্ষ্ম ধাতু-ত্রয়ের অপরা নাম মল; অপিচ ঐ সপ্তস্থূল ধাতুকে আশ্রয় করিয়া, এই সূক্ষ্ম ধাতুত্রয় দেহকে দূষিত করে বলিয়া, ইহাদের আর একটা নাম দোষ। বাহা ইউক, এই দোষ মল বা ধাতুর সহিত স্থূল-ধাতু-সপ্তকের ঘেরূপ সম্বন্ধ ও তাহাতে ঘেরূপ দোষোৎপত্তি হেতুক বৈলক্ষণ্য পরিলক্ষিত হয়, তাহারই যথারীতি বিচার করিতে অতঃ এই প্রবন্ধের অবতারণা। এক্ষণে বিবেচ্য—

কফ কি ?

কে অর্থাৎ জলে যাহা ফলে, তাহাই কফ; কিংবা কে মস্তকে যাহা ফলে, তাহাই কফ, ( ক + ফল [ নিষ্পত্যর্থক ] + ক্বিপ্ ) ইহার আর একটা নাম শ্লেষ্মা; যে পদার্থ শ্লেষণ বা আলিঙ্গন করিয়া থাকে, অস্তিত্ব ধাতুর সহিত তাহার নাম শ্লেষ্মা। চরকে মহর্ষি অগ্নিবেশ বলিয়াছেন,—

শুকশীতমৃদুস্নিগ্ধমধুরস্থিরপিচ্ছলাঃ।

শ্লেষ্মাপঃ—।”

শ্লেষ্মা শুক, শীতল, মৃদু, স্নিগ্ধ মধুর, স্থির ও পিচ্ছল। আমাদিগের স্থূল ধাতুর মধ্যে যাহারা ইহাদের সমগুণ, তাহাদিগের সহিত শ্লেষ্মার সমগুণ সম্বন্ধ। যেমন আমাদিগের দেহস্থ রসধাতু স্নিগ্ধকর বলিয়া, ইহা শ্লেষ্মার সমগুণ বা সমগুণ। রসের স্বতঃ গতি নাই বলিয়া স্থির। এইরূপ রসের চরম পরিণতি যে শুক্রে নির্দিষ্ট, তাহাও শ্লেষ্মিক ধাতু। শ্লেষ্মার সকল গুণই শুক্রে সহিত যে সম্বন্ধ, তাহার অপলাপ করিবার যো নাই।

তাহা হইলেও, শ্লেষ্মার প্রধান অধিষ্ঠান মস্তকে। মস্তকের মস্তিষ্কও শ্লেষ্মিক ধাতু। শ্লেষ্মাক্ষয়ে—শুক্রে শোবে শুক শীতাদিগুণের বিপরীত গুণের আবির্ভাব হওয়ায়, ইহার বিপরীত-ধর্মী বায়ুর প্রকোপ ঘটায়, শ্লেষ্মাধিষ্ঠান মস্তিষ্কের শূন্যতা বোধ ঘটে। আরও তজ্জন্য ঐরূপ মেহাদিহেতুক শুক্রে-ক্ষয় ব্যাধিতে শিরঃশূন্যতার আবির্ভাব হয়। আর মস্তিষ্ক-কোষের নিম্নে মেরু-দণ্ডের উর্দ্ধ প্রান্তের বন্ধনীই ত স্নায়ুবন্ধনী। সেই শিরঃশূন্যতা এই স্নায়ুবন্ধনীর বিকৃতিতে স্নায়ুদৌর্বল্য (Nervous Debility) হয়। স্নায়ু

বায়ুবাহিনী নাড়ী বলিয়া, শ্লেষ্মক্কে বাতপ্রকোপজন্য রোগের—শিরঃ শূন্য-  
তাদির সহিত অপরাপর বাতজরোগের লক্ষণ পরিলক্ষিত হয় ।

### পিত্ত কি ?

অপি উপসর্গের উত্তর পালনার্থক দে ধাতুর সহ ক্ত প্রত্যয় যোগে বা  
ছেদনার্থক দে ধাতুর উত্তর ক্ত প্রত্যয় যোগে পিত্ত নিষ্পন্ন হইয়াছে । ইহাতে  
অর্থ হইতেছে, প্রকৃতাবস্থায় শরীরের রক্ষা করে যে, কিংবা বিকৃতাবস্থায়  
নষ্ট করে যে, তাহাই পিত্ত । পিত্তগুণ সম্বন্ধে মহর্ষি অগ্নিবেশ বলিয়াছেন,—

“সন্নেহমুষ্ণতীক্ষ্ণঞ্চ দ্রব্যমন্নসরং কটু ।”

পিত্ত আমাদিগের শরীরের উষ্ণভাব । পিত্ত ভিন্ন আর উষ্ণা নাই,  
ইহাই আয়ুর্বেদবক্তা ঋষিদিগের মত । এক্ষণে এই উষ্ণার অধিষ্ঠান নির্ণয়  
করিতে গেলে, বহুস্থান দেখা গেলেও, পিত্তকোষ যকুৎই যে প্রধান, তাহার  
নির্দেশ করিতে পারা যায় । আবার সবিশেষ অবধানতার সহিত দেখিলে,  
এই উষ্ণার সহিত রক্তসঞ্চালনের সম্বন্ধ থাকায়, স্থূলতঃ রক্ত পিত্তের  
সংগুণ ধাতু । অপিচ রক্তক পিত্তকর্তৃক রাগযুক্ত হয় বলিয়া, রক্ত নামের  
সার্থক্য । আর তাই পিত্তবিকারে রক্তজন্ত বিকারের আবির্ভাব সম্ভবপর ।  
যে পিত্তোষনজন্ত, সেহই উষ্ণার বৃদ্ধি বা জ্বর হয়, তাহারই অতিবৃদ্ধিহেতুক  
রক্তদূষিত হইয়া, রক্তপিত্তের উদ্ভব হইয়া থাকে । এইজন্ত রোগবিশিষ্টের  
পঞ্চনিদানে কথিত হইয়াছে,—

তদ্যথা জ্বরসস্তাপাদ্ রক্তপিত্তমুদীর্যতে ।

অত্যন্ত জ্বরসস্তাপহেতুক রক্তপিত্তের উদ্ভব হয় । এইরূপ হইবার কারণই  
হইতেছে, রক্তপিত্তের সংগুণত্ব-সম্বন্ধ ।

### বায়ু কি ?

বহনার্থক বা গমনার্থক বা ধাতুর কর্তৃবাচ্যের পদ হইতেছে বায়ু ; যাহা  
বহন করে বা গমনশীল, তাহাই বাত বা বায়ু নামে অভিহিত । ইহার অপর  
নাম অনিল । ইহা দ্বারা প্রাণী জীবিত থাকে বলিয়া, ( অন [ জীবনার্থক ]  
+ ইলচ্ ) অনিল নামের সার্থক্য । শাস্ত্রে আছে, “বায়ুরেব প্রভুঃ ।”—  
বায়ুই একমাত্র কর্তা—ক্রিয়াশীল । চরকে মহর্ষি অগ্নিবেশ বলিয়াছেন,—

“রুক্ষঃ শীতোলঘুঃ সূক্ষ্মশ্চলোহথ বিশদঃ খরঃ ।”

চলত্ব বায়ুর ক্রিয়াশীলত্বের পরিচায়ক । ইহার সক্রিয়ত্বের খাপন করিতে

পিত্তং পঙ্গুঃ কফঃ পঙ্গুঃ পঙ্গবো মল-ধাতবঃ ।

বায়ুনা যত্র নীয়ন্তে তত্র বর্ষন্তি মেঘবৎ ॥

পিত্ত ও কফ জড়ধর্ম্মা ; কেবল বায়ুই শরীরের মধ্যে ক্রিয়াশীল । এই বায়ুবাহিনী নাড়ী হইতেছে, স্নায়ু ;—স্নায়বো বন্ধনানি স্ন্যঃ । স্নায়ু সকল শরীরের বন্ধনী । এই বন্ধনের বিষয়ীভূত হইতেছে, রসরক্তাদি ধাতু ও অস্থি । আর যে স্নায়ু স্নায়ু-মূল হইতে মেরুদণ্ডের মধ্য দিয়া প্রবাহিত, তাহা যে অস্থিযোগে সঞ্চালিত, তাহা প্রকৃত তত্ত্বদর্শীদিগের অবশ্যস্বীকার্য্য । তাই বায়ুর সগুণ স্থূলধাতু হইতেছে, অস্থি । আর তজ্জন্মই অস্থিভঙ্গাদি-রোগে বাতবিকার পরিলক্ষিত হয় । অস্থিসংক্রান্ত ব্যাধিতে বাত প্রকোপ লক্ষণ সম্পূর্ণ বর্তমান থাকে ।

এইরূপ স্থূলধাতুর সহিত সূক্ষ্মধাতুর সম্বন্ধ অব্যাহতভাবে সুরক্ষিত । আয়ুর্কোঁদে বে দোষত্রয়ের বিচার লইয়া সকল রোগের নির্ণয়াদির ব্যবস্থা আছে, প্রাচীন ঋষিগণ যে দোষত্রয়ের স্বরূপখ্যাপন করিতে গিয়া, ত্রিশক্তি ত্রিগুণাদির উল্লেখ করিয়াছেন,—ব্রহ্মা, বিষ্ণু, মহেশ্বর বলিয়া বাতাদি ধাতুর আখ্যান্তর নির্দেশ করিয়াছেন, তাহার সম্পূর্ণ অধিগমন করিতে গেলে, স্থূল জগতের সহিত সূক্ষ্ম জগতের সম্বন্ধবিচারের শক্তি অর্জন করা আবশ্যিক ; কিন্তু তাহা লেখনীদ্বারা ব্যক্ত হওয়া অসম্ভব । আমাদিগের কোন আর্ধ্য গ্রন্থই গুরুমুখ ব্যতীত অববোধের যোগ্য বা স্ববোধের আয়ত্ত বিষয় নহে ;—শাস্ত্রের আভাস গুরুবক্তৃনিঃসৃত উপদেশে বিকাশ পাইয়া থাকে ; আর সেইরূপ বিকাশই ঋষিগণের অভিপ্রেত ও তাঁহাদিগের বিচারনীতিসম্মত । আর তাই ঋষিবাক্যে প্রকাশ,—যিনি এই দোষত্রয়ের বিচার করিয়া, গুরুর নিকট হইতে দৃষ্টকর্ম্মা হইয়া ক্রিয়ার ( চিকিৎসার ) অভ্যাস করিয়াছেন, তিনিই একজন অভিজ্ঞ ভিষক্শকবাচ্য । শাস্ত্রে আছে,—

“শ্রুতে পর্যাবদাত্ত্বং বহশো দৃষ্টকর্ম্মতা ।

দাক্ষ্যং শোচমিতি জ্ঞেয়ং বৈদ্যে গুণচতুষ্টয়ম্ ॥”

শ্রুতে—বেদোক্ত বিধানে নির্মূলজ্ঞান—বেদোজ্জ্বলা বুদ্ধি, গুরুর নিকট বহব্যাপারে কর্ম্মদর্শন, দক্ষতা ও শুচিতা বৈদ্যের আবশ্যিক । আয়ুর্কোঁদের সর্বাঙ্গীণ ব্যাপার দোষত্রয় লইয়াই বর্ণিত । দোষত্রয়ের অববোধ ব্যতীত চিকিৎসায় প্রবেশলাভের উপায়ান্তর নাই । এতৎসম্বন্ধে চরাকের স্মৃতিস্থানে

“যথা শকুনিঃ সর্বাং দিশমপি পরিপতন্ স্বাং ছায়াং নাভিবর্ত্ততে, তথা  
স্বধাতুভৈষম্যানিমিত্তজাঃ সর্বাং বিকারাঃ বাতপিত্তকফান্নাভিবর্ত্তন্তে ।”

শকুনি যেমন সকল দিক্ পরিভ্রমণ করিয়াও, নিজের ছায়ার অতিক্রম  
করিতে পারে না, তেমনই সকল ব্যাধি,—দোষকৃত প্রাকৃতিক ব্যাধি বা  
আগুস্তজ ব্যাধি,—বাত পিত্ত কফ—এই দোষত্রয়ের অতিক্রম করিতে পারে  
না। সুতরাং দোষত্রয়ের স্বরূপোপলক্ষি করিয়া, তাহার অংশাংশের বিচার-  
পূর্বক যথাবিধি ঔষধাদির ব্যবস্থাপন করিতে পারিলে, সঙ্গুরের উপদেশে  
শাস্ত্রজ্ঞান লাভ করিয়া যথাশাস্ত্র ভেষজ প্রয়োগ করিতে সমর্থ হইলে, রোগ-  
নিরাকরণ ও আরোগ্যবিধান হওয়া সম্ভবপর। অতঃপর আমরা দোষত্রয়ের  
সহিত স্থূলধাতুর সম্বন্ধগত কথঞ্চিৎ আভাসমাত্র প্রদান করিলাম ; উপসংহারে  
আমরা ইহার পোষক একটি সূক্ষ্ম বচনের উদ্ধার করিয়া দেখাইতেছি,—

নর্ভে দেহঃ কফাদস্তি ন পিত্তান চ মাকুতাং ।

শোণিতাদপি বা নিত্যং দেহ এতৈস্ত ধার্য্যতে ॥

বাত পিত্ত কফ ব্যতীত দেহের অস্তিত্ব নাই। তবে স্থূলধাতু মধ্যে  
শোণিতেরও অতি খ্যাতিমাত্র বর্ণিত থাকিলেও, পূর্বোক্ত ধাতুই দেহের  
একমাত্র ধারক। তবে শোণিতও আমাদের স্বাস্থ্যাদির অক্ষুণ্ণ বলবর্ধ  
বিধায়ক। চরকে কথিত আছে ;—

তদ্বিশুদ্ধং হি কৃধিরং বলবর্ধস্থখায়ুধা ।

যুনক্তি প্রাণিনাং প্রাণঃ শোণিতং হনুবর্ত্ততে ॥

বিশুদ্ধ রক্ত প্রাণীদিগের বল, বর্ধ, সুখ ও আয়ুর সংযোগ বিধান করে।  
প্রাণ রক্তের অনুগামী। প্রাণ-ধারণ-সম্বন্ধে রক্তের আবশ্যিকতা থাকিলেও,  
বাত পিত্ত কফ—প্রধানতঃ দেহের যে ধারক, তাহাতে অণুমাত্র সন্দেহ  
থাকিতে পারে না। সুতরাং দোষত্রয়ের প্রকোপ প্রচণ্ডাদি ভাব বা সাত্ব্য-  
রূপ জানা চিকিৎসকমাত্রেরই একান্ত প্রয়োজন। এই ধাতুত্রয়ের সহিত  
তত্ত্বজ্ঞানের প্রকৃষ্ট সম্বন্ধ থাকায়, ইহার অববোধজ্ঞান বিমল তত্ত্বজ্ঞানের  
একান্ত প্রয়োজন। ঋষিগণের সকল উপদেশই যে তত্ত্বময়। অতঃপর আমরা  
ধাতুত্রয়ের সহিত দেহের সম্বন্ধ বিচার, বায়ুর নেতৃত্ব ও বাতপিত্তের নীতত্ব—  
এই তিনের যোগে অবস্থার নিরন্তর বিপরিনাম প্রভৃতির অধিগমন করিতে  
নেতার প্রতি স্বাধিকার প্রসার বা প্রাণায়ামাদির সাধন আবশ্যিক। আর



## গোবিন্দচন্দ্র চক্রবর্তী ।

( ছাইথেগো ক্রোরীয়ান । )

[ পূর্ব-প্রকাশিতের পর ]

তন্নের রহস্য উদ্ভেদ করা সহজ ব্যাপার নহে । পুরাণে কথিত আছে, লঙ্কেশ্বর রাবণ আপন ছিন্ন মস্তক দ্বারা ইষ্টদেবের প্রীতিসাধন করিয়াছিলেন । গোবিন্দের ইষ্টদেব-পূজাও, সেইরূপ কি না, বলা যায় না । একরূপ মৃত্যুর বহুবিধ হেতুকল্পনা করা যাইতে পারে । কোন কারণবশতঃ একজন মুসলমান নববাবের সহিত তাঁহার বিবাদ হইয়াছিল, একরূপ জন-শ্রুতি আছে । সেই নিষ্ঠুর নববাবের ষড়যন্ত্রে গোবিন্দের তাদৃশ মৃত্যু ঘটিতে পারে । অথবা তাঁহাকে যে কার্য্য করিতে হইত, তাহাতে এতদেশীয় তৎকালীন রাজগণের সহিত মনোবাদ হইবার সম্ভাবনা ছিল । কথিত আছে, অধীন রাজগণ ও ক্ষুদ্র ক্ষুদ্র নবাবগণ, রাজস্ব আদায় সম্বন্ধে গোলযোগ করিলে, সেই রাজগণকে ও ক্ষুদ্র ক্ষুদ্র নবাবগণকে ধরিয়া আনিয়া তিনি তাঁহাদিগকে বৃক্ষে টাঙ্গাইয়া প্রহার করিতেন । বোধ হয়, অধীন রাজগণ এইরূপে অপমানিত হইয়া ইহার প্রতিশোধ লইবার মানসে বিষম ষড়যন্ত্র করিয়া গোবিন্দ চক্রবর্তীর তাদৃশ মৃত্যু ঘটাইয়াছিলেন । কিম্বা যে গুরুর প্রসাদে তাঁহার তাদৃশী উন্নতি হইয়াছিল, সেই গুরুর বাক্য সার্থক করিবার জন্য আত্মঘাতের প্রবৃত্তি হওয়াও নিতান্ত অসম্ভব নহে । সূজা উদ্দিনের রাজ্যারম্ভের কিছু পূর্বে এই ঘটনা সংঘটিত হয় ।

গোবিন্দ চক্রবর্তী বঙ্গদেশে “মুকুটরায়” বলিয়া খ্যাত ; নিম্নে তাঁহার এইরূপ খ্যাতির কারণ প্রকাশ করা যাইতেছে । পূর্বে বলা হইয়াছে,— তাঁহার ছইটীমাত্র পুত্র—জ্যেষ্ঠ রূপরাম রায় ও কনিষ্ঠ মুকুটরাম রায় । কনিষ্ঠ মুকুটরাম রায় অধিকতর বিদ্বান্, সদগুণশালী ও কার্য্যক্ষম হইয়াছিলেন । পিতাও তাঁহাকে সম্যক্ উপযুক্ত দেখিয়া, সকল কার্য্য তাঁহার নানে চালাইতেন । গোবিন্দের অপেক্ষা মুকুটরান অধিককাল ঐ কার্য্যসম্পন্ন করিয়াছিলেন । বোধ হয়, রাজস্ব আদায় সম্বন্ধে মুকুট, রাজগণের সহিত অধিক রক্ষা ব্যবহার করিতেন । কারণ, খাজনা আদায় সম্বন্ধে নানাপ্রকার পীড়াপীড়ির ঘটনা, পূর্ব্বস্থলীতেই ঘটিয়াছিল, এইরূপ শোনা যায় ।

সময়েই নির্মিত হইয়াছিল। ইহা যে, কতদূর সত্য, তাহা জানা যায় না। কিন্তু গোবিন্দের পূর্বনিবাসের ও কামরকুলিতে “বারভূমের” কোন নিদর্শন পাওয়া যায় না। তাই আমরা বলিতেছি যে, তিনি পূর্বস্থলীতে জন্মগ্রহণ করিয়াছিলেন। মুকুট রায়ের কর্তৃত্বে এবং তাঁহার অভিপ্রায়-মতেই পূর্বস্থলীর বসতি-বাটী, দেবায়তন, কাছারী বাড়ী, নহবৎ-খানা, হাওয়াখানা ইত্যাদি “আমিরী” ধরণের বাড়ীঘর নির্মিত হইয়াছিল। এই আমিরী ধরণের ষাটতীয় অট্টালিকা ও গৃহাদি, এক অত্যাচ্ছ ছরারোহ প্রাকারে বেষ্টিত ছিল। ইহাকে “চৌদালী” কহিত। দক্ষিণে পাঠানেরা, তোরণ রক্ষা করিত এবং উত্তরে বাগ্দী-জাতীয় তীরন্দাজ ও তলোয়ার রাজচোয়াড়েরা, খিড়কী-দ্বার রক্ষা করিত। বাটীর পূর্ব ও পশ্চিম দিকে কৰ্মকার, কায়স্থাদি অন্যান্য জাতির আবাস ছিল। কালক্রমে তাহারাও তত্তৎস্থানের অধিবাসী হইয়াছে। অত্য়াপি পূর্বস্থলীতে ঐ সকল অধিবাসীর অবশেষ বর্তমান আছে। মুকুট রায়ের সময় ক্রিয়াকাণ্ডের কিছু বাহুল্য হইয়াছিল। তিনি অতি সমারোহের সহিত খিড়কীর পুষ্করিণী প্রতিষ্ঠা করিয়াছিলেন। ঐ কার্যে মিথিলার অধ্যাপকগণও আগমন করেন। উক্ত খিড়কীর পুকুর, ভাগীরথীর পবিত্র মলিন-ধর্তে নিমজ্জিত রহিয়াছে। পূর্বস্থলীর বর্তমান প্রাচীন ও প্রৌঢ়েরা, ঐ পুকুর দেখিয়াছেন। তাঁহারা উক্ত খিড়কীর পুষ্করিণীকে “পানা-পুকুর” বলিয়া থাকেন। বোধ হয়, উক্ত পুষ্করিণী, বহুদিনের সংস্কারাভাবে তাহাতে পানা ও শৈবালাদি জন্মিয়াছিল। তাই তাঁহারা উহাকে পানা পুকুর বলেন। \* ঐ সময়ে অণু রূপেও অনেক সন্ধ্যা হইয়াছিল। বাবুগিরি করা, সন্ধ্যাদি দ্বারা দেশাবচ্ছিন্ন সুখ্যাতি লাভ করা, বাহুড়াঘর প্রদর্শন দ্বারা ছোট বড় সকলের কাছে সম্মম বৃদ্ধি করা—এ গুলি কর্তার ভাগ্যে প্রায় ঘটে না—পৃথিবীতে ইহার ভূরি উদাহরণ বিদ্যমান। কর্তার ভাগ্যে ঘটে না, তাহার বিশেষ কারণ আছে। অর্থোপার্জনের পথ

\* পূর্বস্থলী হইতে অর্ধ ক্রোশ দূরে “একডালা” নামক গ্রামে “ধমনা” নামক প্রস্তর দ্বারা ঘাট বাঁধান পুষ্করিণী ও এই পুষ্করিণীর নিকটে চারিটী দেবমন্দির, এ পর্য্যন্ত বর্তমান ছিল। গত ১২৯৮ সালের আশ্বিন মাসে গঙ্গার স্রোত হওয়ায় তাহার পূর্বচিহ্ন ভাঙ্গিয়া লইতেছিলেন। সমুদায় ভাঙ্গিয়া

আবিষ্কৃত করিতে ও অর্থোপার্জন করিতেই, তাঁহার জীবনের অধিকাংশ ও উৎকৃষ্টাংশ, অতিবাহিত হইয়া যায় ; পর-বংশীয়েরাই, ধনভোগের অধিকারী । মুকুটরাম রায় বড়লোকের সন্তান হইয়াই উচ্চ পদে আসীন হইয়াছিলেন । তাঁহাকে গোবিন্দের ঞায় মেছুনীর গালী খাইয়া, পিতামাতা কর্তৃক ছাই খাইতে দেওয়া ইত্যাদি নানা প্রকারে তিরস্কৃত হইয়া “টাকা রোজগার” করিবার জন্ত গৃহ পরিত্যাগ করিতে হয় নাই । তাঁহাকে অবত্ন-রক্ষিত নিরতিভাবক বালকের ঞায় তালগাছে উঠিয়া বিপদে পড়িতে হয় নাই ; তাঁহাকে সন্ন্যাসীর শিষ্য হইয়া দেশে দেশে ভ্রমণ করিয়া বেড়াইতে হয় নাই ; তাঁহাকে পরাম্ভোজী হইয়া স্বজনশূন্য দূরদেশে থাকিয়া লেখা পড়া শিখিতে হয় নাই । তাঁহাকে হঠাৎ উচ্চ পদলাভের বিষম-সঙ্কট সকল অতিক্রম করিতে হয় নাই । তিনি একবারেই নির্বিঘ্নে বড়লোক হইয়া কার্য্য-ক্ষেত্রে প্রবেশ করিবার অবসর পাইয়াছিলেন । এই জন্তই তাঁহার অধিকতর যশঃ, সর্বত্র বিকীরণ হইয়াছিল । এই জন্তই তাঁহার আড়ম্বরানু-গামিনী খ্যাতিতে পিতৃ-কৃত কার্য্য, বিলীন হইয়াছিল । এই জন্যই, গোবিন্দ চক্রবর্তী, দেশে মুকুটরাম রায় বলিয়াই খ্যাত হইয়াছিলেন ।

“নবদ্বীপ অঞ্চলের কে একজন, প্রতিজ্ঞা পূর্বক সন্ন্যাসীর সঙ্গে বিদেশে গিয়া বড় লোক হইয়া আসিয়াছে” ইত্যাদি সংবাদ, গোবিন্দের বাল্য-বিবরণের সহিত প্রথমে সর্বত্র প্রচারিত হয় । তাঁহার অধ্যবসায়, আত্মাব-লম্বন, সদাশয়তা প্রভৃতি ক্রমে প্রচারিত হওয়ায় “লোকটি কে ?” জানিবার জন্য সকলেরই ইচ্ছা হইতে পারে ; কিন্তু তৎকালে এ দেশে মহান্ লোকে জীবন-বৃত্তান্ত অনুসন্ধানের প্রকৃত রীতি, প্রচলিত না থাকায়, মুকুটরাম রায়ই, অনুসন্ধিৎসুগণের নেত্রে পাতত হইলেন । যেহেতু, গোবিন্দ, তাঁহার অনেক পূর্বে অনধিক ৪৫ ( চারি পাঁচ ) বৎসর মাত্র রাজকার্য্য করিয়া পর-লোকগত হইয়াছিলেন । লোকের অনুসন্ধান-কালে মুকুটরাম রায়ই, অধিক-তর সমৃদ্ধির সহিত পিতৃপদে অভিষিক্ত ছিলেন । যখন লেখা পড়ায় সাধারণের চর্চা অধিক ছিল না, কোন বিষয়ের স্বরূপ-নির্ণয়ে লোকের তত ইচ্ছা ছিল না, বঙ্গদেশের তাদৃশী অবস্থায়, একজন, আর একজন বলিয়া খ্যাত হওয়া, বড় অসম্ভব নহে ।

যে সকল গুণ-প্রভাবে মনুষ্য, উন্নতি-সোপানে আরোহণ করে, অধা-

গোবিন্দের জীবনে প্রথমাবধি ঐ গুণগুলি ছিল বলিয়াই, তিনি তাদৃশ উন্নতি লাভে সমর্থ হইয়াছিলেন। তিনি যখন সম্পূর্ণ বালক, পাখীর ছানা পাইলে, যেখানে সেখানে বাইতে পারিতেন, তখনই তাঁহাতে ঐ সকল গুণ স্ফূর্তি পাইয়াছিল। যে বরসে অন্য বালক, স্বগ্রাম মধ্যে একাকী বেড়াইতে সাহস করে না, সন্ধ্যার পর রুদ্ধ-দ্বার গৃহমধ্যে থাকিয়াও “ভূত-প্রেতের” ভয়ে চমকিয়া উঠে, গোবিন্দ, সেই আট বৎসর বয়সে অর্থোপার্জন করিবার জন্য প্রতিজ্ঞাবদ্ধ হইয়া গৃহত্যাগ করেন! কোথায় যাইবেন, কি করিবেন, কে তাঁহার সহায় হইবে, তখন এ সকলের স্থিরতা ছিল না। তিনি আপনিই, আপনার অবলম্বন হইয়া গৃহত্যাগ করেন। গৃহত্যাগ করিয়াই, তালীয় তরুশিখরে নাগপাশে বদ্ধ হইয়া অসামান্য প্রত্যাশাপূর্ণমতিত্ব ও অসীম সাহসের পরিচয় দেন। পক্ষিশাবকের প্রত্যাশায় সন্ন্যাসীর সঙ্গে যথা তথা বাইতে সম্মত হওয়ার, এক দিকে যেমন বালকতা, অন্য দিকে তেমনই সাহসও, প্রকাশ পাইয়াছিল। তাঁহার বাল্য-জীবন পর্যালোচনা করিলে, কাহার না অন্তরে উৎসাহ-স্রোতঃ প্রবাহিত হয়? কাহার না দুঃখের দশায় পড়িয়া অর্থোপার্জনের জন্য ঘর ছাড়িতে সাহস হয়? কাহারই বা পরপ্রত্যাশী হইয়া, মনুষ্য-জীবনকে কলঙ্কিত করিতে ঘৃণা হয়? কাহারই বা অলিশ্রবশে বিবিধ বিড়ম্বনা ভোগ করিতে ইচ্ছা হয়?

যে স্থলে পার্থক্য দ্বারা অনিষ্ট সংঘটন হয়, অথবা ইষ্টোৎপত্তির ব্যাঘাত ঘটে, সেই স্থলে যিনি একীকরণের চেষ্টা করেন, তিনিই মহান্। ইষ্টো-নিষ্টের লাঘব গৌরব অনুসারেই, মহত্বের তারতম্য হইয়া থাকে। ধর্ম, রাজ্য, জাতি, বর্ণ ইত্যাদির মধ্যগত বিভিন্নতাকে লক্ষ্য করিয়াই লাঘব-গৌরবের কথা উত্থাপিত হইতেছে। ধর্ম, যে সংসারের একটা প্রধান বস্তু এবং উহার পার্থক্যের বিষয় অনর্থ সংঘটিত হইতেছে, এ কথা সকলেই স্বীকার করিবেন। এই জন্যই নানক, চৈতন্য, খ্রীষ্ট, মহম্মদ, প্রভৃতি ধর্ম সংস্কারক-গণ সর্ব জাতীয় লোককে এক ধর্মে আহ্বান করিয়া জগদ্বিখ্যাত হইয়া গিয়াছেন। তাঁহাদের ন্যায় ভক্তি ও সম্মান লাভ করিতে আর কে পারিয়া-ছেন? এই জন্যই প্রসিয়ার রাজমন্ত্রী কাউন্ট বিস্মার্ক, জার্মানির ক্ষুদ্র রাজ্য সকলকে একীভূত করিয়া তাদৃশ পোধানা লাভ করিয়াছেন। সেই পোধানা



ত্রীক্ষেত্রে আনন্দবাজারে সকল জাতিকে একত্র একত্র ভোজন করাইয়া এত মাহাত্ম্য লাভ করিয়াছেন। এই জন্যই আমরা গোবিন্দ চক্রবর্তীকে মহান্ ও সদাশয় বলিতে অধিকার লাভ করিয়াছি। এ স্থলে কেহ যেন এমন মনে করিবেন না যে, গোবিন্দ চক্রবর্তী উপরি-উক্ত মহাঅগণের সহিত সর্ব্বাংশে তুলনীয় হইলেন। কেবল কার্য্যাগত আংশিক সাদৃশ্য হেতুই এ স্থলে তাঁহার নাম গৃহীত হইল।

পূর্বে বলা হইয়াছে, তিনি রাঢ়ীয়, বারেন্দ্র ও বৈদিক এই তিন শ্রেণীস্থ ব্রাহ্মণ বর্ণের একীকরণে প্রবৃত্ত হইয়াছিলেন। ইহাই তাঁহার সদাশয়তা ও মাহাত্ম্যের পর্য্যাপ্ত প্রমাণ। সুনীতি শিক্ষা করা এবং উৎকৃষ্ট কার্য্যের “প্রস্তাব” করা, অপেক্ষাকৃত সহজ ! আমরা কেবল তাহাতেই নিপুণ। বাল্য-বিবাহ ও বহু বিবাহ রহিত করা, বিধবা বিবাহ দেওয়া, ধর্ম্ম বিষয়ে স্বাধীন চিন্তা করা, ইচ্ছানুরূপ ব্যবসায়ে বুদ্ধি চালনা করা ইত্যাদি বিষয়ে অনেকের দ্বৈধ নাই। অতীতে এই সকল কার্য্যে উপদেশ দান করিবার জন্ত সভা-সমিতি, সমাজ, সংবাদ-পত্র, গ্রন্থ প্রণয়নের ছড়াছড়ি করিয়া থাকেন ও করিতেছেন। কিন্তু স্বয়ং কোন বিষয়ের প্রবর্তক হইতে অনেকেই সাহস হয় না। যিনি সভায় গিয়া তেজস্বিনী বক্তৃতা দ্বারা বাল্য-বিবাহের প্রতিবাদ করিয়া আসেন, হয় তো তিনি আপনার দুই একটা বালিকা কন্যার বিবাহ দিয়া ফেলিয়াছেন, কিম্বা তাহাদিগের বিবাহের সম্বন্ধ দেখিতেছেন। যিনি অপরের বিধবা ভগিনী বা কন্যার পুনরুপায়নে সবিশেষ যত্নশীল, তিনি হয় তো প্রাচীনগণের প্রশংসা-প্রত্যাশায় বাড়ীর বিধবাদিগকে, একখানি পাইড়ওয়ানা কাপড় পরিতে দেখিলে অসন্তোষ প্রকাশ করেন। আমরা যে যে বিষয়ে দুই একটা উদাহরণ প্রদর্শন করিলাম, দেশকাল-পাত্রের অবস্থানুসারে ইহার মধ্যে অনেক তর্ক চলিতে পারে। ফলতঃ, অধুনাতন ব্যক্তিগণের নৈতিক সাহসের অভাব প্রতিপন্ন করাই, আমাদের উদ্দেশ্য। বোধ হয়, গোবিন্দ চক্রবর্তীর জীবন-বৃত্তান্ত পাঠ, আমাদের উক্তবিধ চিন্তা-রোগ প্রতিকারের একটি ঔষধ হইতে পারে। তিনি স্বয়ং সাধু কার্য্যের প্রদর্শক হইয়াছিলেন। তাঁহার তিন পত্নীর গর্ভজাত সন্তানগণ, জীবিত থাকিলে নিশ্চয়ই তাঁহার অভিপ্রায় সুসিদ্ধ হইত। মুকুটরাম রায়ই, তাহার প্রধান প্রমাণ।

থাকিলে কি তাঁহাদের বিবাহ হইত না ? অবশ্যই হইত । সেই সঙ্গে সঙ্গে এই তিন শ্রেণী মিলিত হইয়া আসিত এবং রাঢ়ীয় কুলীন ব্রাহ্মণগণ, বৈদিক শ্রেণীর সংমিশ্রণে কঠোর কঠাপণ দায় হইতে রক্ষা পাইত ।

গোবিন্দের দুই পুত্র, রূপরাম ও মুকুট রাম । রূপরামের চারি পুত্র ;— গোপাল রায়, চাঁদ রায়, বেণী রায় এবং কেশব রায় । বেণীরায়ের বংশে সূর্য্যকুমার রায় নামক একটীমাত্র পুরুষ বহুদিন গোরারীর সদর আলা বিখ্যাত বারিষ্টারপ্রবর শ্রীযুক্ত মনোমোহন ঘোষের পিতা রামলোচন ঘোষের পেসকারি কার্য্য করিয়া বৃদ্ধ বয়সে স্ত্রী-পুত্রহীন হইয়া গোবিন্দের পশ্চিম-প্রদেশস্থ নষ্ট সম্পত্তি উদ্ধার করিয়া সম্পত্তির উপস্থিত জীবিকা নির্বাহ করিয়া ৭৮ বৎসর হইল, ইহলোক পরিত্যাগ করিয়াছেন । কেহ কেহ বলেন, ইনিই গোবিন্দের শেষ বংশধর । কিন্তু এ কথা, বিশ্বাসযোগ্য নহে । কারণ, পূর্ব্বস্থলীতে রায় উপাধিধারিগণের মধ্যে অনুসন্ধান করিলে, গোবিন্দের বংশধর কে আছেন, তাহা জানিতে পারা যায় ।

রূপরামের পুত্রেরা “বর্গীর হাজামার” সময়ে পূর্ব্বস্থলীর বাটী ত্যাগ করিয়া বাথরগঞ্জে গিয়া বাস করেন । বহুকাল পরে তাঁহার বংশীরেরা পূর্ব্বস্থলীতে ফিরিয়া আসেন । তখন তত্রত্য গৃহাদি, অলঙ্কারীর্ণ ও বস্ত্রপণ্ডর আবাস হইয়া ছিল । কালক্রমে ঐ সকল অট্টালিকা, গঙ্গার উদরসাৎ হইয়াছে । সূর্য্যকুমার উহার ভগ্নাবশেষ দ্বারা গঙ্গাতীরে যে সামান্ত বাটী নির্মাণ করিয়া বাস করিতেন, ঐ বাটী, গঙ্গাতীরে ভাগীরথীর-স্রোতোর্ধোত ভগ্নাবশেষে অস্ত্যপি গোবিন্দের চিত্র বর্তমান রহিয়াছে । কিন্তু সেও, যায়—আর থাকে না ।

উপসংহার ।—ঐহারা সংসারে উন্নত অবস্থার অধিকারী হইয়াছেন, তাঁহারা সকলেই বিদ্যা, ধর্ম্ম ও স্বাবলম্বন শিক্ষা করিয়াছিলেন । পুরাবৃত্ত-পাঠে অবগত হওয়া যায়, দরিদ্রের গৃহ হইতেই অধিকাংশ মনস্বী ব্যক্তি প্রোত্তুত হইয়াছেন । ইহারা সকলেই, স্বাবলম্বন-বলে সুশিক্ষা পাইয়া জগৎ-বিখ্যাত হইয়াছেন । আত্মাবলম্বন, বিদ্যা ও ধর্ম্ম শিক্ষা না হইলে, উন্নতি কোথায় ?

শ্রীমহেশ্বনাথ বিদ্যানিধি ।

## বসন্ত-বাহার ।

কে গাও মধুর গীতি গাও আরবার ।

কিবা রাগ চমৎকার

স্বরেতে সুধার ধার

ঢালে, প্রাণে বিমোহিত এ স্বরে আমার

গাও পুনঃ এই গীতি বসন্ত বাহার ।

( ২ )

বাসনার পরিতৃপ্তি এ স্বরে আমার

এ রাগ কোথায় ছিল

ধরাতলে কে আনিল

হেন মধুমাখা সুর সৃষ্টি বল কার ?

অসুপন সুধাসার বসন্ত বাহার ।

( ৩ )

জানি বটে ছয় রাগ ছত্রিশ রাগিনী

দীপকে আগুন জলে

মেঘেতে ভাসায় জলে

শৈশবের হৃৎকরে কল্পিত মেদিনী

আতঙ্কে শঙ্কিত জীব তরাসে পরাণী ।

( ৪ )

মালবের মধুরতা মানবের নয়

সারঙ্গে কুরঙ্গ আনে

কামনা জাগায় প্রাণে

হিন্দোলে দোলায় হিয়া বিষম সংশয়

সংগঠিত চিন্তে বল কোথা সুখোদয় ।

( ৫ )

ললিতের কোমলতা কেবল কথায়

ললিতে লালিত্য কোথা

জাগায় প্রাণের ব্যথা

বিভ্রান্তে জগতের জাম জানিয়ে দেখায়

( ৬ )

পুরবি উদাস ভাব এনে দেয় মনে  
 ধন জন স্মৃত জায়া  
 কিছু নয় শুধু ছায়া  
 “দিবা অবসান হোলো” বলে ঘনে ঘনে  
 এ রাগে বিরাগ বাড়ে সংসার-বন্ধনে ।

( ৭ )

বেহাগে বিষম জালা বিরহ বেদন  
 প্রতি পলে অশ্রু ধার  
 “শিখিল কবরী ভার”  
 অবশ অন্ধেতে হয় বাসিনী যাপন  
 কেবল সুধার “সুখে আছত এখন” ।

( ৮ )

সিকু সত্য সুধাসিকু মানি বটে তার  
 কিন্তু বড় অভিমান  
 সঙ্গী প্রায় সম্যক  
 কভু সে গভীর ভাব প্রাণে নাহি চায়  
 বাগেশীর সিংহনাদে আতঙ্ক বাড়ায় ।

( ৯ )

ভালবাসে রামকেলি কেলিমন্ত জনে  
 সাহারার মরুপ্রায়  
 ধুধু শুধু সাহানায়  
 যুবক যুবতী জাগে ছায়ানট স্বনে  
 সোহিনী মোহিনী শুধু কামীগণ মনে ।

( ১০ )

শুনি বটে কত মুখে চৌরীর বাখান  
 যে পঞ্চম পিক স্নেহে  
 অমিয় বর্ষণ করে  
 সে পঞ্চম চৌরী হতে হয় তিরোধান



( ১১ )

পিলুর শক্তি কোথা অতি ক্ষুদ্র প্রাণ  
 বারোয়া সহায় করে  
 সঙ্কনীৰ কলেবরে  
 বতনে রক্তন এনে সজ্জা সমাধান  
 নেপথ্যকারিণী পিলু কোথা তার মান ।

( ১২ )

স্মরণে তীক্ষ্ণতা অতি ভরসা মল্লার  
 বিরহে আপনা হারা  
 কেঁদে কেঁদে হয় সারা  
 “বাঁচি যদি দেখা হবে” বলে বার বার  
 পরঞ্জে গরজ বড় স্বার্থের আধার ।

( ১৩ )

ঝিকিট খাওয়াছে দেখি কেবল ঝঙ্কার  
 শূন্য গর্ভ অস্তিশয়  
 কেবল ঝঙ্কারময়  
 শূন্যপাত্র চিরদিন শব্দমাত্র সার  
 ইমন্ বাণীর প্রিয় কি কাজ আমার ।

( ১৪ )

পুরবীর সহোদর ভঁয়রো যোগিয়া  
 সন্ন্যাসী বন্দির মুখে  
 থাকে দৌছে মহাস্বখে  
 পুলকিত নহে তাহে সংসারীর হিয়া  
 কালাংড়ার সদা বাস লম্পটে চাহিয়া ।

( ১৫ )

স্মৃতান মূলতান বটে “সাধন সময়ে”  
 হৃদিপদ্মে কুণ্ডলিনী  
 সে তানে প্রবুদ্ধা তিনি  
 “রসিক” ডাকিত ভয় পাইয়ে অস্তরে

( ১৬ )

“সে নামে শিহরে প্রাণ” ভৈরবীর তানে  
আলেয়া আলেয়া প্রায়  
খাঁধায় কেলিয়া যায়  
হা শিবানী ব’লে শিব কাঁদেন শ্মশানে  
কানেড়া-নিপুণা শুধু প্রিয়ার আহ্বানে ।

( ১৭ )

অমলী সুরূপা বটে মধুর ভাষিনী  
“শ্রামবিলাসিনী” তরে  
কেবল ভাষিয়া মরে  
“কা হেতু কা হেতু” যুখে দিবস যামিনী  
পাঠায় কানটন একা কুলের কামিনী ।

( ১৮ )

ভাবিলে “দেশের” কথা মজে পীরবার  
দেশেতে সবকহীন  
প্রধানীক-চিন্তা-বিকার  
সে “দেশ” ভূমিবে বন্ধ-শক্তি-বিকার তার  
“কাফিতে” বাড়ায় মাত্র চিন্তের বিকার ।

( ১৯ )

মালকোষ মল্লপ্রিয় সময় সজ্জায়  
তুরী ভেরী শব্দনাদে  
মালকোষ সিংহনাদে  
বীরের শিরায় রক্ত আনিয়ে জোয়ার  
চৌতালে হাগির চলে ধনীর সভায় ।

( ২০ )

বাহারে বাহার বটে একা কিছু নয়  
কখন পরজ পাশে  
কভু বা বাগেশ্রী বাসে  
আড়ানা শোহিনী মনে গোপনে প্রণয়

( ২১ )

তাই বলি গাও গীতি বসন্ত বাহার  
 পৃথিবীর কোমলতা  
 স্বরগের পবিত্রতা  
 নন্দনের পারিজাত সৌরভ সস্তার  
 একাধারে বিরাজিত তুলনা কি তার।

( ২২ )

কেন প্রাণ ভালবাসে বসন্ত বাহার  
~~বসন্তের অমৃতস্বাদ~~  
 পুরার প্রাণের আশা  
 খুলে দেয় অমুগ্ধ সুখের ভাষার  
 আনন্দ লহরী তুলে হৃদয় মাঝার।

( ২৩ )

বসন্ত বাহারে প্রাণ সুখায় মগন,  
 শীতের তুহিন বাত,  
 বরষার ধারাপাত,  
 মনে নাহি পড়ে ঘোর শরদ গর্জন,  
 সুখের বসন্ত মনে জাগে অমুগ্ধণ।

( ২৪ )

বসন্ত বাহারে সদা উল্লাস অন্তর,  
 মনে পড়ে কত কথা,  
 “ললিত লবঙ্গলতা,”  
 মনে পড়ে বৃন্দাবনে নিকুঞ্জ বাসর,  
 মনে পড়ে রাখামনে শ্রাম নটবর।

( ২৫ )

মনে পড়ে সুধস্পর্শ মলয় পবন,  
 কদম্বের তরু-মূল,  
 ষমুনার কুল কুল,  
 মনে পড়ে কোকিলের ললিত কুজন,  
 মনে পড়ে ফোটা ফুলে অলি বিহরণ।

( ২৬ )

মনে পড়ে পূর্ণিমার পূর্ণ শশধর,  
চকোরু চকোরী মেলি,  
চাঁদপাশে করে কেলি,  
মনে পড়ে কুমুদীর সহাস অধর,  
জোছনার চল চল ফুল ফলেবর ।

( ২৭ )

মনে পড়ে বসন্তের বাসর বিলাস,  
কুমুমে সজ্জিত কেশ,  
কুমুমে রচিত বেশ,  
শরনের চারিভিতে কুমুমের রাশ,  
মনে পড়ে সে অধরে কুমুম সুহাস ।

( ২৮ )

মনে পড়ে প্রিয়াসনে কুমুম শরনে,  
কত কথা আলাপন,  
সারা নিশি আগরণ,  
মনে পড়ে বিহরণ প্রভাত পবনে,  
মনে পড়ে কথা বলা নয়নে নয়নে ।

( ২৯ )

মনে পড়ে কত দিন বকুলের তলে,  
যতনে বকুল-মালা,  
গাঁথিয়ে সাজের বেলা,  
পরায়ে দিয়েছি এনে প্রেমসির গলে,  
নীয়েবে রয়েছি চেয়ে এ সংসার ভূলে ।

( ৩০ )

মনে পড়ে প্রেমসির সুবৃন্দ আনন,  
অলক শোভিত তার,  
ভ্রমরের পাতিপ্রায়  
নিজ্রাবশে অধরের ঈষৎ কম্পন



( ৩১ )

মনে পড়ে প্রিয়ার সে বনদেবী বেশ  
 লুণ্ঠিত কুস্তল ভার  
 ফুল ফুল অলঙ্কার  
 সুনীল নলিন নেত্রে সোহাগ আবেশ  
 সর্বাঙ্গ বেষ্টিত কিবা দিব্য পরিবেশ ।

( ৩২ )

তাই ভালবাসে প্রাণ বসন্ত-বাহার  
 বসন্তের ভালবাসা  
 পুরায় প্রাণের আশা  
 খুলে দেয় অনুপম সুখের ভাণ্ডার  
 আনন্দ লহরী তুলে হৃদয় মাঝার ।

( ৩৩ )

তাই বলি কে গাহিছ গাও আরবার  
 কিবা রাগ চমৎকার  
 স্বরেতে সুধার ধার  
 ঢালে, প্রাণ বিমোহিত এ স্বরে আমার  
 গাও পুনঃ এই গীতি বসন্ত-বাহার ।

( ৩৪ )

গাও পাখী ভালবাসি স্বধর তোমার  
 বিনয়ে তোমারে বলি  
 অন্ত স্বর যাও ভুলি  
 প্রাণ খুলে গাও পাখী বসন্ত-বাহার  
 প্রাণ মন বিমোহিত হউক আমার ।

( ৩৫ )

গাওরে কোকিল তুমি বসন্ত বাহার  
 বসন্তের পাখী তুমি  
 বসন্তের অনুগামী  
 অন্ত স্বরে প্রয়োজন কি আছে তোমার

( ৩৬ )

কল্লোলিনী কলরবে সাগর মাঝার  
 ষাইছ সূতান তুলি  
 এ সূতান যাও তুলি  
 বীচি রবে গাও তুমি বসন্ত বাহার  
 রাখ নদি সোহাগিনী মিনতি আমার ।

( ৩৭ )

পঙ্কবিত তরু-মাঝে মধুর শ্বনে  
 বসন্ত বাহার তান  
 তোম হে জগৎ প্রাণ  
 সে স্বরে ফুটিবে ফুল গুচ্ছ উপবনে  
 শোন বন্ধু রাখ কথা নিবেদি চরণে ।

( ৩৮ )

গাও সব গ্রহগণ মিলি একতানে  
 বসন্ত বাহার গান  
 ভূলাও মানব-প্রাণ  
 ত্রিদিববাসীয়ে ভোব সে সুখা প্রদানে  
 তুধিবে ত্রিদিববাসী সে অমির পানে ।

( ৩৯ )

গাও বীণা গাও তুমি বসন্ত বাহার  
 গাও তুমি সপ্তস্বরী  
 তব কর্ণে মধুভরা  
 শুনিবে ঝঙ্কার তব হৃদয়-মাঝার  
 চিরদিন বিরজিবে বসন্ত আমার ।

শ্রীকালীপদ মুখোপাধ্যায় ।

## দোপাটা ।

( ১ )

“জনম অবধি হাম রূপ নেহারিহু  
নয়ন না তিরপিত ভেল ।”

তৃপ্তি হয় না! এ তো আর নূতন কথা নয়! শ্যাম-সুন্দরের রূপই দেখে—আর মুকুর-প্রতিফলিত নিজের রূপের বিকাশই দেখে’;—দেখার মত দেখিতে হইলে, দেখার সাধ কখনই মিটে না।

সাধ মিটে না বলিয়াই তো যত সর্বনাশ হয়! সাধ মিটে না বলিয়াই তো যত সুখের সঞ্চার হয়! সাধ মিটিলেই তো সব শেষ হইল!—সুখেরও শেষ, দুঃখেরও শেষ। কিন্তু সুখ-দুঃখ লইয়া সংসার; সুখ-দুঃখের শেষ হইলে, সংসারেরও শেষ হয়। তাই কভু—

“নয়ন না তিরপিত ভেল ।”

( ২ )

সুরূপা সুন্দরী। নামেও সুরূপা, গুণেও সুরূপা, দেহেও সুরূপা। বাহিরের অশ্রু দশজনের দৃষ্টিতে সে সুরূপা বলিয়া পরিগণিত হইত কি না, তাহার অল্পসন্ধান করিবার প্রয়োজন নাই। তবে স্বামী কাস্তিচন্দ্র, সত্য সত্যই সুরূপাকে সুরূপা দেখিতেন, তাহা নহে; তাহার গুণে মুগ্ধ হইয়া, তাহাকে অতি সুন্দর দেখিতেন।

কাস্তিচন্দ্র মালদহে চাকরি করিতেন। সেকালে, কালেক্টারীর সেরেজ-দারকে কালেক্টারীর দাওয়ান বলিত। কাস্তিচন্দ্র, সেই দাওয়ানের পদে অধিষ্ঠিত ছিলেন। অল্পবয়সেই উচ্চপদ পাইয়া, কাস্তিচন্দ্রের মাথা খারাপ হয় নাই; তবে কাস্তিচন্দ্র অবস্থার-অতীত দাতা ছিলেন। নিজের বাসা-বাটিতে প্রত্যহ দুই বেলা ৫০।৬০ জন লোকের আহারের যোগাড় হইত। কাস্তিচন্দ্র বাহা রোজগার করিতেন, তাহাই ব্যয় করিতেন। সঞ্চয় করিবার তাহার কোনও প্রয়োজনই ছিল না। কারণ, তিনি অপুত্রক। বৃদ্ধ পিতা-মাতা, বহুকাল পূর্বেই স্বর্গ-গমন করিয়াছেন। কাস্তিচন্দ্রের সংসারে আপনার বলিবার আর কেহ নাই। আছেন, কেবল এক বৃদ্ধা মাতৃশ্রমা; তিনিই কাস্তিচন্দ্রের সংসারের গৃহিণী।

এই সংসারে, কাস্তিচন্দ্রের আর একজন আত্মীয় ছিলেন। তিনি মালদহ জেলার ম্যাজিষ্ট্রেট ও কালেক্টার প্রসিদ্ধ র্যাভেন্সা সাহেব। কোমলে ও কঠোরে এমন সংবোগ, মধুরে-রৌদ্রের এমন সম্মিলন, আর কোনও 'সিভিলিয়ানে' দেখিতে পাওয়া যায় না। যাহা কিছু ছিল, তাহা র্যাভেন্সা সাহেবেরই ছিল। তাঁহার প্রভাবে, গোড়ের গহন বনের বেদিয়া-সাঁওতাল প্রভৃতি অসভ্য জাতিগণ, সংযত ও শাস্ত হইয়া ছিল। তাঁহার গুণে মুগ্ধ হইয়া, এই সকল দুর্দর্শ বর্ষর, স্বেচ্ছায় ইংরাজের অধীনতা স্বীকার করিয়াছিল। এই র্যাভেন্সা সাহেব, কাস্তিচন্দ্রকে বড় ভালবাসিতেন। তাঁহার ভালবাসার গুণেই, কাস্তিচন্দ্র মালদহ-জেলার দাওয়ান।

( ৩ )

মাঘী পূর্ণিমা,—পুণ্যাহ। হিন্দুমাঝেই গঙ্গান্নান করিবার জন্ত উদ্যোগী। পশ্চিমে বাতাস ফুরফুর করিয়া একটু বহিতেছে। বাতাসের উপর শীত ;—ছোট ছেলেটির মত ষোড়-সওয়ার হইয়া, সূর্য্য-রশ্মির প্রথরতাকে নষ্ট করিতেছে ; আর দরিদ্রের ছিন্নকস্থা উল্টাইয়া ফেলিয়া, শীর্ণ ও শুষ্কদেহে যেন সূচীবিদ্ধ করিতেছে। দরিদ্র, শীতের জালায় অস্থির হইয়া কাঁপিতেছে ; আর ধনী নানা বস্ত্রাবৃত হইয়া, শীত-প্রফুল্লিত রাগরক্তিম মুখে, যেন দরিদ্রের এই কম্পনকে বিক্রম করিতেছে।

কারাগোলার মেলা। এইখানে কুশী নদী, গঙ্গায় আসিয়া নিজ অঙ্গ মিলাইয়াছেন। বৎসরে বৎসরে মাঘী পূর্ণিমার দিন এই সঙ্গম স্থলে মহা মেলা হয়। মালদহ, পূর্ণিয়া, ভাগলপুর, রাজমহল প্রভৃতি নানা জেলার, নানা স্থানের লোক এই দিনে আসিয়া, এইখানে গঙ্গান্নান করিয়া কৃতার্থ হন।

সুরূপা, স্বামিসহ গঙ্গান্নানে আসিয়াছেন। দাওয়ানজীর এক তাঁবু পড়িয়াছে। তাঁবু সঙ্গমের মুখে চরভূমির উপর স্থাপিত। তাঁবু মধ্যে বৃদ্ধা মাসী, একখানি 'গড়া-কাপড় পরিয়া, শীতে কাঁপিতেছেন ;—আর দণ্ডে দণ্ডে গিয়া গঙ্গায় ডুব দিয়া আসিতেছেন। কাস্তিচন্দ্র, মাসী-মাকে বারে বারে হাত ধরিয়া গঙ্গায় লইয়া যাইতেছেন ; আর তাঁহার স্নানান্তে আবার তাঁহাকে তাঁবুতে আনিয়া বসাইতেছেন।

সুরূপার বয়স আঠার বৎসর। ব্রাহ্মণের কন্যা, সন্তান্ত-বংশীয়া ; আবার দাওয়ানজীর পত্নী। সুরূপার অবরোধে থাকিবারই কথা। কিন্তু আজ পুণ্যদিন ; স্থান—পবিত্র তীর্থক্ষেত্র ; কাজেই সুরূপার অণু আর তেমন



অবরোধ নাই। তিনি একটি দাসী সঙ্গে করিয়া স্বেচ্ছায় গঙ্গামান করিতেছেন, এবং আর্জবস্ত্রে থাকিয়াই অন্নদান অর্থদান করিতেছেন।

( ৪ )

দাওয়ানজীর তাঁবুর সম্মুখে বড় ভিড়। দীন-ছঃখী কান্দালীর ভারি ভিড় লাগিয়াছে। হঠাৎ ভিড় ঠেলিয়া, একটা বালিকা আসিয়া কাস্তিচন্দ্রের হাত ধরিল। বালিকার পরিধানে কিছুই নাই বলিলেও চলে। একটুকরা ছেঁড়া কন্বল, কণ্ঠে কোমরে জড়াইয়া লজ্জা-নিবারণ করিয়াছে। বালিকার বয়স ষোল বৎসর। বালিকা, কাস্তিচন্দ্রের হাত ধরিয়া বলিল,—“বাবুজী, বড় শীত, বড় ক্ষুধা; আমার কিছু দাও।”

“তুমি কি নেবে? চা’ল, ডা’ল, কাপড় সবই আছে; তোমার বা ইচ্ছে, তাই নেও।”—উদাসভাবে বালিকার প্রতি তাকাইয়া, কাস্তিচন্দ্র এই কয়টি কথা বলিলেন।

“চা’ল-ডা’ল নিয়ে কি করবো? কাপড় চোপড় নিয়ে কি করবো? আমার ভাত রেঁদে দেবে কে? কাপড় পরলেই ওরা যে আমার কাপড় কেড়ে নেবে!”

“তুমি কে? তোমার সঙ্গে আর কেউ নেই? তোমার বাপ-মা নেই? তুমি যদি ভাত খেতে চাও, তবে ঐ তাঁবুতে গিয়ে ব’সো”—একটু যেন সাগ্রহে এই কয়টি কথা বলিয়া, কাস্তিচন্দ্র বালিকাকে তাঁবু দেখাইয়া দিলেন। একটি দাসী বালিকার হাত ধরিয়া তাঁবুতে লইয়া গেল।

সুরূপা, বালিকাকে পাইয়াই তাহাকে একখানি বস্ত্র পরিতে দিলেন। বালিকা, কাপড় হাতে করিয়া দাঁড়াইয়া রহিল। সুরূপা তাহা দেখিয়া বলিলেন,—“লজ্জা কি? কাপড় পর।”

“আমি যে কাপড় পরিতে জানি না। আমি কখনও কাপড় পরি নাই।”

সুরূপা।—তবে তুমি কাপড় চাহিতেছিলে কেন?

বালিকা।—যাদের কাছে আমি থাকি, তাদের জন্তই আমি কাপড় ভিক্ষা করে নিয়ে যাই। এই শীতে আমার একখানা ছেঁড়া কাপড় দিয়েছিল; সেখানও আজ কেড়ে নিয়েছে। আমি সে কাপড়খানি গায়ে দিতাম। আজ এই মেলায় নতুন কাপড় ভিক্ষা করে নিয়ে গেলে, তবে সেই কাপড়খানি পাবো।

সুরূপা।—তোমার তারা কোথায়?

বালিকা ।—এই ভিড়ে তাদের হারিয়েছি । তারা আমার খুঁজে নেবে ।

সুরূপা ।—তারা তোমার কে ? তোমার বাপ-মা নেই ?

বালিকা ।—তারা বেদে ; ভিক্ষা ক'রে, মেয়ে-ছেলের হাত দেখে শুষ্ক-পত্র দেয়, আর গ্রামে গ্রামে ঘুরে বেড়ায় । আমার ক্ষিদে পেয়েছে, আমার কিছু খেতে দাও ; আর এই কাপড়খানি পরিয়ে দাও ।

সুরূপা, সরলা বালিকার কথা শুনিয়া, মুখ ঘুরাইয়া চক্ষের জল মুছিলেন । তাঁবুতে গরম জল ছিল ; সেই গরম জলে বালিকার দেহ স্নানরূপে মার্জিত করিয়া, দিব্য একখানি চুন্নুরী কাপড় তাহাকে পরাইয়া দিলেন । বালিকা কাপড় পরিয়া তাঁবুর এক কোণে বসিয়া রুটি খাইতে লাগিল । আর সুরূপা একদৃষ্টে সেই বালিকাকে দেখিতে লাগিলেন ।

বালিকা অপূর্ণ-সুন্দরী । মাথায় জটাতার আছে বটে ; ফণি-বিনিন্দিত কুঞ্চিত কেশরাশি নাই ; কিন্তু জটাতারেই গ্রীবার ও মস্তকের অপূর্ণ শোভা হইয়াছে । রং মাজা, শ্রামবর্ণ । কার্তিকের গঙ্গার জলের শ্রায় দেহের আভা । গঠন অতি সুন্দর ; ঠিক যেন পাথরে কঁাদা ।

সুরূপা দেখিতে লাগিলেন ; আর মনে মনে বলিতে লাগিলেন,—  
“বেদের মেয়ে এমন সুন্দরী হয় ! এ নিশ্চয় ভদ্রঘরের মেয়ে ; বেদেরা চুরি করিয়া আনিয়াছে ।”

এমন সময় বাহিরে একটা গোল হইল । এক প্রোটা রুক্ষ-কেশা গুলিত-দেহা রমণী তাঁবুর ভিতর আসিয়াই কিচিমিচি কি বকিয়া উঠিল । সে ভাষা কেহই বুঝিতে পারিল না । হঠাৎ সুরূপাকে দেখিয়া, সে থমকিয়া দাঁড়াইল । একবার সেই বালিকার দিকে তাকায়, আবার সুরূপার দিকে ভীক্ষু-দৃষ্টি করে ।

“রেখো না মা, ওকে রেখো না, ও তোমার সর্বনাশ করবে ।”

“করে করবে । তাকে এখানে ডাকলে কে ?”

“বদি রাখ—তো আমার বেটীর দাম দাও । দশ টাকা দাম ।”

সুরূপা, বিরক্তির ভাবে দশটা টাকা মাগীর দিকে ছড়াইয়া ফেলিয়া দিলেন । মাগী ধীরে ধীরে সেই কয়টি টাকা, এক একটি করিয়া গণিয়া তুলিয়া লইল । মাগী যাইবার সময় মুখ ফিরাইয়া সুরূপাকে বলিয়া গেল,—  
“যখন কেবল কঁাদবে মা, তখন গোড়ের জঙ্গলে ‘সা’-সাহেবের মন্দিরে

( ৫ )

বালিকার নাম দোপাটী । বালিকা কিছুই জানে না । বাহা জানিলে, মানুষ—মানুষ হয়, সুখ-দুঃখ বুঝিতে পারে, পাপ পুণ্যের বিচার করিতে পারে, বালিকা তাহার কিছুই জানে না । বালিকার ভয় নাই, লজ্জা নাই, সঙ্কোচ নাই, সন্দেহ নাই । অঞ্চ বালিকার বয়স ষোল বৎসর হইয়াছে ।

বালিকার মাথায় আর জটা নাই । জটার স্থানে এখন কুঞ্চিত কেশ-রাশি এলাইয়া আছে । বর্ণের সে পাংশুল ভাব নাই—দিব্য গৌরবাস্তি ফুটিয়া বাহির হইতেছে । সুরূপাকে সে দিদি বলিয়া ডাকে ; কাস্তিচন্দ্রকে কখনও দাদা বলে, কখনও বাবু বলে ; সর্বদাই ছুটিয়া ছুটিয়া নাচিয়া বেড়ায় ।

কাজের মধ্যে বালিকা পান সাজিতে শিখিয়াছে । সে যতগুলি পান সাজে, সকলগুলিই কাস্তিচন্দ্রকে খাওয়ায় বা সুরূপার মুখে গুঁজিয়া দেয় । বালিকার আচার-বিচার-জ্ঞান নাই, উচিত-অনুচিত-বোধ নাই । কাস্তিচন্দ্র পান খাইতে না চাহিলে, সে তাঁহার গলা ধরিয়া মুখে পান গুঁজিয়া দিত । তখন কাস্তিচন্দ্র কেবল শিহরিতেন । কি জানি, দোপাটীর গায়ে কি লাগান ছিল ! কি জানি, দোপাটীর ভাবভঙ্গিতে কেমন মাধুর্য ছড়ান ছিল !

( ৬ )

সুরূপা দোপাটীকে বড় ভালবাসিত, চাকর-বাকর বা অগ্র কেহ দোপাটীর অতিচঞ্চল্য দেখিয়া যদি তিরস্কার করিতে যাইত, তাহা হইলে সুরূপা সকলকেই ভৎসনা করিতেন । এমন কি স্বামী কাস্তিচন্দ্র যদি কদাচিৎ দোপাটীকে শাসন করিতে উদ্বৃত হইতেন, তাহা হইলে সুরূপা স্বামীকেও তিরস্কার করিতে ছাড়িতেন না ।

এত ভালবাসা, এত টান, এত আদর, এত সোহাগ সত্ত্বেও যখন দোপাটী কাস্তিচন্দ্রের গলা জড়াইয়া তাহার মুখে পান গুঁজিয়া দিত, তখন কিন্তু সে দৃশ্য দেখিয়া সুরূপার কেমন কেমন ঠেকিত, একদিন সন্ধ্যার সময় দোপাটী কাস্তিচন্দ্রের মুখে একটা বড় পান দিয়া সেই পানের অর্ধেকটা নিজের দাঁত দিয়া কাটিয়া লইল, সুরূপার কেমন-কেমন-ভাব রোষে পরিণত হইল । সুরূপা স্বামীর হাত ধরিয়া তাঁহাকে কক্ষাভ্যন্তরে টানিয়া লইয়া গেলেন এবং একটু বেন ভাবে স্বামীকে লক্ষ্য করিয়া বলিলেন, “দেখ, হাজার হউক দোপাটী মেয়েমানুষ—সুন্দরী—ষোড়শী—পূর্ণযুবতী—ও কিছু না জানিলেও বয়সের জগে দীবে দীবে আপান-আপনি অনেক কথা

বুঝিতে পারিবে। তুমি ওকে অমনভাবে ঘাড়ে পিঠে কর, মুখে মুখ দিয়ে পান খাও, পান দাও ;—এ সব কিছু আমার ভাল লাগে না, তোমার মনে পাপ না থাকলেও লোকত ধর্মত এ সব কাজ মন্দ, তুমি আর গুর সঙ্গে অমন ব্যবহার করো না।” কান্তিচন্দ্র একটু মুচকি হাসিয়া বলিলেন, “রূপ! ভয় কি, আমিও অষ্টপ্রহরই তোমার কাছে থাকি—আর যা কিছু করি, তোমার মন্থুখেই করি, তবে আর ওতে পাপ কি ?”

সুরূপা।—আমার মন্থুখে কর বলেই পাপকাজ পুণ্যময় হবে, এমন কিছু লেখা আছে কি ? তুমি আর অমন ব্যবহার কর্তে পারবে না, অস্তত আমার মন্থুখে ও সব কিছু কর্তে পারবে না।

কান্তিচন্দ্র স্ত্রীর আদেশবাণী শুনিয়া সুরূপার দিকে তাকাইয়া মুসলমানী ধরণে একটা লম্বা সেলাম করিলেন এবং বলিলেন, “জো-হকুম মহারাজ, গোলাম হজুরের হকুম তামিল করিবে।”

( ৭ )

শিশুকে যাহা করিতে বারণ করা যায়, শিশু তাহা অগ্রে করে। নবাগত শিশু সংসারে তাবৎ বিষয়ই নূতন দেখে—সকল সামগ্রী দেখিয়া তাহার মনে হয়, এমন বুঝি আর দেখি নাই—একবার দেখি, দুইবার দেখি, বারবার দেখি। ইহার উপর যদি তাহাকে কোন কার্য করিতে বারণ করা যায়, তাহা হইলে শিশুর অনুসন্ধিৎসা দ্বিগুণ বর্দ্ধিত হইয়া যায় ; সে সহস্র বিঘ্নসত্ত্বেও গোপনে সেই কাজ করে, শুপ্তভাবেই পাপের মূল।

কান্তিচন্দ্র বিজ্ঞ কর্মচারী হইলেও ভাবজগতে তিনি শিশু। সুরূপ যখন দোপাটীর সহিত অত ছড়াছড়ি করিতে বারণ করিল, তখন কান্তিচন্দ্রের হৃদয়ের ভস্মাচ্ছাদিত বিলাসবহি একবার যেন দপ্ করিয়া জলিয়া উঠিল। লজ্জা ও ভয় সে জালা যেন বস্ত্রাঞ্চলে চাপিয়া রাখিল, কান্তিচন্দ্র সামলাইলেন—কিন্তু মনের সাধ তুষের আগুনের মত মনের মধ্যে ধিকিধিকি জ্বলিতে লাগিল। কান্তিচন্দ্র মনে মনে স্থির করিলেন, অতঃপর দোপাটীকে লইয়া সুরূপার চক্ষের অন্তরালে ছড়াছড়ি খেলা করিবেন ; তাহার সহিত খেলা করিলে তিনি সুখ বোধ করেন,—পাপভূজঙ্গ এমনি ভাবেই মনুষ্য-হৃদয়রূপী কল্পতরুকে জড়াইয়া ধরে।

( ৮ )



পান দে না”—দোপাটী কিন্তু এখন আর তেমন হাসে না, তেমন হড়াহড়ি করে না,—দোপাটী যেন এখন কেমন হইয়া গিয়াছে। সুরূপাকে সম্মুখে রাখিয়া দোপাটী যেমন ছুঁটামি করিত, বাহিরের ঘরে বা বাগানবাটীতে কান্তিচন্দ্রকে একলা পাইলেও দোপাটী তেমন হাসে না, তেমন বকে না; ঐ শুন না, বিহ্বল কান্তিচন্দ্র দোপাটীকে বারবার ডাকিতেছেন। দোপাটী কাছে আসিতেছে না, একটু যেন সলজ্জভাবে দূরে সরিয়া যাইতেছে।

না পাইলেই আকাজ্জকা বাড়ে, মনের মতনটি না হইলেই মনের মতন হইবার জন্ত সর্ব্বশ পণ করিতে ইচ্ছা করে; কান্তিচন্দ্র দোপাটীর জন্ত সর্ব্বশ পণ করিয়াছিলেন, গৃহ ছাড়িয়া বাগানবাটীতে বাস করিতেছিলেন; দিনান্তে সুরূপার শুকমুখ দেখিবার জন্ত একবার বাসায় যাইতেন বটে; কিন্তু সে যাওয়া মাত্র; সে লোকদেখান যাওয়া; তথাপি দোপাটী কিন্তু তাঁহার হইল না, ফুলের প্রজাপতির মত দোপাটী এক একবার তাঁহার কাছে আসে, আবার রূপের পাখা ছড়াইয়া দূরে পলাইয়া যায়। আশায় উৎকর্ষায়—নৈরাশ্রে বিষাদে কান্তিচন্দ্রের অপরূপ রূপ শুকাইয়া গেল, চক্ষু কোটরগত হইল, তিনি একপ্রকার আত্মহারা হইলেন।

( ৯ )

ওদিকে সুরূপা কৃষ্ণপঙ্কের শশীর স্থায় দিনে দিনে মলিন হইয়া যাইতে লাগিলেন; স্বামীর মঙ্গলচিন্তা, সংসারের চিন্তা, নিজের চিন্তা, ইহকাল-পরকালের চিন্তা, কত চিন্তা আসিয়া তাঁহাকে ঘেরিয়া ধরিল, জীয়াস্ত অবস্থায় চিন্তারূপ-চিতায় অহরহ পুড়িতে লাগিলেন।

হুঃখে পড়িয়া সুরূপার মেজাজটাও খারাপ হইয়া গেল; স্বামী আসিলে স্বামীর সহিত ভাল করিয়া কথা কহেন না, এমন কি তাঁহার কাছে পর্য্যন্ত যান না। একদিন সন্ধ্যার সময় কান্তিচন্দ্র বিষাদমুখে বাসায় আসিয়াছেন, মনের সাধ সুরূপার সহিত দণ্ডকয়েক কথা কহেন; সুরূপা কথা কহিল না, সরিয়া পলাইতে চেষ্টা করিল। কান্তিচন্দ্র সুরূপার হাত ধরিলেন। বলিলেন, “রূপ! একটু দাঁড়াও, আমার ছটা কথা শুন। তুমি কেন অমন কর, আমি ত কোন দোষের ছাধী নহি। আমি ত কোন পাপই করি নি, তোমায় যথেষ্ট অর্থ দিচ্ছি। তুমি যা চাচ্ছ, তাই পাচ্ছ, তবে তুমি এমন কেন?”

সুরূপা।—কথা কইব না ভেবেছিলেম, কিন্তু তুমি যখন হাত ধরে কথা কইলে, তখন একটা উত্তর দিতেই হয়। আমি তোমার টাকা পয়সা চাইনে, ধনদৌলত চাইনে, আমি তোমাকে চাই। তুমি যখন আমার হ'লে না, তুমি যখন আমার চক্ষের উপর একটা বেদের মেয়েকে নিয়ে বাগানে আমোদ-প্রমোদ করতে লজ্জা বোধ কোচ্ছে না, তখন তোমার সঙ্গে আমার সম্বন্ধ নাই। আমার ভাগ্যে যা আছে, তাই হবে।

ছি ছি সুরূপা ! হেলায় হাতের পাঁচ হারাইলে, এখন যে অনেক খেলা বাকি আছে।

(১০)

পাঁজরভাঙ্গা দীর্ঘনিশ্বাস ত্যাগ করিয়া কান্তিচন্দ্র উদাসনমনে বাগানের দিকে চলিয়া গেলেন; তিনমাস দোপাটীর সাধনা করিয়াও তাহাকে নিজের করিতে পারেন নাই বলিয়া সুরূপার আশ্রয়ের আশায় গিয়াছিলেন; ক্রী হইয়া সুরূপা তাহাকে দূর করিয়া দিল, ধীরে ধীরে কান্তিচন্দ্র বাগানে গিয়া উপস্থিত হইলেন। সন্ধ্যা তখন উত্তীর্ণ হইয়াছে; আকাশের পূর্ব-কোণে চাঁদ উঠিয়াছে; গ্রীষ্মকাল, ঝির্ ঝির্ করিয়া একটু হাওয়া বহিতেছে; বাগানে বেলা চামেলি জুঁইফুল ফুটিয়াছে, সৌরভে দশ দিক্ আমোদ করিয়াছে; দোপাটী ফুলের হার, ফুলের বলয়, ফুলের মুকুট পরিয়া, বনবালা সাজিয়া, নাচিয়া নাচিয়া ঘুরিয়া বেড়াইতেছে, একরাশি চুলের উপর ধরে ধরে চম্পকের মালা সাজান আছে, দোপাটীর অপরূপ রূপ! ভগ্নহৃদয় কান্তিচন্দ্র উদাসমনে বাগানে প্রবেশ করিলেন। উপরে চাঁদের আলো, নীচে ফুলের আলো, আর এই দুই আলোর মধ্যবর্তিনী হইয়া দোপাটী নিজের রূপের আলোর সহিত ফুলের আলো মিশাইয়া চাঁদের আলোয় যেন ভাসিয়া ভাসিয়া বেড়াইতেছে; কান্তিচন্দ্রের বিষাদ গেল, নৈরাশ্র দূর হইল। কান্তিচন্দ্র ভাবিলেন, দেখি কোন্টা; উপরে আকাশ, আর আকাশের চাঁদ দেখিব না; নীচে বাগান, আর বাগানের ফুল দেখিব না; নানা-পুষ্পাভরণভূষিতা ফুল্লারবিন্দবদনা কিশোরী বনদেবীকে দেখিব। কান্তিচন্দ্র বিহ্বল বিমূঢ় হইলেন, বিভ্রান্তভাবে অগ্রসর হইতে হইতে দোপাটীর কাছে গিয়া পড়িলেন। দোপাটীর আর সে ভাব নাই, এখন সে সলজ্জা গম্ভীর নারী; কান্তিচন্দ্র এই নারীমূর্তির সম্মুখে গিয়া উপস্থিত হইলেন। ধীরে ধীরে তাহার দুইটি হাত ধরিয়া বলিলেন, “দোপাটী! এমন করিয়া

কতদিন কাটিবে, আমি যে আর পারি না; তোমার আমি বা উপকার করিয়াছি, তোমাকে আমি যে ভাবে প্রতিপালন করিয়াছি, তাহাতে তোমার কি আমার সহিত এরূপ ব্যবহার করা শোভা পায়? তুমি যে আমার তিল তিল করিয়া ক্ষয় করিতেছ, তাহা কি তুমি বুঝিতেছ না; তোমার ধর্ম্মে যাহা হয়, তুমি তাহাই কর।”

দোপাটী।—বস্ বাবু বস্, আর বলিতে হইবে না। আমাদের মধ্যে ধর্ম্ম নাই, অধর্ম্ম নাই, পাপ নাই, পুণ্য নাই, কেবল আমরা উপকারকের উপকার ভুলি না, সে ঋণ পরিশোধ করিবার জন্ত আমরা সর্ব্বশ্ব পণ করিতে পারি; কিন্তু আমাকে পাইলে তোমার ভারি অমঙ্গল হইবে। এ কথা আমাদের কত্তা-মা সেই কারাগোদার ঘাটে তোমার পত্নীকে প্রথম দিনই বলিয়া গিয়াছেন। সে কথা আমি বিশ্বাস করি, তাই এতদিন ইচ্ছা করিয়াই তোমার সাধ মিটাই নাই; যখন উপকারের কথা তুলিয়াছ, তখন তোমার ভাগ্যে যাহা আছে, তাহাই হউক। সে ঋণ পরিশোধ করিবার জন্ত আমি তোমার হইলাম। কিন্তু জানিও, বেদের মেয়ে চিরকাল কাহারও হইয়া থাকে না। আর জানিও, বেদের মেয়ে ভালবাসিতে জানে না।

কান্তিচন্দ্র।—আমার আবার বিপৎ-সম্পদ কি, বাঁচিলে তবে ত?

দোপাটী।—তোমার ভাগ্যে যাহা আছে, তাহাই হইবে, আমি কি করিব বল। কিন্তু জানিও, সতী নারীর দীর্ঘস্থায়ি ব্যর্থ যাম না, বেদের মেয়ে হইলেও এ কথা আমরা বেশ জানি।

( ১১ )

কান্তিচন্দ্র এখন কি সুখী? তাহার ত মনের সাধ মিটিয়াছে। সে ত অলভ্যকে লাভ করিয়াছে। জ্ঞানহারা দিশেহারা হইলে যদি সুখী হওয়া যায়, তাহা হইলে কান্তিচন্দ্র সুখী বটে; কিন্তু সে যে পাগল, পাগলকে সুখী বলিব কেমন করিয়া! কান্তিচন্দ্র দোপাটীর রূপে পাগল, দোপাটীর গুণে পাগল, দোপাটীর ভাবে পাগল, সে এখন ত্রিভুবন দোপাটীময় দেখে। উপাসক ইষ্টদেবীর বেরূপ সেবা করেন, কান্তিচন্দ্র দোপাটীর ততোধিক সেবা করে। কাছারীর কাজ নাই, বাটীতে বাতায়াত নাই, লোক-লৌকিকতা নাই, তেমন স্বজন-প্রতিপালন নাই,—কান্তিচন্দ্রের আছে কেবল দোপাটী।

শ্রাবণ মাস, আকাশ সর্বদাই মেঘে ঢাকা, ধরাতল সর্বদাই জলে ভরা, অনবরত বৃষ্টির ধারা পড়িতেছে; দেখিলে মনে হয়, আকাশের দেবতাগণ যেন পৃথিবীর জন্ত কেবল রোদন করিতেছে; এ রোদনে দেবতার গর্জন নাই, বিদ্যুতের বিকাশ নাই, সব স্তম্ভিত ভাব; কেবল ঝর্ ঝর্ আগার-সম্পাত, ঘোর অন্ধকার, আকাশেও আলো নাই, ধরাতলেও আলো নাই, কোলের মানুষ চেনা যায় না—কেবল অন্ধকারের স্তূপের মধ্যে মাঝে মাঝে খণ্ডোতের অগ্নিবিন্দু দেখা যাইতেছে। কাস্তিচন্দ্র বাগানবাড়ীর বারাণ্ডায় বসিয়াছেন, বাহিরের অন্ধকারের সহিত নিজের অন্ধকারময় মনকে মিশাইয়া দিয়া তমপিণ্ডের স্থায় বসিয়াছেন। এমন সময় অন্ধকার ঠেলিয়া যেন, দোপাটী আসিয়া দাঁড়াইল। দোপাটীর অপূর্ব বেশ, পরণে ভিজা কাপড়, বস্ত্রাঞ্চল হইতে টশ্ টশ্ জল পড়িতেছে, আজানুপরিলম্বিত কেশরাশি বাহিয়াও জল পড়িতেছে, আর সেই কেশরাশির উপর খণ্ডোতের মালা জড়ান আছে; দপ্ দপ্ করিয়া খণ্ডোতের মালা জলিতেছে, আর মনে হইতেছে, যেন ঝর্ ঝর্ করিয়া কত মণিমানিক্যের ছাতি ঝরিয়া পড়িতেছে। দোপাটী বেদের মেয়ে, ফুল ফল লতা লইয়া, বেশবিন্যাস করিতে তাহার স্থায় কেহ জানিত না। সে যেনন জোনাকী ধরিয়া জোনাকীর মালা গাঁথিত, তেমন বুঝি কেহ জানিত না। তাই তাহার সাজের গুণে তাহাকে মর্ত্যের নয় বলিয়া মনে হইত।

দোপাটী।—বাবু সাহেব! আমি আপনার নিকট বিদায় লইতে আসিয়াছি, আমার কাল ফুরাইয়াছে, আমি আর আপনার নিকট থাকিতে পারিব না; আমার ঋণ আমি পরিশোধ করিয়াছি।

কাস্তিচন্দ্র।—সে কি দোপাটী! তুমি যাবে কি? তুমি গেলে যে আমি মরে যাব, তুমি যে আমার সর্বস্ব, অমন কথা বলে ঠাট্টা কোরো না দোপাটী!

দোপাটী।—আমি ত ঠাট্টা-তামাসা কখন জানিনে। আপনি ত আমার ভালবাসার জোরে পান নাই, আমাকে ভাল বাসাইতেও শেখান নাই; আপনি আমার উপকারক, সেই উপকারের ঋণ পরিশোধ করিবার জন্ত আমাকে প্রার্থনা করিয়াছিলেন, সে প্রার্থনা আমি মঞ্জুর করিয়াছিলাম। আমি এখন গর্ভবতী, আপনার আমার উপর আর কোন অধিকার নাই; আপনার গৃহে, আপনার আশ্রয়ে আমি সন্তান প্রসব করিব না। আমাদের বেদীয়া



চিরজীবন কাগজের দাসত্ব করিতে হইবে,—আমি তাহা সহ করিতে পারিব না। গোড়ের জঙ্গলের কোন এক গুপ্তস্থানে আমাদের একটি আড়াল আছে, আমি সেইখানেই থাকিব।

কাস্তিচন্দ্র।—সে কি দোপাটি! তা হবে না, আমি তোমার নিকট অনেক অপরাধে অপরাধী, আমার সে সকল অপরাধ মার্জনা কর, আমার কাছে থাকো, তুমি চক্কের আড়াল হইলে ত মরিব।

অনতিদূরে অন্ধকার ভেদ করিয়া উত্তর আসিল, “তুমি মরিবে না, পাগল হইবে, তুমি মরিবে না, পাগল হইবে, আমি চলিলাম।” উদ্ভ্রান্ত উন্নত কাস্তিচন্দ্র “কোথায় যাও” উর্দ্ধ্বাসে চীৎকার করিয়া উঠিলেন, আর সেই শব্দের দিক লক্ষ্য করিয়া ছুটিয়া চলিলেন। সেই স্থচিভেদে অন্ধকারকে গাঢ় করিয়া বারবার মূলধারে শ্রাবণ মেঘের অশ্রান্ত বর্ষণ হইতে লাগিল; অগণিত ভেককুল অজস্র বর্ষাবারি পানে উল্লসিত হইয়া চারিদিক হইতে যেন বিকট হান্তের শব্দ করিতে লাগিল; আর সেই শব্দরাশির সহিত কাস্তিচন্দ্রের আর্তন্বয় অতীতের অনন্তে মিশাইতে লাগিল।

( ১২ )

প্রভাত হইয়াছে, বর্ষাকালের প্রভাত। এ প্রভাতের কোন শোভাই নাই, কেবল নিশাকালের ঘনান্ধকার অপসৃত হইয়াছে মাত্র,—আর সেই বৃষ্টি, সেই মেঘ, সমানই বর্তমান। সূর্যের প্রভা আছে বটে কিন্তু কিরণ নাই, পাতার পাতায় সোণার বরণ নাই। যা হউক, প্রভাত হইয়াছে, পথের হইবার দিগা নদী বহিয়া যাইতেছে, পথ দিয়াও নদী বহিতেছে।

ওকি ও! ওই ভান্সাবাড়ীটার সম্মুখে ভান্সাদরজার পাশে ওটা কি ও! ওকি মনুষ্যের শব্দেহ, না ভান্সাচ্ছাদিত মনুষ্যদেহ! একটু অগ্রসর হইয়া দেখ দেখি, একি এ! এ যে কাস্তিবাবুর বাড়ী, সে বাড়ীর এই ক্রী হইয়াছে! যে বাড়ীতে বারমাস দুর্গোৎসব ব্রাহ্মণতোজন হইত, সে বাড়ী এখন জনশূন্য!

( ক্রমশঃ )

শ্রীপাঁচকড়ি বন্দ্যোপাধ্যায়।



৪/ 642  
5



# জন্মভূমি

( সচিত্র মাসিক পত্র । )

102677  
39197

নবম বর্ষ । } ১৩০৮ সাল, আষাঢ় । } ১২শ সংখ্যা ।

## “সরস্বতী” স্রোতস্বতী ।

১।—সরস্বতী—হিন্দুর পরমপবিত্র নদী। তজ্জলই উহার একতম নাম “দেব নদী।” ইহার প্রকৃষ্ট পরিচয় পাঠক মহাশয়ের নিকট পেম্ করিতেছি। মোক্ষদায়িনী মণ্ড পুরীর (১) স্তায়, ৭ (সাতটি) তটিনীও “দেব নদী” নামে প্রথিত। যথা,—

“গঙ্গে চ যমুনে চ গৌরীস্বরী সরস্বতি ।

নন্দে সিদ্ধ-কাবেরি জলেহস্মিন্ সন্নিধিং কুরু ॥”

২।—অতি প্রাচীন কালে আমাদের আৰ্য্য-পূর্ব-পিতামহগণ, ‘সরস্বতী’ ও ‘দৃশস্বতী’ এই দুই পবিত্র নদীর মধ্য-ভাগস্থ প্রদেশে প্রথম উপনিবেশ সংস্থাপন করিয়াছিলেন। সেই প্রদেশের নাম ‘ব্রহ্মাবর্ত’ (২)। ঐ প্রদেশে “সরস্বতীর” নামান্তর—“কাগার”। কুরুক্ষেত্রের নিকটে উহা ‘ফল্গু’-তরঙ্গিনী-বৎ অন্ত-জল-বাহিকা।

৩।—দেবনদী সরস্বতী, প্রায় সর্বত্রই অস্তঃ-সলিল-বাহিনী হইয়া, প্রয়াগে গঙ্গার সহিত সঙ্গত হইয়াছেন। পরে পুনর্বার ত্রিবেণীতে গঙ্গা হইতে পৃথক্ হইয়া ছগলী জেলার নানা স্থান পরিভ্রমণ পূর্বক কলিকাতার পর-

(১) মুক্তিপ্রদা মণ্ড পুরীর নাম :—

“অবোধ্যা মথুরা মায়া, কাশী কাঞ্চী হুবন্তিকা ।

পুরী দ্বারাবতী চৈব সপ্তৈস্তা মোক্ষদায়িকাঃ ॥”

(২) মনুসংহিতা, ২য় অধ্যায় ।

পারবর্তি-‘শিবপুরস্থ’ “কোম্পানির বাগানের” অদূরে পুনর্বার ভাগীরথীতে সম্মিলিত হইয়াছেন ( ৩ ) ।

৪। ~~মহারাজ~~ হিমাদ্রির পাদ-প্রদেশ-সন্নিহিত, অথচ সমুদ্র হইতে ষট্শত ( ৬০০ ) ক্রোশ দূরবর্তী “পারওয়ার” ( ৪ ) নামক এক জনপদের সন্নিকটস্থ ক্ষুদ্র পর্বত হইতে বিপুল সলিল রাশির যে একটা প্রবাহ, শতক্র ( সটলেঞ্জ )-নাম্নী তটিনীতে সম্মিলিত হইয়াছিল, ঐ স্রোতস্বতীর নাম “সরস্বতী” । উহারই অনতিদূরে একতমা ক্ষুদ্রতমা তরঙ্গিনী প্রবহমানা । এই দীর্ঘ ও ক্ষুদ্র নদীদ্বয়ের মধ্যে এক প্রকাণ্ড ভূমিখণ্ডের ব্যবধান, বহু দিন বিগ্ণমান ছিল । যে সময়ের কথা এখানে বর্ণন করা যাইতেছে, তাহা খৃষ্টীয় চতুর্দশ শতাব্দীর ঘটনা ।

ঐ ভূমি-ভাগের ব্যবধান-মুক্তিকা খনিত হইলে, “সার্বিন্দ” ও “মন্সুর” প্রদেশীয় বিশাল ভূ-খণ্ডের উর্ধ্বা-শক্তি সমুৎপাদিত হইবে, এই সংস্কারের ও উদ্দেশ্যের বশবর্তী হইয়া, “ফিরোজ্ উদ্দিন” বাদশা—উল্লিখিত উভয় পর্বত-ভূহিতাকে একত্র সম্মিলিত করিতে, কৃতসঙ্কল্প হইয়াছিলেন । কেবল সঙ্কল্প নয়—উহা প্রকৃত প্রস্তাবে কার্যেও পর্যাবসিত হইয়াছিল ।

মহারাজ ফিরোজের মনঃকল্পনা, ঘাহাতে কার্যে পরিণত হইতে পারে, তদুদ্দেশ্যে উক্ত স্থানগুলি, স্বচক্ষে প্রত্যক্ষ করিবার কামনায় রাজধানী হইতে তিনি নিজ্জাম্ব হইলেন । সেই সূত্রে তাঁহাকে সমস্তই নিরীক্ষণ করিতে হয় । তিনি তৎ-প্রদেশাভিমুখে যাত্রা পূর্বক একাদিক্রমে তাবৎ বৃদ্ধান্ত পর্য্যবেক্ষণ-সাহায্যে বিদিত হইবার পর, স্বীয় মনোরথ পরিপূরিত করিতে সমর্থ হইলেন । ধন্য সন্ন্যাসীর উৎকৃষ্ট উত্তম ! তাঁহার পর্য্যবেক্ষণের সুশ্রুত সুফলই ফলিল । পাতশার যেরূপ অভিলাষ, সেই রূপই আদেশ ! তাঁহার অনু-

( ৩ ) প্রকৃত প্রস্তাবে হুগলী জেলার অন্তর্গত “সপ্তগ্রাম” নামক গ্রামের নিম্ন দিয়া, প্রাচীন কালে ভাগীরথীরই স্রোতঃ, প্রবাহিত ছিল । খৃষ্টীয় ১৬শ শতাব্দী পর্য্যন্ত, ‘সপ্তগ্রামের’ নিম্ন দিয়া প্রবাহিতা ভাগীরথী, একটা সুনাব্যা নদী ছিল—অর্থাৎ উহাতে নৌকা ও জাহাজাদিও গতায়াত করিত । উহার উপর দিয়া বৃহৎবৃহৎ বাণিজ্যপোত, সদা বাহিত হইত । এই নদীই, পবিত্র-সলিলা ভাগীরথী বলিয়া হিন্দুগণ কর্তৃক প্রপূজিত হইতেন ।

( ৪ ) মতান্তরে ঐ স্থান “হরিদ্বার” বলিয়া বিদিত । এ বিখ্যাত—

স্রোতস্বতী একেবারে ৫০,০০০ (পঞ্চাশৎ সহস্র) শ্রমজীবী, একাদিক্রমে অক্রান্ত ও অশ্রান্ত শ্রমে ঐ বিষম কৰ্মে নিয়োজিত হইয়া গেল !

- খনন-কালে দৃষ্ট হইল—উক্ত ভূ-ভাগের একাংশ হইতে মৃত হস্তীর অস্থি—অস্থিাংশ হইতে সুদীর্ঘ প্রকাণ্ড মানব-দেহের বিশাল ভুজদেশ, অবলোকিত ও উত্তোলিত হয়। খনন-লক্ষ নর-শরীরের বাহুদেশ, ৫ (পাঁচ) ফুট, ১ এক ইঞ্চি অর্থাৎ প্রায় হস্তত্রয়-অষ্টাঙ্গুলি-পরিমিত।

ঐ খনিত খাত, সম্প্রতি বর্তমান নাই। যখন “ফিরিস্তার” ইতিবৃত্ত, ইংরাজিতে ভাষান্তরিত হয়, তাহার ৫০০ (পাঁচ শত) বৎসর পূর্বে উহার বিস্তারিত বিবরণ ছিল।

৫।—১৬শ শতাব্দীর প্রারম্ভে সরস্বতীর মোহানা, বালুকাপূর্ণ হইয়া অনাব্য হইয়া উঠে। এই জন্ত তদানীন্তন পোর্তুগীজ বণিকগণ, সপ্তগ্রাম (৫) বন্দর পরিত্যাগ করিয়া কয়েক ক্রোশ নীচে “গোলাঘাট” (৬) নামক স্থানে এক নূতন বন্দর স্থাপন করেন। আজি-কালি ত্রিবেণীর নিকট সরস্বতীর চিহ্ন আছে বটে, কিন্তু উহা একটি ক্ষুদ্র খালের স্থায়। জোয়ারের সময় উহা কেবল জলময় হয়। সপ্তগ্রামের নিম্ন দিয়া প্রাচীন কালে দীর্ঘ নদী প্রবাহিত ছিল। সেই নদী, অত্যন্ত বিস্তৃত ছিল। এমন কি, তাহার বিস্তার, চতুঃ-শত-ক্রোশ-পরিমিত ছিল। কিন্তু এখন তথায় সরস্বতীর চিহ্নমাত্রও নাই। অত্যাধিক ‘মগ্গার বালী’ বলিয়া যে বালুকা, কলিকাতার বাজারে বিক্রীত হয়, উহা প্রাচীন সরস্বতীরই বালুকা। তথায় প্রায়ই বালী খুঁড়িবার সমর্থ জাহাজের ভগ্নাবশেষ (মাস্তুলাদি) পাওয়া যায়। তাহা দেখিয়াই সরস্বতীর অবস্থান-স্থানের অনুমান হয়। বিস্তৃত সরস্বতীর স্রোতঃ, কিন্তু অত্যাধিক একেবারে বিলুপ্ত হয় নাই। ত্রিবেণীর দক্ষিণ-পশ্চিমস্থ বহু-সংখ্যক গ্রামের ভিতর এখনও সরস্বতীর স্রোতঃ পরিদৃষ্ট হয়। হুগলী জেলার অন্তর্গত আমতা গ্রামের সান্নিধ্যে সরস্বতীর একটি শাখা, দামোদর নদে প্রবেশ করিয়াছে। সরস্বতীও, শাঁকরাল নামক স্থানের নীচে পুনর্বার প্রকাণ্ড নদীর আকার ধারণ পূর্বক উলুবেড়িয়া, ডায়মণ্ড-হার্কার প্রভৃতি জনপদের নিম্ন দিয়া প্রবাহমান হইয়া বঙ্গোপসাগরে পড়িয়াছেন। সকলেই,

(৫) অন্ত নাম—“সাত গাঁ”।

(৬) গোলাঘাটই সহর হুগলী নামে পশ্চাৎ প্রসিদ্ধ হয়।



অবগত আছেন, ভাগীরথী, বাম-বাহিনী হইয়া, কালীঘাটের নিম্ন দিয়া প্রবাহিত হইয়া ক্রমে সাগর-সঙ্গত হইয়াছেন। ভাগীরথীর স্রোতঃ, সম্প্রতি কালীঘাট অতিক্রম পূর্বক ক্রমশঃ মজিয়া গিয়াছে ; কিন্তু সাগর-সঙ্গমের সমীপে উহার কিয়দংশ, প্রবল আকারে অঙ্গাপি দেখা যাইতেছে।

৬।—খিদিরপুরের নিম্ন হইতে প্রবাহিত পশ্চিমাভিমুখীন স্রোতঃ, একটা কাটা-খাল-মাত্র। ঐ খাল-কাটার পর গঙ্গার স্রোতঃ, উহার ভিতর দিয়া প্রবাহিত হইয়া, সরস্বতীর সহিত মিলিত হইয়া সাগরগামী হইয়াছে। সপ্তগ্রাম, এই ভাগীরথীর তীরে অবস্থিত। এই গ্রাম, এখন সুবর্ণ-বণিক-দিগের একটি প্রধান সমাজ-স্থান।

৭।—এবার এই পর্য্যন্ত বর্ণিত হইল।

শ্রীমহেন্দ্রনাথ বিজ্ঞানিধি ।

## কাদম্বিনী ।

( কুদ্র গল্প । )

বাপের বয়স ৫৫ পঞ্চান্ন বৎসর, ছেলের বয়স ২৪ চব্বিশ বৎসর, বাবার পরিবারের বয়স ২৪ চব্বিশের কাছাকাছি। বাবার নাম রামধন বিশ্বাস, ছেলের নাম তারাপদ, রামধনের পরিবারের নাম কাদম্বিনী।

রামধন পূর্বে কোম্পানির পরমিট গুদামে কাজ করিতেন, একটা চক্ষু যাওয়াতে কর্ম ছাড়িতে বাধ্য হইয়াছে, পেন্সন্ হইয়া নাই, তারাপদের যখন ১৩ বৎসর বয়স, সেই সময় তাহার মাতৃ-বিয়োগ হয় ; এক বৎসর পরে রামধন পুনরায় একটি ডাগর মেয়ে বিবাহ করেন, সেই মেয়ের নাম কাদম্বিনী। বিবাহের এক বৎসর পরে কাদম্বিনীর একটি পুত্র-সন্তান জন্মে ; তাহার পর বৎসর একটি কন্যা ; তৃতীয় বৎসরে একসঙ্গে একটি পুত্র একটি কন্যা। তাহার পর তিন বৎসর বন্ধ। তিন বৎসর পরে একটি হাতকাটা কন্যা ; এখন অর্থাৎ বর্তমানে একটি কচিছেলে কাদম্বিনীর কোলে।

তারাপদের বিবাহ হয় নাই। তাহার পিতা পিতামহেরা কোন জাতি

উচ্চ ডাকে নীলাম হইয়া যাইত ; তারাপদ মুর্থ ছেলে, তথাপি তাহার ডাক হয় নাই। ইহাতেই বুঝিতে হইবে, তারাপদ কায়স্থ ব্রাহ্মণের ঘরের ছেলে নয়।

তারাপদ নিরেট মুর্থ, তারাপদ গৌরার, তারাপদ গুলিখোর। তারাপদের কিন্তু দুটি গুণ আছে ;—তারাপদ চোর নয়, তারাপদ লম্পট নয়। বিবাহ হয় না কেন, তাহা আমরা অনুমান করিতে পারি না। পাড়ার কেহ কেহ বলে, উহাদের বিবাহে অনেক টাকা লাগে ; মেয়ে কিনিয়া বিবাহ করিতে হয়। রামধনের টাকা নাই, স্মতরাং ২৪ বৎসরের পুত্র অবিবাহিত।

রামধনের অবস্থা ভাল নহে। চাকরি ছিল উপজীবিকা, বিধির বিড়ম্বনায় চাকরিটি গিয়াছে, অল্প কাজকর্ম জোটেনা, কাজে কাজেই রামধনের বড় ছরবস্থা। যখন চাকরি ছিল, রামধন তখন কলিকাতার খালের পূর্বদিকে উন্টাডিকি নামক স্থানে সস্তাদরে একখণ্ড জমি খরিদ করিয়া একখানি একতলা বাটী নির্মাণ করিয়াছিলেন ;—সেই বাড়ীখানি এখন বন্ধক পড়িয়াছে ;—সেই টাকার গোছে গোছে এখন সংসার চলিতেছে।

মানুষের অবস্থা মন্দ হইলে ধর্মকথা বলিতে হয়। আমরা রামধনের অল্পকূলে ধর্মকথা বলিব। পেটে খাইবার জন্য রামধন বাস্তবিক বাড়ী বন্ধক দেন নাই, মংলব ছিল। বন্ধক দিবার পরেই তিনি বড়বাজারে দর্মাহাটা ষ্ট্রীটে একখানি সূতার দোকান খোলেন ; দোকানখানি দেড়বৎসর চলিয়াছিল ; কিছুই লাভ হয় নাই, একথা বলা যাইবে না ;—হইয়াছিল কিঞ্চিৎ, কিন্তু খাতাপত্রে লাভের অপেক্ষা দেনা বেশী দাঁড়ায়। কাপড়ের কারবারে সূতার কারবারে, আরও কয়েকটা কারবারে দোকানদারকে অথবা জানাওনা খরিদারকে ধারে জিনিষ পত্র ছাড়িয়া দিতে হয়, না দিলে কারবার চলে না ; সেই হিসাবে রামধনের অনেক টাকা বিলাত-বাকী পড়ে। কাজে কাজেই দোকান বন্ধ হইয়া যায়। মহাজনেরা নাশিশ করিয়া ডিক্রী করে, রামধন গা টাকা হন। আজিও গা-টাকা।

তারাপদ কোন কাজ করে না। বাড়ীতেই প্রায় থাকে না। বেলা একটার সময় একবার আসিয়া ভাত খাইয়া যায়, সন্ধ্যার পর একবার কিছু খাবার চায় ; বাড়ীতে মুড়ী কেনা থাকে, বিমাতার মেহের হস্তে

তারাপদ কায়স্থ ব্রাহ্মণের ঘরের ছেলে নয়। তারাপদ নিরেট মুর্থ, তারাপদ গৌরার, তারাপদ গুলিখোর। তারাপদের কিন্তু দুটি গুণ আছে ;—তারাপদ চোর নয়, তারাপদ লম্পট নয়। বিবাহ হয় না কেন, তাহা আমরা অনুমান করিতে পারি না। পাড়ার কেহ কেহ বলে, উহাদের বিবাহে অনেক টাকা লাগে ; মেয়ে কিনিয়া বিবাহ করিতে হয়। রামধনের টাকা নাই, স্মতরাং ২৪ বৎসরের পুত্র অবিবাহিত।

একজন পাঁচালীওয়াল বন্ধুর বৈঠকখানায় শয়ন করে। নিজ বাড়ীর সঙ্গে তারাপদের ঐ পর্য্যন্ত সম্পর্ক।

সংসারে বড় কষ্ট। পরিবার অনেকগুলি। ধার করা টাকা। কত্কা গা-টাকা। কাজে কাজেই বড় কষ্ট। দুই বেলা রন্ধন হয় না;—প্রতি-দিন বেলা দুই প্রহরের পর যৎসামান্য উপকরণে অন্ন প্রস্তুত হয়। এই কষ্টের সংসারে কাদম্বিনী কিন্তু চওড়া চওড়া পাড়ওয়াল ফরসা ফরসা কাপড় পরেন, কর্তার চাকরির আমলে খান্‌কতক গহনা হইয়াছিল, বাড়ী বন্ধকের পূর্বে কাদম্বিনী তাহার একখানিও বন্ধক দিতে দেন নাই, সেই গহনাগুলি কাদম্বিনী নিত্য বৈকালে অঙ্গে দেন, কবিরাজ এন সেন, এবং এন, দত্তের স্নগন্ধি তৈলে চুল বাঁধেন, হাতে পায়ে, নখে ঠোঁটে, এন, দত্তের সুপ্রশংসিত পরিমলময় তরল আলতা মাখিয়া বিবি হন, কালো কালো গুবরে পোকার টিপ্ কাটেন, এন দত্তের সুরভিময় তাম্বুলীন মিশাইয়া পান খান, দিব্য সৌখিনভাবে থাকেন। সংসারের তত কষ্টেও ঐরূপ নাগর মোহিনী সজ্জায় দিব্য হাসি হাসি মুখে পঞ্চান বংশরের পতির সঙ্গে সটান আমোদ আহ্লাদ করেন।

রামধন বিশ্বাস কাদম্বিনীর অত্যন্ত বাধ্য। অধিক বয়সে দ্বিতীয়বার বিবাহ করিলেই স্ত্রীর বাধ্য হইতে হয়, এই বিশ্বজনীন সূক্ষ্ম তত্ত্বটী রাম-ধনের উত্তমরূপ জানা হইয়াছে। অতগুলি ছেলেমেয়ে হইলেও কাদম্বিনী এখনও যুবতী, রামধন ৫৫ বংশরের বৃদ্ধ;—সুতরাং সর্কদাই যুবতীর মন জোগাইয়া চলিতে হয়। কেবল তাহাই নহে, রামধনকে পদে পদে কাদ-ম্বিনীকে ভয় করিয়া চলিতে হয়।

তারাপদ এই বিমাতাকে মা বলে না। সমবয়স্কা বলিয়া নাম ধরিয়াও ডাকে না। কাদম্বিনীর প্রথম সন্তানের নাম মন্মথনাথ; সেই নামের যোগে তারাপদ কাদম্বিনীকে মোনার মা বলে। যাহাই বলুক, তারাপদ কিন্তু মোনার মাকে মনে মনে অত্যন্ত ঘৃণা করে;—চক্ষেও কালসার্পিনী দেখে।

কাদম্বিনী অত্যন্ত মুখরা। স্বামীর সহিত যখন কলহ হয়, কাদম্বিনী তখন জাতি-বিচার পর্য্যন্ত বাকী রাখেন না। সেকালে বধু-ননদে যেকোন ঝুটাপুটি ঝগড়া হইত, কাদম্বিনী এখন পতির সঙ্গে সেই রকম ঝুটাপুটি ঝগড়া করেন। মধ্যে মধ্যে সপত্নীপুত্র তারাপদের সঙ্গেও দুই এক হাত লাগিয়া যায়। এইবার কাদম্বিনী কাদম্বিনী কণা বসিয়াছে।

একদিন সন্ধ্যার পর বৃদ্ধ রামধন আপনার শয়ন ঘরে বসিয়া কাশী-রাম দাসের মহাভারত পড়িতেছেন, পাশের ঘরে কাদম্বিনী শয়ন করিয়া আছেন, তাঁহার চারিধারে ছেলে মেয়েরা খেলা করিয়া বেড়াইতেছে, ঘরে একটি প্রদীপ জ্বলিতেছে, এমন সময়ে তারাপদ আসিয়া ডাকিল, “মোনার মা !”

মোনার মা উত্তর দিলেন না। তারাপদ আবার ডাকিল, “মোনার মা !” সেবারেও মোনার মা, কথা কহিলেন না। পূর্বাপেক্ষা অধিক গর্জনে তারাপদ তৃতীয়বার ডাকিল, “মোনার মা !”

এইবার মোনার মা গা ঝাড়া দিয়া উঠিয়া বসিলেন। পূর্ববর্ণিত মোহিনী বেশ। চক্ষুছটি রক্তবর্ণ, সুন্দর মুখখানিও রক্তবর্ণ। কেননা, কাদম্বিনী সুন্দরী। ক্রোধের সময় সুন্দরীদের মুখ চক্ষু রক্তবর্ণ হয়, সেই লক্ষণে তারাপদ বুঝিল, রাগ হইয়াছে।

তিনবার ডাকে উত্তর না পাইয়া তারাপদেরও রাগ হইতেছিল, এমন সময়ে কাদম্বিনী হুঙ্কার করিয়া বলিলেন, “জোটে কোথা থেকে ? হয় কোথা থেকে ? আসে কোথা থেকে ? মুখে কেবল খাবার—খাবার—খাবার ! আজ কেবল উহুনের ছাই আছে। পঁচিশ বছরের মদ, এক-কড়ার ক্ষমতা নেই, রোজ রোজ কেবল খাওয়াও—খাওয়াও—খাওয়াও ! বুড়ো আর পারবে না, দূর হয়ে যা !”

তারাপদ ধৈর্য্য ধারণ করিতে পারিল না। অত্যন্ত কর্কশস্বরে বলিল, “হাজারবার খাবো ! তোর বাবার কি ! আজ তুই মদ খেয়েছিস ! নিশ্চয় খেয়েছিস ! মুখ চক্ষু লাল ! তোর ঐ মুখে আমি লাথি মারি !”

তারাপদ লাথি মারিতে উদ্বৃত হইল। ছেলেরা চীৎকার করিয়া কাঁদিয়া উঠিল, বৃদ্ধ রামধন কাঁপিতে কাঁপিতে দ্বারের কাছে আসিয়া উঁকি মারিলেন। দেখিতে পাইয়া তারাপদ পিতাকে এক ধাক্কা দিয়া সক্রোধে বলিল, “তুমি কেন এখানে ? আচ্ছা দাঁড়াও ! তোমার সাক্ষাতেই আজ আমি এই বেটীর দর্প চূর্ণ করিব ! বেটী মদ খেয়েছে ! মুখ চক্ষু লাল করেছে ! আবার এক কালা পোকের টীপ্ কেটেছে। রক্ত দেখ ! কথা কহিও না ! বাবা আছ, বাবাই আছ ! কথা কহিলে এক চড়ে তোমার—”

কর্তাকে এই রকম ধমক দিয়া, কাদম্বিনীর দিকে ফিরিয়া, তারাপদ



ভালবাসা আছে ! নিশ্চয় আছে ! তারি সঙ্গে তুই মদ খাস ! এক লাথিতে আজ তোরে আমি সোজা করিব ! কারে কি বলিস, তাহা তুই জানিস ? আমি তারাপদ বিশ্বাস, আমার হাতে তোর—আমি-বাবা নই বাবা ! আমার হাতে তোর নিশ্চয় মৃত্যু !”

তারাপদ পুনর্বার লাথি তুলিল, কাদম্বিনী কাঁদিয়া উঠিলেন, যাহা মুখে আসিল, তাহাই বলিয়া গালাগালি পাড়িতে লাগিলেন, ছেলে মেয়েরা চীৎকার করিয়া উঠিল ।

কর্তা আর চুপ্ করিয়া থাকিতে পারিলেন না ; কদলীদলের স্তায় কাঁপিতে কাঁপিতে ঘরের ভিতর প্রবেশ করিলেন । কাদম্বিনীকে ছাড়িয়া, দুই হাতে ঘুসি পাকাইয়া, দস্ত পেষণ করিতে করিতে, তারাপদ এক লক্ষ্যে কম্পিত বৃদ্ধের সম্মুখে গিয়া দাঁড়াইল ; ক্রকুটি করিয়া জিজ্ঞাসিল, “কিসের কম্প ? শীতের না জরের ? জরের না ভয়ের ? অত কম্প ভাল নয় ! দেখ বাবা ! তোমার ঐ মেয়েমানুষটির জগত-মোহিনী সাজ-সজ্জা দেখিয়া তুমি নিশ্চয় তাহা বুঝিতে পার, মুখে কিছু বল না, সেটা কেবল ভয়ে । তোমার মেয়েমানুষ ওলাড়ার রামকালীর সঙ্গে রোজ সন্ধ্যাকালে মদ খায় । রামকালীর টাকা আছে, তোমার মেয়েমানুষ রোজ রোজ টাকা পায় । রামকালী উহাকে কুলের বাহির করিবার পরামর্শ করিতেছে ! কেন তুমি বিয়ে করিলে ? কেন তুমি বাড়ী বন্ধক দিলে ? বাড়ী বন্ধক দিবার তুমি কে ? কিসের বাবা তুমি ? তোমার মেয়েমানুষের গায়ে অত গহনা, ভয়ে তাহার একখানিতেও তুমি হস্তার্পণ করিতে পারিলে না । আমি বালক, কেবল আগাকে বন্ধনা করিবার জন্য তুমি এই বাম্বিনীকে বিবাহ করিয়াছ । গণ্ডা গণ্ডা ছেলে হইতেছে । পাছে আমি দাবিদার হই, সেই ভয়ে বাড়ীখানা আগে ভাগে বন্ধক দিয়াছ ! গণ্ডা গণ্ডা ছেলে একটাও রাখিব না ! সব গুলাকে গলা টিপিয়া মারিব, কেন তুমি বিয়ে করিলে ? কেন তুমি বাড়ী বন্ধক দিলে ? কেন তোমার মেয়েমানুষ পরের সঙ্গে মদ খায় ! ছি বাবা ! ছি ছি ! ধিক্ তোমাকে ! বাবা কি এই রকম ? ছি বাবা ! তোমাকে বাবা বলিতে নাই ; আর আমি তোমাকে বাবা বলিব না ; কি বলিয়া ডাকিব, তোমার মেয়েমানুষ মদ খাইয়া শিখাইয়া দিবে । মেয়েমানুষ কেন বলি,—আমি বলি না,—

একটা মেয়েমানুষ রাখা ভাল, তুমিও আনন্দপুর হইতে এই মেয়েমানুষ আনিয়াছ, মেয়েমানুষ লইয়া থাক, আমি বাহির হইলাম; না হয় মেয়েমানুষ লইয়া তুমি বাহির হও, আমি এই বন্ধকী বাড়ীতে থাকি। যেমন করিয়া পারি, মহাজন্মের হাতে পায়ের ধরিয়া, এ বাড়ী আমি উদ্ধার করিব, তোমার মৃতন ছেলের গলা টিপিয়া মারিব! যাও, আমি তোমাকে পরিত্যাগ করিলাম! বাবা তুমি নও! আর একদিন—যদি কোন দিন মোনার মাকে কাটিয়া ফেলিতে পারি, তবে আর একদিন তোমাকে বাবা বলিয়া শ্রীচরণ দর্শন করিব। প্রতিজ্ঞা যদি ভঙ্গ হয়, তাহা হইলে তোমার মত গাধাকে বাবা বলা আমার এই পর্য্যন্ত শেষ। হয় তুমি যাও, সব যাও; না হয় তোমরা থাক, আমি যাই। দেখ বাবা—এখনও বলি বাবা। দেখ বাবা! তোমার মুখ দেখিতে নাই। নূতন বিবাহের পর হইতে এতদিন আমি তোমাকে বাবা বলিয়াছি,—ধিক্ আমাকে! বড়ই পাপ করিয়াছি, প্রায়শ্চিত্ত করিব! আমার মা নাই, স্বচ্ছন্দে খুঁজিয়া লইব, আর একটি নূতন বাবা! কেন না, সংসারে একটা বাবা থাকা ভাল। ভাল বাবা চাই। তোমার মত বাবা আমি চাই না! যাও, চলিয়া যাও! সহজে যদি না যাও, ঘুসি মারিয়া বাহির করিব।”

একটু বাবাগিরী জানাইয়া, একটু পুরুষত্ব দেখাইয়া, এই কাহিনীর বাবাটী কাঁপিতে কাঁপিতে বলিলেন, “কই? কই? ঘুসি কই? মারো দেখি ঘুসি?”

পাকানোই ছিল, তারাপদ ধাঁ করিয়া বাবার নাকে এক ঘুঁসি মারিল, বাবা ঘুরিয়া পড়িলেন, নাক দিয়া ছ ছ করিয়া রক্ত পড়িতে লাগিল। হাসিতে হাসিতে কাদম্বিনীর দিকে চাহিয়া হাত নাড়িয়া তারাপদ বলিল, “মোনার মা! দেখ, তোর দকা রক্ষা হয়ে গেল! তুই রাঁড় হলি!”

মোনার মা রাঁড় হইল না। বাড়ীখানা ছাড়িতেও চাহিল না। মোনার মার ছই গালে ছই ঠোনা মারিয়া, ছেলেগুলোকে এক এক লাধি মারিয়া, হাসিতে হাসিতে, বকিতে বকিতে তারাপদ বাহির হইয়া গেল। বাবা মূচ্ছিত হইয়া পড়িয়া রহিলেন। ঘরের ভিতর ক্রন্দনের রোল উঠিল। পাঠক মহাশয়েরা দেখিলেন, এক রকম ছিল পূর্বের বাবা, আর একরকম হইল কাদম্বিনীর কর্তা বাবা।

শ্রীভুবনচন্দ্র মুখোপাধ্যায়।

## শকুন্তলা ।

( পূর্ব প্রকাশিতের পর । )

স্বর শুনিয়া রাজা মনে করিলেন, “এই বৃক্ষবাটিকায় আলাপের স্থায় কি শুনিলাম না ?” সেই স্বর এত মধুর যে, তাহা মনুষ্যকণ্ঠনিঃসৃত কি পক্ষি-কুজিত, রাজা তাহা নির্ণয় করিতে পারিলেন না। কোতুহলী হইয়া বেদিক হইতে শব্দ আসিয়াছিল, সেই দিকেই চলিলেন।

কিয়দূর গিয়া রাজা বাহা দেখিলেন, তাহা হইতে আর চক্ষু তুলিতে পারিলেন না। দেখিলেন, তিনটি তাপস-বালা। তিনটিই প্রায় সম-বয়স্কা—তিনটিই নবযুবতী। আহা মরি মরি কি রূপ! দেহে যেন ধরে না। কি সৌকুমার্য! যৌবনে যেন চল চল করিতেছে! হঠাৎ দেখিলে মনে হয়, যেন পুষ্পরাশি ধরে ধরে সাজান রহিয়াছে। তরু-আলবালে জল-সেচন-কার্য্য ব্যাপ্ত। তিনটি রমণীকে দেখিলে মনে হয় যেন, বসন্তানিলচালিতা পল্লবিনী লতা। রাজা অতৃপ্ত লোচনে দেখিতে লাগিলেন।

তঁাহার ঘরে সুন্দরী যুবতীর অভাব নাই; কিন্তু ইহাদের কাছে, তাহাদের রূপ লাগে কোথা? ইহাদের দেখিয়াই তিনি যেন তঁাহার মহিষী-গণকে একে একে স্মরণ করিয়া তুলনার সমালোচনা করিয়া ফেলিলেন। বলিলেন, “দেখিলাম আজ উগ্ধানলতা বনলতার নিকট পরাজিতা?”

এদিকে রমণীগণ ক্রমশঃ সেই দিকে আসিতে লাগিলেন। তন্মধ্যে একজন অপর একজনকে সম্বোধন করিয়া বলিলেন, “দেখ ভাই শকুন্তলা, মহর্ষি তোমার চেয়েও ঐ নবমল্লিকা গাছটিকে ভালবাসেন, এই দেখ না কেন, তোমাকে ইহার সেবায় নিবৃত্ত করিয়াছেন।”

এই “ভাই শকুন্তলা” সম্বোধনেই রাজা বুঝিলেন যে, ইনিই তপস্বী-কথিতা কণ্ঠহিতা শকুন্তলা। কালিদাস অতি সুন্দর উপায়ে রাজাকে শকুন্তলা চিনাইয়া দিলেন। তঁাহার এই নাট্য-চাতুর্য্য (Dramatic Art) সেক্স-পিরারের অ্যান্টনীর বক্তৃতায় অথবা আয়াগোর বচন-চাতুর্য্যে প্রযুক্ত লিপিকৌশল অপেক্ষা কোনও অংশে নূন বলিয়া আমাদের মনে হয় না।

রাজা কণ্ঠার অবিবেচনা দেখিয়া মনে মনে তঁাহার নিন্দা করিয়া বলিলেন, “মহর্ষি দেখিতেছি নীলোৎপল পত্রদ্বারা শমীবৃক্ষ ছেদন করিতে উগ্ধ হইয়াছেন। স্ত্রীলোকের কোমলতার যদি কিছু উপমা থাকে, তবে তাহা পদ্মের

পাতা । মহাকবি কালিদাস ঐ উপমা প্রয়োগ করিয়া কবিত্বের পরাকাষ্ঠা দেখাইয়াছেন । পদ্মপাতাটি যখন জলের উপর ভাসিয়া থাকে, তখন তাহাকে দেখিতে বড়ই ভারসহ বলিয়া মনে হয়, কিন্তু জল হইতে তুলিবামাত্র উহা চলিয়া পড়ে । কোমলা স্ত্রীও ঠিক সেইরূপ ; তাহার স্নগোল, সূঠাম দেহ-যষ্টি-খানি দেখিলে মনে হয় যেন, কত শ্রমসহিষ্ণু, কিন্তু সামান্যমাত্র শ্রম করিলে তাহার দেহ যেন ভাঙ্গিয়া পড়ে ।”

তাহাদের সামান্য ক্ষণ দেখিয়া রাজার তৃপ্তি হইল না । দর্শনেচ্ছা আরও বলবতী হইয়া উঠিল । তাহাদিগকে ভাল করিয়া দেখিবার জন্ত এবং তাহাদের বিশ্রাস্তালাপ শুনিবার জন্ত তিনি এক সন্নিহিত বৃক্ষান্তরালে লুকায়িত হইলেন । আর সহসা তাহাদের সন্মুখে যাওয়াও উচিত নহে,— তাহাদের কার্য্যে ব্যাঘাত হইবে । সাত পাঁচ ভাবিয়া তিনি লুকাইলেন ।

কাজটা বড় ভাল হইল না । যিনি সমাগরা পৃথিবীর রাজা, কুলকামিনীর সম্বন্ধ রক্ষা করা তাহার কর্তব্য, তাহার পক্ষে একরূপে লুকাইয়া যুবতীগণের গতিবিধি লক্ষ্য করাটা ভাল দেখাইবে কি ? তাহারা হয় ত কত মনের কথা বলিবে, কোনও পুরুষ নিকটে নাই দেখিয়া পরিহিত বস্ত্রাদি একটু আধটু “অসামান্য” করিয়া দিবে ? সে গুলা গুনা বা দেখা কি কোন ভদ্রলোকের উচিত ? বিশেষ তিনি হিন্দু । হিন্দুধর্মশাস্ত্র মহুসংহিতায় উক্ত আছে যে, যদি কোনও পুরুষ কোনও স্ত্রীলোকের অজ্ঞাতসারে তাহার নগ্ন বা প্রায়-নগ্ন দেহে দৃষ্টিপাত করে, তবে তাহার অনন্ত নরক বাস হয় । ঋষিবাক্য প্রগাঢ় শ্রদ্ধাশীল হুয়ান্তের কি একরূপ করা উচিত ? আমরা বলি, কোনমতে উচিত নহে । রাজা হয়ত আমাদের এই অনুযোগ শুনিলে বলিবেন যে, “আমি সব বুঝি, সব জানি ; কিন্তু তবু পারি না । সুন্দরী স্ত্রীলোক দেখিবার লোভটুকু আমি ত্যাগ করিতে পারি না । ঋষিবাক্যে শ্রদ্ধা আছে—বলিয়া এক কথায় মৃগয়ার লোভ সামলাইতে পারি, অদর্শে ভয় আছে বলিয়া—পত্নী বলিয়া উক্ত হইলেও অসামান্য সুন্দরীকে অনারাসে পরিত্যাগ করিতে পারি, কিন্তু ঐটি পারি না, দেখিবার লোভটুকু সামলাইতে পারি না ।

বলিতে পারি না, এ লোভ সামলাইতে পারেন, পৃথিবীতে এমন বীর কয়জন আছেন । রাজার এইরূপ প্রকৃতি দিয়া কবি আমাদের এক



হইলেই, মানুষ অপদার্থ হয় না—অসচ্চরিত্রতার ইহা একমাত্র নিদর্শন নহে ।  
পক্ষান্তরে কেবল ইহা হইতে বিরত হইলেই সচ্চরিত্র হওয়া যায় না ।

রাজা লুকাইয়া দেখিতে শুনিতে লাগিলেন । আমরাও রাজার পাশে  
দাঁড়াইয়া সাধু সঙ্গের মহিমা বৃদ্ধিতে পারিলাম, আমাদের ভাগ্যেও দেখা  
শুনা ঘটিল ।

যে সখীটি শকুন্তলাকে নবমল্লিকার গাছ উপলক্ষ করিয়া কস্তুর তাল-  
বাসার তুলনা করিয়াছিলেন, তাঁহার নাম অনসূয়া । শকুন্তলা তাঁহাকে  
বলিলেন, “ভাই অনসূয়া, প্রিয়ংবদা বকলটা আমার বুকে বড় আঁট করিয়া  
পরাইয়া দিয়াছে, একটু আল্লা করিয়া দাও ত ।” সখী দুইটির কাহার কি  
নাম, রাজা জানিতে পারিলেন ।

এতক্ষণ রাজার খেয়াল হয় নাই যে, ইহঁরা বকল পরিয়া আছেন ;  
ইা করিয়া তাহাদের রূপই দেখিতেছিলেন, পরিহিত বস্ত্রের প্রতি অত  
লক্ষ্য করেন নাই ; এতক্ষণে “হঁস” হইল । শকুন্তলার কথা শুনিয়াই মনে  
করিলেন, “এ যে বকল দেখিতেছি, বকলের পরিবর্তে ইহঁকে বস্ত্রালঙ্কার  
পরাইলে আরও মানায় ! পরক্ষণেই আবার ভাবিলেন না, ‘যা’র যা’—  
তা’র তা’—ইহঁকে বকলেই বেশ মানাইতেছে, গহনা গাঁটি পরিলে কুৎসিত  
দেখাইত ।” সুন্দরী স্ত্রীলোক হইলেই যে তাহাকে বস্ত্রালঙ্কার পরিতে হয়,  
স্বীয় মহিষীদিগকে দেখিয়া রাজার এতদিন সেই ধারণাই ছিল—আজ  
তাহা ঘুটিল ।

অনসূয়া বকল শিখিল করিতে আসিল ; প্রিয়ংবদা বকল অত কথা  
হওয়ার কারণ লক্ষ্য করিয়া একটু ঠাট্টা করিল । প্রিয়ংবদা উহাদের সকলের  
অপেক্ষা একটু বয়োজ্যেষ্ঠা এবং পরিহাস-রসিকা । সে কথায় কথায়  
শকুন্তলাকে এমন ক্ষেপাইত যে, শকুন্তলা মনে মনে তাহাকে প্রশংসা  
করিয়া মুখে ক্রোধ প্রকাশ করিতেন ; কখনও বা তাহারই কথার দ্বারা  
তাহাকে পরিহাস করিতেন । আমরা সে মনোহর কলহ অল্পে অল্পে  
দেখিতে পাইব ।

শকুন্তলা নবমল্লিকা, গাছটির নাম দিয়াছেন ‘বনজ্যোৎস্না’ । এই  
নাম করণেও কবির যথেষ্ট কবিত্ব আছে । জানালার ভিতর দিয়া অন্ধকার  
ঘরে যখন জ্যোৎস্না প্রবেশ করি, তখন জ্যোৎস্না রেখাটিকে বড়ই সমুজ্জল  
দেখায় । আর নবমল্লিকা গাছটিও কালো যেন অন্ধকার ঘর । তাহার

ভিতর একটি সাদাফুল ফুটিলে ফুলটি ফুট ফুট করে—সমস্ত লতাটিকে যেন আলো করিয়া থাকে ।

শকুন্তলা এইবার নবমল্লিকা লতার নিকট গিয়া দাঁড়াইলে প্রিয়ংবদা অনন্যূয়াকে বলিলেন, “অনন্যূয়া, শকুন্তলা বনজ্যোৎস্নাকে কেন এত ভাল বাসে জান ?” সরলা অনন্যূয়া বলিল, “না—কেন ?” প্রিয়ংবদা “বনজ্যোৎস্না কেমন সহকারকে বর পাইয়াছে ; শকুন্তলারও ঐরূপ একটি উপযুক্ত বর পাইতে ইচ্ছা করে কিনা, ভাই ।” শকুন্তলা তাহা শুনিয়া আপনার সুন্দর মুখখানি নাড়িয়া বলিলেন, “তার চেয়ে স্পষ্ট বল না কেন, ভাই, তোমার নিজের বরের দয়কার হইয়াছে, অত “ফেরাফিরি তাঁড়াতাড়িতে” কাঁধ কি ? প্রিয়ংবদা কথাটা গায়ে মাখিলেন না ।

রাজা এতক্ষণ শকুন্তলাকে দেখিতেছিলেন—দেখিয়া মজিতেছিলেন, এখন তাঁহাকে পাইতে বাসনা হইল । তাঁহার গৃহে যে বহুমহিষী আছেন, তাঁহারা সকলে যে সপত্নীসংখ্যা বৃদ্ধি পাইলে ব্যপিত হইবেন, সে কথাটা তিনি একবারও ভাবিলেন না । শকুন্তলার রূপ, তাঁহার চলন বলনের ভঙ্গী, তাঁহার সারল্য দেখিয়া একবারে তাঁহাকে পাইয়া বসিতে চাহিলেন । কথাই আছে, “যার ছেলে বড় পায়, তার ছেলে তুচ্ছ চায় ।”

আমাদের মনে হয়, রাজা তাঁহার মহিষীগণের মধ্যে একজনকেও পূর্ক-  
রাগের বশবর্তী হইয়া বিবাহ করেন নাই । স্বয়ংবরের নিমন্ত্রণ পাইয়া  
কল্পালয়ে যাইতেন এবং কল্পা তাঁহার রূপ দেখিয়া এবং বেত্রবতীর নিকট  
তাঁহার গুণ ও পদমর্যাদা শ্রবণ করিয়া তাঁহার গলে বরমালা দিতেন ;  
যথারীতি বিবাহান্তে কল্পা রাজাস্তম্ভপু্রে গিয়া মহিষী সংখ্যা বৃদ্ধি করিতেন ।  
এখন, শকুন্তলার তাঁহার চিরাগত প্রথার বিরুদ্ধাচরণ হইল, বিবাহের পূর্বেই  
তিনি শকুন্তলাকে ভাল বাসিয়া ফেলিয়াছেন,—নূতনত্ব জন্মিয়াছে, সুতরাং  
তাঁহাকে না পাইয়া থাকিতে পারেন না । পুরাতনে বিরক্ত হইয়া লঙ্কার  
দশানন একদিন ছুঃখিতচিত্তে বলিয়াছিলেন, “নাহি রমণী ভূতলে, প্রেম  
আশে সাধি ধারে, দেবকল্পা ইঞ্জিতে আমার ভজে ।” যাহারা চিরকাল  
অযাচিত প্রেম লাভ করিয়াছে, যাহাদের পদে সুন্দরীকুল বিক্রীত, তাহারা  
যাকে মাঝে মুখ বদলাইবার আকাঙ্ক্ষায় সাধাসাধি, কাঁদাকাঁদি, মান, মান-  
ভঞ্নের আশ্বাদ পাইতে ইচ্ছা করিয়া থাকে । যে কারণেই হউক, রাজা  
শকুন্তলাকে পাইতে বাসনা করিলেন ।

শ্রীদেবেশ্বর মুখোপাধ্যায় ।

## উমা ।

( পূর্ব প্রকাশিতের পর । )

পুস্তক পাঠ করিয়া প্রাণের উচ্ছ্বাসে অনেক কথা বলিয়াছি, তবু কিছুই যলা হইল না। সমাজের প্রত্যেক গৃহে অধিকারী ভেদে কর্তব্য ; ধর্ম, আচার শিক্ষা দেওয়ার আবশ্যিকতা যে কতদূর তাহার কিছুই বলা হইল না। পাঁচকড়ি বাবু তাঁহার পুত্রকে তাহা সুবিধা মত দেখাইতে ক্রটি করেন নাই! মোট কথা, বিনোদিনীর জন্য দায়ী উমার পিতা এবং কতক পরিমাণে উমার শাস্ত্রী! যোগেশ্বরেরও কোন দোষ নাই গ্রন্থকার বলিতেছেন,—তাহারও কারণ বিনোদিনীর মতই! ব্রাহ্মণোচিত শিক্ষা তাহার হয় নাই। বিনোদিনী যেমন সাদা কাপড় পরিয়াই হবিষ্টিশিনী হইয়াই বিধবা ব্রাহ্মচারিণী, যোগেশ্বরও তেমনি গলায় পৈতা ঝুলাইয়াই ব্রাহ্মণ! যোগেশ্বর উচ্চ শিক্ষা পাইয়াছেন বটে, সে কেবল পুঁথিগত, তাহা কেবল পাশ করিবার ও বড় চাকরীর আশায়, জীবনে যে তাহা খাটাইতে হইবে, তাহা একদিনও তিনি ভাবেন নাই বা তাহার চেষ্টা করেন নাই। মাতাও বাল্যকাল হইতে সে শিক্ষা কিছুই দেন নাই, স্মৃতরাং সংযম শিক্ষা কিরূপে হইবে? কিন্তু তথাপি যোগেশ্বরের উপর আমার রাগ যায় না, তার উপর আমার ক্ষমাবৃত্তি তেমন চালনা করিতে পারি না। বিনোদিনীর চোকের জল দেখিলে আমারও সহানুভূতির অশ্রু আসে, কিন্তু যোগেশ্বরের চোকের জলে আমার ততটা হয় না, কারণ সে কেবল রূপের লালসায়, ইন্দ্রিয়ের তাড়নায় উমার স্ত্রায় সতীকে অবহেলা করিয়াছে। বাস্তবিক সে যদি উমাকে অবহেলা না করিয়া, হতাদর না করিয়া, বিনোদিনীর প্রতি আসক্ত হইত, তাহা হইলে হয়ত আমার এত রাগ হইত না; উমাও এত কষ্ট পাইত না; সে যদি উমাকে নিজ মনের ভাব খুলিয়া বলিত, তবে উমা যেরূপ স্বামী প্রেমবতী; তাহাতে সে হয়ত স্বয়ং স্বামীর প্রবৃত্তির সন্তোষ বিধান করিতে যাইত এবং তখন হয়ত ভগবদনুগ্রহে বিলম্বস্বল্পে মত যোগেশ্বরের চৈতন্য হইতে পারিত, সব দিক রক্ষা পাইত, কিন্তু পাপিষ্ঠ তাহা করে নাই—সে অবজ্ঞা করিয়া সতীর মনে কষ্ট দিয়াছে, তাহাকে লুকাইয়া তাহার বস্ত্র অন্তকে দিয়াছে, তবুও সতী একদিনের জন্তও স্বামী

প্রেম হইতে চ্যুতা হয় নাই, স্বামীর প্রতি ভক্তি হারায় নাই ! বিনোদিনী পুরুষান্তরে কখনও নিজ দেহ অর্পণ করে নাই, সে যোগেশ্বরে রীতিমত আত্ম সমর্পণ করিয়াছিল, অকৃত্রিম ভালবাসার সহিত স্বামীভাবে যোগেশ্বরে আত্ম সমর্পণ করিয়াছিল। এইখানে বিনোদিনী কুন্দ অপেক্ষা অনেক কম দোষী, কারণ কুন্দ স্বামীসঙ্গতা হইয়াও পুরুষান্তরে প্রেমবতী হইয়াছিল। অত্যাচার বিষয়ে উভয়েই প্রায় তুল্য বলিয়া বোধ হয়। তবে বিনোদিনীর একেবারে যে দোষ নাই, তাহা নহে, তাহার এরূপ করাও যে মহাপাপ, তাহাতে সন্দেহ নাই। যোগেশ্বরকে সে অত্মের স্বামী জানিয়া সেই রমণীর বিনা আদেশে ও ধর্মসঙ্গত কোন বন্ধনে বন্ধ না হইয়া তাহার এরূপ করা কর্তব্য হয় নাই, সে কথা তাহার মৃত্যুকালে তাহার মাতুল তাহাকে বুঝাইয়া দিয়াছিলেন, তার পর সেও তাহা বুঝিয়াছিল এবং মৃত্যুকালের প্রলাপের সময় সে যোগেশ্বরকে স্বামী ভাবিতে ভাবিতে নিজ স্বামীর ছায়ামূর্তি দেখিয়া তাঁহাকেই তখন ক্ষমা করিবার জন্ত প্রার্থনা করিয়াছিল এবং তখন তাঁহারই প্রশংসা ও যোগেশ্বরের নিন্দা করিয়াছিল।

কিন্তু যোগেশ্বরের ভালবাসা অকৃত্রিম নহে, সে কেবল একটা লালসার তাড়না মাত্র, ইঞ্জিরের নিয়োগ মাত্র ; তাহাতে নরকের অগ্নি দপ্ দপ্ জ্বলিতেছে কিন্তু স্বর্গের অমৃতের স্নিগ্ধতা ও পবিত্রতা একটুও নাই। যোগেশ্বরের কেবল বিনোদের গর্ভ লক্ষণ দর্শনে এবং মায়ের বাটী পরিত্যাগে তথা উমার আগমনে চেতনা হইয়াছে, এ কথা তিনি নিজেই স্বীকার করিয়াছেন ; এরূপ চেতনা অনেকেরই হইতে পারে ! তার পর উমার চেষ্টায় যখন যোগেশ্বর বিনোদের সহিত দেখা করেন, তখনকার কথাবার্তাতেই তাঁহার মনের ভাবের সঙ্কীর্ণতা ও নীচতার পরিচয় পাওয়া যায় এবং উমার মধুর তিরস্কারেও তাহা বৃদ্ধিতে পারা যায়। মোট-কথা, যোগেশ্বরের প্রতি আমার একটুও সহানুভূতি নাই। কিন্তু একথাও স্বীকার করিতে লজ্জা করি না যে, আমরা নব্যশিক্ষিত, অনেকেই এক এক যোগেশ্বর ; আমরা মিল, কোম্বু, মার্টিনি, বেদান্ত-দর্শন, গীতা পড়িয়াও প্রায়শঃই সংযম শিখি না, জীবনের উন্নতির পথ দেখি না, কেবল উদ্গীরণ করি এইমাত্র, বিদ্যা প্রকাশ করি এই মাত্র—নতুবা আমরা, নীতি বিজ্ঞানের উচ্চ পরীক্ষা দিতে গিয়া জুরাচুরী অপরাধে তাড়িত হইব কেন ? উচ্চ শিক্ষিতের শত শত অসদাচরণে সমাজবঙ্গ কলঙ্কিত হইবে কেন ? তাই বলি, যোগেশ্বর



বর্তমানকালের অসংবত চিত্তবৃত্তি উচ্চ শিক্ষিত যুবকের একখানি অতি স্বাভাবিক চিত্র মাত্র ।

এই প্রথম প্রলোভনের কালেষু অবস্থা তুলনা করিলে আমরা গোবিন্দলালকে যোগেশ্বর অপেক্ষা খুব উচ্চ স্থান দিতে প্রস্তুত । গোবিন্দলাল "রোহিণী তাহার প্রতি আসক্ত" জানিয়াও কাল ভ্রমরকে ভুলে নাই—স্বামী-কর্তব্য বিশ্বৃত হয় নাই ; তাহার নিজ-মন জয় করিবার জন্ত সে বিদেশগামী পর্য্যন্ত হইয়াছিল । তার পর যে সে খারাপ হইল, সে ভ্রমরের ভুল বশতঃ ভ্রমরের প্রতি রাগ করিয়া, অভিমান করিয়া । ভ্রমর যদি উমা হইত, আর যোগেশ্বর যদি গোবিন্দলাল হইত, তাহা হইলে সব দিক রক্ষা পাইত, কিন্তু তাহা হইল না, তাই যোগেশ্বর পড়িল, আর উমা আসিয়া হাত ধরিয়া তুলিল, মরণা মাটি-কড়িয়া ফেলিয়া নিজ কর্তব্য কঠোর পরিধান করিল ।

এ বিষয় উমার তুলনা নাই । উমার দেবী চরিত্র এখানেই পরিষ্কৃত, ভ্রমরের অপেক্ষা উমার স্থান অতি উচ্চে । ভ্রমরের সন্দেহেই তার সর্বনাশ ঘটিল, অভিমানেই তার সুখের প্রাসাদ ধূলায় মিশাইল ; আর উমা স্বামীকে অস্ত্রাসক্ত জানিয়াও তখন শাওড়ীর পত্র পাইয়াই স্বামীর উদ্ধারের জন্ত ছুটিল ; স্বামীর এ নিশ্চিন্দে তাঁহার মুক্তিপদ দেখাইতে না পারিলে পতিব্রতা সহধর্মিণী কিসে ? যে ভাল, তাহাকে সকলেই ভাল বাসিতে পারে, যে ভাল বাসে, তাহাকে ভালবাসার মহত্ব কি ? কিন্তু যে ভাল না বাসে, যে মন্দ, ঘৃণিত, তাহাকে যে ভালবাসে, সেই ত দেবহৃদয়ের লোক ; উমার সে দেব হৃদয় ছিল ? তার উপর তাহার ইহ পরকালের দেবতা স্বামীর এই পাপে তাহার হৃদয় কেমন করিয়া স্থির থাকিবে ? তাই সে ছুটিয়া গেল । উমা এক দিনের বিরহে স্বামীর মর্শ্ব স্বামীর প্রেমের গভীরতা, তাহার লৌকিকত্ব বুঝিয়াছে—স্বামীর দেবত্ব তাহার হৃদয়ঙ্গম হইয়াছে, স্বামী খেলার জিনিস নহে তাহা সে জানিয়াছে । বিরহই প্রকৃত প্রেমের পরীক্ষা, সে পরীক্ষার ফল সে পাইয়াছে—তাই সে ফল দেবচরণে অর্পণ করিতে সে ছুটিল ; স্বামীর এ পতনও যে তাহারই ভুলবশতঃ তাহা শতবার স্বীকার করিয়াছে, দেবতা লইয়া খেলা করা যে ভাল নহে, তাহা সে বুঝিয়াছে ! উমা আসিল, নিজ সংসার নিজে বুঝিয়া লইল, নিজ দেব-সেবা নিজে করিতে ব্যাপ্ত হইল । স্বামীর সহিত যখন দেখা হইত, তখন সেই লজ্জালিপ্ত, অবনত মুখ, স্বামীর সহিত সেরূপ প্রফুল্লভাবে সে কথা বলিল, ব্যবহার করিল, তাহাতে বস্তুতঃই আমি

বিস্মিত হইলাম, আমার চক্ষে জল আসিল, দেহে রোমাঞ্চ হইল। যোগেশ্বরের সঙ্গে সঙ্গে মনে মনে বলিলাম, “এ যে দেবতার মত কথা! এমন স্বর্গীয় কথা কোথায় শিখিলে উমা?” আমাদের স্থান সংক্ষিপ্ত, উমার ঐশ্বর্য কথা তুলিয়া দিবার ও ইহা লইয়া উপযুক্ত আলোচনা সম্ভব হইবে না, কিন্তু উমা যেক্রম ভাবে এই পতিত স্বামীকে আদর করিয়াছে, তাঁহার অশ্রু মুছাইয়াছে, স্বীয় হৃদয়ের ওদার্যা প্রকাশ করিয়াছে, তাহাতে আমরা মুগ্ধ হইয়াছি, একরূপ কথা, একরূপ দৃশ্য আমরা বড় বেশী দেখিতে পাই নাই। এ দৃশ্য দেখিলেও পুণ্য হয়, হৃদয় উন্নত হয়, ইহাতে প্রমাণিত হয় যে, পুণ্যের জ্যোতিতে পূত হৃদয়ের সংস্পর্শে মহাপাপও ভস্মীভূত হইতে পারে। হৃদয়ে নির্মলতা আসিতে পারে! সঙ্গী পতিব্রতা নিজস্বগে যে পতিতের উদ্ধার করিতে পারেন, তাহা আমি বিলক্ষণ অবগত আছি, সংসারে প্রত্যক্ষ করিয়াছি! স্বামী যে দোষ করিয়াছেন, জানিয়া শুনিয়া উমা তাহা বিশ্বাস করিতে চাহে না, তাহা শুনিতে চাহে না। “তাহার স্বামী তাহারই আছে, স্বামীর অন্ত কিছু খোঁজে তাহার আবশ্যক কি?” এই তাহার মত—এই তাহার ধারণা! “তাহার কবরী মাটির নহে, তাহার সোণার কুলসী, কুটো হইলেও তাহা আবার নূতন করা যায়, সে কুটো বন্ধ করিয়া দেওয়া যায়, আর তাহার চিহ্নও থাকে না,”—এই তাহার মত! ধন্য উমা! ধন্য তোমার হৃদয়! ভগবতী সাবিত্রী অরুন্ধতী প্রভৃতি সতীগণ উমার পবিত্র হৃদয়ে এই নিরস্ত্র-মানের, এই আশ্রয় নির্ভরের ভাব উদ্দীপ্ত করিয়া দিয়াছিলেন, তাই বিষ-বৃক্ষে অমৃত ফল ফলিল; নতুবা প্রাকৃত রমণীর জায় উমা এ অবস্থায় অতিমান করিলে, স্বামীকে অবজ্ঞা করিলে অতি বিষময় ফল ফলিত, সংসার উচ্ছন্ন ঘাইত, যোগেশ্বর নরকের কীট হইয়া পড়িত, আর উমাও শেষে প্রাণ হারাইত, অকালে সংসার-মুখ ফুরাইত। স্বামী সকল অবস্থাতেই পূজ্য, ত্যজ্য নহেন, তাঁহার পতন হইলে সতী নিজ ধর্মবলে তাঁহাকে উদ্ধার করিয়া নিজ সহধর্মিণী ধর্মের সার্থকতা সম্পাদন করিবেন, উমা এই মন্ত্রে অনুপ্রাণিত হইয়াই এ সাধনা করিয়াছিল, এবং ভগবদ্ভিষ্মার তাহাতে সিদ্ধিলাভও করিতে পারিল।

স্বামী যাহা ভালবাসেন, উমা তাহা স্বর্ণা করিতে পারেন না; স্বামীর হৃদয় যে হরণ করিয়াছিল, সেই বিনোদিনীকেও উমা স্নেহ করিতে

পশ্চাৎপদ হয় নাই, সে বাহিরের স্নেহ নহে, পবিত্র স্নেহ; সে বিনো-  
দিনীকে কটু বলে নাই, অবজ্ঞা করে নাই, দেবীর স্তায় সেই কলঙ্কিতাকে  
বক্ষে ধারণ করিয়াছে, তাহার অশ্রু মুছাইয়াছে! তার উপর তাহার  
চিত্তবিনোদনের জন্ত স্বয়ং উত্তোগ করিয়া স্বামীর গৃহে তাহাকে দিয়া  
আসিয়াছে, স্বামীর আপত্তি এমন করিয়া খণ্ডন করিয়াছে যে, পড়িলে  
চোঁকে জল আইসে! আন্তরিক ভাবে প্রফুল্লতার সহিত এই স্বার্থ ত্যাগ  
করা কতদূর কঠিন, কতদূর মনের বলের পরিচায়ক, তাহা রমণীগণ আমা  
অপেক্ষা অনেক বেশী বুঝিতে পারেন। বিনোদিনীর গর্ভে স্বামীর ঔরস-  
জাত সন্তান, সেই বিনোদকে উমা দেখিতে পারে? কখনও নহে;  
সে জন্ত সে সমাজ-নির্ধাতনও সহিতে প্রস্তুত? ছোঁষ্ঠ পুত্র বিনোদের  
বিক্রমে বলিতে গেলে, উমা তার মুখ চাপিয়া ধরে, “ছি! সে তোমার  
মাসী মা!” পরলোকগামিনী বিনোদের অবস্থার উমার কি কষ্ট! কি  
শ্রম! আবার এদিকে স্বামীর প্রতি কি গভীর প্রেম, কি ভালবাসা,  
কি দৃষ্টি!

এই সব গুণেই উমা রমণীর আদর্শস্থানীয়া, পতিব্রতাগণের মধ্যে  
আসন পাইবার যোগ্যা; স্বামীতে সে মিশিয়া গিয়াছে, পৃথক অভিমান,  
দেব, হিংসার অস্তিত্ব সে ছদ্মবেশে নাই।

এই জন্তই উমাকে আমাদের এত ভাল লাগিয়াছে। যোগেশ্বর উমার  
স্তায় সতীর গুণেই উদ্ধার পাইয়াছেন, একথা বাহ্যিক!

যোগেশ্বরের স্তায় গৃহিনীর কার্যকুশলতার অভাবে সংসারে কিরূপে  
পাপ প্রবেশ করে, তাহা সুন্দর পরিস্ফুট! গ্রন্থকার একথা বিশদরূপে  
বুঝাইয়াছেন, যে তাঁহার গৃহিনীপনার যোগ্যতা থাকিলে এরূপ হইতে  
পারিত না; আমরাও তাঁহার সে দোষ ভুলিতে পারি না। তিনি ধর-  
দৃষ্টি রাখিলে, চারিদিক দেখিয়া শুনিয়া কাজ করিলে এরূপ ঘটত না  
তাহা নিশ্চয়; তবে তিনি কোন দিন গৃহিনীপনা করেন নাই, ঈশ্বর  
সে স্বেয়োগ তাঁহাকে দেন নাই, সুতরাং তিনি সে সবে দক্ষ হইতে  
পারেন নাই; ছেলে কি করিতেছে, তাহা বড় খোঁজ করেন নাই, কিন্তু  
তাঁহার ধর্ম্মানুরাগের প্রমাণ আমরা পাইয়াছি। পুত্রের দোষ দেখিয়া সে  
পাপসংসারে তিনি একদণ্ডও থাকেন নাই, পুত্রের সে দোষ গোপনের  
চেষ্টা করেন নাই, এমন সাধের, আদরের পুত্র ও পৌত্র অনায়াসে ত্যাগ

করিয়া তিনি কাশী চলিয়া গিয়াছেন, এবং পুত্রবধুকেই উপযুক্ত পাত্রী জানিয়া তাহাকে মাইতে পত্র দিয়াছেন। এটা অবশ্য তাঁর প্রশংসার বিষয়; কিন্তু তথাপি তিনি রমণী, তাঁর এসব দিকে একটু লাবধানতা আমরা খুব প্রত্যাশা করিয়াছিলাম, কিন্তু তাহা না পাইয়া হুঃখিত হইয়াছি।

পুস্তকের শেষভাগে যে সব উপদেশগুলি যোগেশ্বরের স্বপ্ন ও পিতা যোগেশ্বরকে দিয়াছেন, সেগুলি পাঠকবর্গের বিশেষ প্রাধিকানযোগ্য। তাহাতে অনেক উচ্চ অঙ্কের ধর্মতত্ত্ব এবং দার্শনিক সত্যের আলোচনা আছে।

উমা একাধারে প্রকৃত ও আদর্শ (real and ideal) উপভাস; যোগেশ্বর! বিনোদিনী প্রকৃতি প্রকৃত জ্ঞান মহামহিমাময়ী 'উমা' সকলের মধ্যে আদর্শস্থলে দাঁড়াইয়া স্বীয় চরিত্রপ্রভার দিগ্ভ্রম আলোকিত করিতেছে!

তাঁহার চরিত্রের আদর্শে, মাধুর্য্যে হৃদয় মুগ্ধ হয়, প্রাণ পুলকিত হয়। পাঠক-পাঠিকাগণ পুস্তকখানি কিনিয়া-পাঠ করুন, স্বীয় স্বীয় প্রিয়জনকে পাঠ করিতে দিন এবং ইহা হইতে শিক্ষালাভ করিয়া সমাজ উন্নত করিতে চেষ্টা করুন; ইহা পাঠে অনেক স্বকর্তব্য অবহেলার কথা মনে হইবে, ইহাতে পাণ্ডুর চিত্র আছে, কিন্তু তাহার সহিত লেখকের হৃদয়ের বেহনা, কাতরতা, অশ্রু এবং উপদেশজড়িত—সে চিত্রে হৃদয় প্রলুব্ধ হয় না, হৃদয় সংস্কৃত হয়—ইহাতে পুণ্যের আদর্শ আছে, তাহাতে হৃদয় ভক্তিভাষ্যাক্রান্ত হয়; ইহা পাঠে কচি বিকৃত হইবে না, সংস্কৃত হইবে, মন উন্নত হইবে; রমণীগণ হিন্দুনারীর পতিব্রতার উচ্চ আদর্শ, তাঁহার ক্ষমতা এবং ভেজ দেখিতে পাইয়া তাহা লাভ করিবার জন্ত চেষ্টা হইবেন।

তাই বলি, এ গ্রন্থ আমাদের রমণীগণের হস্তে দিবার সম্পূর্ণ উপযুক্ত, পুরুষের পাঠেরও সম্পূর্ণ উপযোগী; ইহাতে কুরুচি নাই, হৃদয় অবনতকারী কোন চিত্র নাই! এ পুস্তকের যদি আদর না হয়, এ আদর্শ যদি মনোনীত না হয়, তবে জানিব, হিন্দু-সাহিত্য অধঃপতিত হইয়াছে, হিন্দু-সমাজ প্রকৃত লক্ষ্য হইতে চ্যুত হইয়া বহুদূরে পড়িয়াছে।

আমি প্রার্থনা করি, গৃহে গৃহে উমার জ্ঞান পতিব্রতা শোভিতা হইয়া সংসার শান্তিময় করুক, এইরূপে পতিতগণের উদ্ধার সাধন করুক, তাহাদিগকে স্বর্গের পথে লইয়া ফাউক।

পাঁচকড়ি বাবু, বিজ্ঞান, বুদ্ধিতে, বিজ্ঞতায়, বয়সে, সর্ববিষয়েই আমার অপেক্ষা সহস্রগুণে শ্রেষ্ঠ, তিনি আমার প্রণয়, বিশেষ ভক্তির পাত্র!



ঠাহাকে আর কি বলিব ! এই নবীন গ্রন্থকাররূপে তিনি যে প্রতি-  
তার পরিচয় দিয়াছেন, তাহার জ্যোতিতে জনগণ মুগ্ধ হউক, যে আদর্শ  
নিজে একদিন দেখিয়া মুগ্ধ হইয়াছিলেন, এবং যাহার ছায়ায় উমার  
গৌরবের চরিত্র ফুটিয়া উঠিয়াছে, সেই আদর্শের বিকাশ নিজ পরিবারে  
দেখিয়া তিনি সুখ ও শান্তি লাভ করুন, আর গৃহে গৃহে এই আদর্শ  
স্বর্গীয়া দেবীগণের রূপায় প্রতিফলিত হইয়া সংসারকে স্বর্গের সিংহাসনের  
দিকে লইয়া যাউক !

পাঁচকড়ি বাবুর লেখনী হইতে যেন সুর তরঙ্গিনীর অনাবিল পুতঃস্মৃত-  
ধারা পরিপুষ্ট, এইরূপ উচ্চ আদর্শ আরও প্রসূত হইয়া সাহিত্যের ও  
সমাজের মহত্বপূর্ণ সাধন করে !

শ্রীযত্ননাথ চক্রবর্তী ।

শ্রীমুক্ত রাজা রাজেন্দ্রনারায়ণ রায় বাহাদুরের মৃত্যু উপলক্ষে  
হৃদয়োচ্ছ্বাস—শোক ।

একি একি একি গুনিছ আজ ।  
নাহি এ জগতে ভায়াল রাজ ॥  
এই কি কিধির বিহিত বিধি ।  
হারায় অকালে অমূল্যনিধি ॥  
এই কি বিধাতা তোমার কাজ ।  
অকালে কপালে হানিলে কাজ ॥  
অঁধারি-আকাশ অঁধারি পুরী ।  
রাজেন্দ্র-মাণিক করিলে চুরি ।  
বঙ্গ-গগনের গৌরব-রবি ।  
সাহিত্য-কমল-কানন-কবি ॥  
জগত জুড়িয়া সুবশ ধীর ।  
হেরিব না তাঁরে জগতে আর ॥  
হেরিব না তাঁর সহাস মুখ ।  
স্মরিতে এ কথা বিদরে বুক ॥

গুনিব না তাঁর মধুর ভাব ।  
হেরিব না তাঁর মধুর হাস ॥  
উদার স্বভাব মধুর ভাব ।  
উদার হৃদয় মধুর হাব ॥  
মধুর মুরতি সুষমা সার ।  
হেরিব না কহু জগতে আর ॥  
তাজিয়া তনয়া-তনয়-মায়ী ।  
জরতী জননী যুবতী জায়ী ॥  
যত্ন-সুলালিত ললিত কায়া ।  
রাজ-সমাদৃত রাজত্ব-পায়ী ॥  
আত্মীয় স্বজন সুহৃদগণ ।  
পরম-আত্মীয় 'বান্ধব-জন' ॥  
গেলেন চলিয়া সকলি ছাড়ি ।  
দেহ হ'তে প্রাণ লইয়া কাড়ি ॥

অতুল বৈভব অতুল ধন ।  
 রম্য উপবন সুরম্য বন ॥  
 সুরম্য প্রাসাদ সুরম্য বাড়ী ।  
 হাতী ঘোড়া গাড়ী সুরম্য যুড়ী ॥  
 ত্যজিয়া এ সব জানি অসার ।  
 গেলেন চলিয়া ছাড়ি সংসার ॥  
 জননী ধরণী আশ্বীষজন ।  
 শোকে অচেতন ব্যাকুল মন ॥  
 বালক-বালিকা জননী সনে ।  
 আছাড়-কাছাড় খেতেছে ক্ষণে ॥  
 রাজা প্রজা বন্ধু-বান্ধবজন ।  
 না কাঁদে না হেরি এ হেন জন ॥  
 জানি এ জগতে কেহ না রবে ।  
 সকলেরি ক্রমে যাইতে হবে ॥  
 কিন্তু যিনি বহু জনের পতি ।  
 অকারণ তাঁহার কেন এ গতি ॥  
 শত শত লোক জগতে আছে ।  
 যাতনা-অস্থির মরিলে বাঁচে ॥

তাদেরে ফেলিয়া হে কাল আজ ।  
 কেমনে এমন করিলে কাজ ॥  
 কিছু কি তোমার মা হ'ল দয়া ।  
 কিছু কি হৃদয়ে নাহিক মায়্যা ॥  
 যাহোক করিলে বাহা কিরিলে না আর  
 দীর্ঘজীবী করি রাখ রাজপরিবার ॥  
 সুকবি বিদ্বান বাগ্মী অমাত্য-প্রধান ।  
 জগত জুড়িয়া যার যশের বাধান ॥  
 যার গুণে বিমোহিত সাহিত্য-সংসার  
 বিষ্ণুর সাগর যিনি বুদ্ধির আগার ॥  
 যিনি কাজে রাজা, রাজা উপাধিতে রাজা  
 যার সুরমায়েনে সুখে আছে যত প্রজা ॥  
 কালীর প্রসাদে যার নাম অমুরূপ ।  
 যার গুণে অমুরীক্ট ছিল মৃত ভূপ ॥  
 শ্রীকালীপ্রসন্ন বোক-যাহার আখ্যান ।  
 যার বাহাদুর যার উপাধি-সন্মান ॥  
 তাঁরে দীর্ঘজীবী করি, রাজপরিবার ।  
 রাখ সুখে সদা এই প্রার্থনা আমার ॥

শ্রীকৃষ্ণগোপাল ভক্ত ।

## কবিকেশরী ।

শ্রীযুক্ত রবীন্দ্রনাথ ঠাকুরের জীবনের এক পরিচ্ছেদ ।

( পূর্ব প্রকাশিতের পর । )

এই বৎসর শ্রীমন্নর্ষি দেবেন্দ্রনাথ ঠাকুরের এষ্টেটে তাঁহার সুসংহত  
 ব্রাহ্মবিধান মতে পূণ্যাহের কার্য প্রথম আরম্ভ হয় । রবীন্দ্রনাথ তাঁহাদের  
 জমিদারী নদীয়ার অন্তর্গত বিরাহিমপুর পরগণায় স্বয়ং উপস্থিত থাকিয়া  
 অতি সমারোহের সহিত শুভ পূণ্যাহ সম্পন্ন করিয়াছিলেন । ২৩শে আষাঢ়  
 এই শুভ পূণ্যাহ কার্য সম্পন্ন হয় । সুপ্রসিদ্ধ রামায়ণ অধিবাদক এবং “তত্ত্ব-

বোধিনী" পত্রিকার বর্তমান সহকারী সম্পাদক,—শ্রীমুক্ত পণ্ডিত হেমচন্দ্র বিদ্যারত্ন মহাশয় শুভ পুণ্যাহ আচার্যের কার্য্য করিয়াছিলেন ।

আচার্যের কৰ্ম সমাধান হইলে বিদ্যারত্ন মহাশয় কিছু অস্থস্থ হইয়া পড়িলেন । পীড়া সহ্য বৃদ্ধি পাইতে লাগিল । ফলতঃ পীড়ার তীব্র বজ্রধার বিদ্যারত্ন মহাশয় জীবনের আশা ত্যাগ করিয়াছিলেন । তাঁহার অন্তিম মশা উপস্থিত হইয়াছিল । অন্তিমকাল ব্রাহ্মণের অতি প্রিয় পুঁথি-গুলির কথা স্মরণ হইল । তিনি অতি কষ্টে বলিলেন, "রবি দাদা ! আমি তো চলিলাম, আমার সকলই তোমরা জান । তবে আমার একটি প্রার্থনা এই যে, আমার কতকগুলি প্রাচীন পুঁথি ও পুস্তক আছে ; সেইগুলি যাহাতে আমার ছাত্র ও পুত্রপ্রতিমের হস্তগত হয়, তাহার ব্যবস্থা করিও ।"

এই কথা বলিলে বলিতে বিদ্যারত্ন মহাশয় অজ্ঞান হইয়া পড়িলেন । রবীন্দ্রনাথ ভাল ডাক্তার-বৈজ্ঞানিক দেশে তাঁহাকে লইয়া বিদায় বিক্রম হইয়া পড়িলেন । ব্রাহ্মণের কন্তু তাঁহার কিছু অর্ধৈর্ধ্য দেখা গেল । নিজের প্রাণাধিক পুস্তকের কি পরিবারস্থ অল্প কাহারো ব্যারাম হইলে, তিনি বিচলিত হইবেন না । সে সময় তাঁহার ধীর ও শান্ত প্রকৃতি অতুলনীয় । কিন্তু অপর কোন আশ্রিত ব্যক্তির পীড়া হইলে তাহার অস্থিরতা লক্ষণ প্রকাশ পায় । উক্ত ও অধ্যবসায় রবীন্দ্রনাথ হোমিওপ্যাথি চিকিৎসা-শাস্ত্রে বিশেষ পারদর্শিতা লাভ করিয়াছেন । তিনি সমস্ত রাত্রি ধরিয়া ক্ষুধা তৃষ্ণা ভুলিয়া আমত্যা থাকিয়া মনে প্রাণে বিদ্যারত্ন মহাশয়ের সেবাশুশ্রূষা ও চিকিৎসা করিতে লাগিলেন । এবং ভাল ডাক্তার আনিবার জন্ত কুমার-খালিতে লোক পাঠাইলেন । কিন্তু রবীন্দ্রনাথের চিকিৎসাপ্রণে বিদ্যারত্নের ক্রমশঃ রোগের উপশম হইতে লাগিল । শেষে তিনি রোগমুক্ত হইলেন । বিদ্যারত্ন মহাশয় বলেন, "রবি দাদার অসামান্ত গুণপণা সন্দর্শন করিয়া আমি বিশ্বাস্যপন্ন হইয়াছি । তিনি চাকর-মুনিব-সম্পর্ক ভুলিয়া আমার যেরূপ সেবা শুশ্রূষা ও চিকিৎসা করিয়াছিলেন, তাহী বর্ণনাভীত । অধিক কি, রবিদাদা সেরূপ যত্ন ও পরিশ্রম না করিলে, বুকের হাড় কক্ষথানা পড়াতেই রাখিয়া আসিতে হইত । রবিদাদা আমাকে ঘরের দক্ষিণ দ্বার হইতে ছিরাইয়া আনিয়াছেন ।" রবীন্দ্রনাথের এই মহত্ব তাঁহার জ্ঞান বড় লোকের পক্ষে অসম্ভারণ, আমরা দেখিয়াছি, তিনি সামান্ত ভৃত্যটিরও যে কোন পীড়া হউক না কেন, স্বয়ং তাহার চিকিৎসা সেবা শুশ্রূষার রীতিমত বন্দোবস্ত

করিয়া থাকেন। বতঃসিন্দ মঃ রোসী স্কুল ও বার্কোল্ড হই, তত দিন পর্যন্ত তাহার চিকিৎসা ও সেবা শুশ্রূষাদির ক্রটি লক্ষিত হয় না। রবীন্দ্রনাথ যে সকল অলোক সাধারণ সঙ্গুণ লইয়া জন্মগ্রহণ করিয়াছেন, তাহাতে এ মহতঃ উহাতেই সম্ভবে। প্রতি পাদবিক্ষেপে তাহার অনন্তসাধারণ মহতঃ যেন আপনি বিকাশিত হয়।

লরেন্সের জন্মোৎসব—লরেন্সের নাম শুনিয়া পাঠকগণ চমকিত হইবেন না। ইনি চন্দ্রশেখরের Lawrence Foster বা শৈবলিনী সুরকে ধর্মের প্রণয়তিথারী ফষ্টার নহেন—অথবা রবীন্দ্রনাথের স্বকপোলকল্পিত কুওলাজিক্যাল গার্ডেনের উপযুক্ত কোন প্রকার কিস্কৃত-কিমাকার জীব নহেন। ইনি রবীন্দ্রনাথের পুত্র শ্রীমাম্ রথীন্দ্রনাথের গৃহশিক্ষক। ইনি এখনো মশরীয়ে-বর্তমান। বয়স কিঞ্চিৎ উর্দ্ধ পঞ্চাশৎ বর্ষ। সাহেবপুত্রব বড় সরল,—কর্তব্যনিষ্ঠ এবং মিষ্টভাষী। সাহেবের কোম কোন দোষ থাকিলেও তাহার কর্তৃকমিটার গুণে রবীন্দ্রনাথ তাহার সকল অপরাধ কমা করেন; অধিকন্তু তাহার সকল আকার রক্ষা করিয়া থাকেন। এই বৎসর ২৯শে শনিবার সাহেবের জন্মোৎসব পর্ক সমারোহে সম্পন্ন হইয়াছিল। সাহেব রবীন্দ্রনাথের নিতাই আকার জ্ঞাপন করিলেন যে, ~~যে মিতঃ ঠাঁকুর~~, আজ আমার জন্ম দিন; আজ আমাকে ছুটি দিতে হইবে। আমার পিতা মাতা থাকিলে আমার জন্মোৎসব করিত। সাহেবের আকার হৃদয়বানের হৃদয়ে বড় লাগিয়াছিল। তিনি বিশেষ আয়োজন করিয়া সাহেবের জন্মোৎসব পর্ক সমারোহে সম্পন্ন করিয়াছিলেন। রবীন্দ্রনাথ স্থানীয় স্কুলের ছাত্রদিগকে নিমন্ত্রণ করিয়া আনিলেন। শিলাইদহ বাস ভবনের সম্মুখের ময়দান, বালকদিগের খেলিবার স্থান নির্দিষ্ট ছিল। সাহেব বালকদিগকে সেই নির্দিষ্ট স্থানে লইয়া তাহাদের দেশের মানাপ্রকার খেলা দেখাইলেন, Huddle Race, Long run, Long jump, High jump. প্রভৃতি নানা-প্রকার খেলা হইয়াছিল। এই সকল ক্রীড়াতে যাহারা ১ম, ২য় ও ৩য় হইয়াছিল—সেই সকল বালকদিগকে রবীন্দ্রনাথ নানা-প্রকার পুস্তক, দোয়াত, ছুরী, ছবির বহি ইত্যাদি পুরস্কার দিয়া উৎসাহিত করিয়াছিলেন। এবং পরিশেষে সকল বালকদিগকে প্রচুর পরিমাণে সন্দেশ ভোজন করাইয়া সম্যক প্রকারে বালকদিগের আনন্দবর্ধন করিয়াছিলেন।

শ্রীধ্বজেন্দ্রনাথ বসু।



## বাকলা ভাষার লেখক।

( পূর্ব প্রকাশিতের পর। )

দেব-দিক্কে ভক্তির স্তার, ইহাদের গুরুভক্তিও অচলা। গুরুবল,— ইহাদের পরম বল। এই গুরুভক্তি-বলেই ইহাদের পূর্বপুরুষগণ—অতি মন্থিন অবস্থা হইতে বিপুল বিত্তের অধিকারী হইয়াছিলেন। গুরুদত্ত অতি সামান্ত টাকা অবলম্বন করিয়া,—ইহারা ভক্তি, বিশ্বাস ও বুদ্ধিবলে জমিদারী অবধি করিয়া যান। মুর্শিদাবাদ জেলার অন্তর্গত শক্তিপুর পোষ্টের অধীন মণিকাহারের “ঠাকুর”-বংশ আমাদের গুরুবংশ। মদীয় গুরুদেবের নাম শ্রীল শ্রীযুক্ত কংসারিলাল ঠাকুর। পরম সৌভাগ্যের বিষয় এই যে, গুরুদেবদিগের রূপাদৃষ্টি ও সদয় ব্যবহার,—আমাদের প্রতি আজিও সমভাবেই আছে। আমাদের স্বর্গীয় পিতামহ ও প্রপিতামহ,—নিত্যানন্দ ও বৈষ্ণবচরণ,—পূর্বপুরুষগণের সেই জমিদারীর আয় আরও বাড়াইয়া ছিলেন। বিশেষ স্বর্গীয় ঠাকুরদাদা মহাশয়ের ধর্মবলের সহিত বুদ্ধিবল অসাধারণ ছিল। পিতামহও এ বিষয়ে কম ছিলেন না; তবে পুত্রের নিকট তাঁহাকে হারি মানিতে হইত বটে। ইহাদেরও ধর্মবিশ্বাস সম্বন্ধে অনেক কিংবদন্তী আছে। প্রতিবাসীগণ অভূক্ত থাকিতে ইহারা জল-গ্রহণও করিতেন না।

মদীয় প্রপিতামহের এক সহোদর ছিলেন; তাঁহার নাম গোরাচাঁদ রক্ষিত। তিনি আমরণ ব্রহ্মচর্য্যব্রত পালন করিয়াছিলেন। তাঁহার ঈশ্বর-ভক্তি অতি আশ্চর্য্যরূপ ছিল। স্বপ্নে একদিন তিনি দর্শন করেন যে, শ্রীবৃন্দাবনের অমুক কুঞ্জে এক রাধিকামূর্তি আছেন,—সেই রাধিকার সহিত আমাদের পৈতৃক রাসধারী ঠাকুরের বিবাহ দিতে হইবে।—ঠাকুর বেন স্বপ্নে তাহাকে এইরূপ প্রত্যাদেশ করেন। ভগদ্বক্ত গোরাচাঁদ অবিলম্বে বৃন্দাবন-যাত্রা করিলেন, এবং নির্দিষ্ট কুঞ্জে উপস্থিত হইয়া, সেই কুঞ্জের অধিকারী “ব্রজবাসীকে” আপন অভিপ্রায় জ্ঞাপন করিলেন। তৎপরে বহুদূরে সেই রাধিকামূর্তি দেশে আনিয়া, মহা সমারোহে পৈতৃক দেবতা রাসধারী ঠাকুরের সহিত বিবাহ দিলেন। আজিও আমাদের বাটীতে সেই রাধিকামূর্তি আছেন, এবং আজিও পূর্বপ্রথা অনুসারে তিনিই রাসধারী ঠাকুরের বাসে বিরাজ করেন, আর পূর্ব রাধিকা ঠাকুরের

দক্ষিণে শোভা পান। তাই বলিয়াছি, আমাদের পূর্বপুরুষগণ সকলেই পরম ধার্মিক ও ভগবত্তক্ত ছিলেন;—হুর্ভাগা আমরা,—তঁাহাদের সেই ~~উৎ~~ আদর্শ গ্রহণ করিতে সক্ষম হই নাই।

লোকের পিতৃদায়, মাতৃদায়, কন্যাদায়,—সকল দায়েই আমাদের পিতৃ-পুরুষগণ মুক্তহস্ত ছিলেন। বারো মাসে তেরো পার্শ্বগণ—স্বৎসরে শ্রদ্ধা-সহকারে, অন্ততঃ সর্বপ্রকারে পঞ্চাশবার ত্রাঙ্কণ-ভোজন ইহঁারা করাইতেন। ইদানী অবস্থা অতিমলিন হওয়ায়,—দোল-হুর্গোৎসবাদি সকলই বন্ধ হইয়া যাওয়ায়,—মদীয় পিতৃদেব ও জ্যেষ্ঠতাত মহাশয় একরূপ জীবন্ত অবস্থায় ছিলেন।—তঁাহাদের ইহলোকের কর্মভোগ কুরাইয়াছিল; তাই যথাদিনে তঁাহারা সাধনোচিত পুণ্যলোকে চলিয়া গিয়াছেন।

২৪ পরগণার অন্তর্গত গোকুলনগর, গরাণকাটা, রাণাঘাট, ঘাড়ী প্রভৃতি স্থানে আমাদের মহাল ও চক ছিল;—তাহা সকলই এখন পরহস্তগত হইয়াছে। মদীয় পিতামহ মহাশয়,—আমাদের দেশস্থ সমস্ত কায়স্থসমাজ একত্র করিয়া তিনবার “একজাই” করিয়াছিলেন। ৭২ ঘরের মৌলিক কায়স্থ হইলেও, প্রতিপত্তি ও সম্ভবলে, অনেক মুখ্য কুলীনের সহিত আমাদের বংশের করণকারণ চলিয়া আসিতেছে। জয়নগরের মিত্র জমিদারগণ আমাদের মাতুলবংশীয়। মদীয় মাতামহের নাম ঈশ্বর পার্শ্বতী-চরণ মিত্র। মাতুল মহাশয়দ্বয়ের নাম শ্রীযুক্ত অবিলাসচন্দ্র মিত্র ও শ্রীযুক্ত সুরেশচন্দ্র মিত্র। উপস্থিত আমরা তিন সহোদর; আমাদের অগ্রজের নাম শ্রীযুক্ত যোগেন্দ্রনাথ রক্ষিত। গ্রন্থকার ও লেখক না হইলেও, অগ্রজ মহাশয় সাহিত্যমোদী ও কাব্যাহুরাগী; সদাশয়, সচ্চরিত্র ও শাস্তসভাব। হুর্ভাগ্যবশতঃ, আমাদের সর্বজ্যেষ্ঠ ভ্রাতা, উদারচেতা মহেন্দ্রনাথ রক্ষিত ও আমাদের সর্বকনিষ্ঠ সহোদর প্রাণাধিক পূর্ণচন্দ্র এবং জাস্তুতো তাই,—কীর্তিমান্ উপেন্দ্রনাথ রক্ষিত অকালে আমাদের কাঁদাইয়া গিয়াছেন।

এই আমাদের সংক্ষিপ্ত বংশপরিচয়। এই বংশেই শ্রীমান্ বিপিন-বিহারীর জন্ম। তিনি অনেকাংশে পৈতৃকগুণ পাইয়াছেন;—সচ্চরিত্র, উন্নতমনা, পরদুঃখকাতর ও পরোপকারী বলিয়া, বিপিনবিহারী, অনেকেই স্নেহ এবং ভালবাসা পান। বিপিনবিহারীর ছই পুত্র,—শ্রীমান্ বিকাশচন্দ্র ও শ্রীমান্ প্রভাসচন্দ্র। আশীর্বাদ করি, প্রাণাধিক বাবাজীউদয় দীর্ঘজীবী হইয়া, ধর্ম ও মহুধ্যম অর্জনপূর্বক, কালে আমাদের বংশোদ্ধার করিবেন।

এই জন্মভূমিতে, বিপিনবিহারীর বাঙ্গালা লেখার একরূপ হাতে খড়ি হয়। আমিই তাহাকে বিশেষ উৎসাহ দিয়া, বহুযত্নে বাঙ্গালা সাহিত্যের আসরে নামাইয়াছি। প্রতিভার কি আশ্চর্য্য শক্তি!—জন্মভূমিতে এক প্রবন্ধ লিখিয়াই—বিপিনবিহারী সর্বত্র সুপরিচিত হন। এক বাণভট্ট-রচিত সংস্কৃত কাবচরী গ্রন্থোক্ত মহাশেতা চিত্রের অবতারণা করিয়াই,—সুকবি বিপিনবিহারী শিক্ষিত সম্প্রদায়ের মনোযোগ আকর্ষণ করিলেন। তখন কেহ কেহ আমাকেই সেই অপূর্ণ সমালোচনপূর্ণ প্রবন্ধের লেখক স্থির করিয়াছিলেন। সমধিক প্রশংসার বিষয় হইলেও সে প্রশংসার অধিকারী আমি নাহি—আমার কনিষ্ঠ সহোদর—সুকবি শ্রীমান্ বিপিনবিহারী লিখিয়াছেন অল্প; কিন্তু যাহা লিখিয়াছেন, তাহাই সারবান, চিন্তাপূর্ণ ও সাহিত্যের পুষ্টিকারক।

জন্মভূমিতে প্রকাশিত “মহাশেতা”, “চিত্রদর্শন”, “ছায়া”, “শেখের পরীক্ষা”, “মলিনা”, “আক্ষেপ”, “সমর্পণ”, “বিকাশ”, রাজা ও রানী”, “উদ্বোধন” প্রভৃতি বহু গল্প গল্প প্রবন্ধ এবং সমালোচনা,—শ্রীমান্ বিপিনবিহারীর অপূর্ণ লিপি-কুশলতার উজ্জ্বল নিদর্শন। তাঁহার লিখন-ভঙ্গিমা, তাঁহার সদ্যুক্তি এবং তাঁহার চিন্তা ও ভাব-সমাবেশ,—অতি অপূর্ণ। তাঁহার ভাষা এত মিষ্ট ও কোমল যে, পড়িতে পড়িতে প্রাণ গলিয়া যায়। ফলতঃ একরূপ কবিতাময়ী ভাষা এবং গভীর চিন্তা ও সুভাবপূর্ণ লিপি-কুশলতা,—বাঙ্গালা সাহিত্যে অতিঅল্পই পরিদৃষ্ট হয়। বিপিনবিহারীর লেখা, যে পড়িয়াছে, সেই মুগ্ধ হইয়াছে। নব্যভারতে প্রকাশিত তাঁহার রচিত, “বর্ষার বিরহগাথা” শীর্ষক,—মেঘ-দূতের সমালোচনা এবং “সঞ্জীবনী” ও “আরতি” শীর্ষক কবিতাবহু ও অনুসন্ধান “ঘোমটা” নামে প্রবন্ধ,—তাঁহার কবি-প্রতিভার উজ্জ্বল নিদর্শন। এখন, সাহিত্যের বাজারে কেহ কাহাকে মানে না; কেহ কাহাকে সহজে উচ্চাসন দিতে চাহে না; তাই বিপিনবিহারীর তেমন আদর ও সম্মান হয় নাই; কিন্তু উত্তর-কালে যিনি নিরপেক্ষভাবে সাহিত্যের ইতিহাস লিখিবেন, আশা আছে, এই অপূর্ণ মৌলিক প্রতিভা সম্যক্রূপে হৃদয়ঙ্গম করিবেন, এবং সাহিত্যে বিপিনবিহারীর অদ্ভুত শক্তির কথা, মুক্তকণ্ঠে ঘোষণা করিবেন।

